

**D. Lud Gottfr. Kleinii ... Interpres clinicus sive de morborum indole etc.,
exitu in sanitatem, metaschematisino, successionibus, eventufunesto,
dijudicationes, præsagitiones medicæ, pagellæ in memoriæ subsidium,
medicis junioribus ad infirmosingressuris, fideliter communicatæ /
Comitatur opusculum præfatio perillustris L.B. Alberti de Haller.**

Contributors

Klein, Ludwig Gottfried, 1716-1756
Haller, L. B. Alberti de.

Publication/Creation

Amstelodami : Sumptibus Fratrum De Tournes, 1769.

Persistent URL

<https://wellcomecollection.org/works/czyxuczf>


License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>








31323/A

14





56150

D. LUD GOTTFR. KLEINII
CONSIL. MEDIC. AC PHYS.
ERBACENS.

INTERPRES CLINICUS

SIVE

DE MORBORUM INDOLE,
exitu in sanitatem, Metaschemati-
tismo, successionibus, eventu funesto,
dijudicationes, præsagitiones Medi-
cæ, pagellæ in memoriæ subsidium,
Medicis Junioribus ad Infirmos ingre-
suris, fideliter communicatæ.

COMITATUR OPUSCULUM
P R A E F A T I O

PERILLUSTRIS
L. B. ALBERTI DE HALLER,

M. Britann. Reg. Elect. Brunsv. Consil. Aul. &
Archiatr. Reliq.



AMSTELODAMI,
Sumptibus FRATRUM DE TOURNES.

M. DCC. LXIX.



HIPP. 6. epid.


Natura invenit sibi ipsi vias, non ex cogitatione,
inerudita existens, facit quæ expediunt.

BAGL.

Sæpius natura novum opus exorditur, ubi cona
nostri desiere.

SPON.

Vias Medicis invias reperit autodidactos natura.



LECTORI SALUTEM

A. DE HALLER.

DESTINAVERAM longiori Epistolâ commendatione operis KLEINIANI. Neque deerant, quæ in laudem instituti ejusmodi, aut ad historiam simillium librorum dici possint. Verum rerum mearum ratio, eo ipso tempore, quo oportuisset hoc defungi officio, avocavit me in patriam, in quâ non labores adeo, sed omni labore magis dispendiosa otii salutatio veterum amicorum & cognatorum,

IV PRÆFATIO HALLERI.

rei publicæ denique solemnia negotia me ab omni spe serii laboris avulserunt.

Et erat tamen standum promissis, quorum hactenùs tenax fui neque unquam dedidici promissiores illos DOSONIS discipulos, qui crudeli facilitate, amicos sopiunt, efficiuntque ne certioribus auxiliis res suas expediant, donec occupati à calendis cum rubore suo cogantur solvere se religione datæ fidei.

Ne in idem, quod hic accusoytium prior incidam, maturè causas negligentiae meæ indicare festino, quæ sunt ejusmodi, ut nullâ meâ certè diligentia superari potuerint. Neque ideo deero officio illaudatumque dimittam

PRÆFATIO HALLERI. v


libellum, qui in suâ brevitate magna rerum momenta continet.

Usus est Cl. KLEINIUS & antiquis & novis Scriptoribus ab ipso retrò Galeno & Hippocrate ad novissimos nostros Medicos, VVERLHOFIUM Archiatrum, Collegasque nostros. Decerpit de eâ varietate Auctorum ea brevia effata, quæ historiam signaque morborum & præsagia tradunt, monenturque Clinici, quibus cum phænomenis aut in tuto res ægri sint, aut maligno loco positæ. Ipsa medicritas molis facit, ut ad manus esse curantis Medici, atque ab eo, etiam in re ipsâ versante consuli queat. Multa enim in plenioribus operibus, ad historiam,

VI PRÆFATIO HALLERI.

eruditioñem, litigiosa placita,
hypotheses ornandas singulares
casus pertinent, quibus facile
caret oporosus in curando Medi-
cus. Noster autem Auctor ea ferè
selegit, quæ ad modum aphoris-
morum **HIPPOCRATICO-**
RUM corollaria ex numerosissi-
eventibus concorditer deducit
continent, in eo ad opus suum
aptior, quod ipse in ægris sa-
nandis occupatus seria à doctis
discernere didicit.

Lætus ergò atque confidens li-
bellum commendo, tironibus qui
dem Clinicis imprimis scriptum
non tamen inutilem etiam pro-
vectioribus, & qui totus absque
cortice nucleus est. Bernæ Hel-
vetiorum, die 25 April. 1753.



LECTURO S. P. AUCTOR.



XCELLENTIAM,
auctoritatem, exis-
timationem, admi-
rationem divinæ vix aliud
quidquam magis splendi-
dam, illustrem atque mo-
mentosam fœnerat Medicinae
Prognostica. 1509.101 Enim
tanquam, hancce doctrinam
noviter callentes Medici pro-

gnoscunt, prævident, prædicunt futura in ægrimoniiis. Quanti honoris laudisque deportavit fermè mirabilis Galenus, cum Eudemo Philosopho, Sexto idem Romano Senatori, aggressuræ febris genium, criseos specialis diem, & huic quoque insuper tempus exactum, quod certè admirabilitatem facit magnam, recursus, tandem plenariæ antediceret diem destinatam valetudinis? *Oea!*

Scholæ apud Coos, quæ floruit Medicæ, & ex quâ inspiratus quasi Vates fuit

Hippocrates , codices curia-
tiùs si revolvimus , tanquam
è tripode pronuntiatas legi-
mus de salute morteve ægro-
tantium prædictiones , de-
que longitudine , brevitate ,
indole , reditu morborum
divinationes. Negligitur ast ,
proh dolor ! aut vilihabetur
præcellens hæc pars à mul-
tis , nostrâ hâcce memoriâ ,
vel incuriæ vel ignorantiae
vitio occæcatis. Ab Ægro-
tantis ubi recedit. Medicus
lecto , assistentes curiosi mox
de morbi exitu præsagia ,
perindè ac certissima expos-
cunt , expectant oracula.
Acutus sagaxque si est Cli-

nicus , famæ fortunæque suæ felicissimè hinc consulit ; secùs , existimationis suæ incurrit periculum atque discrimen ; hic enim tanquam judex secundùm acta & probata de morbo sententiam dicat , ferat , desideratur . Perbenè itaque diligentissimus Observator , PROSPER ALPINUS in de præf. vit. & mort. ægrot. p. m. 3. effatur : Juvat quin etiam maximè Medicos : In morbis acutis exitialibusque , qui præcognitam futuram ægrotantium mortem ubi assidentibus prædixerint , mortis culpâ plane vacare

solent, ægrotosque, audito prognostico, non Medicorum culpâ, sed morborum vi interemptos, affidentes judicant. Quodsi anteà existium non prædixerint, ipsorum aut ignorantiae aut negligentiae mortem omnes adscribunt, interiisseque Medicorum causâ pro certo habent. Hactenùs ille. Ast haut opinandum semper & ubique sic verè perfectèque incidere, quæ divinata sunt. Considerentur individui idiosyncrasia, temperamentum, consuetudo, tempestas, regio, medicatio, regimen, aliaque momenta.

Ex multitudine casuum & observationum , vel à posteriori , ut aiunt , aut ut plurimum eveniente , nascitur , desumitur prædictio. Et conjecturæ manet circumspectæ , probabilitati , suum spatum ; quod cum Theologis atque J Ctis commune habent Medici. *εκ μεργς γαρ γινοσκομενες και εκ μεργς προφητευομεν.* Neque id evitare humana imbecillitas in tantâ varietate corporum potest ; conjecturæque ratio talis est , ut cum sæpiùs aliquandò responderit ; interdùm tamen fallat ; nec , si quid vix millesimo in corpore decipiat , id fidem

non habeat, cum per innumerabiles homines verum constiterit.

Nota sunt ex lectione studiosâ, ex observatione asperâ, indefessa fidelique atque rei facto prodiere, quæ habeo, dico, publico. Quatenus enim nobis denegetur diù vivere, relinquam aliquid, quo me vixisse nec *ἀπραντον* fuisse, taster. Ordinem servo alphabeticum uti exprimunt, quo indice caream. Morbos conjungo germanos, propinquos. Primoribus in locis adpono sparsim Auctores,

ipsissima eorundem plerumque dicens verba , mea intermiscens ; sicque , qui volui , compendiosus fio atque apertus. Paucula præpono generalia. Scribo , fide medicâ , probâque pietate , qui meliora habet , eodem det animo.

- - - *Si quid novisti rectius
istis ,*

*Candidus imperti : si non , his
utere mecum.*

Liberam profiteor Medicinam , nec ab antiquis sum

nec à novis, utrosque, ubi
veritatem colunt, sequor,
magnifico sæpiùs repetitam
experientiam.

B. L. ubi hæ placuerinè
pagellæ uni alterive, valdt
mihi gaudeo, gratulor, mas-
culèque laborabo, quo Nu-
mine Propitio Duce, olim
succedant Codicilli Practici
eorumque rationali, quoti-
dianæ Praxi superstructam
veritatem firmantia, non
trivialia Observata, per
Decades evulganda. Brevè
enim & efficax per exem-
pla iter est. Ceterùm vale,
B. L. me cupe, me utere

atque voluntatis Tuæ inclinatione in me propende, fautor. Scr. Erbaci in museo, Nonis April. 1753.



Generalia


GENERALIA QUÆDAM.

- 1.) **P**Auci morbi chronicī fūnt per consensūm.
- 2.) Libera transpiratio debilem facit corporis constitutionem, sed salubritate compensat. Difficilior contra, robustiorem naturam, sed ad morbos procli- viorem.
- 3.) Si color corporis aliis ex alio sequātur, longitudinem morbi significat.
- 4.) Ex hyponchondriis, respiratione, lingua, gingivis, oculis, unguibus, &c. fere primaria simul sumatur prædictio.
- 5.) Is habetur optimus ægroti decubitus, qui bēne valentium similis est.
- 6.) Symptomata junctim sumpta demum morbum declarant.
- 7.) Dandum aliquid regioni, ætati, temporī & consuetudini.
- 8.) Sunt quædam Proprietates hominum, sine quarum notitia non facile quidquam in futurum præfigiri potest.
- 9.) Si plenior aliquis & speciosior & coloratiōr factus est, suspecta habere bona sua debet. Pejus tamen signum est, ubi aliis contra consuetudinem emacuit, & colorem decoremque amisit.
- 10.) Nullum paucum criticum est.
- 11.) Morbi habituales sunt refractarii, diuturni & facile recrudescentes.
- 12.) Morbi hæreditarii, nisi præscindantur, jam propagati, omnem respuunt curam, & imperitiis excepti, vel longe ferocius insurgunt, vel graviores subeunt anomalias.
- 13.) Quot dies principium morbi acuti duravit, totidem & augmentum ac status durant. Et quale principium ratione vehementiæ vel levitatis, talia quoque reliqua tempora.
- 14.) Quæ paribus vel imparibus diebus exacerbantur febres, iisdem quoque judicantur, vel ad salutem vel interitum.
- 15.) Crises humoris meri & sinceri pessimæ.
- 16.) In chronicis morbis si facies naturalis sit & boni coloris, numquam crede ad esse obstrunctiones in visceribus.
- 17.) Rigores inanes, i. e. sine evacuatione critica, translationem afferre solent symptomaticam. Et si fractis jam viribus, inanes, lethale.
- 18.) Genius cuiusvis morbi acuti non semper unus idemque est.
- 19.) Certior de sanguinis statu indago aliunde non hauritur quam ex lingua.
- 20.) In ægris morituris nonnullis ante mortem diebus exhalat ab eorum corpore fœdus quidam & quasi cadaverosus.

A

GENERALIA QUÆDAM.

odor. 21.) Membranarum morbi magna ex parte periodici sunt. 22.) Morbi periodici faciliter præcaventur quam curantur. 23.) Insignes lunæ mutations ut plurimum criseos decursum alterant atque perturbant, maxime in malignis. 24.) Periodos assumunt tusses, asthmata, morbi erisipelatodes, phlegmonodes, rheumatici, hemicranici, ophthalmiæ, odontalgiæ, arthritici, hæreditarii. 25.) Morbi corrupti novos sæpe & incognitos morbos mentiuntur. 26.) Lunares phasæ vim exerunt in vitiis visus & auditus, paralyssi, deliriis, mania, melancholia, convulsione, epilepsia, &c. 27.) Et in foro Medico locum habet illud ictorum. Accessorium sequitur suum principale. 28.) Optima facies est in ægris, quæ sibi ipsi similis est. 29.) Indicatoriæ non judicantes pessimæ. 30.) Si quis ea faciat, quorum sic insolens, gravissimum habet malum. 31.) Omnis excretio critica, quæ inchoatur tantum, non perficitur, maxime damnanda. 32.) Verpa in & post morbos reviviscens, caputque laudabiliter rursus extollens, prosperum cum aliis bonis signis præbet reconvenientiæ criterium. 33.) Morbus morbo sæpenumero tollitur. 34.) Unum ex multis signis pravum multis bonis in necando plus virium habet, quam plura simul bona in liberando. 35.) Morbi congeneres facile in se invicem commutantur. 36. Quibus crisis fit, his nox antecedens gravis est, subsequens vero levior plerumque. Insuper ægrotantis animus anxius admodum atque dubius est, æstus fit intensior, vigiliæ acutæ instant, accedit horror. Hæcque post notas concoctionis salutem promittunt, substante cruditate perniciem minantur. 37.) Nil est, quod tutius perfectæ crisis argumentum præstet, quam si somnus subsequatur. 38.) Effusæ in principio excretiones malæ sunt; Nullæ in statu, pari passu ambulant. 39.) Perfectæ criseos defestum subinde supplet abscessus. 40.) Omnis recidiva est sanguinosa & periculosa. Recursus repetiti in morbis haut adeo periculosis valde fiunt pericolosi, maxime si labes subsit visceris nobilioris.



ABORTUS. HÆMORRHAGIA UTERINA GRAVIDARUM.



D abortum proclives sunt hystericæ, mensibus largis, anomalis obnoxiae, otiosæ, succulentæ, pinguiores, laute viventes, natura imbecilles ac sensibiles, matribus ad abortum pronis procreatæ, nephriticæ; & contra, robustæ, plebeiae, minus pingues, laboriosæ, animi affectibus non indulgentes, quibus per priores prægnationis menses sanguis ex uteri vagina profluxit, quæ odontalgiis, defluxionibus tussicu-losis, nariumque hæmorrhagiis subinde expositæ sunt. Reliquæ placentæ & hinc natæ molæ disponunt ad abortum. Alvi obstipatio multum facit ad abortiendi conamina, hæreditaria item dispositio, puerperium antecedens malum, fluor albus inveteratus, consuetudo, tempestas vitiosa.

Propensio illa ad frequentes abortus, molas, & paucis saepe mensibus se se excipientes, inde pendet, quod prius concipient rursus, quam ita per temporis rationem purgamenta prioris ab-

4 Abortus. Hæmorrhagia uterina gravidarum.

ortionis penitus evacuata sint. *Werlh.* Plus negotii abortu quàm maturus partus exhibet. Si insolita animi dejectio hæmorrhagiam præcedit īgentem , si sponte mammæ marcescunt , aut lac ∇sum emittunt , si febre rapiuntur acuta , si latera superque venter arctantur , lumbi coxæque gravitatem insolitam habent & pigre moventur , si ventrem , pubem ac dorsum tormina , tortiones , labores cruciant , si rigor aut horror per vices recurrit , si embryonis motus , qui fuit , defit , si ∇æ profluunt variæ , sanguineæ , grumi cruoris , sanguis ipse , abortum instantem tuto prædixeris. **Abortus** omnis est periculosus , eo magis , si fetus jam est adultior , mortuus , male positus , si ex parte computruit , si mola simul , si febri acutæ supervenit , si mulier primipara & inassueta , si animi deliquia , convulsiones præsto , si femina sensibilior , affectibus animi patens , hysterica. Exve in abortu convulsæ raro evadunt. *Aret.* Recidivæ sunt faciles , unde resultant cachexia , sterilitas , ad dies vitæ tumor ventris ingens , malum hystericum , varia molarum generatio , uteri exulcerationes , excrescentiæ fungosæ , carcinomata , mensium ataxiæ , decoloratio , uteri prolapsus , fluor albus , hydrops uteri , scirrus , urinæ incontinentia , leucophlegmatia , hæmorrhagia uteri , mania , melancholia. *Zac. Lusitan.*

Tenerioris compagis mulier magis periclitatur quàm obesa ex abortu , & tantisper abortit , donec facta sit habitior. *Hipp.* Fetuum adultiorum abortus præfigit successuram sterilitatem. *Carl.* Mulieri uterum gerenti , ubi tenesmus ex

Abortus. Hæmorrhagia uterina gravidarum. 5

morbo gravi vel diarrhoea multa supervenit, eandem plurimum abortire facit. *Hipp.* Abortientes, si fetus parum fuerit maturus, & illæ mox iterum concipient, plerumque circa idem tempus, sive eandem gestationis hebdomadem, denuo abortu tentari solent. Abortus nunquam facilius succedit ac à violentia externa, atque in terminis menstrui fluxus alias suetis. Si australis hiems & pluviosa & tepens fuerit, ver siccum & aquilonium, mulieres quibus partus in ver incidit, facili occasione abortiunt; unde abortus illi epidemicci. *Hipp.* Abortum plerumque major sequitur croris fluxio, quam partum absolutum terminis suis. Abortiva non dantur, nisi respectiva. Interdum per aliquot septimanas, aut per mensem fit *vrum ex ♀o* effluxus immaturus, quod periculosest, metus enim est, ne fetus moriatur: Hoc vero aliquando etiam evenit citra ullam noxam. Si placenta avulsa & os uteri apertum, fit hæmorrhogia; Si sanguinis vero tantum adest stillicidium, fit ex vaginæ vasis tantummodo. Si grandior intus vena rupta vel patefacta; cror profuse effluit; si minor, paulatim nec multus fertur; si ex erosa, paulatim & cum dolore manat. Si in gravidis solvitur placenta, fetus tamen non exit; hæmorrhagia exhoritur saepius numero insuperabilis, ni manus auxilium ferat eundem educendo. Hæmorrhagia ex utero si statim primo mense, tempore alias catameniis *testinato*, instat, & placide quidem, nil habes mendum; si vero 2. 3. 4. demum, tunc vigilia. *L* contra, si confertim fluat & cum im-

petu purpura. Quo immaturior abortus à tertio mense existit, eo gravior hæmorrhagia exclusiō niem illius ordinarie comitatur. Ubi sanguis copiose jam profluxit, ibi abortus nulla ratione impediri potest. *Junk.* Hæmorrhagiæ, quæ posterioribus graviditatis mensibus excitantur, facilius revertunt, quam si prioribus evenere. Dantur fluxus sanguinis periodici, modici, ex inuliebris, qui legitimum fetus incrementum ac partum maturum nil impediunt, & ad ultimum protracti mensem; idque plerumque statu alias tempore mensium; & contra *nimii*. Ubi semel sub graviditate hæmorrhagia ♀ i evenit, ex levissima ratione sub eadem recrudescit. Ni ex fluxione succedat abortus, inter uterum & placentam remanet grumatus cruor, facillime recidivam invitans, instar cunei enim se interponit. *Rigores*, ex quibus hæmorrhagiæ ex abortu mox cessant, damnabiles. Præfigiunt ut plurimum acutam inflammatoriam, facile quoque purpuram perniciosa.

Alvus obſtruēta.

A Frigore pedum alvus obstinatior solvit. *Gal.* Alvus dura folet esse iis, qui nimium facie rubent. Alvus adstricta sanguinem humorisque ad superiora pellit, hinc semper exacerbat capitis morbos; contra alvus lubrica. Alvo obſtipata capitis pruriginem, intolerabilem fere notavi, illa fluxa vero cessantem semper iterum, idque longinquos per annos. Senes alvus stricta juvat, juvenes fluida. *Hip.* Quibus

in juventute alvus est humecta, iis in senectute siccatur, & contra. In vehementibus articulorum doloribus alvus supprimitur. Si alvi obstructio cum torpore artuum, de paralytode metue intestinorum. Ubi post dysenteriam gravem pertinacissima inhæret, cogita de coalitu vel excrescentia quadam præcludente. Ex alvi suppressione elata hypochondria, malum denunciant, maxime in febribus. Quantum à perspiratione solita adimitur, tantum ad alvum lubricandam adjicitur. Qui alvum habent sicciorum, nunquam se mane studiis applicare debent, sed foras procedere, vult enim moveri alvus segnior. Obstructo inferiore ventre in universum corpus flatus discurrunt. Induratæ fæces maxime in coli angustiore parte, in sinistro hypochondrio sita, graves creant molestias, quin lienem affectum falso mentiuntur. Alvus pertinax morborum chronicorum mater. Pertinacissima inveterata cum excrementis induratis & albican-tibus, defectuque nutritionis, obstructionem glandularum mesenterii, intestinalium atque biliferorum ductuum significat, ni visceris labes subsit, adhuc medicabilem. Quæ ex solidorum vitio inemendabili, sarcomate intestinorum grandi, angustia p. n. coalitu, v. g. post dysenteriam, arti eludit.

Anchylosis. Fungus articulorum.

Anchylosis incurabile malum est, si à callo, exostosi, articulis difficiatis, tendinibus, musculorum articulo accretis, si à podagra, ar-

thritide, ischiade, hemiplegia, maxime post topicorum imprudentem usum. Difficillimæ curationis est, si à fungo articulorum recenti, si à liquore glandularum Haveri inspissato & vitiato, si à ligamentis, tendinibus rigidis, contractis, & si inveterata. *Buchn.* Major restat spes, si per metastasis inducta, maxime que in junioribus; Si recens, & ex axungia diuturniore quiete aliquatenus inspissa tantum; sed protractiorem vult curam. Excitantur aliquando in parte pustulæ cum salute humorem fundentes. Si invalescit noxa, tandem moriuntur macie, lenta, hectica, tussi sicca, quandoque convulsionibus. Malum frequens in genubus est metallicis, qui, iisdem, quibus saxum frigidum contingunt, nixi, opus faciunt. *Platner.*

Fungus articulorum recens adhuc parumque grandis ac durus qui existit, haut raro resolvitur, & contra, à solo ferro salus petenda, sed tamen & hæc incerta, tumor enim pluries redit. Suppuratio difficilis & plurimum periculosa est, siquidem caries facile aut fistulæ insanabiles per illam excitantur, quæ manus auxilium poscunt.

Anevrysma.

ANevrysma internum incurabile est, ruptum subito interficit. Interni suspicionem movere potest pulsus valde inæqualis, atque si inspectore, spirandi difficultas cum anxietat-

Angina. Faucium morbi alii. Hydrophobia. 9

insueta. Anevrysma verum frequentius in interioribus sedibus est, spurium crebrius in artibus. Verum non tam celeriter adolescit. Externum verum ubi manui locus non est concessus, tolli non potest, sed increscit donec rumpatur cum hæmorrhagia emortuali. Accessum, recens, curabile est; difficillimum, ubi obcalluit, diffusum & vastum est. Si ad collum, strangulare solet, intolerabili dolore aliquando perimit. Non raro gangræna & sphacelo necat. Interna frequenter in iis occurunt præ cæteris, qui inunctione \textOmega li imprudenter protracta nimis vel repetita pluries usi sunt. Spurium celerius finitur, in quo proximus gangrænæ metus est, solumque protinus auxilium in manu. Spuria longe periculosiora sunt veris. Hæc enim diu, & quandoque ad vitæ finem tolerantur, si non adeo magna, sine graviori molestia & periculo, præsertim si congrua utantur fascia. *Heister.* Evenit, ut ruptum, sponte desinente sanguinis fluxu, evanescat anevrysma, sed rarissimum plane est observatum. *Moinichem observat.*

Angina. Faucium morbi alii. Hydrophobia.

CYanche i. e. sine ullo signo conspicuo existens, gravissima est, haut raro intra 24. horas, vel die tertia necat, pulmone suppurato vel gangrænoso. Succedit hæc morbis chronicis vel ingentibus evacuationibus, vel subito oritur

10 *Angina. Faucium morbi alii. Hydrophobia.*

ex malignitate. Angina symptomatica præceps est, ac intra d. 4. primos satis periculosa utique existit; sed periculosior, ac vix non funesta circa dies criticos contingens, idque tanto certius, quo majore infarctu & linguæ tumore fese exserit. Angina inflammatoria præceps discussionis spem admittit, lenta communiter tendit ad suppurationem. Significatur suppuratio in angina, si inflammatio jam per aliquot dies duravit, resolutione non facta, si symptomata non graviora fiant, sed pertinacia tantum, si in fauibus videatur tumor subalbus, mollis, leviter calens, & dolens. Abscessus ad extra ruptus suffocationis periculum declinat. Si materies purulenta ad pectus defluit, peripneumoniam, *φωτιη*, creare valet.

Exitii notæ sunt: si ex aliis inflammatoriis morbis *τριχερεσι* nata; si erysipelas per anginam in pectore exortum, subito rursus intro revertit; si neque in collo neque in fauibus quidquam apparet; si malo æque violento manente absque ulla significatione, dolores ad caput prorepunt; si collum repente pervertitur febricitanti, ut vix deglutire queat, nullo in fauibus existente tumore; si sputa viscida, exalbida, subarida, vi educta, cum lateris dolore; si tumores, dolores anginosi, linguæ itidem præsentes qui fuere, absque ratione ulla evanescunt; si post evacuationes ingentes accedit; si ex angina peripneumonia, unde insolita pectori gravitas & vehemens tussis, intraque 7. dies interitus obvenit, vel minimum suppuratio aut tubercula pulmonum sequentur,

Angina. Faucium morbi alii. Hydrophobia. 11
nisi pituitosa sursum educantur ; si spiritus una
sublimis excruciat.

Bona signa sunt : copiosa sputa , libera , flava ,
craffa cum strigmentis sanguineis ; talis alvus ,
urina , criticis diebus ; hæmorrhagia , fluxus
hæmorrhoidalis ; si dolor auribus superveniat ;
si cum faucibus pectus , cervix , collum rubeat ,
tumeat , & inflammetur , licet diurnius esse
malum sueverit . ; si saltim deglutire bene ne-
queunt . Ex angina citra crisin hypochondrii
dolor cum torpore insidiose occidit , etiam si
valde modeste habere videantur .

Solvitur angina sudoribus , urinis , hæmor-
rhagia , hæmorrhoidibus , menstruo fluxu , pur-
puracea efflorescentia , & illâ remanente vel
regressa sœpe fit ; solvit diarrhoea mucida ,
purulenta , cruenta . Mucida , catarrhosa finitur
exscrectione pituitæ , viridis , tenacis , pluries ;
ptyalismo hæc porro .

Si ex angina ad pulmones versa suborta est
dementia , ex his nonnulli suppurati plerumque
evadunt .

Mortis signa funto : spuma ante os , lingua
tumida , purpurea , extremorum frigus , ortho-
pnœa , stertor , hiatus oris , linguæ emissio , viror
vel nigredo in facie cum oculorum diminutione ,
vox catullina , præcordiorum anxietas cum pulsu
duro & convulsivo . *Bærh.*

Angina ulceribus per corporis corticem sparsis
comitata in ætate proiectioribus tabem plerum-
que post se trahit . Semel anginosus sœpius eodem
facile corripitur morbo .

Migratio arthritidis in anginam nota est , & contra ; maxime in ætate vigente.

Tumores internarum oris partium serosi optime solvuntur plurima continuaque salivatione. Vehementer dolentes fauces absque tumore cum labore & molestia , præceps exitium minantur.

In angina crebro revertente inquire etiam an cartilaginis scutiformis processuum subsit dimotio. *A. N. C.*

Fauces exulceratæ cum febre , grave aliquid portendunt.

Tonsillatum ac uvulæ tumor i quandoque accedit ptyalismus criticus. Uvulæ laxitas à scorbuto rauicitatem perennem excitat , ac tandem vox sensim perit. Uvulæ tumor turgescens periodicus obvenit & in hystericis. *Kramer.* Arcanus est consensus faucium cum verendis ; testatur lues foeda. Tonsillarum tumor & inflammatio cum deglutendi difficultate, raucedine, oculis cavis , & Hippocratica facie, post febres diuturnas , & in quibus evenere largæ evacuationes , mortem certo imminentem præmonstrant.

Hydrophobia aliquando jungitur inflammato stomacho. Sine contagio animalis rabiosi , sponte in acutis aliquando suboritur rabies hæc. *Lentil.* Non omnes demorsi fiunt hydrophobi ; quo circa specificorum laudibus quid detrahendum.

Nullum venenum tam atrox ac rabiosi animalis. Pejus inficit biliatos , mitius pituitosos & hydropicos. *Bærh.* Virus ab animalis morsu vel 30. annos , quasi in corpore compressam ,

Iatere potest, antequam se manifestet. Tandem ex improviso atrociter advenit, ut ægrum intra paucos rapiat dies. *Hild.* Signa hydrophobiam post morsum prædicentia sunt: anxietas, tristitia, iracundia, somnus suspensus & turbatus, stomachi gravitas, oscitatio, pandiculatio, insueta querela de aëre quamvis sereno, pauca bibendi voluntas. Quo plus sanguinis è vulnere effluxit, eo melius.

Ubi hydrophobus $\nabla\alpha$ immersus vel eadem obrutus, animo linquit, postquam ad se rediit, $\nabla\alpha$ m sine horrore posthac tolerare potest.

Hoc morbo oppressis spes in angusto est; certa vero desperatio, si is præsens invaluit. Obeunt hydrophobis multa convulsione, spiritu frigido, strangulati, quarto circiter die. Venenosa rabies morsu irati hominis æque infertur aliquando.

Hydrophobiam sine præcedente animalis morsu orcam in famem caninam tandem solutam funestam; item, omnimode delirii expertem notat *A. N. C.*

Evenit subinde hydrophobia ex morsu bestiæ non rabidæ letalis, tantum iratissimæ; item, ex gravi animi affectu ac imaginatione, v. g. in hystericis, subnascitur. Refertur juvenis, qui post vehementem indignationem proprium sibi momordit digitum & inde hydrophobus factus est. *A. N. C.*

Aphonia.

APhonia & vox rauca haut raro prodromus convulsionum epilepticarum esse solet in

colica. *Bagl.* Aphoniæ & voces rauçæ in acutis indicant biliosam causam. Aphonia in acutiss critica est, à qua optima fit evacuatio, nec diu durat, & contra, letalis est. *Hippocr.* Febri continuæ accedens, hæmorrhagia & vomitus aliquando tollitur. Cum virium exsolutione in acuta febre, sine sudore, sunt quidem letales, cum sudore vero minus, ac diurnitas significatur. Periculum in his hæmorrhagia & alvuss fluxa. Aphonia & voces vitiæ, ut tremula, stridula, clangosa, &c. in acutis malæ, maxime in phrenesi & ardentibus. Aphoniæ cum exsolutione virium, cum stupore, rigore, convulsione totius corporis, cum delirio, aliisque symptomatis gravioribus, omnes pessima, perniciosæ ac mortiferæ. Quibus in febribus voces post iudicationem deficiunt, ii tremore ac sopore correpti, intereunt.

Aphonia in gravidis post partum cessat. *Comm.*
lit. *Noric.* Aphoni nonnunquam redundunt ventriculo ab aliquo humore vel vermis obsesto ac læso, quibus aut sponte aut arte exclusis, liberantur. *Alpin.* Aphonia ex hæmorrhagia narium non succedente, eadem instante solvitur.

Curabilis est quæ ex vermis, in passione hysterica, ex eruptione mensium difficulti, defluxionibus catarrrosis, exanthematum regressu, sub salivatione & li, in variolosis. Quæ ex apoplexia, raro curam recipit, vel si etiam admittat, facile recidivat. Quæ ex lingue paralysi, immedicabilis fere est, sanata facile reddit, indicique apoplexiæ. Tremores solvunt aphoniæ ex rigore concitatas. Quæ ex vulnere vel

Iapsu, non perpetuo sunt perniciales. In melan-cholicis & maniacis hæmorrhagia aliquando ausertur. Aphoniam quadriennem somno ter-rifico solutam narrant *Transactions Anglicanæ*. Si ebrius repente obmutuerit, convulsus moritur, ni febris juvet. *Hipp.* Letales sunt, quæ cum vehementi delirio, aut in delirium vehemens desinunt, aut à vehementi delirio sequuntur. Æque, quæ cum spiritu sublimi, vel brevi etiam. Porro, quæ ex convulsionibus ab inanitione ortis, pariterque quæ cum singultu contingunt, tandem, quæ cum angina: Quæ denique cum catoche & exsolutione virium, eæque aliquando tabem denunciant; ultimo, quæ ex capitib dolore. *Alpin.* Aphonya in convulsionibus multum perseverans, malo est. Solvi potest urinis copiosis, confertim ac derépente prodeun-tibus. Quæ ex copia humorum perpetuo letales non sunt, si virium robur adsit, & contra. Hæc aliquando evenit in principiis febrium. Aphonya ex arthritide retrogressa difficilis est. Quas sequuntur urinæ copiosæ non ita malæ censi-
debent.

Apthæ.

APHTAS futuras in morbo cognoscimus ex sopore singultu; si toto morbi decursu non dormivere, soporem labuntur, & tunc $\alpha\phi\beta\alpha$ prodeunt. Singultus accedit, si sunt ex ventriculo, & tunc plerumque sunt deteriores. Pessimæ enim sunt, quæ ex s^thomaco ascendunt, quæ cum magna vexant inflammatione, spirandi

& deglutiendi difficultate , & hæ in morbis malignis funestum prænunciant eventum. Pef-
sime præterea , quæ assiduo refectæ , erodentes ,
flavæ , fuscæ , nigræ , opacæ , crustosæ , lardosæ
quasi , fœtidi odoris ; hæ quidem gangrenæ:
nuntii. Bonæ sunt , quæ tenues , molles facile ,
cadentes , sine constantia ; superficiariæ , indo-
lentes , sparsæ , solitariæ ; optimæ , quibus color
albus , pellucidus instar margaritarum. *Bærh.*
Si ab externa potius causa , quam interna ,
minus alunt periculi. Quæ febribus acutis
symptomatice junguntur , periculofæ sunt. Quæ-
que tunc magis flavescentes esse solent. Ven-
triculo inflammato facile sociæ sunt , omne malo ,
maxime si in elatiorem crustam degenerant.
Tabidos ac phthisicos multoties excruciant ,
augurio fatali. Si ulcera profundiora , aut putre-
dinosa succedunt , difficilis est curatio , & in
pueris periculum , ob carnis mollitiem , depas-
cunt enim eo magis.

Apoplexia. Hæmorrhagia Cerebri.

DE doloribus in cervice serius aut citius ante in-
sultum apoplecticum conqueruntur omnes.
Kramer. Apoplexia velocissime viget , & brevissi-
mum , imo impereceptibile habet principium &
augmentum , ita ut tota status esse videatur.
Apoplexiæ maxime obveniunt ab anno ætatis 40.
ad 60. *Hipp.* Futuram prædicunt vacillatio ,
tremor , vertigo , scotomia , stupor , torpor , so-
por , oblivio , memoria vacillans , tinnitus aurium ,
incubus , inflatus faciei , respiratio profundior
cum

cum naribus compressis, dentium stridor in somno, subita linguæ impotentia, eaque sæpius recurrens, subitus & peracutus in capite dolor, difficilis incessus, &c. *Bærh.*

Obesi & pingues difficilius laborant.

Asthmatici, cachectici, polypos gerentes cordis, ad apoplexiā proni sunt.

Apoplectici plerumque duplo plus, quām sani solebant, comedunt ac digerunt. *Brunner.* Apoplexiæ vel paralyſi obnoxii aut correpti, inflationibus ventris, borborygmis, vehementer vexantur. *Bægl.* Qui ab apoplexia liberati, postea levi de causa & sine occasione lacrymantur ac mōrent, malum hoc est, & recidivam vocat: Idem timendum, si prius correpti, denuo vertiginosi fiant. *Bægl.* Semel sanata intra triennium fere letaliter recurrit. Raro apoplectici evadunt sine partis alicujus resolutione. Semel apoplectici rarissime alio desciscunt è vita morbo, quām hujs recursu vehementiore. Omnes qui apoplexia moriuntur, suffocati intereunt. In exquisita raro 7. diem transiunt. *Bærh.* Migrat in paralyſin, epilepsiam, melancholiā. Oblivio post apoplexiā pefſima. Si superveniat apoplexiæ gutta ferena, plerumque ſignum mortis est, vel vehementiæ morbi. Quo fortior pulsus in apoplectico, eo pejor, idque maxime in jugularibus. *Rhodius.* Pulsus ex parvo ſensim in magnitudine crenſens, malum, breviue moriuntur. Quo magis offenditur respiratio, eo pejus. Refrigerationes & torpores in apoplecticis malum denūciant ſtatum. Apoplexia repente oborta ſolubilis;

adveniente lenta febre mortifera est. *Duret.* Symptomatica, v. g. ex arthritide retrograda, ventriculo, pluries & facilius curatur, contra idiopathica. Vehementior plane non, debilior difficulter curatur. Febris superveniens, acuta ephemera, ab initio apoplexiæ serosæ eandem solvit; morbo progresso, pessima. Tertius dies longissimus est moriendi terminus in apoplecticis acutissimis. *Aurelian.* Apoplexia levis & sanguinea curatu quidem facilior est, ast sæpius revertitur, tandemque in ipsam cerebri hæmorrhagiam, quæ omnium fluxionum cruentarum est periculosissima, terminari solet. Apoplexia verminosa medicabilis est. Lenior apoplexia solvitur superveniente sudore multo, æquabili, rorido, calido, levante; urina multa crassa; hæmorrhoidibus largis, diu fluentibus; fluxu menstruo restituto; alvi fluxu; febre magna. Paulo gravior, superata causa, solet degenerare in paralysin alicujus partis musculosæ, totius lateris unius vel omnium cervici suppositorum; quæ raro curatur, semperque memoriæ, judicii, motuum læsiones, relinquit; unde soporosi, hebetes, tremuli, vertiginosi, pusillanimes, remanere solent. *Bærh.* Spes est salutis, ubi post V. S. & congrua auxilia intra 24. horas sequitur levamen, & symptomata remittunt, facies nempe adparet magis naturalis, respiratio fit liberior, non valde inordinata, non admodum violenta est, ac pulsus bene se habet; ubi lotio injecta intra horæ spatium redditur; si lacrymæ ex oculis bene coloratæ; si salivatio multa instat; ubi mucus è naribus fluit; si æger-

sternutat ; ubi morbus in paralysin degenerare incipit ; si sumpta pocula non per nares aut os refunduntur , sed penitus descendunt ; si acriter vellicatus palpebras movet , & labia quodammodo comprimit ; si partes quædam errante subsultu agitantur. *Hoffmann.* Pessima hæc signa : stridor dentium , spuma circa & ante os , sudor tenuis , frigidus , respiratio stertorosa , valida cum pulsu inæquali , duro , fortis ; si parapoplexia prægressa ; si excitati denuo torpidi & somnolenti fiunt ; si epilepsia succedit ; si , ubi paulisper ad se redit attonitus , aliena tamen mens est ; si spiritus frigidus ; si convulsivi motus unius lateris , ipsiusque pectoris , accedunt ; si urina & stercore sponte elabuntur , (sub his mors instat) ubi clyster injectus prorsus retinetur , si nebula infecti oculi. *Bærh.* Apoplexia demortui ante triduum non sunt sepeliendi. *Barbette.* Ex apoplexia delirium , non semper letale. *A. N. C.*

Appetitus cibi vitia.

PAULO pejor sed suavior cibus ac potus ; meliori quidem , at ingrato præferendus.

Hipp.

Dejecta omnino in morbis appetentia valde periculosa & contra. Pica & malacia in chronicis morbis mala. Inappetentia post morbum remanens , plerumque recidivam prædicit. Morbo diuturno inappetentia & alvi meraca dejectio si superveniat , malum. *Hipp.* In omni morbo aliquantulum adhuc comedere posse

ægrum, bonum est signum. Si post magnam
inappetentiam in acutis & chronicis subito, sine
crisi, in summa & extrema debilitate, ingens
excitetur appetitus, mors in propinquuo est. *Bagl.*
Cibi appetitus labefactatur, quavis spirituum
perturbatione: Videmus in dentientibus, navi-
gantibus, mœrore afflictis, hypochondriacis.
Brunner. Appetitus quandoque auctior est ante
invasionem motuum spasmodicorum. Inappe-
tentia in quartana plenaria corruptum quoddam
notificat viscus. A morbo revalescenti si cibus
non proficiat corpori largiaturque vires, hinc
onerari indicatur, & malum est. Qui sub
adversa valetudine abunde initio comedunt
nec proficiunt, ii fere tandem, omnes in cibi
fastidium incidunt: contra, qui initio forti
inedia usi, cibum postea petere incipiunt; in-
valetudine facilius liberantur. In stomachi
morbis pulsus est parvus. Fames canina à
vermibus, nullius periculi. Si cum vomitu
& alvi dejectione, degenerat in cachexiam,
hydropem, lienteriam, *ατροφιαν*, tabem. Si
sine vomitu quandoque obesi fiunt. Si morbos
jam profligatos insequitur, labem viscerum
infimi ventris adhuc superesse innuit, & mor-
borum facilem recidivam portendit. *Decker.* In
appetentia ex abusu spirituum ardentium si
leucophlegmaticus jam accesserit habitus, diffi-
culter cedit. Ab immodicis evacuationibus
nata, difficulter superatur. Quæ à non deglutita
saliva, lætam spem habet; gravior, quæ ex ven-
triculi stupore largis anodynus contracto. Gra-
vissima & vix superabilis, quæ à visceribus læsis

aut presso ventriculo, aut ipsa ejus substantia vitiata.

Qui nimium replentur cibis, si postea bene dormiant beneque per somnum transpirent, non ita facile ob nimiam repletionem ægrotabunt, sicuti ægrotarent, si non dormierint ac non transpirarint. *Κακοσομάχη* proœcta ætate aliquando tandem arthritide vexantur. In morbis ab animi pathemate, ira, mœrore, venere inflammata, in primis, plurimum patitur stomachus. Qui diu jejunant, iis saliva fit fœtida, putrida, halitus fœtens, fordes in faucibus, lingua scabra, & anorexia sæpe sequitur. *Bærh.* *Ασθνοαγγια* morbo exhaustis periculofior est quam sanis, his enim vomitus cum juvamine communiter accedit, vel diarrhoea. Extrema fame exhaustis ad satietatem edere, certissima mors est. Fames intensa & boulimia in morbis mala; in chronicis magnam cacochymiam, in acutis delirium significat. Quæ puellæ ante pubertatem pica laborant, illæ succedente mensium fluxu sœpius ab illa liberantur. Quæ vero jam menstruatæ, vel inordinate experiuntur fluxum, in iis difficilis sanationis.

Arthritis. Rheumatismus.

AFFECTUS arthritici, rheumatici, acuti, chronicæ, sanguinei, serosi varie solvuntur: sudoribus, urinis, febre, colica, diarrhoea, hæmorrhoidibus, vesica hæmorrhousa, hæmorrhagia, dysenteria, ptyalismo, furunculis,

ulceribus, scabie, purpura varia, efflorescentiis cutis variis, varicibus, vomitu atræ bilis, per suppurationem, &c.

Materies arthritica sœpe per tussim educitur humidam, ejecta pituita viridescente, puris instar, incautis phthisin imponente. Solvit excretionem materiei fabulosæ, albæ, rubræ, calciformis, in doloris loco pluries obhærentis, expulsæ. Deponitur sœpe ad pedes, enato eorundem tumore multo, seroso, rarius & minus dolente salutari, cum vel sine pruritu scorbutico. *Musgr.* Atque, si rite tractentur, periculo sunt vacui, licet pertinaces. Opulent, sapientes, frequentius, fatui, egeni, rarius fiunt podagrici. Ex hæreditate accepti, gravius adfligunt. Nullus fere morbus est, qui magis à parentibus trahitur, quam articularis.

Arthritici, nephritici affectus, hæmorrhoides, morbi sunt propinqui & inter se alternantes. Æque colica, diarrhoea, dysenteria, purpura, cardialgia, scorbutus, suas cum arthriticis morbis habent vicissitudines rheumaticisque. Transeunt & in peripneumoniam. Lubricus est rheumatismi in arthriti transitus. Ubi nephritis fabulosa podagræ complicatur, ibi raro simul observantur hæmorrhoides. Arthriticis cum passionibus sœpe alternant vari & gutta rosacea: Quæ ad interiora, maxime stomachum & spiritales versa partes, brevi aliquando funesta sunt. Characteristicum quasi signum accendentis jamjam & reddituri invasus sunt; quedam venarum protuberantia loco

circumdatarum tussis ; capitis dolor ; colica ; dolores tensivi inter scapulas , circa nucham ac dorsi spinam , lumbos , os sacrum , coxas ; spas-
mus surarum vel digitorum pedis ; apergia porro ; quandoque pridie appetitus voracior , ventriculi cruditas ; gravitas corporis , & ejusdem intu-
mescentia quasi ventosa ; quæ omnia quotidie sensimque augentur , donec tandem erumpat paroxysmus . Remanens , retrograda , repulsa , acutissimos ac gravissimos parit morbos , melan-
choliā , paralysiā , ~~¶¶¶¶~~ asthma , cardial-
giā , colicā , dysenteriam , convulsiones , cæcitatem , apoplexiā , lethargum , catarrhum suffocativum , febres varias , inflammationes viscerum , icterum , hydropem , tandem agmen claudit singultus . *Waldsch.* Arthritis succedere vel supervenire suevit colicæ , melancholiæ , scorbuto , gonorrhœæ , lui venereæ , asthmati , febri , morbis cutaneis , rheumatismo , chlorosi , mensibus suppressis , hydropi . Arthritis hydropi recenti superveniens , quandoque tollit illum . *Bagl.* Arthritis venerea sœpe transit in apoplexiā & motus convulsivos fatales . Veteres , enervati arthritici , sedis morbis , v. g. abscessu , fistula , inflammatione gangrænodea , nonnunquam misere cruciantur . Quibus sublati recurrit arthritis . Arthritis vaga scorbutica quo crudelior & diuturnior , eo facilius ad varias hæmorrhagias tendit , ubi , quandiu fluit sanguis , dolor cessat , simul atque fluxus sistit , dolor recrudescit . Paralysis hic sœpe succedit . Si subito evanescunt dolores arthritici sine causa , pessimum est . Arthritis ad nucham pessima est . Urina sub-

jugalis bona est in articulorum doloribus rheumatismo. Uteri cum artubus nota est sympathia.

Arthritis interdum repente in omnes irruit articulos, saepius paulatim accedit, atque insidiose, nec ulla fere ossium connexio hujus expers cruciatus est. Arthritis quo diutius & gravius affixit, eo corpus magis disponit, ut quavis data occasione paroxysmus facilis recurrat. Quo magis à paroxysmo podagrico notabilis tumor, torpor, rigor, nodosa durities remanent, eo promptior est recidiva. **Carl.** Arthritis nodosa nunquam è toto sanatur: Occurrit in statu inveterato, post dolores atrociores, post usum topicorum inconsultorum. Juveni semper facilis succurritur, si amans laboris est, accurate victitat & facilem alvum habet.

Juniores podagrī raro diu vivunt, contra seniores. Hi marasmode vel hydropico-hecticis vel paralytico-apoplecticis malis tandem extinguntur. Arthritici tandem fiunt hydropici. Arthriticus dolor in humerū incumbens nullum evidentem calorem, tumorem vel ruborem facit; in genu ac cubito vero multum dolorem, tumorem, ruborem, calorem perexiguum exhibet. Qui humeri dolor ad manus & scapulas in seniore migrat homine cum torpore ac dolore, neque accedens bilis vomitus juvat, difficile est.

Hystericæ facile fiunt podagricæ. In vehementibus articulorum doloribus alvus supprimitur. Incipiens podagra medicabilis est, contra inverterata. Podagricus fomes varios producit vesicæ morbos, dysuria, ischuriā, mictum cruentum, scroti pruritum. Podagra si jam senio

confectos adoritur, nunquam posthæc vel tam statas habet periodos, vel tam sœva est, quām si juniorem affixerit. Quo vehementior dolor, eo citius præterlabitur paroxysmus longiorque erit intermissio, & magis perfecta, ac vice versa. Feminæ perraro infestantur podagra, eæque non nisi vetulæ jam & viragines masculo dotatæ habitu: atque quibus menstrua defecerint. Podagra, quo magis dolet, eo magis vergit ad contracturas; in senibus solet degenerare in paralysin. In podagra inveterata sub singulis accessibus dolor sensim minuitur, tandemque ægritudine magis quām dolore afficitur homo.

Dolor pulsatorius, si percipiatur in parte à podagra tentata, ut plurimum brevi finietur morbus. *Bærh.* Puer podagra vix laborat ante veneris usum, nisi hæreditas subsit. *Hippocr.* Quilibet paroxysmus podagricus generalis aliis absolvitur quotidianis paroxysmis, media nocte ortis ac versus meridiem mitescentibus. *Sydenh.* Spontaneus paroxysmus (2. 3. 4. septimanas, ni turbetur, durans) invadit ordinarie media nocte; ira vero vel terrore accitus, in momento irruit. Dolor ille, quem patiens primo exergefactus sentit, refert eum, qui ossium talium luxationem sequitur, cum sensu quasi aquæ frigidæ dolenti loco affusæ.

Pavores qui in somno podagricis nonnunquam accidunt, ubi remittunt, & paroxysmu m remissurum indicant. Dolor podagricus post 2. 3. 4. hebd. abire suevit in hebetem ac torpidum sensum, quandoque rigorem, stuporem.

Tumor circa initia podagræ statim accedens morbum reddit breviorem, qui circa finem evenit, longinquam magis promittit immunitatem.

A tumoribus podagricis immunes fere sunt cholericо-sanguinei, potius strictura quædam partium & aridura supervenit. Sanguinei habent tumores duros, rubicundos; phlegmatici molles, œdematosos, utrinque cum doloris sensu.
Carl. Qui multum urinæ emitunt & sudant frequenter, minus à podagra tentantur. **Crato consil.** Sudor sæviente dolore anxius exprimitur reliquo corpore, nil juvans, parte adflicta pertinacissime sicca; dolore contra mitescente, ex ipsa etiam parte obsessa prodit. Circa æquinoctia & solstitia generalem paroxysmum ordinario renovat podagra. Ischias quoniam loco excretionis sanguineæ proprius est, longe promptius aliquando mitigatur, quam podagra & gonagra. Ischias raro evidentem habet tumorem, minus sæpe calorem aut ruborem, magis gravorem dolorem, fereque ex metastasi gignitur.

Si in ischiade ingens torpor subest, cum partium frigiditate, alvo obstipata, pene pendulo, atque annus 40mus jam præteriit, longissimus erit morbus.

Si ischias ad inferiora vergit, bonum, contra, si ad superiora. Si sine torpore est, si leviter friget, quamvis magni sint dolores, tamen & facile & mature sanatur. Quibus diuturno dolore ischiatico laxatis femoris caput coxa excidit, iis femur contabescit. Incongrua ex medicatione arthritidis, ischiadis,

rheumatismi, plus s^epe fiunt crepitatio, anchylosis, claudicatio, contractura, abscessus cariosi, paralytodes, spontanea luxatio, oedema, tumor durus, scorbuticus partis. Ischias hypochondriacis, hæmorrhoidariis & scorbuticis familiaris est. Uteri ulcus ischiaticum quandoque mentionatur malum, claudicant enim interdum altero crure eodem laborantes. Ischiatici, quibus ulceræ crurum manantia superveniunt, liberantur. Abscessuum ischiaticorum successio familiaris esse solet in febribus tertianis remittentibus, tritophyæis.

Ischias, rheumatismus, arthritis si nimis sit contumax, & dolores nocturni magis, de gallico cogita contagio. Dolor ischiaticus & surditas mutuas habent vicissitudines. Ex ischiae chronica s^epe fiunt abscessus musculorum abdominis. In cholericо-sanguineis ischias contumax in extenuationem & coxendicis ariduram pluries abit. Si juncturam femoris obsidet, sivevit longinquior esse, quam si sacrum os. Malum ischiaticum, nephritis & hæmorrhoides consentiunt. Ischias insolentior facile in podagram migrat, quæ non rite excepta hecticam infert. Junck. Coxæ dolor in senibus, quandoque ad annum perseverat, in junioribus diebus 40. plerumque finitur. Dolor lumbaris pluries mesentericus est ex repletione putris cacoxyliæ. Hypochondria non mollia & facies bene habita nonnisi liberali hæmorrhagia aut convulsione aut coxendicum dolore solutionem accipiunt. Lumbago totius abdominis subitaneo tumore, velut tympanitico, soluta legitur. Smet.

Dolores lumborum in ischiadem & hæmorrhoides facile transeunt.

Lumborum dolor sine causa veniens, hæmorrhoidum vel mensium signum est. *Hipp.*

Rheumatismi dextrum latus frequentius occupant quam sinistrum. Miasma rheumaticum quandoque cerebrum, pulmones & viscera infimi ventris obsidet, cum dolore & gravi ægritudine excrucians.

Asthma. Dyspnæa.

ASTHMA morbus anceps est & pertinax. Juvenes difficulter eodem liberantur, senes nunquam, sed eos ad mortem fere comitatur. Infantes suffocat, ni matura fiat medicatio.

Omne asthma non est *αὐγετόν*. *Piso*. Asthma cum tumore pedum plerumque hydropis prodromus est, maxime in ætate provectioni. Asthma in corpore stricto peripneumoniam, in laxo & humido facile cachexiam & hydropem inducit. Juniores asthmatici à causa exanthematica certe tandem in *φθορά* delabuntur. *Junck*. Asthmatis humoralis radix est in primis viis. *Helm*. Asthmatici ad apoplexiā faciles sunt, maxime ubi concretiones junctæ polyposæ. Dyspnœa nocturna in chronicō morbo hydropem minatur. *Plater*. Si asthmaticis animi deliquium frequenter supervenit, letale augurium facit. *Forest*. Magna est consensio atque arcana inter pectus, tibias atque pudenda. *Bagl*. Crebræ sanguinis missiones in quovis asthmate facile inducunt hydropem universalem. Ventis ex austro &

zephyro flantibus , difficilius spirant asthmatici ; bene se habent Euro regnante. Asthma siccum ex abuso purgantium & diureticorum transit in pectoris hydropem.

Asthma plures viam sternit phthisi atque hydropi. Si asthamati accedit manus cedema , dein brachii , impedimentum aliquod , veluti polypus , erit vel circa cordis ventriculum vel circa illius auriculam ; morbo ad interitum ægris properante. *Bagl.*

Vix unquam curatur hæreditarium ; quod in senibus , inveteratum : Quod à pulmonum steatomate , corde extra ordinem magno , à situ ventriculi , p. n. à carunculis in aspera arteria , aortæ anevrysmate , tuberculis scirrhofis pulmonum , gibbo , incurabile est.

Asthma senes , viros , pueros magis gravat , atque premit , quàm mulieres ac juvenes. Hieme porro magis atque noctu , quàm in die atque æstate.

Solvunt asthma tussis superveniens ; morbi ad pudenda & crura ; arthritis ; cœdemata ; ulcera manantia ; hæmorrhoidum fluxio ; menstrua redeuntia , (maxime si ab his subnatum interceptis) calculi rejecti sive tophi , vesiculæ itidem , pure , pituita , serositate fartæ ; febris , humidum , pituitosum puta ; polypi pituitosi per tuſſim ejecți , dysuria. *Tulp. Blancard. Trans. Angl.* Tument pedes asthmate cessante. Cessante dysuria denuo evadunt asthmatici. Minuitur asthma , qua proportione augetur arthritis. Asthma , dysuria , arthritis sæpius se invicem excipiunt. In asthmaticis salubrior est pedum tumefactio quàm siccitas.

Alternant asthma & *ausu nrota* sæpius, maxime humidum, spasticum, flatulentum.

Asthma, si febri acutæ accedit, si pleuritis vel peripneumonia supervenit, summe periculosum est, fere plerumque moriuntur.

Asthma puerarum, si acutus valde sit morbus, letale solet esse. Asthmatico si eveniat nova ad pulmones defluxio obtruens, ut in catarrho suffocativo, letale. Asthmatici maxime pericitantur ii, qui viribus sunt infirmi, cito enim suffocantur & in syncopem labuntur.

Quibus gibbi, ex asthmate vel tussi fiunt, ante pubertatem moriuntur. *Hipp.*

Asthma spasticum affectus est summe suspectus, maxime si pluries, atrocius & prorsus pluribus diebus infestet. Facile huic supervenit peripneumonia. In corpulentis facile relinquit hydropem pectoris, in juvenibus hæmoptoēn, in senioribus catarrhum suffocativum, apoplexiā. Omne asthma convulsivum vel præceps intra triduum dat exitium, maxime in senibus, ubi cordis subest polypus; vel diutius inhæret, atque hydrope extinguit. *Hoffm.* Asthma humidum diurnum plerumque est sine insigni remissione, ægrumque per multos sæpe annos contumaciter comitatur, & hoc tanto magis in annosioribus, ubi irreparabilem aliquando pertinaciam induit. Magis id adhuc, ubi hæreditaria dispositio.

Asthmati sicco, humorali, pituitoso; crebro succrescit arthritis, podagra, maxime ætatis anno 45. 50. raro maturius; & contra, arthritis in

asthma definit. Asthma arthriticum, humidum, expectoratione commoda, larga levatur, optime tollitur arthritide recta; siccum non raro strangulat, facta ad articulos metastasi cedit, cito nonnunquam.

Asthma inveteratum vel male tractatum transit in hydropem pectoris, obstrunctiones viscerum infimi ventris, pedum œdema, cachexiam, hydropem universalem. In his mortem ante fores dicit pulsus intermittens, & inæqualis, œdema, stupor vel paralysis brachiorum, continua cordis palpitatio, dysuria, syncope.

Aurium Morbi.

OMNES aurium affectus non facile curantur; imprimis inveterati. Hypochondriacis, hysterics, catarrhosis auditus vitia sunt frequentia.

Surditas ab utero & paralysi, incurabilis. Qui à nativitate surdi sunt ac muti, aliquando membranam illam, quam recens in lucem editi secum in hunc orbem afferunt, meatui auditorio obductam & epidermidi continuam, postea exarescentem pro naturali statu & dissilientem, habent crassissimam, robustissimam, & quodammodo cutaceam. *Aquapend.* Si permanet surdos reddit. Obnascitur quandoque & exulceratis auribus. Surditas à nativitate, item à longo tempore contracta, integra & absoluta,

incurabilis est. Quae diurna, licet non
absoluta, difficillimae, quin nullius curationis
est. Membrana tympani rupta vel cicatrice
obiessa, incurabilem surditatem gignit. Surditas
per intervalla crescens & decrescens, curabilis
est. Surditas, quae à vitio cerebri facilius curatur,
quam quae à proprio auris affectu. Surditatem
metastaticam, salutarem, in febribus, tinnitus
aurium saepe precedit. Surditas post 7. d. in
febribus eveniens, certissimum est sub pepasmo
reconvalescentiae signum. Surditas, biliosis
egestionibus contingentibus, cessat. In febribus
acutis, ardentibus, malignis, petechizantibus,
circa dies criticos, imprimis 14. urina existente
cocta, salutaris est; secus, delirium vel con-
vulsionem portendit. In phrenitide aut febre
hungarica si evenit, non sequente critica hæ-
morrhagia vel alvi fluxu, delirium nunciat.
Hæmorrhagia non critica delirium portendit in
hunc. Surditati succedens delirium, malum,
sequuntur convulsiones & mors. Post delirium
surditas, mali solutionem indicat. Dolor
ischiatricus & surditas mutuas habet vicissitudi-
nes. *Hipp.* Enata in febribus surditas, alvum
remoratur & sistit. In præcipiti atque turbu-
lento morbo obveniens surditas, pernicialis. Ex
surditate abscessus ad aures plus saepe laudabili-
ter contingunt, imprimis in soporosis. Post mo-
dicam sanguinis eruptionem nigramque de-
jectionem in acutis morbis surditas, malum est.
Et contra, surditatem solvunt hæmorrhagia &
alvi fluxio. *Hipp.* Echo & bombilus aurium

in

in acutis sine coctionis signis in urina lethiferus. Quandoque indicit crisin. *Hipp.* Aurium tinnitus & sonitus citra febrim cum capitum dolore, tenebricosa vertigine, vocis tarditate, manuumque stupore crebro incidentes, apoplexiā, aut epilepsiam, aut oblivionem minantur. Tinnitus cœdemate pédum ac asthmate levatur. Chronicus raro curatur, sæpe recidivat, interdum in omnimoda terminatur surditate. *Ettm.* Sonitus aurium recens facile curatur; contra chronicus, & qui à lue venerea; qui à sanguine bileve facilius cedit, quām qui à pituita, hicque pluries in surditatem degenerat. Otalgia à vermibus, curabilis est, gravis tamen. Otalgia sæpe prænunciat parotidem. Solvitur discussione; sudoribus; urinis; effluxu materiæ purulentæ, serosæ, acriis, subcruentæ. Fit per metastasis in febribus acutis, hungarica, cum $\delta\upsilon\sigma\eta\kappa\omega\alpha$. Si in declinatione, convalescit. Si in febre hungarica metastasis cum otalgia ad exteriora auris, ex doloris atrocia sæpe mors sequitur. Si ex lapsu cum puris effluxu, moriuntur. *River.* Otalgia à sero, pituita, flatu, non est quidem periculosa, sed chronica ut plurimum. Quæ ab inflammatione multum habet periculi, sæpeque delirium, convulsionem, inducit, hacque magis periclitantur juvenes quām senes, multi que intra 7. d. intereunt. Otalgia aliquando mutatur in hemiplegiam, quæ si recens, superrabilis est.

Otalgia crebrius ad suppurationem tendit, præcipue cum tumore parotidum; raro tum discutitur. Dolor aurium acutus in acuto morbo

perpetuo difficilem gravemque morbum, maxime
in junioribus, ostendit, sed ex suppuratione vel
hæmorrhagia salus esse potest. Dolores aurium
inflammationesque internæ crudeles, horrendæ
sunt, & quandoque diei spatio sub convulsioni-
bus letales. Si otalgia neque discutitur neque
suppuratur, facile febres inflammatoriæ cum
phrenesi quasi exoriuntur. Abscessus ex otalgia
communiter ~~δυσηποτα~~ majorem modo, modo
minorem, relinquit. Abscessu aurium capitis
sævi, convulsivi, dolores critice quandoque
solvuntur. In gravi capitis affectu, si pus ex
auribus effluat, solutio fit. Ulcera aurium diffi-
cili sunt curationis, in primis quæ sine otalgico
abscessu prævio. Pus laudabile ex abscessu otal-
giam excipiente facile promittit medelam; &
contra, ubi sanies virulenta, fœtida; manat,
quocirca fistulæ & cariei metus non iniquus sub-
nascitur. Otalgia & ulcera aurium colludunt
quandoque cum affectibus arthriticis. Aurium
cum artubus, oculis, dentibus, hypochondriis,
faucibus, magna est consensio. Aures manantes;
ab excretionibus criticis retrogradis earum tol-
luntur reditu felici. Quibus in pueritia aures
manarunt, ii in ætate adultiori sæpe otalgia cum
surditate cruciantur, quibus abscessus ruptio
atque effluxio puris saluti. Exulceratio si post
pubertatem non recedat, ad vitæ dies durare
solet, multoties cum levamine naturæ & capitiss
gravitatis solutione. Rheumatismus aurium &
coryza plus sæpe alternant. Hæmorrhagia auriss
à violentia externa non adeo pertimescenda, &
contra ab interna. Sæpe criticus tamen est

sanguinis per aures fluxus, aliis evacuationibus naturalibus sanguineis interceptis. Si tota auris abscissa fuerit, homo gravius audit. *Δυσηκοια* quæ ex catarrhis, in hypochondriacis, à cerumine indurato, à siccitate membranarum, obstructa tuba Eustachiana, medicinis cedit. *Δυσηκοια* vel tinnitus qui capitis dolorem gravatum & vertiginem in plethoricis atque infirmis sequitur, apoplexiæ habet præfigium. *Δυσηκοια* pluries solvit abscessu aurium, ulcere vario, otalgia, efflorescentia purpuracea chronica. Diuturnam periodicam ex spasmis infimi ventris, fragore quodam in aure, eminus percipiendo, semper solutam notavi. Periodicam aliam ex mensibus laboriosis, succedente eorum fluxu, semper iterum depulsam. *Δυσηκοια* catarrhoſa tollitur astmate, ulcere, tumore pedum vel abdominis hydropico; & contra, ex ulcere antiquo consolidato *Δυσηκοια*. *Δυσηκοια* & asthma pluries alternant. In malo hoc chronicō de inquinamento venereo sciscitare. Aurium fordes, quæ natura sua flavæ ac amaræ, dulcescere aut colorem mutare, pravum in morbis.

Bubo.

Pestilens & venereus suo loco legantur.

Ex bubone febres omnes malæ, præter ephemeras. Interdum in febribus malignis circa genitalia, alas bubones apparent, quibus die undecimo erumpentibus, morbus solvit. Bubones benigni, si diu protrahantur & tardius maturantur, periculo non vacant, quum in

fistulas periculosas facile abeant, maxime si ex uno foramine fieri incipient plura. *Hildan.* Difficillime parotides, promptius bubones inguinales, promptissime subaxillares in suppurationem plerumque vergere solent. *Heister.* Bubo ab erroribus hæmorrhoidum; aliis circa pubertatis annos ex lymphæ bonique succi redundantia; aliis à contusione, curabiles sunt, bene discernendi, habentque prædictiones suas in principe valetudine.

Cachexia. Chlorosis.

CAchexiam pluries præcedunt tremores, maxime in bibonibus. Qui diu pallidi faciem habent tumidam, eos certum est aut capitis aut viscerum dolore laborare, aut sedem internam quodammodo male affectam esse. Magna autem ex parte non unum aliquod horum adest, sed interdum multa, aut etiam omnia. Larga est differentia inter dispositionem cachecticam & cachexiam plenariam. Cachexia proximus est ad hydropem, in primis λευκοφλεγματιαν, atrophiam, hecticam gradus. *Aret.* Facilis est transitus atrophiæ in cachexiam. Cachexia sæpe per multos annos contumaciter persistit, & licet œdemata etiam passim in tibias & pedes se extendent, non tamen verus inde hydrops extenditur. Cachectici raro perfectam adipiscuntur sanitatem, multo minus hydropici. *Barbette.* Seness mortem non evadunt; pueri liberantur facilius; ætate florentes, non valde cachexiæ patent, non tamen penitus facile sanantur. *Aret.*

Quo pejor color, v. g. viridescens, nigricans, eo pejor morbus, & contra.

Viscerum integritas multum relinquit spei, & contra. Facilius tollitur quæ subito ex intemperantia & prava digestione suboritur, quam quæ paulatim ex visceris labore subnascitur. Quæ ex nimio potu, refrigeratione, post febres, in junioribus, sub viscerum integritate curari potest. Si ex hæmorrhoidum fluxu vel prægresso vel sæpius recurrente, curatu difficultis est. Si ulcera in cachectico exsurgant, difficulter sanantur. Si totum corpus fit tumidum, inflatum, pallidum, si ciborum adest fastidium, hypochondriorum tensio ac durities, crebrior, male olens, vomitus urget, virium lapsus, syncope intercurrrens, pauca per alvum feruntur, urina cruda & pauca, respiratio difficultis, mortem aliquot mensibus prænuntiare licet. *Hoffm.* Cachectici ad epilepsiam pronissimi sunt.

Chlorosis est malum χρονικότατον, quod sponte raro, ni vitæ mutatio vel matrimonium juvent, cedit. Consensus est inter chlorosin & icterum. Ex chlorosi, ni tollatur, fiunt lentæ, asthma, hectica, febres, θρωσκία, hydrops, arthritis, rheuma. Solvitur maturis catameniis, conjugio. Scabie humida totali multum levatam vidi, catameniis tandem erumpentibus. Pluries chlorosi supervenit chronicæ sterilitas, aut fœtus edunt infirmos.

Calculus renum & vesicæ urinariæ.

VIx ulla corporis pars est, in qua non calculus fuerit inventus. Calculus non nisi è sede sua dimotus, atrociter affligit. Calculus renum verus omnia funesta prædicit, nisi vegeta admodum ætas & virium energia summe præsto sit. Vesicæ consummatus respuit pharmacorum opem, & quos semel tenet, ad mortem usque ipsam pertinacissime discruciat. Sæpen numero uno excluso, extraēto, novi subnascuntur. Calculus vesicæ modo libere inhabitat, modo adhærescit immobilis. Multi sine dolore calculus vesicæ diutissime intus fovent. Præ feminis frequentius laborant calculo viri, & quidem ægrius. Vix unquam renum calculi effugit tormentum, quisquis parentum occasione expositus calculo à naturæ ortu fruit. Sinistrum renem præ dextro infestat. Laxam habentes urethram, calculus aliquando inscii dimittunt. Excernitur quandoque ex scroto, (Beniven) perinæo, formato abscessu, vel sub hoc casu per anum aut mulieribria quoque. *Comm. Lit. Nor.* Repentino renum dolore cum mictionis defectu, calculorum aut urinarum crassarum excretio portenditur.

Quibus novum aut certe rarum calculi renalis vitium, ii minimo etiam cruciantur calculo. Quibus vero vetustum jam, hi tantum grandioribus torquentur, mediocribus non item, & qui non angulosi. Quo magis diutiusque urina fertur Δsa, eo duriores magisque rebelles renum adsunt calculi. Renum calculus plerumque

sere subrubore est, vesicæ magis albicat; grandior ac durior isto. Arenas multi mingunt & tamen non sunt calculosi, quoniam illæ non coguntur in lapidem, nisi viscido aliquo & crudo interveniente, ad quod itidem tempore opus est. *Holler.* Mentiuntur ad amissim vesicæ calculus fungus, excrescentia, scirrus vesicæ, pituita, pus in illa indurata. *Bagl.* *Heurn.* Solum purulenta materies ad calculi genesin sufficit. A vesicæ calculo ad tenesmi vel recti prolapsum initia haut raro fiunt. Omnes calculosi facile fiunt icterici, & contra. *Bagl.* Dolores ex calculo cum ulcere & in senibus obvientes difficillimæ sunt curationis. Calculosi sub plenilunio gravius habent reliquo tempore. Vesica in calculosis ad pollicis crassitatem quandoque callescit. Ureter intestinuli in modum ex calculo incarcerated aliquando distenditur. Ubi calculus per eundem descensum tentat, dolor ad regionem ossis ilii excurrit. Et tunc urinæ & sæcum excretiones fistuntur. Diu ureteri obhærens inducit inappetentiam, vomitum, anxietatem, hecticam, quin mortem. Signa magis certa calculi sunt; urina crassa, sedimentosa, albicans, viscida, matulisque adhærens, maxime, simul sanguine excreto; dolor fixus & vomitus etiam in procedente affectu junctus; in colis extremo & glande ingens pruritus, doloris ac irritationis continues sensus; contactus cathetere, nisi membrana sit inclusus, digitis ano, uteri vaginæ, immisis; testiculi retractio; femoris, dolor, spasmus, stupor. Hæc quidem ultima è directo plurimum. Lapis

Iævis & politus exclusus vel exemptus socii delitescentis metum incutit. Convalescentiæ & paroxysmi cedentis signum : si urina ab initio tenuis, alba, postea crassa fit, sabulum & frustula lapidosa deponit. Nonnulli calculosi cum quotidie materiam ulceroso - ichorosam emiserint, à calculis postea immunes vixerunt. Mictus cruentus in dispositis calculum aliquando præcavet. *Junck.* Mortem prædicunt dolores diu noctuque pergentes, atrocissimi, nullis cedentes remedii, omnimoda urinæ suppressio cum extremorum refrigeratione, sudore frigido, lipothymia & tendinum convulsione. Porro si vomitum & dolorem acutissimum febris sequitur, cum magna anxietate ac siti vehementi, ac postea singultus atque delirium cum extremorum frigore accedunt, non diu superstes erit amplius æger. Quidam ob totalem urinæ suppressionem in hydropem pectoris, lethargum vel convolutionem incident. Moriuntur alii lente hectica cum appetitu præcedente dejecto, nausea, vomitu firmiter persistente: Alii tabe renali, & hi paucissimos ut plurimum in vita perceperet dolores, renibus totis in pus conversis. *Holler.* Cito extinguitur accidente inflammatione ad ventriculum & intestina extensa, & in gangrænam, sphacelum versa.

Calculus in urethra plures annos levi cum incommodo hæret; ultra 28 annes accidisse dicit *A. N. C.*

Cancer.

OMnis glandula est locus cancri. Cancro laborantes melancholici sunt. Mammæ, labia, uterus, nasus, in primis patent cancro. Periculorum & propter longam durationem tædii plenum vitium est τὸ καρκίνον. Cancer ubi increvit, omnium maxime est molestus, periculosus, letalis. Non solum ægri misere eo intereunt, sed miserius quoque donec mors necet, vivunt. Facilis est progressio sive communicatio ad vicinas glandulas, v. g. à mammis ad subaxillares. Quo durior cancer, eo pejor. Quandoque uti os durus evadit. Quo recentior cancer, eo melior. Recens occultus curationis aliquam viam præbet, & contra inveteratus & cum ulcere. Ubi exiguo tuberculo malum circumscribitur curari aliquando potest, aliquando etiam relinqu, etsi non neglegi se patiatur. Illi non fidendum, qui venis circum lividis aut pallentibus tumet, nec tentandus medicamentis. Occultus quiescens in euchymis diu tolerari potest: modo caveantur motum circulatorium nimis augmentia; & contra: in atrabilario, sicco, duro, rigido, sene, cacochymico. *Bærh.* Scirrus cordi quo est propior, & quo majora habet vasa arteriosa, eo plus est periculi, ne in cancrum abeat. Scirrus qui colore albus est, si fit rubicundus, inflammatorius, live scens, cum dolore primum pruri ente, dein lacerante ac summo urente, ac si ferrum candefactum per partem duceretur, cancrum oborturum edicas. Si tumoris sub

cute proximioris apici verrucosa inæqualitas infideat obscuri coloris atque compagis compaetæ vel compressæ, vel altius sub cute latenti obhaereat duritas alba, granosa quasi, cum fibrillis albicantibus, callosis, hinc illincque fese expandentibus, metum habe carcinomatosæ indolis. *Eller.* Quibus cancri occulti fiunt, eos non curare melius est. In cancro occulto, qui scirrhus est malignus in glandula, retinente suum volucrum commune sive proprium, saepe in medio tumore reperitur cavum acerrimo & foetido humore plenum. Cancer solitarius melior est multiplici, vel si scirrhi in aliis partibus simul adsunt, hi enim serpentis cancri sunt prodromi. Pejor & incurabilis est qui à causa interna, quam qui ab externa. Excrecentiae fungosæ glandulosarum & membranacearum partium fere saepe in cancrum desciscunt. Cancer occultus ubi in apice vel circumferentia rubet, dolet, ac inflammatur in apertum transibit. Summis tum doloribus adfligit, ferocit, serpit, depascit, donec hominem plane confectum trucidet. Cancer contagiosus est in dispositis, in genere non æque. Cancri terrimus odor adstantes atque curam habentes etiam quandoque interficit, φθοι saepius. Cancer exulceratus foetorem spargit acetosum & putredinosum carnis in muria salina vel aceto computrescentis æmulum. Si in cancro aperto insignior est foetor, putrefactio prævaleret, sin minus, acris corrosivitas. Quo haec saevior, eo cuncta saeviora. Si corrosivitatem externis inhibeas, putrefactio increscit, si hanc, illa

effrenior fit. Ergo curationis spes prope nulla in topicis. *Carl.* In cancro aperto nullum arte quavis plus laudabile progignitur. Moriuntur tabe cancerosa , febre hectica summa , lipothymiis , convulsionibus , hæmorrhagiis , (maxime in uteri cancro) agrypniiis , ex immanitate dolorum. Femina quamdiu ubera præbet vix mammarum subjacet cancro. Ex decem muliebribus , quæ mammarum cancro laborant , vix una est , quæ non habeat à confusione , compressione , compunctione. Feminæ quæ scirrhos gerunt , maxime in internis partibus vel mammis , facile , menstruo tributo cessante , cancros accipiunt , cælibes imprimis & steriles. Feminæ , quæ scirrho vel cancro mammarum laborant , si iis catamenia non rite fluunt , vel si purulenta è vulva cum menstruis feruntur , sæpe & uteri scirrho vel cancro infestantur , maxime si dolor in hac regione junctus sit. Si jam glandula sub ala intumuit , ubi cancer mammam tenet , malum , nec sectio proficit. Glandulæ mammarum & uteri magnum habent nexus , & cancer in alterutra habitans. Æque valet de sympathia glandularum faucium ac pudendorum. Si in ullo exscindatur vel tollatur , facile in aliud migrat locum. Malignitas cancri patet ex pruritu continuo lacinante , à vasis varicosis , scirrhosis , duris , magnis & multis , dolore intolerabili , fœtore & acrimonia væ stygiæ instar , febre hectica urgente , lipothymiis. Periculum petitur ex loci vel partis , cui insidet dignitate , nec non individui consideratione.

Anevrysma spurium s^epe fit α cancro exulcerato introrsum ; unde pluries hæmorrhagiæ emortuales. Cancer nisi integre auferri queat, relinquendus est. Uteri , linguæ , faucium , palati , axillarum , inguinum , insanabilis : Labiorum , palpebrarum , mammarum , nasi , balani curatu difficultimus. Cancer extirpatus ferro facile recrudescit , vel minimo nodulo remanente , vel ex sanguine infecto , fermento cancroso , vel in priore vel alia parte resurgente malo : Quin in exostosin vel spinam desciscit ventosam. Ex scirrhis viscerum accedente motu humorum solidorumque auctiori , facile nascuntur cancri , ex quo viscera tota consumuntur , hinc aliquando suborta dysenteria miserrima.

Capitis dolor.

QUICUNQUE fani dolore capitis repente corripiuntur , & statim obmutescunt , & stertunt , intra 7. d. moriuntur , ni febris eos apprehenderit. Si capitis dolores noctu incident , calore lecti , mane bene habeant ægri , sub noctem semper iterum recrudescat dolor , & artuum osteocopi dolores juncti , citra febrim notabilem , de siphylitico cogita miasmate. Dolores capitis α ventriculo oborti , magis communiter anteriorem occupant partem , ab utero nati verticem ac occiput cum sensu frigoris in vertice. Caput cum ventre & venter cum capite singulariter consentiunt. Qui diu pallidi faciem habent tumidam , eos certum est aut

capitis aut viscerum dolore laborare, aut sedem internam quodammodo male affectam esse. Magna autem ex parte non unum aliquod horum adest, sed interdum multa, aut etiam omnia. Quæ diurna circa radicem nasi cephalalgia, fit vel ex pituita vel ossis vitio. Si dolor rosivus ac ~~cordax~~, de vermis cogita inhabitantibus. Alvus fere semper stringitur in morbis capitis. Fluxa semper solatio & contra obstructa.

Dolor capitis & tussis sœpe signum sunt arthritidis prænuncium; & ex eadem remanente pluries cephalæa exoritur, ad delirium usque sœva. Solvitur cephalalgia successiva remissione maxime in juvenibus, nondum assuetis, & cum excretione sanguinea; eruptione catarrhosa è naribus, oculis, in malo graviore eruptione puris ex naribus vel auribus. Capite dolenti si pus aut ∇ a aut sanguis fluit per nares vel os solvit morbum. *Hipp.* Solvitur porro aliquando dolore genum vel alias articuli; sputis crassis, inodoris, quin etiam ulcusculorum ubertate, nonnunquam & somno & alvi profluvio; *Weper.* *Hipp.* polypo narium membranaceo-pituitoso, inodoro, foetido, periodice excluso, quod bis observavi; puris effluxu ex cantho oculi majore, quod semel annotavi; hæmorrhoidibus, menstruo fluxu; tremore brachii, manus protracto; vomitu, maxime hoc quidem biliosus & hypochondriacus capitis dolor. Inventeratam refert abactam vulnere gravi ad suturas, capitis. *Hildanus.*

Cephalalgia cum sopore in senibus apoplexiā vel paralyſin ; in acutis cum vigiliis periculum deliriū prænunciat. Urina subjugalis semper mala capitīs præmonet. Hæmorrhoides cruentæ nimiæ vel anomalæ cum cephalæa sæpe alternant. Item cephalalgia & miliaris efflorescentia sæpius sese invicem excipiunt ; æque cardialgia.

Cephalalgia firmiter fixa , quæ lippitudinem vel anteivit vel consecuta est , periculum cæcitatris adfert. Cephalalgia continua & contumax sæpe transit in lethargum , epilepsiam , apoplexiam , cæcitatem , surditatem , phrenitidem , melancholiā , paralyſin. In capitīs dolore ubi distensiones nervorum subsequuntur , sumnum adest periculum. Dolores capitīs post sudores criticos evenientes , mortem ut plurimum præsagiunt. Capitis dolor cum sopore & gravitatis sensu quandoque convulsionem accersit malo omīne , facilius id quidem in gravidis. Longinquus capitis dolor sine causa vexans , si in cervices atque scapulas transit , rursusque in caput revertit , perniciosus est , nisi sputis vel sanguinis profluvio vel capitīs porrigine vel pustulis in toto juvetur.

Torpor & prurigo ubi modo per totum vagantur caput , modo in parte , aut sensus aliquis frigoris ibi est , eaque ad summam etiam pertingunt linguam , malum judicato grave ; ex abscessibus auxilium sperare licet , qui vero raro subsequuntur. Cephalæa ex cranii carie pessima est , pertinacissima. Sub cephalæa atrocissima caries cranii aliquando inducitur.

Hemicrania & clavus pluries sunt ex vitio primarum viarum vel arthritica materia. Hemicrania libenter in arthritidem plenariam abit. Quo magis dolor ad illius lateris brachium usque se extendit & æger de obdormitione istius queritur, eo magis hemiplexia vel paralyfis illius lateris metuenda. In feminis non amplius menstruantibus vix unquam amplius tollitur, maxime periodica & typica. *Junck.* Solvitur hæmorrhoidibus & menstrua purgatione. Hemicrania juniores activos maxime cruciat in latere dextro, adultiores arthriticos in lævo. Quandoque accedunt convulsiones epilepticæ. Hemicraniæ serofæ cessanti aliquando succedunt abdominis dolores acerbi. *Piso.* Enormi ex dolore cephlico futuras laxari & à se dehiscere, notum est. *Pechl.* Omnes morbi capitis qui ab inflammatione intestinorum pessimi.

Cardialgia. Soda.

Quibus cum cardialgia crebrius accedente icterus ingruit, calculo facile laborant felleo. Quibus ulcera crurum manantia accedunt, liberantur. Cardialgia & soda cum hemicrania, arthritide, nephritide sæpius numero alternant. Solvitur sæpius hæmorrhoidum, mensium fluxu, & his interceptis pluries nascitur. Solvitur purpura varia; vomitu cruento, ast non æque secundo successu. Dolor oris ventriculi seniori crebro adveniens, repentinam mortem denunciat. Vidi cardialgiæ chronicam rubefaciens, per errorem loco stomachalis cataplasmatis ventri-

culo superdato, vesicis zonæ instar excitatis cum inflammatione erysipelatode multis sublatam feliciter in bibone. Terrorem, mœrorem diuturnum facile insequitur cardialgia. A spasmo cardialgico vidimus cartilaginem xyphoidem introrium tractam. Cardialgia spasmodica saepe in epilepsiam transit. Periculosa est, ubi convulsiones, syncope, lipothymia, frigus &c. superveniunt. Pessima, si à bile æruginofa, atra, porracea, ex lacte coagulato, in febribus acutis, petechiis, purpuratis, malignis, (quod maxime in statu fit) à vermis, venenis, inflammatione, ulcere, si doloribus arthriticis retrogradis supervenit; æque fœdis externis exulcerationibus, dysenteriæ incaute suppressæ, parotidibus repulsis, &c.

Salutis spes est si per intervalla adfligit; si per consensum accedit; si à pituita viscida, licet hæc paulo contumacior sit, minus periculosa; si à flatu pariter. Si dolor indesinens, diutinus: socii vomitus, tormina, cum assumptione corporis, solidorum subest vitium, v. g. scirrhos, ulcus, cancer.

Soda frequens est symptoma hypochondriacorum, arthriticorum, nephriticorum. Soda & transpirationis negotium, hinc cutis volumen, magnam invicem habent consensionem.

Catalepsis.

Est morbus rarissimus, ac sub frigore intensissimo maximæ invasiones obveniunt. Aliquando hic morbus non animadvertisit in febris validis sanguineorum. Sæpe jacent cataleptici jam. Intelligitur tandem si adspiciunt oculis immotis & ad interrogata non respondent. *Bærh.* Respiratio & pulsus superfunt, at plerumque leves. Curabilis est, quæ à vermis: Quæ ab animi passionibus, profundis meditationibus non adeo grave minatur periculum; gravissimum metum incutit, quæ à sanguine crasso, impuro, v. g. venereo. Tollitur aliquando per hæmorrhagiam largam, (*Ætius*) hæmorrhoidum, mensium, fluxionem. *Dol.* Desinit aliquando, sed raro, in melancholiā, epilepsiam, convulsionem, cachexiam, hydropem, dementiam, *απροστασίαν*, apoplexiā. In mortem plerumque finitur. Qui hoc morbo rapiuntur, nisi mature curantur, stupidi, ac velut frigore quodam enecti moriuntur. Novimus catalepsin in pleuritide critice critico die incidentem in femina.

Cholera.

In cholera, ut in acutis, incerta est prædictio. Nullus nisi forte pestem & pestilentiales febres exceperis, exitus est brevioris, tamquam cito homines jugulat, morbus, quam cholera; maxime infantes, senes, enervatos. Periodum fere observat tertianarium, ita nempe ut de

D

tertio in tertium moveatur diem , seu plus
minus , exasperetur. *Jungk.* Aliquando est
epidemica , valde maligna & letalis. Quo magis
excrementa à statu naturali recedunt , eo peri-
culosior morbus , v. g. si livida , nigra , aut
Ioturæ carnis similia. Vehemens sitis malum
indictum. Malum , si compressis excretionibus
cætera remaneant symptomata. Periculosus mor-
bus est , si acuti dolores & torsiones incident
& supra infraque magno impetu humores
præsertim virides , atri , caustici , prorumpunt
ac ingens afficit bibendi cupiditas , facies flavescit
pallida fit , pulsus parvus & concisus est. Mortem
indicunt animi deliquia , singultus , pulsus in-
termittens , convulsio , sudores gelidi ; si fœtidæ
rejiciantur , intra 4. d. necantur. Inflammatione
pereunt gangrænodea. Inflammationem in spha-
celum abiisse , non leve est indicium , si pulsus
totus concidit , crura contrahuntur , frigidæ
sudationes fiunt , anima deficit. Spes affulget ,
si morbus ultra d. 7. protrahitur , si conquiescunt
vomitus cum insequente somno & levamine
flatuum per inferiora eruptiones. Cholerici facti
dysuriosi judicantur omnes. Cholera ab abscessu
stomachi vel mesenterii vel epatis vel intestino-
rum rupto non protinus pertimescenda ut fatalis.
Cholera facile degenerat in iliacam passionem.

Ex corporis impuritate facile evenire potest ,
ut humores in tantum corrumpantur , ut ex
ipsis sic corruptis generetur in corpore vivente
venenum aliquod afferens omnia symptomata
veneni assumpti & externi. Hæc habemus in
cholera. *Zach. Camer.*

Cœliaca. Lienteria.

Cœliaca ex dysenteria est calamitosa. Passio cœliaca mitiorem constituit gradum, lienteria majorem. A cœliaca summa corporis debilitas sequitur, hydrops, tabes. Quæ à scirrhescientia glandularum mesenterii, intestinalium, pancreatis, vel etiam ulceratione, pessima. Subsequitur abdominis tensio, $\alpha\tau\gamma\sigma\phi\alpha$, cachexia, anasarca. Corpus non amplius nutritionis capax est.

Fluxus cœliacus & lienteria in infantibus magis quam adultioribus frequens est. In corporibus cacochymicis saepe in dysenteriam transmigrat, in mulieribus prægnantibus perniciösus est affectus.

Potus glaciati multum tribuunt ad lienteriam. Popularis quandoque notatur lienteria. Lienteria quandoque ægros trahit, quandoque præcipitat. Lienteria ex dysenteria est calamitosa. Qui splenetici dysenteria corripiuntur, eaque si longior fuerit, his hydrops lienteria supervenit, & moriuntur. Lienteria facilius à teneris depellitur ætatibus, utique, si ferri urina & cibo corpus ali incipit, provectionibus difficillimus est. Bonum signum, si urina larga; si corpus sine febre, nutriturque, si flatus $\kappa\alpha\tau\omega$ exeunt cum dejectione; ructus acidi revertentes, maxime in diuturna. *Hipp.* Lienteria in scorbuticis difficulter admodum curatur; facile abit in cachexiam scorbuticam, atrophiam, mortem. Lienteriae cum spiritus difficultate & lateris dolore, pectoris

morsu, ad tabem tendunt. Longe detenti lienteria cum sœvissimis ulceribus, intestinorum cruciatu, iis solutis, intumescunt. Quibus accedens rigor malo est. Malum valde, si lienteria cum ictero, hydrope, tertianis, lentis febribus complicatur. Pessimum in lienteria, maxime, si longinquus est morbus & in corpore senili, ubi æger pro modo potionis sumptæ non meit, si os ipsi exulceratur, rubetque facies, & quasi maculis quibusdam colorum omnium distinguitur, si appetitus perit, urget fitis, si excreta levia, fœtida, nigra, & diu noctuque frequens dejectio.

Colica.

IN colica pertinaci, si sudor copiosus & universalis superveniat, labefactatis & resolutis viribus, brevi paresin expectato. *Bagl.* Cessante paralysi, redit dolor consuetus, maxime si febris socia fuerit antehac, jam quoque recurrens. *Arcanus* est consensus ab intestinis ad ambitum corporis. Magna est sympathia ab intestinis ad urinam. *Rega.* In colica semper de hernia inquirendum, bilisque defectu, turgescentia, qualitate. In diris ventris cruciatibus urina fistitur.

Urina colicorum toto morbi progressu pauca, eaque flava admodum redditur, atque si cum febre prius turbata quæ fuit, sub exacerbatione ejusdem recurrente, clara iterum fit. Quæ à nephritico dolore distinguit. *Piso.*

Frequentissime alioquin est cum sedimento, lateritio, quale in febribus intermittentibus, remittentibus atque scorbuto habemus. Colica, diarrhoea & dysenteria mutantur in arthritidem, & contra. Multis ante invasionem paroxysmi podagrī superveniunt dolores colici, qui evanescunt, modo manifestata podagra. Multum subest periculi, si cum actuali horrore invadit, atrociusque adfligit, sive convulsiva, sive spasmatica, sive biliosa, sive inflammatoria sit. Solvit colica sudore largo, fluxionibus sanguineis, erysipelate, purpura, maculis scorbuticis, podagra, ictero, arthritide, diarrhoea, furunculis muscularum abdominis, ulceribus crurum manantibus, scabie, &c.

Colicis saepe superveniunt & paroxysmum solvunt icteri, maxime in hypochondriacis & hysterics. Biliosam quandoque solvit aurigo & diarrhoea biliosa. Aliquando transit colica in abscessum (si dolor fixus & febris adest) quandoque in hydropem: Interdum in volvulum migrat; idque intra 7. diem. Colica cum alvo adstricta pertinacius semper ac vehementius adfligit. A diuturno partium ad ventrem attinentium dolore, suppuratio. Colica, quo violentior, eo brevioris periodi & temporis plerumque est. Periodica & epidemica notatur. Singultus ubi colicæ præter consuetudinem supervenit, diri ominis habendus est. Ex doloris tyrannide aliquando infert colica epilepsiam, convulsiones, affectus soporosos, apoplexiam, mortem. Si dolor repente sine causa cessat, pessimum. Si conformatio-

vitium subest, raro aufugiunt mortem. Colica ex abscessibus viscerum ventris pessima. *Beniven.* Colica accidere solet in virginibus ac muliebris ob ovula tumentia matura. *Santorin.* Colica, ex molis, polypis, calculis intestinalium, non est immedicabilis.

Excrementa, non nimium retineri dolorem, locum sedemque mutare, post exclusos flatus, stercore, levari ægrum, licet redeat affectus, durante morbo, semper facile spirare, tormentum intermittere, salutem brevi promittunt.

Mortis criterium habe, si vigiliæ, sudores frigidi, singultus creber, delirium, convulsio, extermorum refrigeratio, syncope, à morbi vehementia superveniant; præprimis in senibus, gravidis, puerperis, valetudine fractis. Aphonia & vox rauca esse solet, non raro prodromus convulsionum in colica. *Bægl.* Convulsiva, si in epilepsiam, paresin, iliacam degenerat, fere letalis est.

Colicam spasmodicam vertiginosi affectus frequenter præcedunt aut sequuntur. Familiaris est scorbuticis, venereis, & pertinaciori à febre non rite liberatis. Ingravescens dolores in artubus accersit, ac deum in paralyсин terminatur. *Hist. Vrat.* In colica scorbutica abdomen quandoque ita retrotrahitur, ut spinæ dorsi sibi obversæ pene contiguum fiat; sæpius etiam abdomen hoc in morbo tractim, vermicularem in modum, extuberat, strepentibus interea flatibus. Magis est in lumbis mesenterio, musculis abdominalis, quam intesti-

tinis. Dolores ventris scorbutici omnes superant reliquos, ad peritonæi enim rupturam usque sœviunt. *Eugal.* Non raro in epilepsiam vel paralysin definit. *Ægineta.* Colica arthritica semper est periculosa, sœpe letalis. Si pectoris gravitas, si intestinorum dolor præcipue pungens, alvi tarditas, diu persistenter, malum. Nisi arthritide in extremis firmiter hærente, firma nunquam spes est incolumitatis, & contra. Colica hæmorrhoidalis est valde contumax & vehemens, facileque inflammations, indurations viscerum, icterum, asciten, relinquit. Cedit optume varicibus, fluxui hæmorrhoidali recti, diarrhœæ mucosofuscruentæ: Notavi solutam excretione cruentis grumosi per os naresque. In colica biliosa succedit frequenter aphonia & vox rauca, ac per totum fere cursum ægritudinis durat. Inflammatoria triduo finitur varie, vel in salutem vel mortem, inflammationum more. Facile in volvulum transit. Si colicæ dolor uno in loco, absque febri, alte stabiliis, eumque nec flatus nec ructus lepit, cum tormento terebelli quasi pertundentis ac pene spiritum elidente, socio vomitu vario, æruginoso, pituitoso, porraceo, pituita subest tenax, crassa, vitrea, quod prædicito tum. Contumax est & diuturna, facileque fit habitualis.

Convulsio. Spasmus varius.

PROGNOSIS affectuum spasmaticorum & convulsivorum dubia est temporique relinquenda. Convulsio horrendum malum est, sed non adeo fatale. Brevi & facile cedit, si recens adhuc, si in junioribus, ἐντπλαγχνοις. Quæ ab evacuationibus sanguineis suppressis, his reductis, mitigatur, abigitur. Si hæreditarium, chronicum vitium, item in impuris corporibus, malum. Transit in epilepsiam, melancholiā hypochondriacam, paralysin. Necat apoplexia. Convulsio in febre oboriens & eodem die desinens, bona est, aut 3. d. febrem sedat; si vero 3. vel 4. d. transgreditur, malum. Hysterica vel hypochondriaca passio si juncta, noxa pejor est. Convulsiones minantur acuta vox & lugubris & oculorum obscuratio ac respiratio intercisa, titillationes vel tensiones invola manus, tendinum subsultus, manus tremula, cervicis & dorsi perfrictiones, spumantes mictiones cum animi deliquio, lumborum & capitis ac oris ventriculi dolor, cum forti exsecratione; urina prius tincta, simul & semel subito prorsus ∇ ea reddita; tenuis & alba; subjugalis junctis vigiliis; dolor artuum ostecopus; si ægri non possunt discernere colores. Singulares obveniunt motus convulsivi cum sensibus maximam partem integris, & contra sensuum motusque privatio accidit sine ullis partium externalium spasmis, sexu quidem in utroque, maxime autem sequiori. **H. Vrat.** Si ebrius repente obmutuerit, convulsus moritur,

nisi febre corripiatur. *Hipp.* Febrem convulsioni spasmoque supervenire, melius est, quām febri convolutionem spasmumve. Hoc vero vere minus in pueris periculosem. *Hipp.* Convulsiones spasmi, à repletione non ita sunt timendi, uti illi ab inanitione, qui fere letales, maxime si cum inflammatione interna. Quibus in convolutionibus oculi intente splendent, his mens non constat, & diutius morbum trahunt. Convulsio paraphlegiæ superveniens quandoque solvit eam. Solvunt convolutionem febris, urinā, alvi fluxio, somnus, menstrua, hæmorrhoides. Convulsiones in febris principiis morbi magnitudinem testantur; sed minus sunt periculosæ, quām quæ in statu contingunt citra signa coctionis in urina.

Urina crassa & turbida in morbis spasmodicis ac convulsivis, bona: tenuis & alba, mala. Convulsio in febribus puerorum non ita letalis est, ut in illis adultorum. In febribus subito, sine signis præviis nata ex ore ventriculi, non timenda; protinus tollitur vomitu.

In febribus acutis convulsiones, spasmi, & circa viscera dolores fortes, malum. Malæ sunt quæ camatosis succedunt, & in febribus, una cum favoribus maxime, à somno accidentunt. Pessimæ quæ in mente capitis ac phreneticis; quæ à doloribus maxime capitis & assiduis vigiliis; quæ à nervis vel tendinibus lœsis, idque magis vel minus pro partis dignitate. Ex tremoribus letalissimæ. Si, post insignissimam virium luctam, particularis obvenit convulsio, spasmus, v. g. labiorum, oculorum, narium,

mors in propinquuo est. Ubi sanguis multus fluxerit, nimia inciderit purgatio, singultus aut spasmus aut convulsio, malum. Obvenientes junioribus frequentius spasmi, annis ad- auctis, arthritidem, senibus minus assuetis apoplexiam, asthmata convulsiva, paralyses, minantur. *Stahl.* Quos tetani vis magna exercet, intra 4. d. intereunt, quodsi hos effugerint, levantur, & liberi evadunt: Ubi moritur aliquis, potionem & sorbitionem & pituitam per nares extrudit. *Hipp.*

Οπιδοτονοφ detentis resolutæ maxillæ mortem afferunt, quin etiam letale est sudare ac corpus dissolvi, & per nares revomi, ab initio vox defecta, clamor, nugatio; postridie fere moriuntur. Febres cum *οπιδοτονοφ* urinæ solvunt genitale semen referentes. *Hippocr.* Spasmus dolorificus quandoque remedio est.

Spasmus maxillæ inferioris adulorum morbis spasmodicis quandoque accedit & medicabilis est. Aliquando per matastas in incidit ex rheumate nuchæ, capitis sanabilis. Vidi chronicum, biennem, ex dente carioso, sævissimum, odontalgicum, simul & hunc maxillæ, inducente. Spasmus penis obvenit in podagrīcis & hæmorrhoidariis irregulariter laborantibus, dolorosissimus plurimum aliquando cum chorda, non immedicabilis, si recens, in firme corpore.

Priapisinus, ubi coles quasi tetano distentus est, metum habet, si pergit, inflammationis & abscessus penis; quandoque excipit rigiditas. Si à seminis copia in nonnuptis, paralysis, mania,

furor, sequitur s̄epissime. Cervicem distorqueri & caput obstipum vitio muscularum cutisque fieri, animadversum est.

Pertinax malum ac rebelle sunt motus spasmmodici vagi. Quandoque 7. 9. 14. d. solvuntur si à causa externa, assumptis. Chronicum s̄epissime mutantur in morbum, oedema, ulcera, stuporem artuum, soporosos affectus, epilepsiam, apoplexiā, fatuitatem, diarrhoeam, nyctalopiam, cæcitatem, surditatem. Qui à causa externa & assumptis in ætate vigente, sine dispositione congenita, recentes, s̄epenumero felicitter dispelluntur; item, qui à dyscrasia scorbutica, venerea, saburra primarum viarum varia, vermibus, acrimonia lymphæ & feri, ex podagra retropulsa. Hoffm.

Cordis palpitatio. Polypus.

PALPITATIO arteriarum abdominis in gravidis bene est distinguenda à cordis palpitatione: Æque illa in hypochondriacis atque hysteris à spasmo & flatulentia eveniens. Qui in juventute aut magis consistente ætate, palpitations cordis s̄epius experiuntur, haut facile consenescunt, sed ut plurimum frequenter animi deliquia incidunt, tandem necantia. Sed tamen 7orii dantur per omnem vitam vexari palpitatione. A quacunque exoriatur causa, non est negligenda. Si palpitatio à polypo, anevrysmate non per intervalla sed continuo ægrum molestat, ex levissimo exasperatur motu, facies pallido aut alio morboſo suffusa est colore

cum symptomatis, hydropi affinibus. Si vero ab acri irritante, spasmo, per intervalla tantum adfligit, præsertim post animi pathemata & facies naturalis manet. *Bagl.* Maxime timenda est palpitatio frequens, magna, fortis contumax, cum anhelitu, animi diliuiis & pulsus inæqualitate. Funesta est, si syncope, catarrhus suffocativus & convulsiones superveniant. Medicabilis est quæ à scorbuto, affectione hypochondriaca, hysterica, ab interceptis mensibus, hæmorrhoidibus, cachexia. Hypochondriacorum levior est quam scorbuticorum, ubi lipothymiae facile junguntur, & aliquando subito catarrhus suffocativus necat. Incurabilis quæ à polypo, inusitata cordis magnitudine à vermis, pilis, calculo, anevrysmate, abscessu in corde, ab hydrope pericardii, à pericardii vitio proprio: Sic aliquando alte verrucosum vidimus totum instar radulæ, elatioribus grandioribusque prominentiis sive asperitudinibus fabricatæ.

Meminimus cordis palpitationis insignis, chronicæ, summe anxiferæ cum vertigine, tandem serpigne pectoris notabili ablatæ in vetula bibone. Facilis est migratio à palpitatione cordis in asthma convulsivum, hæmoptoënum periculofam, φθοτι, cachexiam, hydropem pectoris, anasarcam, paralyticos affectus, morbos convulsivos, tandem mortem repentinam. Quibus accedit œdema manus, posthæc brachii, signum est impedimenti polyposi circa cordis ventriculum vel auriculam; aderitque spirandi difficultas, morbo ad interitum properante ægri. *Bagl.*

Polypi in regionibus septentrionalibus magis quam calidioribus frequentes sunt. Polypus cordis disponit ad pectoris, capitis & uteri morbos. Qui ex polypo cordis moriuntur, hi paulo ante mortem tumore pedum oedematoso vexari incipiunt, mox cachexia, hydrope tandem, vel alterutrius manus, brachii quoque, maxime laevi.

Polypus praecavetur satius quam curatur. Recens non omnem autem eludit artis potentiam. Diuturnior cordis palpitatio, eaque ex levi causa recurrens; pulsuum inæqualitas & cum lipothymiis intercurrentibus saepe juncta intermissio; frequentius spirationis sine causa manifesta impedimentum cum anxietate vel compressione circa cor; titillationis in- & exspirationis tempore circa cor contingentis sensus; manus, brachii unius vel alterius, laevi maxime, oedema accedens praecipue polypum cordis significant. *Hoffm. Bagl.* Inveniuntur polypi plurimum in arteriis, rarius in venis. *Bærh.* Raro polyposi sine praecedente aut regulari aut irregulari febre moriuntur. Eventum polyposis quidem bonum nequaquam polliceri possumus, sed non semper, ubi polypum cordis suspicamur, mors annuncianda est, dum per multos annos ad senium intus gestatur sub bona diæta. *A. N. C.*

Diabetes.

Diabetes verus affectus est rarissimus. *Galen.*
Affectus anginodei plurimum antecedunt diabeticos. In senioribus periculosior est quam in junioribus. Acutus diabetes verus esse consuevit & absque mora marcorem totius abit mortemque adfert, quam proxume instare, convulsiones aliaque gravia denotant. *A. Wedel.*
Diabetici saepe peripneumonia extinguentur. Quo diutius duravit symptomaticus, eo paucior restat spes. Quandoque ad annum protrahitur, donec æger confectus ac visceribus induratis emoriatur. Ad salutem terminatur, si fluxus nimius & æstus sedetur. Symptomaticus frequens est hysteris, hypochondriacis, isque periodicus. Incurabilis est plerumque, si post immodicum laborem, nimiam venerem, chronicas febres, à prava & diurna consuetudine liquorum spirituorum ingurgitationis. *Et mull.* Curabilis est si à saiburra coli renem comprimente sinistrum. *Hoff.* Qui in hecticis stomachicis & intestinalibus, in dentitione difficiili, verminatione, in senibus chronicis intermittentibus pressis, ex diutina obstructione ureteris per calculum (*Hoffm. A. N. C. Sydenh.*) præfigii rationem in principe quærit noxa. Est diabetis species quæ cœliaca urinalis dici potest, quando chylus c. lotio exit.

Diarrhœa.

FLUXUS SÆPE FLUXUS REMEDIUM; SIC V. G. DIARRHŒÆ URINA CPIOFA, VOMITUS. *Hipp.* VIX FIT DIARRHŒA, NISI SIMUL COMPATIATUR VENTRICULUS. *W. Wedel.* CHRONICA SÆPE ACCIDIT EX VITIO SOLIDORUM. *Brunn.* TERTIANÆ TYPUM QUANDOQUE SERVAT, CUI EADEM FACIT MEDICATIO. *Comm. Lit. N.* DIARRHŒA & COLICA MUTANTUR IN ARTHRIDEM & CONTRA. *Hipp.* NARIUM RUBORES ALVI LIQUIDÆ & DIFFLUENTIS SUNT INDICIA. *Hipp.* VICES SÆPE SUPPLET CUM EUPHORIA LOCHIORUM; FLORIS ALBI; HÆMORRHOIDUM, FEBRUM INTERMITTENTIUM, RECIDIVARUM, MENSİUM SUPPRESSORUM. UNA DIE FLUERE ALVUM, QUINTA & PLURIBUS, SÆPE PRO VALETDINE EST, MODO ABSIT FEBRIS, & INTRA 7. DIES CONQUIESCAT. *Cels.* DIARRHŒÆ PERIODICÆ, PRÆCIPUE CIRCA ÆQUINOCTIA, PER PLURES DIES IMMO ALIQUIT SEPTIMANAS PLUS SÆPE, SEROSÆ PLURIMUM, EVENIUNT PERDURANTES, SINE FEBRE, SINE VIRIUM PROSTRATIONE, SALUTARES SANE, MAXIME IN HYPOCHONDRIACIS, HYSTERICIS, NISI TURBENTUR. *Stahl.* QUOS LONGA EXERCENT ALVI PROFLUVIA, HIS PEDES INTUMESCUNT. ALVI PROFLUVIO UNA CUM TUSSI LONGO TEMPORE QUI DETINENTUR, NON LIBERANTUR, NISI IN PEDES INCIDERINT DOLORES VEHEMENTES. *Hipp.* DIARRHŒA QUANDOQUE TOLLIT PURPURA, MAXIME TORMINOSA, DIUTURNA, ÆQUE SUDORE VOMITU, URINA CPIOFA, QUASI DIABETE SPURIO, STRANGURIA. INVETERATA ALVI PROFLUVIA PER VENEREM EXFICCANTUR. *Ætius.* BONUM SUNT SIGNUM FLATUM PER INFIERORA ERUPTIONES, & UBI CONTRECTATO MANU VENTRE NULLUS SUBEAT MOTUS, CESSIONE FLUXUM

denunciabis. *Hipp.* Alvi excrementa liquida , quæ in progesu morbi sensim crassescunt, bona. Diarrhœæ biliosæ , serosæ , non excedentes , in principio febrium utiles sunt , dum materiam morbificam imminuunt , excipio tamen eas , quæ cum phlegmone viscerum sunt. Fluxus sanguinis atri , alii nigri , foetidi , æruginosi , per alvum critici quandoque esse solent in ventris morbis , maxime diuturnis lumborum doloribus , dummodo hypochondria mollia sint , febrisque absit. Sub notis pepas-
zni alvum aterrimam ne metuas , maxime si medicamentis talia exigantur.

Si balbi alvi profluvio corripiuntur , longum potissimum est idem. *Gal.* Diarrhœa arthritica , quæ per se accidit , si modum non transeat , sœpe salutaris est in ευσπλαγχνωις ; contra , si ab assumpto catarctico vel cruditatis , incerti eventus erit. In acutis , malignis , quæ fit die critica , cum facili tolerantia , apparentibus signis coctionis , est bona nec turbanda. Æque in declinatione febrium contingentes , salutares haberi debent. *Sennert.* Diarrhœam in acutis futuram significant dolores circa umbilicum cum palpitatione ; si venter murmure quodam fluctuat , rugitur & pungitur ; mox gravitas & dolor intus oritur , primum circa lumbos , hinc ad imam ventris partem delapsus , &c. cum sudore deficiente , urina parca , cruda , æstu intenso sociis. Liquidissima excrementorum consistentia , morbo ad judicationem eunte , denunciat non adesse criticam morbi solu-

solutionem. Ea crassior sit oportet, subfulva, non graveolens: Utile quoque si præsentes lumbrici simul exeunt. Alvum cruentam in acutis prædictum carotidum insolita cum subsultum. Deprehendimus diarrhoeam biliosam male exceptam in chronicam cruentam versam. Observavi diarrhoeam fœtidissimam cum pedum fœtidissimo largissimoque sudore alternante in juvene robusto, nullius diætæ. Diarrhoeam saepe excipit dysenteria, & hanc diarrhoeam vel lienteria. Diarrhoea si succedit, licet vires dejiciat, firmorem in posterum sanitatem pollicetur. Diarrhoeæ symptomaticæ ni necent, abeunt in hydropses vel lienterias. Ex alvo liquida cum sudore algor in acutis & chronicis malum. Malæ sunt in acutis paucæ, vel quæ max ubi cœperunt, desinunt; malæ, biliosæ, vitellinæ, mordentes, in ardentibus, morbo adhuc crudo. Mala cum inappetentia, *αγευπνία*, acerbis tormentibus, virium dejectione, quæve cum hemitritæa. Mala omnis copiosior dejectio in quolibet morbo; & si cum ventre subtumido & crescente efferatur pessima. Dejici nimium, nimis dolorose, insensibiliter valde ∇ sum aut album, aut ex viridi pallidum, aut vehementer rubrum, aut spumans, exiguum, sincerum, glutinosum, candidum, læve, ubivis mala sunt, maxime in acutis omnia. Lætalia magis, nigra, pinguis, livida, æruginosa, fœtida, varia, inæqualia, &c. *Lomm.* Fluxus alvi porracei ac virides vel mortem vel diuturnum morbum significant, potissimum in acutis, ac in morbi maxime principio, cum primisque si

cum nimio fœtore fuerint. Periculosæ admodum sunt in pectoris morbis; puerperis & infantibus febre maligna correptis; *Waldschm.* si febris accedit, inflammatio, sitis immodica, diurnitas, tormentum doloris, varietas excretorum. *Cels.* Perniciosæ cum elatis hypochondriis, maxime in iis, qui ex longo intervallo contabescunt. Perniciem intentat alvus fluxa cum voce tremula perseverans. Diarrhœæ ex mœrore, persistente eodem; incurabiles fiunt, ac superveniente febre letales erratica & *argyria*. *Waldschm.*

Dysenteria.

Medicus sit cautissimus, nec promittat certo convalescentiam neque in principio neque declinatione. *Hofm.* Præcedit dysenteriam fere semper diarrhœa, interdum autem tumor aliquis sive distensio abdominis.

Quandoque in principio simulat diarrhœam benignam, pedetentim vero malitiosa emergit dysenteria, quocirca consideretur epidemia specialis. Singultus in principio morbi non ita funestus est, ac in progressu. In hystericis cæteroquin gravia symptomata benignius sunt interpretanda. Plus periclitantur senes ac pueri, quam in media constituti ætate. Viris magis funesta est quam feminis. Lactentes securius laborant. Gravidæ frequenter per partum subsequum circa omnem fetus noxam exsolvuntur. Qui quondam hydrargyrosin sustinuere, facile in dysenteriam labuntur.

Hanc ægrimoniam rarius experiuntur melan-cholici. Dysenteria & arthritis se mutuo pluries excipiunt. Mutatur in ulceræ pedum & ma-nuum fœda volvulum. Transit, haut raro funes-te, in hydropem, lienteriam, tabem, cœliacam, hecticam. In puerperis, sensibilioribus femi-nis, facile jungitur hysterica passio. Dysenteria atrocior primo, mitior secundo septenario, terminatur. Aliquando ultra d. 40. extenditur, prouti febris juncta est. Dies 7. 11 & 14. sunt magis fatales, maxime in febrili maligna. Hypochondriacis dysenteria superveniens, salu-taris, si ab interceptis hæmorrhoidibus, non ex intemperantia; si non longa sit, alias enim vel in lienteriam vertitur vel hydropem, funesto eventu. Quæ à fractibus horæis magis benigna, quæ à tempestatum injuriis magis maligna esse sivevit. Si ex alio morbo jam infirmum ad-greditur, v. g. phthisicos, cachecticos, raro homo servatur. Paralysis unius brachii & pedis alterius lateris dysenterica, maxime in epi-de-mica, maligna, occurrens, ut plurimum stipata abolitio omni sensu, vel doloribus arthriticis nonnunquam, si rite tractetur, sanabilis est, ut omnes nothæ paralyses. Manet vel in iisdem membris vel ad opposita transmigrat. Corripit facile, plethorico-cacochymicos, biliofus, an-reas arthriticos, ulceribus antiquis vexatos; in quibus omnis perit sensatio difficilius curantur. In senibus, valetudinariis, debilibus transit sæpe in marasmus, hecticam, apoplexiæ. *Fabric. Helmstad. Diff. pecul.* Crassa intestina facilius morbum ferunt quam tenuia. Si dolor circa um-

bilicum altior, valde vehemens, fulminis instar transiens intestina, plus intervalli inter dolorem ac dejectionem, excreta exactius mixta; major febris p. r. n. indicium est affligi tenuia, si his opposita, crassa; si utraque affecta, primo dolor erit acutissimus, deinde obtusior, excrementa cum sanguine pureve erunt permixta, & simul illis cruar & materia purulenta supernabit. Crassis intestinis affectis ut plurimum febris nulla est; tenuibus vero contra, magisque humorosæ ac dolorosæ sunt dejectiones; ventriculus correptu præter febrem & dejectiones adest vomitus. Exanthemata sociata non semper funesta sunt. *Dysenteria* ex arthritide anomala sive interna mediocris, optima, & si cum virium constantia, critica: Insultus saepe repetens nunc im abscessum, nunc ulcer degenerat intestinorum, morbos ærumnosissimos. *Musgrav.* Urinæ pauca, rara, immo per aliquot dies nulla, in commoda creat insignia, potulentis licet copiose assumptis, mox per intestina prolabentibus. Venus difficultati intestinorum medetur. *Hipp.* *Amat.* *Lusit.* Malum, si dysenteria sincera dejectione; si abatra bile incipiat; si in corpora impura, enervata incidat. *Hipp.* Si à contagio; si cum febre (quo exquisitior hæc, eo plus periculi, utpote quum inflammatoria sit;) si alba, idque magis, si cruenta rejectio cum reliquorum symptomatum incremento desinat. Plerumque fatalis est diurnis animi perturbationibus maceratis. Exitii notae sunt: animi deliquium, singultus, vomitus protracto morbo, cardialgia, anxietas præcorr-

dialis, excrementa virida, nigra, cineticea, livida, foetida, ichorosa, lumbrici cum stercoibus ejeciti, (nisi sumpta medicamina eosdem expellant) anus arête clausa, enemata mox relapsa, vigiliæ immodicæ, sitis infatiabilis, extremonum frigus cum debili pulsu, internorum ardor, sudor frigidus, aphthæ, angina, diglutitio difficultis, deliria, subitanea doloris remissio sineque causa, indolentia in toto morbo, sanguis sincerus largiter singulo conamine egestus ne muco quidem intermixto, assumpta cum murmure delabentia, excretæ carunculæ, convulsio, fecum sine sensu demissio, &c.

Citam mortem annunciant tubercula & maculæ nigræ post unam vel alteram aurem, manus œdematofus tumor. *River.* Mors præforibus est, si labia livent, gene p. n. rubent, oculi concavi, extrema frigent, nasus aquilinus fit. Necat sphacelo. Gangrænæ testis est magna sitis, linguae siccitas arida, remissio subita acerimi doloris sine ratione. Salutem promittunt flatus pedendo emissi, qui prius non aderant, febris dolorisque remissio, simul eveniens. *Bagl. Sennert.*

Salutaris est quæ ob crus amputatum exoritur; & que gravidis aliquando ante partum, & post eum plerumque liberantur. Minoris est periculi, quæ citra febrile initium accedit. Dysenteriæ aborientium & puerperarum sunt periculosæ, maxime febriles, sed non semper, dum lochiorum vices supplent, vel materiam lochiorum per vicina loca optime minuunt. *Bagl.* Appetitus salvus salvum à labe ventriculum indicat,

bonumque præbet signum, & contra naufragia augescens.

Vomitus spontaneus mox in primo principio, bonus, & præoccupat malum, si ex assumptis fuerit, contra, si ferotinus.

Convulsio vix in morientibus accedit, si multum fuere enervati: Facilis est post adstringentibus compressam, ubi diebus criticis ordinarie hisce extinguuntur.

Mictus cruentus frequenter in junioribus sanguineis cum dysuria vel potius stranguria jungi solitus, morbo decrescente, ubi tenesmus urget, medicinis cedit. *Kramer.* Adstringentium, opiatorum intempestivus usus invitrat infausto & periculoso omne febrem magnam, inflammationem, icterum, œdema, cardialgiam, singultum, colicos dolores cum alvo obstipatissima, exulcerationes, tympanitem, aphthas, dolores articulorum, paralysin, hecticam, intestinorum angustiam p. n. sphacelum eorundem, vomitum cruentum, &c. Vomitus cardialgiam ex cohibentibus ortam solvunt. Vomitum cruentum ex adstringentibus ortum, dysenteria revocata, feliciter iterum sublatum, memini. Cruenta dysenteria suppressa alienis temporibus, facit abscessus ad viscera, biliosa ad articulos. Si in dysenteria adhibueris opiate, & altero mane oculorum ægri color est mutatus, vel frigus in ambitu corporis observatur, certe non superabit morbum, & contra revalescere potest. *Waldsch.* Tenesmus magis benignus est infantibus quam adultis, maximæ grandævis.

Illi ad menses aliquot quandoque ferunt, his haut raro est exitialis.

Ulcus dysentericum profundum difficillime curatur, in primis in tenuibus; & contra simplex erosio. Dysenteria feliciter superata relinquit plerumque intestina firmiora, quocirca posthæc nec huic nec diarrhoeis facile obnoxii sunt convalescentes. Vomitus cruento-purulentus ex rupta vomica ventriculi juncta, non semper terreat. *Mead. monit.*

Dysuria. Ischuria. Stranguria.

Quibus futura est crisis, iis urinæ supprimuntur. In diris ventris cruciatibus urinæ fistitur. Urinæ retentio diurna magno nisu facta sæpe creat testium retractionem. Magna est consensio ab intestinis ad urinam, à cute ad vesicam. *Rega.* Stranguria & dysuria leniora esse sueverunt, ischuria gravissimum, ac, si diutius immoratur, mortiferum est vitium. Ischuria renalis periculosior est vesicali; eadem illa si absque dolore magis perniciosa est, quam si cum dolore. In strictis corporibus brevius necat quam in laxis. Ischuria nisi ante septimum diem tollatur, febris facile inflammatoria, sphacelus, imo mors, superveniunt.

Nullus Ischuria laborans diem supervixit propemodum 17mum; sed si lotum iter inveniat per umbilicum, sudores, (*Piso*) insuaves & olidos sane, alvum, (*Beniv.*) vomitum, ad 20. dies protractam legimus. *A. N. C.*

Qui gonorrhæa virulenta laborarunt in juventute, solent in senecta diro urinæ vexari ardore atque mingendi laboribus. Urinæ cum rigore suppressæ, stranguriæ in acutis, malæ & convulsoriæ, tum alias, tum si cui antea sopor fuerit; spes autem his abscessus pone aures. Ubi lapillus hæret in pelvis sine exortuque ureteris, aliquo corporis motu modo ascendit modo descendit, sicque urinæ mox suppressum mox iterum liberum erit iter. Interdum sibi urina in cervice vesicæ viam parat, & per ulcus ex suppuratione vel gangræna obortum erumpit. In superioribus hærere ductibus causam docent dolor ac gravitas in lumbis, vesica inanis, doloris ac tumoris expers, absentia mictionis urgentis. *Lomm.* In dysuria quo diutius dolores insistunt, eo facilius febris vel convulsio accedit. Ischuria quandoque ad hydropem disponit, & hydropici sæpius hac anguntur. Stranguria absque dolore ischuriæ finitima est, sin minus, dysuriæ. Senibus malum diuturnum est stranguria, juvenibus brevius, per se neutræ fatale. Stranguria quæ est ab urinæ vitio facilius curatur, quæm quæ est à vesicæ morbo, inprimis in senibus. Senes si urinæ suppressione corripiuntur, vel cum alio graviore morbo, vel sine tali, plerumque letali est cum eventu, calculo nempe absente. Dysuriæ solvit tantisper subsequens rigor, antesignanus supervenientis febris novæ. Stranguriæ vel suppressæ urinæ si tenesmus vel vulvulus accesserit, intra 7. diem occidit, ni febris intervenerit lotii iter expediens. *Hipp.* Asthma-

ticis dysuria superveniens bono est ; hac cessante denuo tales fiunt. *Bagliv.* Ischuriam sequitur coma somnolentum , restituto urinæ fluxu , hoc protinus cessat. Fere semper quoque in senecta succedit incontinentia ischuriæ. Urinæ suppressione à tuberculo , pepasmi capace , ad vesicam enato , per puris eruptionem solvitur. Ubi valde intenta est vesica , inflammatio cum metu gangrænæ excitatur , & æger inter miseros cruciatus , cibum quoque & bilem per os reddit ; hinc pariter aliquando nascitur vesicæ hernia. Quando in urinæ retentione lotium concussum bullas emittit & retinet , tunc ægræ sunt in periculo mortis , & contra. *Bærh.*

Quidam ob totalem urinæ suppressionem incidunt in hydropem pectoris , lethargum vel convulsionem. *Bagl.* Tollit potest quæ ex ætoria simplici si æger obsequatur ; quæ ab hernia vesicæ urinariæ recenti , ubi perita manus admovetur ; ubi aditus est ad tuberculæ & excrescentias ; quæ ab urinariæ vesicæ ventositate (quæ dolorosissima cæteroquin ; ubi à pituita , fabulo , alvo obstipata , hæmorrhoidum motu in junioribus. Periculofum malum si singultus superveniat ; si noxa à lapsu , vertebræ luxatione , ex concreto sanguine. Quo ultimo casu gravissima quandoque fluunt symptomata , quæ de mictu cruento tradituri dicemus. Vix emendabilis ancepsque est , quæ ex callo , scirrho vesicæ , à calculo majore in pelvi ; quæ à vitio malæ conformatioonis ; quæ à vesicæ paralyssi.

Mortiferum , si certis persistentibus malis signis , sponte largissimum uno impetu eveniat

aliis profluvium ; ubi sudores urinosi , fœtidí , cum aliis malis signis ; si à calculo incuneato . Quæ à musculis abdominis læsis rationem prædictionis in vulneris natura habet . Qui incidunt in letalem urinæ suppressionem , corripiuntur stupore mentis , tremore ac rigore universali , febre demum , paralysi aliquæ nervorum morbis , delirio , apoplexia , veterno profundissimo , hydrope pectoris . *Bagl. Bærh.*

Senes ex vesica laborantes excernunt aliquando tam lentam pituitam , ut quis merito dicat vesicam ipsam emingi ; acerbi adsunt dolores , hique moriuntur .

Emphysema.

Emphysemata non solum fiunt sub cute in membrana cellulosa , sed etiam quandoque sub periosteis , aut etiam iis membranis , quæ musculos ambiunt viscusque aliquod . *Galen.* Emphysema quod fit ex vulnere , maxime curvo , capitis , vel ad thoracis cavum aut fistulam spiritalem penetrante , per se nullius est periculi , nec adeo molestum : Pleuram percussam hoc probabile reddit . Si ab exulceratione pulmonum , pleuræ , minus lætam dat præsagitionem . Quod variolis suppurantibus supervenit , vel perfunditis hoc morbo enascitur , variam habet prognosin ; prius magnum vitæ minatur periculum ; posterius vinci potest . Si à relaxatione cuticulæ ob vappidum & humidum ambientem ærem , medelæ locus est in corpore cæterum fano , contra in cacochymico . *Schulze. Hild.*

Bærh. Palf. Tredecim numero notavi ab una femina , destinato tempore , successoriis annis , nullo interposito sano , enixos emphysematicos fetus , vel mortuos jam , vel brevi post extinctos ; sub graviditate inflatum habebat ut plurimum mulier habitum cotaneum , post partum sponte vanescentem. Mendiculi malitiosi infantibus saepe arte indicunt emphysemata quasi hydrocephalum , hydropem scroti. *Hild. Dionis.*

Empyema.

Empyema valde periculosum est malum : Quod à vulneribus thoracis mitius est , se-
cus , quod post $\varphi\vartheta\iota\sigma\iota\pi\iota\tau$, pneumonicas, vomicam ; ob fractas jamdum vires quin immedicable. Si in uno tantum pectoris latere, diutius supersunt. Si 40 diebus à ruptione vomicæ pus totum sputis non expurgatur , siunt phthisici. Empyicus impetu docetur circumfluentis humoris , in quo sit latere vomica rupta , eique , in quo pus hæret , jucundius incubat. Si pus multum , quod coiit in empyemate , simul omne effunditur , æque mortiferum est , ac si quis sani corporis vulnere factus exsanguis est. Si pus paracentesi eductum , album , lave , æquale & purum , si æger sine febre , siti , diarrhoea , bene digerit , evadit ; contra , si subcruentum , feculentum , foetidum , fuscum , ichorosum , uno impetu effluit , febris cum suis symptomatis præsens , necatur. Pus quandoque sibi ipsi viam parat , potissimum in dorso : In asperam arteriam eructatum , quandoque screatu ejicitur : Si idem

facile, album, inodorum, læve nec servidum, bonum; aliquando absorptum diarrhoea exit, vel ad vias urinarias defertur feliciter. *Bærh.* Talis autem evacuatio copiosa sit, oportet, ad salutem si vergere debet. Si pus in sanguine remanet absorptum, gignit *Q̄t̄s̄v*, febrem putridam cum sudore putrido, purulento, dein dulcescentis, nauseosi odoris; nec ullus servatur. In morbo ad antiquitatem verso totum corpus sudoribus difflit, in pedibus tumores fiunt, aut toto corpore oriuntur pustulæ. Si sub alio morbo, v. g. febre, eveniat & accedat, pejus est quam solitarium. *Vater.* Ex paraphrenite quandoque fit empyema, rupto diaphragmatis abscessu, exanguina, inflammatione mediastini, pericardii, epatis ea superficie, qua septo medio contiguum. Prædictio & hic valet citime proposita.

Epilepsia.

IN adultis licet vehemens & aspectu tristis, non tamen perinde luctuosus hic est morbus. Mirum, feminas epilepticas ac quotidie cum paroxysmis conflictantes, attamen liberos parere integros & sine ulla istius mali nota, & contra, firmis & bene valentibus prognatos, affligi dira affectione & misere haberi. *Peckl.* Prodromus epilepsiae persæpe est universalis, jam instantis, convulsio membra alicujus particularis æque oblivio; & si hæc post eam, pessima est. Epilepsia verminosæ & hystericae accessionem pluries antegreditur gulæ fistulæque spiritalis

constrictio. Hæreditaria, congenita nunquam sanabilis, idiopathica, chronica, raro, sympathica recens sœpe curabilis. Si à mala conformatio[n]e solidi, nullus medicinæ locus est. *Bærh.* Nocturna vera curatu difficultior est quām diurna. *Crato.* Epileptici melancholia facile solent corripi, & vice versa. Chronicæ epilepsia[e] subiecti, licet aliis morbis simul laborent, haut adeo periculosum. Senes si epilepsia corripi cœperunt, plerumque celerrime pereunt. Vehementior oculorum distorsio aliquoties strabismum relinquit durabilem. Epilepsia circa mensium eruptionem in puellis eveniens, in feminis tempore gestationis & præcipue partus revertit facile. Quartanæ si epilepsia superveniat, tamdiu epilepsia conticet, quamdiu febris durat. Quartanæ epilepsia superveniens, eam solvit. *Hipp.* Solvitur sœpe circa annos pubertatis; si hoc non fiat, maius. Solvitur mutatione aëris, locorum, vitæ generis; intermittentibus febribus, scabie, erysipelate, exulcerationibus; hemorrhoidibus, febre acuta; hæmorrhagia; matrimonio inito. Prægnanci feminæ si morbus accessit comitialis, facto partu solvitur. Spes est, si non sit hæreditaria, congenita, idiopathica, habituallis; si ex vitio primarum viarum, à vermis; lactis nutricum culpa; efflorescentiis retropulsis regressisve; si paroxysmi rariores, mitiores, & noctu ubi invadit sine pollicum incurvatione; si æger accessum tantum præsentit auræ frigidæ quasi afflato, non doloris cujusdam capitis, lateris, artuum, prævia perceptione. Pessima signa:

78 Epilepsia. Erysipelas. Zona. Macula lata.

Si ex improviso concidit miser; si à capite accessionis venientis sensus inchoat, non ab artibus; si paroxysmi magis frequentant quam solebant, diuque ubi invalit passio, immoratur; si adest multa vertigo, respiratio difficillima & vehemens, longa corporis agitatio, post hanc catoche, stertor, factorum nulla memoria & pudor; si mens læsa aut facta paralyfis; si post annum 25 demum accedit, maxime, si miser comitialibus procreatus parentibus, aut conceputus fluentibus menstruis fuit. Epileptici motus in statu acutarum febrium, maxime exanthematicarum, parum relinquunt spei bonæ Hoffm.. Desinit epilepsia in apoplexiam, paralyfim, hemiplexiam, maniam, fatuitatem, hecticam, omne fatali. Epileptici, qui moriuntur, apoplexia extinguntur. Bærh. Epilepsiae si superveniat gutta serena, plerumque signum mortis est vel vehementiæ morbi. Quæ in hominibus ex infima plebe, egenis, misere victi atristibus, crudis aquis utentibus, duris laboribus & fatigatis occurrit, idiopathica est singularis ex sanguine crudo, crasso, feculento, atrabilario, ad cerebrum delato & impacto. Bærh. Burggr. Epileptici panis secalini ~~ad~~ ^{ad} communiter laborant. Carl.

Erysipelas. Zona. Macula lata.

Quo magis nobilem, nervosam, tendinosam erysipelas occupat partem, quo gravior inflammatio, eo magis considerandum, in primis in corpore impuro. Febre, inflammatione,

tute minus asperata, decursus celeritate, noscet
erysipelas ab herpete. *Platn.* In senibus, ca-
thecticis difficulter discutitur, frequens autem
iisdem obvenit. Capitis, faciei, palpebrarum
erysipelas pejus est reliquo; frequens est in ar-
thriticis anomaliis; salutariter solvit hæmor-
rhagia larga. Erysipelas locum mutat, serpit
cum rubore ac calore, sanescente eo, quod
prius vitiatum erat, ex quo à phlegmone diver-
sum intelliges. Exoritur quoque μετασατη febris
vel alias morbi, quod diligentem necessariam
habet animadversionem in medendo, ne re-
primas. Convulsionem solvunt inflammatio,
erysipelas, abscessus. Periculum esse potest,
quod cum multa febre oritur & in phlegmo-
nem transit. Pravum esse solet, quod propter
confractum vel nudatum os venit. Si intro-
sponte vergit, letale; rubor evanescit, pectus
gravatur & spiritum ægerrime dicit æger.
Lonum, si ab internis ad extra migrat? si
sine inflammatione, minus periculum haberet.
Solvit asthma, epilepsiam, colicam, maxime
convulsivam. Erysipelas neglectum vel im-
prudenter tractatum, aut in ardente febrem,
aut exulcerationem pessimam, aut gangrenam
ac sphacelum convertitur. Si suppuratur,
ulcera exedentia, mali moris, infanabilia,
enascuntur. Dicitur tum proprie Ignis sacer.
Erysipelatis corruptio pejor est quam quæ in
aliis inflammationibus contingit. Sphacelus
ex erysipelate natus per aliquot dies incutè
delitescere solet. *Junck.* Si tumoris erysipela-
cei rubor livescere incipit, ac dolor profunde-

infixus est, suppurationem expectato. Erysipelas scorbuticum valde periculosum est, facillime enim in malignum degenerat ulcus. Erysipelas remanens, retropulsum, est perniciiale quin funestum, capitis in primis, ex quo præcipue vertigo, phrenitis, affectus soporosi, linguæ paralysis, maxime in senibus & scorbuticis. Cætera invehunt inflammations viscerum, stomachi in primis, hepatitidem, asthma, cardialgiam, singultum. Qui erysipe late pereunt, febre moriuntur cum dyspnœa, delirio, sopore, intra 7. diem quidem plerumque. *Hoffm.*

Zoster sive Zona, erysipelatis genus perniciosum est, ac interdum necat. Si peccus ob sidet, pertinacior est & dolorosior, quam si ventrem inferiorem. Notatur acutis Zoster cum febre acuta maligna; aliis chronicis in scorbuticis, hypochondriacis, arthriticis. *Joh. Lang. in ep. Hoffm.* Zonam acutam malignam & maculam latam quidam ad carbunculos referunt. A retenta purpura saepe exoritur Zona. Vidi cardialgiam in bibone chronicam Zona ventrali fato quodam solutam.

Macula lata malignissimum genus erysipelatis est in febribus malignis circa cordis scrobiculum vel in manibus, livida mox, demum atra, mortis nuncia.

Febris acuta in genere.

DE symptomatis, hæmorrhagia, surditate, siti, convulsione, delirio, *αφωνίᾳ*, vomitu, diarrhoea, sudoribus, singultu, præsagitationes suis evolvantur locis. In acutis morbis fallaces magis notæ sunt & salutis & mortis, maxime, in principio ac in viscerum labe, humorumque miasmate notatis sotico. Aliquando cum pessimis signis evadunt & contra. Corpora rigida difficilius laborant. Acutæ ordinariæ cum algore horrore invadunt, non rigore; malignæ cum vario horrore. *de Berger.* Ad febrentem si ingrediaris, in primis etiam respice hypochondria, respirationem, linguam, gingivas, oculos, faciem. *Hipp.* Raucæ voces & *αφωνίαι* in acutis indicunt causam proximam à bile. *Bagl.* Urinæ nigræ, vel sedimentum tale, in mensibus suppressis simul laborantibus vel melancholicis, non sunt ita timendæ, ac extra hunc casum. *Alpin.* In malignis urina fere semper est instar cerevisiæ albæ & sic ab aliis febribus distinguit. *Kramer.* Omnis febris quo magis est calida, eo magis est putrida. *Bærh.* Si in acutis circa dies criticos infueta incident symptomata, de vermibus inter alia quoque cogita; æque reliquo tempore. Quæ ex dolore dorsi principia febrium ducuntur, difficilia sunt. Livores pejores sunt in acutis quam nigredines. Pedum frigus exacerbationis imminentis criterium est. Si magna muscarum copia plus solito in æstate videatur, semper in sequenti autumno febres crassantur malignæ. Plus alunt periculi

febres continuæ circa solsticium. *Waldsch.* Acuta mensem excedens non unius, sed plurium, mutuo sese excipientium, consecutio est, ex algore repetito cognoscendarum. Omnes febrientes quandiu sputant, extra periculum ut plurimum sunt. Illi, qui sine sudore est, salivas fluere, dum febrit, boni moris est. Acuti morbi imparibus diebus salutariter desinunt, nam paribus fere sunt letales; chronici paribus diebus ac mensibus. *Hipp.* Anxietas febrilis cum fastidio & vomitu ventriculum læsum significat, nec timenda, si vomitu sedatur; si autem eodem augetur, malignitas latet. Antecedit saepius crisi futuram, optumamque. *Alpin.* Præsentibus licet aliis melioribus signis, urina existente cruda & perspicua, licet ruffa, lubricus est status. Nausea in malignarum initio robur naturæ indicat, in peste vero maxime perniciosa existit. *Etim.* Nausea pro signo susceptæ malignitatis habenda. Ex nimia venere debilitati si prehendantur acuto morbo, non eluctantur, nisi difficillime aliquando: Et qui febre modo soluta feminam ineunt, plus saepe cito extinguuntur. Febres benignæ in enervatis, potissimum ex venere immodica, malignas imitantur, ob rationem malignitatis formalem. Si virium sine manifesta causa notabilis urget defectus, ac symptomata nec temporibus morbi respondentia neque signis reliquis adsunt in acuta, malignitatem dices. Malignitas non competit febri sed stagnanti humoris. Fere revertitur febris, quæ subito sine ratione, sine bonis signis finita

est; si diebus imparibus ægrum non reliquerit; quæ neque diebus criticis, neque post ad parentes solutionis notas dimittit. Crises imperfectæ & extra dies decretorios contingentes recidivas relinquunt, tumores hypochondriorum, splenis, hæmorrhagias, quibus succurrunt tumor ad articulos urinæ turbidæ cum sedimento multo. Si algor aliquis inciderit post vigorem, mitescente sine luculenta crisi febre, recidivæ indicium habes, & non infrequenter purpura incidet junctim, si cum horrore revertat. *de Berger.* Ex dorso crebris & parvis horroribus insudantes leviter in difficii versantur, ischuriāmque dolorosam facile hinc prædicas. Acute febrentibus si aliis temporis rigor superveniat, affuturam symptomatico modo febrem quandam inflammatoriam v. g. pneumonicam, phreneticam, testari potest. Algores, horrores sub, in & post vigorem acutæ, sine critica subsequā evacuatione, pessimi; ferunt secum vel diuturnitatem morbi vel recursionem vel præceps exitum. *Alpin.* Rigores multi cum torpore, malignum quiddam denunciant. Crebri ac inconstantes ex dorso horrores dysuriām vel ischuriām minantur. Epidemicæ malignæ facile in lentas hecticas degenerant. Respondent communiter typis illi anni tempori, in quod incident, convenientibus, scilicet vere tertianario, autumno humidiore catarrhali tussiculo-
lo, æstate dysenterico. *Carl.* Acutis post crisi minus perfectam succedunt aliquando intermit-
tentēs, æstate tertianæ, autumno quartanæ. A gravi quidem & diurno paroxysmo tertia-

nam probabiliter conjicere licet. Febris acuta crisi imperfecta declinans, eminusque abscessum minitans, ubi intermiserit ac erratica facta fuerit, facile in quartanam migrat, autumnali maxime tempestate. Cum convulsionibus & sudore febrenti, defluentia sputa minime mala sunt; satius, si accedunt fluxa alvus aut abscessus ad articulos. Capitis dolores vehementes ac continentes cum febre, in junioribus sanguinis eruptionem è naribus, in senioribus suppurationem indicant. Quæ cum malignis signis allevamentum adferunt; & quæ cum bonis non remittunt, molesta sunt & difficultia. Quibus cum alvi perturbatione sub judicacionem morbus ingravescit, iis nigra per alvum prodeunt. In febribus ex glandularum tumoribus dolores, morbi diuturnitatem prænuntiant. Quibus per febres obsurduerint aures, iis sanguis è naribus critice profluens aut perturbata alvus solvit morbum, & contra hæmorrhagia symptomatica phrenitidem prædictit. Post modicam sanguinis eruptionem nigramque dejectionem in acutis surditas, malum. Si febrentes, non dormientes, quieti tamen, nil querentes, non loquentes ni ad quæsita, pulsus tangentι manus retrahant tremulas, non evadunt. Pulsus intermittens in juvenibus, maligne febrentibus, non semper fatale præbet signum. *River.* In febribus semper bene sperandum, licet prava systematis nervosi appareant symptomata, si modo pulsus robustus & æqualis, & contra, si valde celer, inæqualis, debilis & vacillans, licet reliqua symptomata

salutem promittant. *Morton.* Vires in acutis quo magis firmæ perstant, respiratio quo magis bona & facilis, quo plus mens sibi constat, non omnino dejecta cibi cupedia est, pulsus magnus & æqualis, somnus decens, enorema per aliquot dies laudabile in lotio apparet, sedimentum excipit tenue, in dies sensim crassescens, eo plus manet spei firmæ. Ruetus acidi in putridis & acutis salutares; cadaverosi sunt gangrænæ & affuturæ mortis nuncii. *Hippocr.* In declinatione febrium malignarum bene judicatarum, cum allevatione magna quandoque erumpunt sudores frigidi in corpore calido, perque horas durant plures, ad 24. usque. *Rayger.* Quibus in febribus aut aliis morbis voluntarie illacrymant oculi, absurdum non est; quibus autem præter voluntatem, absurdius. Illacrymationes involuntariæ hypochondriacis obvenientes acute febrentibus, non ita sunt timendæ, ut in aliis, si alias iisdem istæ familiares sint. In acutis tumidas partes spectari, criticis diebus maxime, die 7. 9. &c. vel in declinatione, perpetuo malum non est; saepius natura humores decretorie ad crura pedesque demittere solet. Aliquando etiam facies, totum corpus, tumet, vapore febrili calore concitato neque discusso, quo postea dissipato, cito liberantur; ergo, aliis signis simul consideratis, prædicendum. Lumborum dolores ad os ventriculi recursantes cum febri, horrore, si tenua & aquosa vomitione rejeccrint, delirarint, voce defecti sint, ii post nigrom vomitionem moriuntur. Pulsus antea durus

nunc mollis & æqualis crisi instare nunciat. Criseos tempora sunt incerta. Si febris in principio sit vehemens, plerumque intra dies 4. fit crisis, ubi nempe exitii notæ absunt; quodsi tardior in initio, circa d. 7. si remissius incipiat, ad d. 11. 14. aut ultra protrahi solet. Quibus 6. die rigores contingunt, difficilis est crisis, metusque novæ febris primam excipientis. Quandoque diebus criticis mutatio fit critica sine commotione & evacuatione critica. *Stahl.* Si crisis inciderit acutæ febris in menstruæ purgationis periodum: rigorque superveniat cum tussicula aut affatim effundendorum iudex erit catameniorum, aut si pauca saltim adpareant, & mox supprimantur, pedissequam acutam ordietur novam. Crises minus perfectas crebro comitantur & consequuntur abscessus, febres lentæ hecticæ. Longæ febres abscessus & articulorum dolores præmonent, eæ nempe quæ securæ neque vitam adimunt, maximeque id in junioribus. Cutis densitas, frequens micturitio vel urinæ copiosiores die indice apparentes, ardor vel pruritus in extremo pudendi, gravitas in hypochondrio, futuræ crisis per urinam signa sunt. Reliquarum notæ suis traduntur pagellis. Hypochondria, per febrium exordia tumida, dura & dolentia, mortem prope affore denunciant, ni crisis conduceat, v. g. per hæmorrhagiam: Aut si febris intra 20 dies non quiescat, neque hypochondria qui tenet tumor durus dolensque subsideat, ad suppurationem res vertitur; si ista vero mollia & sine dolore, ad 60 dies extenditur. *Hippocr.*

Tutissimus est abscessus, qui inferiorem corporis partem occupat, quam longissime à morbo, qui ample inclusus loco morbi materiem continet omnem, quique maxime foras emergens non ægre erumpit.

Crisis fit per urinam, liberalem sudorem, (optime fere) hæmorrhagiam largam, alvi fluxum varium, icterum, ptyalismum, sputa, liberali seri mucosi è naribus stillicidium, gangrænam partis cuiusdam, (*de Haller*) bubones anthraces, fluxum hæmorrhoidalem, è gingivis liberale sanguinis profluvium, menstrua, scabiem, tumores, abscessus (quin in ipsa lingua) parotides, exanthemata, rheumatismos dolorosos, spasticos, maxume infuris, οφθαλμιαν ποωδνυ; vermes copiose exclusos, somnum protractum, cuticulæ universi corporis secessum, fluxum hepaticum, &c.

Pernicialia signa: oculi semi aperti, pulverulentī sive areſcentes, perversi, ſubſidentes, caligantes, immobiles, rubri, dolor bulbi nulla præſente οφθαλμιᾳ, unus altero minor, livor, nigredo venularum oculi, atra bilis per initia supra infraque prodiens; ſenſus uſtioniſ circa cor & hypochondria; ſub magno morbo ultima corporis infirmitas, maxime delirio vel rigore ſtipata; lingua tremula, ſcissa, livida, nigra, crassa, frigida; deglutitio læſa cum strangulatū metu, nullo præſente tumore in faucibus; spiratio frigida, intercifa, magna, crebra, diſſicilis, rara, anxia; ſitis abolita ſub gravi febre, cum lingua nigra & ſqualida; vomitus illico aſſumpta cuncta excipiens, cruentus, multorum

colorum, fœtens; floccorum collectio; manus, artuum tremor & tendinum circa carpos subsultus, si pulsus tangimus; livor unguium, non æque nigredo sub validis viribus; alvus valde aquosa, alba, ex viridi pallida, valde rubra, spumans, exigua, glutinosa, candida, levis, nigra, pinguis, livida, æruginosa, fœtida, varia, inæqualis, cum singultu compressa; stranguria, urina intercepta, maxime ex rigore, morbo ipsi debita, privato corporis vitio non producta; urina sanorum simillima, nigra crassa simul & fœtens, bona quæ fuit repente mala facta, admodum copiosa, colliquativa, ignea perseverans sine sedimento, nunquam turbata, oleaginosa, cruenta, sine contentis, subjugalis permanens, frequens simulque pauca, ubi sedimenta iterum evanescunt; vesica dura & dolorosa; ischuria aut alvi suppressio cum magno in perinæo tumore; extrema non recalescentia, internis calore extostis cum facie flammea & sudore; febrilis ardor sine causa manifesta subito conquiescens; fœtor intensus ab ægrotantis corpore exhalans; lipothymia, syncope; sputa livida, cruenta, biliosa; sudores sub infirmis viribus, frigidi, fœtidi, particulares, in facie maxime; pudoris neglectus; insolitus ægri & indecens decubitus; ulcera, & in febre nata, sicca, livida; parotis non suppurans, nec aliter judicata; rigor inanis, fugitivus, sæpe recurrens, maxime diebus judicialibus; inquietudines cum malis sudoribus, præsertim criticis diebus, nulla optuma subsecuta evacuatione; præcordiorum magna anxietas inflammatoria;

dentium stridor, ariditas vehemens, nigredo, livor; lumborum dolor cum comate anxio; si venter intumescit ac persistit cum aliis pravis signis, v. g. convulsione, (ex ore tunc virulenta & putrida prodeunt;) erectum sedere velle ægrum; dolores circa viscera vehementes; convulsio in statu accedens; spiritus stertorosus, suspiriosus, & qui maxime naribus editur, cum alvo præprimis sicca; horror sudori superveniens, novæ acutæ quandoque initium, quin purpuræ; effusæ excretiones ab initio statim & extra dies criticos; singultus inflammatorius; si color subinde mutatur corporis; dolores ad jugulum & humerum affixi; venarum jugularium palpatione vehemens cum cervicis duritie dolorosa & tendinum distentione; coma; vigiliæ perpetuæ; somnus cum labore & pavore; aphonia; oblivio; sensus hebetes & stupidi; alimentorum cum strepitu in ventriculum descensus; caloris in frigus mutatio & v. v. hypochondria tensa, dura & inflammata; pulsus valde parvus, contractus, sanorum similis, myurus, inæqualis, celer & durus simul; fecum & urinæ involuntaria excretio, si extra se non sit æger; facies Hippocratica, &c. Periculi notæ: siccitas oris, linguae, palati cum voce clangosa, lacrymæ involuntariæ; singultus à saburra; ferox responsum à leni olim homine, garrulum à taciturno, taciturnum à garrulo; aphthæ; angina externa; parotides suppurantes; bubones; testium, scroti tumores; corporis calor inæqualis; delirium; odorum non consuetorum & rerum non præsentium perceptiones; corpus durum,

asperum, non molle; sedimentum in urina divulsum inæquale, farinæ aut squamularum instar; anxietas spasmodica; lentores circa dentes; si venter intumescit ac persistit sine aliis prævis signis; rigor, horror, alieno tempore superveniens; dolores partium ignobilium sine ratione vanescentes vel ad nobiliores migrantes, &c. Plurimum necant acutæ nobilis cujusdam visceris gangræna. Venerei, melancholici non facile feb̄re maligni moris corripiuntur.

Febris ardens & biliosa.

RAIOR apud nos est simplex & vera febris ardens; frequens magis ardens sanguinea sive synocha biliosa, cholericaque febris. *Hofm.* Gravitas desumitur à statu ægrotantis, naturaliter magis minusve adverso; sic in fene atque hieme adveniens, letalis plerumque. Senibus ut infrequens, sic apprime perniciosa est; tutius & sæpius eadem laborant juvenes. Lingua arida, nigra, labia nigra, calor ad tactum fere urens, febrem significant ardente. Lingua optime testatur de sanguinis statu in ardente. Ardens perfecta diem 7. raro transit. Si signa habet bona protinus ab initio, plerisque 4. die solvit. Solutio accidit ardoris febris hæmorrhagia, è gingivis cruoris fluxu, vomitu, diarrhoea, sudore, urinis, sputo crasso, fluxu hepatico, hæmorrhoidibus, idque diebus decretoriis. Ei, qui ardente febri laborat, si rigor, sublurinæ pepasco, diebus imparibus, dimidio septimi 7. 11. 14. supervenerit, morbi

fit solutio; ubi præsertim post ipsum vel sanguinis eruptio vel sudor vel biliosorum humorum sequitur felix excretio. *Hippocr.* *Hofm.* Bonum, si ægri bene sitiunt, & large commodum hauriunt potum, & contra, si nil sitiunt. Malum, si deglutitio læsa; si rigor prioribus diebus repetit, materie utpote adhuc incocta febris. Accessio nova die pari pessima, si id ante diem sextum. *Bærh.* *Hippocr.* Exitii notæ: hæmorrhagia 3 vel 4 die parca; angustiæ circa præcordia urgentes; parotis ad suppurationem non veniens, urina nigra, pauca, tenuis, suppressa, mordax, cruenta; alvus nimis fluxa; sanguinis sputum; tremor ex quo delirium; peripneumonia, maxime, si cum delirio; si tumores cum somnolentia & torpore obveniunt, dein lateris dolor cum levi partis paralysi; si accedit morbus regius & singultus; (hique 5. diem vix superant) ubi supervenit spasmus vel tetanus; si per initia sopor & levis sudor jungitur. Qui in ardentibus non nihil perfrigescunt cum egestionibus aquoso-biliosis crebrisque, his oculorum jactatio cum nictatione, malum signum, tum alias, tum si altus stupor prehenderit. *Hippocr.* Quibus in febribus ardentibus aures tinniunt, obsurdescunt cum visus hebetudine & ad nares gravitate, his non soluta febre, necessum est delirare; solvitur autem inter alia sanguinis è naribus eruptione aut alvo biliosa. Diarrhœa critica in ardente cohibita inducit facile phrenitidem vel intestinorum inflammationem. Alvus sicca, præcipue in statu, periculosior semper est, quam

nimia illius solutio in febre ardente itemque biliosa. Quum scorbutici in febrem incident ardenter, horrendis ac insuetis exagitantur symptomatis, delirio, convulsione, anxietate præcordiorum, ~~αφωνίᾳ~~, asthmate, animi deliquio, cardialgia; cessant vero symptomata postquam purpura scorbutica in cute adparuit. Cum recidiva est febris ardens, plerumque sudore finitur. Vox rauca & ~~αφωνίᾳ~~ est in febribus biliosis familiaris. Cholericæ male exceptæ facile demigrant in lentam, hecticam, ascitem. Suppressæ leipyriam accersunt. Dejectiones & vomitus nigricantes obitum præcurrunt. Crisis fit per icterum die 7. vel post, non ante, modo mollia sint hypochondria; vomitum multæ bilis, non male coloratæ; diarrhoeam. In tertianam sœpe migrant, sed suspectam. Cholericæ minus acutæ formant & constituunt continuas quotidianas, tertianas, quartanas. Deliria & convulsiones in biliosis febribus præsagit urina prius tincta, simul & semel subito prorsus aquæ facta, dein plerumque quoque letifera. Quo magis delirium in febribus biliosis adest & continuat, eo periculofior morbus.

Febris catarrhalis. Catarrhus.

Febris catarrhalis benigna periculi per se expers est. Gravior, ubi cum aphthis & prunella. Admodum sæpius diurna, & ante 40. dies non finitur. Perniciosa signa: urina aquosa, pauca in principio cum deliriis

viriumque prostratione, dyspnœa, paucus sudor,
paroxysmus longus, somnus profundus, &c.
Ubi paroxysmo incipiente stupor, somnolentia,
oscitatio, faciei tumiditas & livor, carum
expectato. Ubi oculi concavi, cutis arida,
tenfa, facies citrina, hectices metus subest.
Solvitur febris catarrhalis sudore, screatu,
haemorrhagia, coryza, alvi fluxu, urina ponde-
rosa cum sedimento multo, οφθαλμια, pustulis
intra palpebram ac oculi canthum majorem.
Pluries desinit in morbos cuticulares chronicos,
serpiginem, impetiginem, &c. aliquando &
asthma mucidum. Non semel vidi febrem
catarrhalem ex retento, represso, fluore albo,
huncque eadem denuo iterum cum ευφορια re-
vocatum. Algor febribus catarrhalibus super-
veniens non est contemnendus, quum febris
inflammatoriæ pneumonicæ index esse queat,
quas enim pedissequas crebro habent vel comi-
tes. *de Berger.* Numne catarrhales malignæ
cum semitertiana vera veterum congruunt?
Catarrhales malignæ contagiosæ sunt, & à cali-
diore regimine facile petechizant, quod per se
non æque fecissent. *Carl.* Natura robusti &
plebeji sine medicamentis, expectando, felicius
evadunt. Quàm imbecilles altioris fortis. Effusæ
excretiones ab initio statim & extra dies criticos
mali sunt ominis. Petechiae prodeunt die 4. 7.
circa statum; quo tardius erumpunt (d. 7.) eo
meliores plerumque. Declinante morbo, si
cum malis signis sociatur adhuc purpura, utplu-
rimum letale est. Salutem promittit circa vel
in diebus criticis, 7. 11. 14. erumpens sudor

tepidus liberalis, vel alvus per aliquot dies fluxas; vel urina turbida cum sedimento, quandoque & auditu difficiili; pulsus mollier magisque æqualis; animus erectior. *Hoffm.* Tendinum subfultus, sitis defectus, singultus, ~~æq̄dæ:~~, syncope, convulsiones cum extremorum refrigeratione & sudore largissimo; delirium cum sudore magno certa sunt mortis indicia. Pereunt inflammatione sphacelosa meningum vel stomachi.

Catarrhus suffocatus plenus periculi ac terroris affectus est, qui sœpe intra 12. horas, aut diem naturalem, hominem jugulat, raro autem ultra diem 3. extenditur. Adoritur homines succulentiores & humoribus refertos. Adultis magis est fatalis. Ubi superatur, facile recidivat & quidem acerbius. Abit aliquando in febrem, vel in chronicam asthmaticam tussim, humida copiose excernentem, vel in cachecticam corporis flacciditatem. Letale, si spuma circa os. Spes & periculum ex respiratione intelliguntur, mensurantur.

Catarrhi circa æquinoctia plethoricis sunt familiares. Catarrhi, maxime inveterati, cum vertigine, proximum in pertinacia locum occupant. Invehunt facile ~~duoκοταν~~, otalgiam cum aut sine parotidibus.

Defluxio catarrhalis ad pulmones sœpius recurrens, à causa pendens interna, ad ~~φθισι~~ tandem deducit. Catarrhosæ defluxiones in valde senibus, coctionem non admittunt. Impectus ruentes cum febri, morbo ad 20 dies protracto, ad suppurationem tendunt. Coryzæ frequentissimæ, consuetudinales factæ ac per-

tinaces metum incutiunt apoplexiæ, θρισμος, catarri suffocativi. Coryzas & sternutamenta in morbis pulmonum cum febre acuta præcessisse vel subsequi malum. Coryza bene succedente capitis, faucium, oculorum auriumque affectiones, dolores acerbissimi, tumores, vertigines, surditates aliaque mala avertuntur.

Febris intermittens.

BReves & securæ esse solent febres intermitentes in ευσπλαγχνοις, & contra. Si febris die impari non intermittat, redit. Horror importunior fit illis, qui evomunt: Illis, quibus diarrhœa accedit, rigor tantum major, non frigus tremebundum. Qui graviores intermittentium sunt rigores, eo vehementius affligunt vomitus juncti. Quo plus frigescunt ægri, eo diutius durat febris, & eo periculosior. Frigus extremorum cum æstu interno, malum. Qui febribus intermittentibus moriuntur, sub spasmo & frigore discedunt è vita, ergo in principio paroxysmi. Quo brevior apyrexia, eo citius terminatur febris. Omnes febientes, quandiu sputant, extra periculum ut plurimum sunt. *Waldsch.* Quartanarius sputator facile curatur, ubi viscera illæsa. Urina quo crassior & magis turbida, eo brevior erit febris, & contra, si clara, tenuis, intensa, rubra, flammea. Intermittentes epidemicæ semper periculosiores sunt atque pertinaciores cæteris. Nulla in-

parte evidentius futuræ febris nosces signum quām in lingua , tum quoad saporem tum colorem. Intermittentes autumnales primum ut continuæ adoriuntur pluries , paulatim in perfectam abeunt intermissionem ; facile morbos chronicos post se relinquunt eadem. Autumnales facile excipiunt continuæ ex neglectu purgationis in prioris morbi fine. *Sydenh.* Tertianæ & quartanæ autumnales sæpenumero vices permutant , vernales nunquam. Vernales & æstivæ intermittentes meliores autumnalibus ac hyemalibus. Si in febribus infantum diuturnis intermittentibus abdominis regio , circa lineam præcipue albam , indurari ac tumefieri occipiat , morbum hunc brevi abi- turum dixeris. Febres & intermittentes & acutæ pluries post se relinquunt arthritidem. Si in intermittentibus secundus paroxysmus vehementior sit , tertius admodum mitis , tum in quarto febris cessabit ; si quartus vero valde vehemens , quintus remissior , tum in septimo febris intermissio expectanda. Comatosæ sub 3. vel 4. accessione apoplecticæ fiunt. Phrenitidem aliquando sequitur tertiana intermittens soporosa. In obesis intermittentes sunt pejores quām in macilentis. Placentæ febriles recentes superabiles sunt & contra ; pessimæ hæ , quæ cum foedæ luis notis. Lingua fordescens ubique suspecta in intermittentibus. Venerei melancholici non facile febre maligni moris corripiuntur. Si post primas doses refractas chinæ febris evadit vehemens & intenditur , utpluri-
mum

mum brevi post sedatur. *Werlhof.* Ubi urina aquosa nil sedimenti ponit, abstine à china, nisi necessitas urgens, v. g. in soporosis urgeat. Urina intense rubra cum sedimento lateritio, fere vere indicit intermittentes, vel & aliis morbis immixtas. Maxima damna sibi adferre solent febricitantes, dum largiter potant ineunte paroxysmo. Qui uncti sunt mercurio, per longum tempus non corripiuntur febre. *Poter.* Ödemata febribus intermittentibus alias superventurum averruncat ptyalismus sponte subortus. Sponte febres intermittentes solvi tumoribus cœdematosis, salubre est admodum; ast adstringentium usū oppressa febre intumescere pedes, quantum interest? ut, nisi prior morbus revertatur, salus sperari sæpe nequeat. Longæ febres abscessus & articulorum dolores indicant. Longa præsumuntur intermittens, ubi æger circa caput & cervicem tantum sudores habet, frigidos quidem: ubi pro spatio valetudinis parum emacrescit; ubi largam habet cibi cupediam; ubi hypochondria dura & dolentia; si dolores ad inguina & labores in articulos incident; ubi sudor calidus forsan erumpens non levat. *Lomm.* Omnes intermittentes compositæ pronæ sunt in acutas aut instabiles typos, hecticas, cœdemata, hydropses, *φθισις.* Malignitatis vel nequitiæ in intermittere certissimum habe signum, pulsum debilem & parvum, anxietatem præcordiorum, pallorem sub æstu, inquietationem ingentem, &c. Intermittentes anomalæ mali moris contagiosæ observantur; Genium quovis fere anno habent

alium atque alium , ut qua methodo currente anno liberaveris , eadem ipsos anno jam vertente è medio forsan tollas. Perpauci his descendunt , nisi ex medentis vel ægri culpa. Finiuntur diebus 14. ad 40. diarrhœa , sudore , urinis , purpura. *Hoffm.*

Omnis quotidina ægerrime cedit. Minus periculosa , quæ plenariam habet intermissionem , & contra , quæ continuæ propinqua. Tumior & brevior , quæ incipiente accessione vomitus ac secessus habet biliosos , pituitosos in declinatione sudores laudabiles , urinam copiosam cum sedimento , & contra , ubi nulla concoctio , nullæ excretiones. Quotidiana si in tertianam mutatur , salutem promittit. Quotidiana si fit ex quartana , magna exitii metu accidit. *Lomm.* Quotidianæ paroxysmus raro 6. horas transcendit. Rarior est aliis intermittentibus. Exquisita longior erratica sive vaga est. Quotidiana solvitur vomitu , alvino fluxu , bilioso , pituitoso , urinis , sudore. Tertianæ nostrates plurimum nothæ sunt , non exquisitæ. Tertiana in medicinam quoque cedit , si impurum corpus , succis repletum ac chronicis passionibus afflictum prehendit , nempe obstructionibus , infarctibus. *Stahl.* Quæcunque tertianæ sponte curantur , vomitoriae sub frigoris finem & sudatoriæ sub æstus remissionem sunt. *Carl.* In tertianis tertius paroxysmus plerumque est gravissimus ; qui si mitis , indicium habes brevis ac mitis febris. *Werlhof.* Brevis tertianæ signum sunt pustulæ , tincuscula circa labia , nares , simul lotium cum ardore

redditum, post 3. 4. paroxysmum : Est enim veluti critica depositio ad istas partes. Tertiana celerius corpus emaciatur quam alia intermittens ; exhaurit & sistit catarrhum ; adolescentes facit incrementis augescere.

Exquisita non irritata , 7. ad summum 9. circuitibus absolvitur ; contra notha. Hipp. Tertianarii facile fiunt hectici. Solvit , materia jam cocta , urinis , alvi fluxu , sudore , ulcusculis , scabie ; biliosam tertianam d. 7. icterus cum rigore solvit. Si tertianarius paroxysmus ultra 12. horas perdurat , ad continuam accedit , maxime vehemens aestus , si paucum sequatur frigus. Tertiana anticipans prona est in continuam , postponens in quartanam vel lentam. Carl. Tertiana prematurius suppressa , vel revertit salutariter , vel abit in plethoricis in continuas , vel in pituitosis , segnibus in hecticas , phthisicas , quartanas , icterum , hydropem , affectus hypochondriacos , scirrhos viscerum , tympanitem , &c. Impetuosiores tertianae vertente anno facile recidivant. Tertiana duplex in continuam proclavis est , quae si fit , pejor est alia. Tardius recidivans in simplicem degenerat. Tertianae , quae matruius dimittunt , alternis diebus adhuc languorem , gravitatem , refrigerationem relinquunt.

Senes aegerrime laborant quartana. Si quartanarii de interna congelatione quasi queruntur , & externa adhuc parum caleant pessima est febris. Quartana per se secura est , licet contumax , sed visceribus laesis , enecat plurimos ; nonnunquam a magnis morbis tum tutatur ,

tum liberat, ut à malo hypocondriaco, epilepsia, paralysi, hemiplegia, motibus convulsivis, asthmate convulsivo, podagra, calculo, mania, &c. *Hipp.* Quartana inveterata & cum viscerum labe, hydropi corpus exponit, fereque æger his casibus oppressus perit. Qui 60. ætatis annum superant, si à quartana occupentur, raro evadunt, & magna ex parte hydropici moriuntur: juniores minus periclitantur, nisi natura sint ad φθονη propensi, quibus quartana quandoque in hanc definit, *Dodon. in. Beniv.* Solvitur quartana abscessibus, urinis crassis, excretionibus cutaneis, scabie, variolis, purpura maxime scorbutica, dysenteria brevi, hæmorrhoidibus, hæmorrhagia larga; ex quibus interceptis, regressis, sæpe iterum quoque fit. Mutatur in rheumatismum, scabiem, fœda ulcera, &c. Quartana, quæ pas- sim oritur circa æquinoctium autumnale, definit plerumque inter initia veris. Hibernæ fere in morbos acutos transeunt. In pessimis est plenaria ciborum aversatio, viscerisque corruptio plurimum subest. Fastidium cibi ab initio quartanæ, protracto morbo in voracitatem mutari solet. Quartanarii pica simul detenti, non prius febre liberantur, quām post perversi illius appetitus expletionem. *Hildan.* Quartana laborantes magno morbo, v. g. convulsione, non capiuntur; si vero jam alio morbo gravi detineantur & superveniat quartana, tunc liberantur. Qui olim quartana laboravit & secunda vice posthæc iterum in vita corripitur eadem, non diu admodum fatigabitur morbo.

Sydenh. Quartana, si variat typum, salutis spes est; si constans, aut ad interitum vergit aut graviores adducit morbos. *Werlh.* Urina quo magis crassa ac sedimento pari locuples, eo citius cestaturam indicit febrem. Quartana notha periculosior est exquisita, sed haec longior spuria. Quartana febribus acutis juncta, plurimis funesta. Intermittens, si fiat continua, æger morietur. Rarius juvenes & infantes infestat, nisi epidemica Quartanæ, quæ sub noctem multum diuque æstuant, faciles sunt in lentas, hecicas. Male cohibita inducit hydropem, icterum nigrum, hecicam, asthmata, catarrhum, rebellum, melancholiam. Post annum citiusque facile recrudescit. In quartanis coctionis signa probe sunt attendenda; cum his & urinæ nigræ bonis ægri rebus adparent. Tertianæ, quartanæ succedunt, quandoque infimi ventris dolores, colicorum æmuli, qui solvuntur vel sudore vel hæmorrhagia vel paralyfi commutantur. Quartanarii multum sudant & meiunt. Quartana haut raro pedum œdemate terminatur, hocque male represso, repetit facile. Sunt quartanarii ad salivationem faciles, eaque quartanam sæpe solvit. Ubi desitura est, per octiduum quotidie perseverat, tandemque post longam diarrhoeam vel hæmorrhoides vel sudores terminatur cum salute ægrotorum, idque maxime & felicius instantte solstitio. *Werlh.* Quartana vulgo ultra annum non est durabilis; quandoque ad plures annos extenditur. Reciprocantur aliquando quartanæ cum ictero, dyspnœa, œdematisibus,

ascite, cachexia, tabe. Ad nullam excretionem inclinat ordinarie notabilem. Raro discedit quin sui relinquat memoriam per longum tempus vel multos annos.

Febris lenta & hectica. Atrophia.

HECTICI ac hypochondriaci pessime pluries confunduntur. Lentæ accommodâ medicinâ adhuc possunt abigi, hecticæ difficillime. Quarum nidus frequentissimus est in mesenterio. *Hoffm.* Hectica ab initio cognitu difficilis est curatu facilis, & contra in progressu. In senibus vix curatur, in adultis difficilius, in junioribus facilius. In μαρασμῷ vero nulla reliqua est curationis via. In hecticis, stomachicis & intestinalibus crebro accidit diabetes symptomaticus. Sapor quasi cinereus, continuus mane in ore, foetidus spiritus, dolor summus in ventriculo à cibo falso, calido, frigido, inflatio, lienteria, de hectica testantur stomachica. *Ettm.* *Forest.* Icterus hisce febribus interveniens, hepar graviter obstructum significat. Morbi diuturnitas status virium, viscerum læsionis ratio de salute decidunt. Juniores & activiores citius jugulantur à 18. ad 30. annum, quàm seniores & temperatores. Morbo putrido superato sëpe remanet lassitudo, motus febrilis sub lentæ genio. Febris lenta ex intermittente legitima recens nata, si in intermittente, simplicem maxime, iterum transit, minus periculosa est. *Junck.* Febris hectica siphyliticorum, quamvis

pro desperata videatur, facilime tamen tollitur, tempestive ablato luis seminio per specifica opportuna. *Bagl.* Multi ex Luis fœdæ reliquiis sp̄retis contabescunt, pulmonibus fere intactis. *Hectica*, quæ acutas febres, dysenteriam, sanguineas fluxiones nimias sequitur, mali est omnino. Anni climacterici, æquinoctia, solstitia periculosa sunt hecticis. Hæmorrhoides in malo radicato conclamatum dicunt statum; in primo principio quandoque juvant. Qui pertinaci raucedine laborant, hectici moriuntur anno vix elapso. *Bagl.* Quibusunque per morbos acutos vel diuturnos, aut vulnera aut alium morbum extenuatis atra bilis aut veluti sanguis niger per inferiora feruntur, postridie moriuntur. *Hipp.* Larga & diurna suppuratio abscessus externi facile lentam vel hecticam invehit. Ασθνεαία post morbum acutum vel longum lentæ & hecticæ sæpius numero producuntur. Signa corruptionis internæ in hecticis sunt: plenaria appetitus cibi & virium dejectio, somnus nunquam refocillans, facies livida; plumbea, icteritia, carnium flacciditas, conatus vomendi, vomitus varius, foetidus, acris, sitis, tussis, calor depascens, hortor creber, sudor colliquativus, diarrhoea. Cuncta pro re nata. *Hoffm.* Mortis prodromi sunt: plenaria appetitus & virium profratio, facies Hippocratica, pulsus continuo & mane celeres, urina pauca, oleaginosa, sine sibili emissâ, capillorum desluvium, lienteria, diarrhoea, maxime cum elatis hypochondriis, sudores colliquativi, pedum tumor, visus dupli-

304 *Febres mesenterico-stomachico-intestinales.*

catus. *Atrophia* adultorum est longe mitioris eventus & facilius curanda, quam hectica; quo magis vero hæc complicata, eo difficilior manet medicatio. Quæ à nimiis sanguinis profusionibus difficilior est quam quæ à diætæ vitiis. Quæ in juvenibus augmentationis tempore accidit, raro quid periculi habere solet; quæ ex lactationis labore in nutricibus vel matribus, per se secura est. Si à morbo quodam bene comedendi corpus tamen non proficiat, malum. *Atrophia* non ita sensibilem actualem habet consumptiōnem uti hectica, atrophicique communiter perpetuo quasi orthostadii sunt & alacres, absente hectica. *Carl.* Interceptus alimentorum in ventriculum ingressus; denegatus in duodenum exitus; digestio omnino depravata, propter solidi in ventriculo vitium, *atrophiam* gignunt, quam nec curasset Æsculapius. *Atrophia* particularis sive Aridura curatu sat est difficilis; omnibus irritis metus est, ne tandem gangræna vel sphacelus insequatur.

Febres mesenterico - stomachico-intestinales.

Veterum febres phricodes, tritophyæ, typhodes, assodes, elodes, epiala, lipyria, species hujus generis febrium sunt. *Heister.* Lipyriæ superveniente cholera solvuntur. *Hipp.* Phricoden sudore largo atque aurium abscessu solutam notavi in *Δυονησῳ*. Alvi fluxus, qua sanguinei, qua biliosi, purulentii, fœtidi, salutares atque critici incidere solent. *Sennert.* Pr-

yot. Lancif. Comm. lit. Nor. Diarrhoea cruenta, quandoque nigra, in febre intestinorum inflammatoria salubris est; in morbo ast chronicō factō, plerumque brevi post fatalis. Dies certi critici hic non dantur. *Sydenh.* Quandoque à violentia subnascuntur externa, facileque diarrhoea solvuntur sanguinolenta, purulenta. Potus glaciatus, opulentioribus & Magnatibus solemnis, ad hunc morbum sēpe pandit januam. Quandoque in intermittentem migrant. Graviorem aut malignam indicunt: major præcordiorum anxietas, dolor ventriculi aut lateralis acutissimus, vires valde prostratæ, lypothymiae, ardor internorum cum frigore extreñorum, motus manuum tremulus, mens vacillans, singultus, floccorum collectio, sudor frigidus; quæ ultima sumnum vitæ periculum exprimunt. *Heister.* Sudores accedentes symptomatici in his febribus sunt, non critici. Mentiuntur hæ sēpius pneumonicas febres. Fomitem in tenuibus hærere intestinis dicunt dolor in medio ventre ad stomachum vergens eumque distendens, præcordiorum anxietas, vomitus, assidui ructus. In crassis vero nidulari, significat lumborum gravitas, dolor ad hypochondria magis, vomitus & ructus remissiora, rariora. *Hoffm.* Exanthemata, petechiae, purpura, phrenitides, parotides, convulsivi artuum motus accedunt ex præpostera medicatione, maxume coacta sudorifera, maleque malignitatî imputantur. Horroris frequens intercursus sub febre continua, digitorum manus, modo dextræ, modo sinistræ, reiterata

fæpiusque recurrens constrictio spasmodica, pavores, alyus laxa & fœtida, fauces squalidæ, anima fœtens, capitis, si æger erigatur, nutatio & gravatus dolor, potissimum ad tempora, fereque iste continuus, monent Clinicum de hoc febrium cogitet genere. *Bagl. Riedel de feb. intestinal. comment.*

Febris pestilens. Pestis.

Genius hujus morbi non unus idemque est, ergo de utplurimum tali valet prædictio. Alii cum pernicioſſimis signis evadunt, alii cum ſalutaribus ē medio tolluntur. *River.* Adeo fæpe ferale venenum modicis levibusque ſpecie signis occultatur, ut, ubi ſecura omnia & tuta dixeris, repentina mutatio Prognosticon deferat, Medicumque in infamia relinquat. *Pechlin.* Pestis per tumores ſolvitur, pestilens febris per ſudores largos. Pulsus æqualitas in febribus pestilentibus optimam facit ſpem, licet illa maxima cæteroquin fit. Si ægri à febre immunes videantur, pefſimum. Delirium non metuendum, cum à ſomno compescitur, præcipue ſi cum copioso ſudore evanescat. Quibus ſurditas in ſtatū ſupervenit, aliis ſymptomatis quantumvis periculofis, evadunt; ſternutationes æque bonæ ſunt, contra, cardialgia, ſingultus, omnimoda cibi averſatio, ſanguis vena miſſus plane purus ac naturalis: urina pinguis, nigra vel liveſcens, admodum itidem copiosa ſine febris imminutione, pernicioſa. Quandoque tumores prorumpentes febrim

antegrediuntur, morbo excipiente benignissimo.
Diemerb. de Peste. Critica solutio solum absolvitur per bubones & anthraces in peste; accidit etiam per gangrenam aliquando particularem. Melancholici, podagrifici, calculosi, hectici saepius à contagio liberi sunt; sic ulcera, scabies fœda quoque aliquando præservant. Unum subiectum bis à contagio mortis periculum nonnunquam subit. Rarissime pestes hominum ac brutorum inter se communicant. Pestis cum bubonibus solet esse mitissima & securior aliis: cum carbunculis medio modo incedit: cum petechiis omnium pessima. Maculæ purpureæ citra ullam febris præfensionem mox erumpentes, præsentaneum indicunt interitum. Alvus suppressa melior fluxa. Mictus cruentus, hæmorrhoidum fluxio, mensium persolutio, anxietates citra insignem febrem, pernicialia. Salutaris speratur eventus, si sudor universalis in ipso principio ex alexiterico cum notabili manat levamine; si carbunculi vel bubones subito prorumpunt & cum febris remissione, ad maturitatem festinant; si æger assumpta retinet. Ubi 7. vel. 9. d. superat, remittentibus symptomatis, de salute non est dubitandum. *River.* Necat syncope, sphacelo viscerum, ardore ac dolore intolerabili ex nimis tumorum copia. Bubones, quo citius erumpunt, eo melius. Si bubones in collo, gutturus dolores excitant, & deglutionem citra tamen insignem internam inflammationem, impediunt, æger vix horas 12. 15. supervivit. Si bubones & anthraces in loco erumpunt cordi vicino, collo

vel retro aures , funestum dicunt exitum. Si bubones vel carbunculi retrocedunt vel non satis prodeunt (quod s̄epe sudoribus debetur coactis) horrore æger concutitur summe anxius ac inquietus fit, æstus cum extremorum algore regionem ventriculi occupat, ad vomendum est cupiditas, vel singultus accedit ; brevi exspirat miser sub turbatione mentis atque syncope. Parotides difficillime , promptius bubones ad inguina & sub axillis suppurantur. Quo plures bubones boni coloris , eo melius. Plures carbunculi , quamvis boni , ex nimio dolore ægrum conficiunt. Facillime carbunculo accedit sphacelus. Si dolor repente remittit in his , in pessimis est homo. Qui circa stomachum & fauces , subito spiritum elidunt. Nausea & vomitus horrendi pluries sunt à carbunculis ad stomachum , pylorum præcipue. Tolerabilius est carbunculus qui non tardior , qui levatur , rubet , loca musculosa obfidet ; contra , qui nigrum , lividum habet colorem , inferioribus quasi infixus est , qui nervosa loca , articulos , tendines occupat , mortis nunciat periculum. Carbunculi in locis buboni alias suetis emergentes gravissimum indicant periculum. Si carbunculus apertus ad vicina progredi post horas 12. ad 24. non finit, æger vix evadit. Anceps prorsus ergo vitium carbunculus est , maxime si prorumpens statim mali moris ; pessimus qui vel in facie vel in collo vel in pectore vel sub axillis enascitur ; fere semper enim hi necant. Si carbunculus salutarem habeat exitum, vix unquam in laudabile pus transit , sed in

medio putrescit. Zonam acutam & maculam latam ad carbunculi genus haut immerito quidam referunt. Argæ sine peste qui suboritur maxime quoque terreat ob promptissimum sphacelum. Peste aliisque morbis acutis extinti non protinus inhumandi sunt. Plures metu quam peste intereunt. *Rivin. Diemerbr.*

Febris semitertiana.

COgnitu difficilis est & difficilior curatu. Febris, longus periculosissimusque morbus est; rarus ast exquisitus. Frequentior est in viris quam feminis; crebrius evenit in ætate vigentibus, temporeque autumnali maxime accidere solet. Nocturna non admodum letalis est, verum longa; diurna longior & ad tabem vergit. *Hipp.* Qui longis laborant morbis, semitertiana maxime pereunt, v. g. phthisici. Affectus lethargici facile accedunt, vigiliæ molestæ, lingua arida & sicca, deliria. *Bagl.* Finitur spatio dierum 9. ad 14. vel in salutem vel metafasin vel in mortem. Si longius protrahitur, migrat aut in suppurationem, lentam, hecticam, aut in hydropem, aut, quod rarius, in intermittentem tertianam, quotidianam, simplices, quandoque duplices. In aliquibus succedit scabies totalis. Solvitur sudore; maxime ac salutariter diarrhoea biliosa, pituitosa, cruenta, purulenta; doloribus in ventre acerbioribus, typum servantibus, & hos excipiente excretione sanguinis nigri, vel diarrhoea saniosa & purulenta. Mala signa sunt: ardor circa præcordia, in ventriculo cum ten-

sione, vomitus, singultus, inquietudo, jactatio, tremor manuum; indicant enim intestina inflam-mata & erysipelatosa, ex quo sphacelus necans sub accessu gravioris paroxysmi. *Spigel. Hoffm.*

Febris synochus.

Synochæ nostri cœli communiter non sunt con-tinentes, sed continue remittentes. Pruritus narium & lenis mador cutis est prope infallibile signum synochi simplicis. *Waldsch.* Periculosior noscitur ex urina livida vel fœtida, excrementis talibus, sputo amaro, pulsu inordinato, delirio, statu diuturniore ad dies 11. 14. &c. Homoto-nos salutaris; pessima anabatica; melior parac-mastica. *Bærh.* In junioribus facile excitat phrenitidem, convulsiones, in adultioribus sopores. Peripneumoniæ in principio, anginæ in incre-mento, facile accedunt, omne malo. Raucedo in synocco putrida frequens est & mala. Quibus in synocha caput continuo dolet, nec quidquam remittit, malum atque mortiferum est, maxime in pueris. Solvitur die 4. 7. 11. largo sudore, hæmorrhagia, rarius per alvi fluxum, ni quid maligni subsit. Protrahitur quoque ad dies 14. 17. mala medicatione vel neglecta plane. Calor siccus, cephalalgia in crisi usque increscens & continua, ad hæmorrhagiæ tendit. Crisis hæmorrhagica excedens vel suppressa relinquit hecticas, cachexiam, hydropem, viscerum op-pilationes. Alvi fluor sub initium copiosus à multa materia, morbum brevem reddit. In synocha somnolentia & delirium non æque, sed

dejectio alvina subita , impetuosa , fœtens atque purpura , in primis alba , maxime extra dies criticas , sunt periculosa , utpote sphaceli testes ; Hoffm. contra die critico aliquando pustulæ hæ salutares sunt. In synocha nisi coctio in urina appareat , nulla est salutis firma spes. Urina quanto rubicundior ab initio , cæteris paribus , tanto securior & cito morbum solutum iri significat , si in ea signa concoctionis appareant ; ast cum cruditatis signis mortis periculum minatur , præcipue si vires sunt debiles. Urina alba pessima , mortemque ut plurimum portendit . River. Facilis transitio est à non putrida in periculofam putridam (ubi febris magis augetur cum urina tincta sine concoctionis signis , male olente ac corporis fœtore) & ab hac aliquando rursus in continuam tertianam. Necat sphacelo meningum , ventriculi , intestinorum.

Fluor albūs.

Circumferentia tumida , livida vel plumbea , continuans , sub oculis , fluorem album indicit. Bagl. Nobiles præ vilioribus crebrius adficiuntur. Probe distinguatur à mensibus sic dictis albis juniorum , qui cruentorum prodromus , & vetularum. Fluore albo laborantes ad purpuram pronæ sunt , maxime si suppressimatur ; Pedes ut plurimum habent tumidulos alvumque duram. In feminis hæmorrhoidum anomaliis , suppressione , laborantibus , facile nascitur fluor albus , vel etiam mensium fluxione antegressa nimia. Morbum huncce plus sæpe indicunt secundæ violen-

ter & improvide extractæ. Fluor albus benignus, recens, mitis, non continuus, non copiosus, haut mali coloris, odoris consistentiæ, medicationem recipit; benignus inveteratus, continuus, difficilius curatur quām malignus, quin cum vetulis commoritur. Quandoque criticus est, nilque in recessu habet, licet odiosus ac molestus sit, modo moderatus neque continuus existat; per hunc enim quasi universalem fonticulum excrementi humores evacuantur. Facile recidivat, maxime ubi viscerum subest infarctus. Fluor albus qui à summa ventriculi imbecillitate ac cachexia, inaciem cum lenta febre invehit. Benignus mucosus mensium vices quandoque supplet. Si cachecticæ & malum inveteratum facile ~~atropogia~~, tabes, sterilitas, scirrhos, cancer uteri, ex crescentiæ in vagina, oedema, hydrops, prolapsus, abortus hinc fluunt. Benignus suppressus gignit affectus spastico-rheumaticos, hemicraniam, arthritidem, hystericum malum, cardialgiam, colicam, contracturam, dysuriam aliaque renum & vesicæ mala ulcera in primis vesicæ, melancholiæ, uteri inflammationem, gangrænam, abscessus, ulcera ejusdem, tabem, asthma, febres catarrhales, &c. Novi fluorem album chronicum per sudores nocturnos, foetidos, largissimos, in femina obesa perfecte curatum. Observavi pluries ex fluore albo benigno represso febrem catarrhalem, & ex hac revo catum iterum fluorem; alia vice scabiem universalem, humidam, pruriginosam. Horrores fluorem album cohibitum aliquandiu expellunt. *Carl.* Ex fluore albo benigno suppresso in uteri locis

Iocis massa tenax, dura, quandoque condensatur, in hypogastris duritiem, spasnum, tabem, procreans. Uteri coryza, quæ externa abs causa, non multum habet in recessu. Gravidarum fluor albus, ut symptoma embryone edito cessat. Venereus suppressus infert decubitus ulcerosos, scabiosos, quin foedam Luem invehere valet. Fetum non inficiunt fluore albo venereo detentæ, si mali sedes circa urethram in mucosis folliculis, haut in ipso utero. *Bærh.* Catarrhus uteri ex hæmorrhoidibus interceptis sub catameniorum quoque fluxu perdurat. Ergo continuatio fluoris catarrhosí albi sub catameniis non firmum, solum sumptum, venereus fluoris est indicium. *Brendel.* Fluor venereus habet humorem tenuem & serosum, non venereus viscidum. *Pitcarn.* Venereus requirit effluxum materiæ putridi odoris, excoriantis, urentis, inflammantis, flavo-viridescentis, exulcerantis, squalidum faciei aspectum, doloris versus noctem exacerbationes, vaginæ immisso acido quodam, licet paucō, dolorem acutissimum. Sanguis menstruus cum materiæ virulenta facile commiscetur, ergo cessatio ejus sub lunari purgatione uteri iterum nil dicit. Memini venereum chronicum fluorem sic largum, ut lectos penetrarit altius subter positos illuvies emanans.

Fluxus hepaticus.

FLUXUS hepaticus nostris in terris rarus est, sat molestus curatuque difficilis, si diuturnus: Recens in junioribus & vegetis curatur interdum. Transit in cachexiam, tabem ac hydropem, maxime in senibus ac imbecillis. Proprie est ex hæmorrhoidalibus superioribus veniens fluxio. *Jo. Salzm.* Fit aliquando ex hæmorrhoidibus recti retentis, illisque hic iterum tolli potest. Finiri solet & catarrhali febre. *Comm. lit. Nor.* In statu ejus obfirmato irritus omnis labor est. In pueris verminosis aliquando obvius est. *Comm. lit. Nor.* Fluxu epatico solvuntur hepatitis febresque ardentes nonnunquam. *Malus*, pessimus, qui est ex putrefactione suppuratoria epatis. *Bærh.* Dysenteriae non raro solet succedere, & prostratis jam viribus, mortem plerumque infert. *River.* Hæmorrhoides cæcae quandoque fluxum hepaticum mentiuntur, simile humidum instar loturæ carnis plorantes, stillantes.

Graviditatis notæ ac incommoda.

PRÆGNANTIA in quocunque tempore sit, nullatenus cognosci potest per signa quædam certa, infallibilia, demonstrativa, sed saltim per aliquot conjecturas & signa quædam probabilia. *Zach. quæst. med. legal.* Si mulieri menstrua non prodeant, neque horrore neque febre superveniente, cibique fastidium accidat,

prægnantem esse putato. Graviditatis tanquam criterium adferunt odontalgiam, ptyalismum; notavi aliquoties in juvencis eruptionem sapientiæ dentium, & sub altera imprægnatione repetentem, vere fere eandem indixisse. Sed hæc fallacia sunt. Feminæ, quibus, si lac habent, menstrua simul fluunt, facilius quam alias concipiunt, & prægnantes fiunt. *de la Motte.* Gravidæ arctiorem thoracem gerentes gravia sibi embryonique inducunt mala. Vidi mus fetum mortuum exclusum instar metæ sacharinæ hinc acuminatum. Gravidatæ, quæ ad 4. 5. mensem vomitibus fatigantur, tarde his venter intumescit, & non nisi ad deficienteis vomitus. *Pechl.* Si gravida de ardore ac æstu queratur in interioribus abdominis, designat congectionem sanguinis atque infarctum, & post partum febris metuenda est. Mola, aqua, flatus, mucus, lenta viscidaque pituita, caloris vi indurata, graviditatem plus sæpe mentiuntur. *Doden.* Prægnationem veram à mola, uteri hydrope, discernes, ubi mammæ grandescunt, latera lumbique exporriguntur, venter torus sine molesti ponderis sensu ullo intumescit. Certius autem cæteris longè sui præbet embryo indicium, ubi moveri incipit. Quod plerisque omnibus media imprægnatione accidit. Graviditate cum hydrope juncta vix semper motus fetus omnino suppressetur, sicutque insensibilis. Graviditas infra medium tempus adhuc constituta sæpe hecticam, *φθοριανη*, hydropem Medicis imponit. Tenesmus mulieri gravidæ sine alio morbo superveniens,

cum reliquis signis infallibiliter mortuum significat fetum. Tenesmus ex uteri pondere, fetu enixo, abit. Nulla diarrhœa, maxime cum febre ac torminibus, in gravidis tuta est. Prægnantium nauseam si vomitus non sequitur, facile incidunt dyspnœa, vertigo, anxietas, levis animi defectio. Si in jam gravidis subito ubera emarcescunt, aut si acuto morbo rapitur mulier, abortus periculum est. Duræ mammæ incolumem testantur embryonem. Molæ in gravidis pluries, & multo quidem cum cruento, sine fetus noxa, excluduntur. Interdum per aliquot septimanas aut per mensem fit aquarum ex utero effluxus præmaturus, quod periculosum videtur, ne scilicet fetus emoriatur, verum copiosa fluxio talis vel 6. ad 8. ante partum hebdomades pluries accedit, sine omni embryonis noxa. *Eutm.* Aquis saepius forte intra amnium & chorium, vel hujas duplicaturam collectis, effusis. *Pechlin.* *Comm.* *lit.* *Nor.* Varices in ventre, pedibus gravidarum ruptæ, quandoque emortualem inducunt sanguinis profusionem. *Comm.* *lit.* *Nor.* Varices ecchymomata, excluso fetu, abeunt. Varix umbilici in gravidis metum incutit hæmorrhagiæ umbilicalis, momentosæ sane; solvit varicibus vel fluxu hæmorrhoidum. Si grava sine causa manifesta emacescit, magno periculo parit, vel certe abortiens in discrimine versatur. Quæ cæterum sanæ extenuantur sub gestatione, fetus edunt saniores, & contra, quæ pinguescunt, graciliores. Urinæ difficultas si urget, quære de-

prolapsis uterinis vel vesica urinaria. Prægnanti si accesserit convulsio vel epilepsia, solvitur partu edito. *Hipp.* Gravidæ quartanariæ nonnunquam partu liberantur. Mulieres valetudinariæ, hæmicraniæ, hæmoptysi, arthritidi obnoxiae, ubi alvo gerunt, aliquando sanius valent, forsitan in embryonem translato vitio. Sic novimus misellam arthriticam, quæ gravidata semper bene valebat, infirmos ast, rhachiticos factos, edebat infantes, reliquo tempore articulorum tormentis, contracta tota membris, excarnificabatur semper. Tumor pedum qui ultra genua vel ad ipsum abdomen non procedit, sponte semper recedit; qui abdomen invalidit, quod posterioribus maxime mensibus evenit, immedicabilis est & potius abortum provocat. Ascitici tumores solvuntur nonnunquam per puerperii purgamenta, nisi φθισις vel hecūca eadem foveat. *Carl.* Si à primis mensibus hi orientur, abortus metus esto. Gravidæ inclinant præ aliis communiter ad epidemicos & contagiosos morbos, ubi abortus periculum semper adest. Epilepsia, vertigo, cæcitas, surditas, aurium tinnitus in gravidis facile recurrere solent; post partum ut plurimum remittunt. Superfœtatio rarius accidit nisi forte in utero duplici; extra hunc casum si evenit, utrique embryonum abortus imminet, recentius maxime concepto, certo, ubi prior excluditur partu maturo; rarissime nato primo junior ad suum gestatur diem justum. Nævi materni maxime fiunt à medio prægnationis ad partum usque; *Syphl.* quin paucis ante hunc

diebus talem contingere deformationem, pernotum est. Protinus post mortem nævos & figurata stigmata interire, observatum ab aliis omissum, adducit. *Pechlinus*. Quæ à matre sæpe vel non advertuntur aut leviter percipiuntur, insignem sui notam in fetu relinquere, & contra, quæ gravissima matri incumbunt, etiam imaginatio metu comitata, nullum tamen sui vestigium embryoni imprimere, idem corroborat. *Pechlinus*. Febres intermitentes in gravidis male suppressæ & post partum recidivant. Embryo emortuus judicatur, si junctim hæc adsunt: motus cessans, pondus in ventre intumescente & frigido grave, anxietas, horror feminæ, syncope, tenesmus, funiculus umbilicalis propendens frigidus, membrum prolapsum sine pulsu ac lividum cum cute abscedente, meconii excretio. Arteriarum ictus in membro obvio non percepti, epidermidis secessus, & in vivo incidere possunt infante ab interno uteri ore valenter compresso membro; sola ideo emortui non securam dant notam embryonis. Nisi quantocius ejiciatur embryo mortuus, vis ad exclusionem defectura est cum reliquis viribus, lipothymia & vitæ periculo. Ex putredine suboriente gravissima subnascuntur mala, inflammations, deliria, convulsiones, & his forsitan superatis, hectica, cachectica, chronica. Femina, quæ à proximo puerperio, antequam menes semel vel iterum redierint, mox denuo imprægnatur, incommodius utero gestat.

Hæmoptysis.

Qui ex faucibus & gurgulione sanguis fertur, is screatu pellitur: qui ex ipso ore, simplici sputatione: qui ex ventriculo, vomitu: qui ex aspera arteria vel gutture tussicula: qui ex thorace & pulmone, valida tussi. *Lomm.* Si sanguis cum materia catarrhali ad fauces stillat, à capite manans, est dolor & gravitas capitis, faciei rubedo, respiratio facilis, catarrhi sueta frequentia, tussis non magna, screatio crebrior, sanguis excretus non adeo copiosus, non floridus. Quidam ob naturalem pulmonum mollitiem ac laxitatem sanguinem spuunt. Prognosis sit cauta in gravi hæmoptysi; nisi intra triduum compescatur, malum. Sputum cruentum ac hæmorrhoides palati bene distinguantur ab hæmoptoë. Aliarum excretionum salutarium sanguinearum vices quandoque, & quidem statim temporibus, sine periculo innoxie gerit. *Rhod.* *Hoffm.* *Barthol.* Facile recidivat, atque per se anceps & periculosa est ob metum non futuræ consolidationis, hinc ulceris, *φθορας.* Hæmoptoë arthriticum accessum prænuncians, terribilis quidem, sed non pessimi prorsus ominis, modo pulmones integri, *ευσωι* sint, & curatio apta instituatur. *Musgr.* Quæ à causa externa, potius medelam admittit, quam quæ ab interna. Si cito post hæmoptoën ejiciantur phlegmata purulenta, inodora, non habent vomicam, sed talia sputa bona sunt. Bonum signum est, si facile sanguis egeritur, nec

nimius, nec rebellem tussim relinquit, neq; revertit facile, nec sæpe. Sine febre esse hæmoptycis conducit, ac tussi doloreque leviter molestari, sputumque ad d. 14. tenuari; & contra. Qui sanguinem spuit, is, si in latus infirmum incumbit, impensius id facit. Si sputum ab æroso pulmone, nullus medicinæ locus, si autem à rupta vena, ab initiis valitudinem recepisse, observatum est. Convulsio, singultus, epilepsia superveniens, fere letalis. A sanguinis sputo puris sputum malum. *Hipp.* Maximum est discrimen in senibus cachecticis, scorbuticis, quorumque pulmones labe notati magna; contra in antea robustis sanis. Nunquam ab adstringentibus medicamentis salutaris sequitur effectus, nec à balsamis, ea enim suppurationem promovent. *Bærh. Burggr.* Tussis si persistit, indicium præbet, sanguinis grumos adhuc hærere in pulmone. Ab ulceribus crurum antiquis arte consolidatis meminimus symptomaticas hæmorrhoides, hæmoptoëen, alia iterum vice uteri hæmorrhagiam, cuncta curata.

*Hæmorrhagia in genere ac
naturæ. Ηξοχην.*

Qui ex vulnere subinde rigentes sanguinem profundunt, ii maligne habent, ac interloquendum derepente moriuntur. Ex hæmorrhagia nimia desipientia, singultus, convulsio, communiter letale. Quæ ex dolore lumborum cidentur hæmorrhagiæ, largæ esse sueverunt. *Hipp.*

Hæmorrhagiæ salutares sunt illæ, quæ temperaturæ ægri & naturæ morbi conveniunt. Neque in quantitate excedente aut deficiente, nec in tempore, modo vel loco excretionis peccant. Quibus sanguinis eruptiones perseverant, in iis progressu temporis alvus male afficitur, nisi urina concocta prodierit, quām forsan diluta significat. Qui per sanitatem crebro inhorrefunt, ii ex sanguinis fluxu purulenti evadunt. Hæmorrhagiarum indices horrores magis sunt, sudorum potius rigores. Rigor post hæmorrhagias & criticis diebus perfrigeria valida post hæmorrhagias, pessima. Quibus acute febribus larga evenit hæmorrhagia, his à morbo refectis, alvus fit fluxa, maxime ante annum ætatis 40. donec successu dierum natura vires suas recuperarit. *Hipp.* Hæmorrhagiæ pluries sese addere solent crisibus febrium per sudores. Si post 4. diem in acutis sanguinis fluxus fiat, diurnitatem significat & alvus erumpet & crurum tumores erunt. *Caligo tenebricosa*, rubor oculorum, faciei, cervicis dolor, temporum gravitas, pulsatio, lacrymæ involuntariæ, horror, insomnia vexantia, pruritus nasi, palpitationes circa ventrem, hypochondria tumida, dura, non dolorosa, stillæ die indice, prænunciant hæmorrhagiam narium sive *κατεξοχην* dictam; idque potissimum in junioribus, plethoricis & huic fluxioni obnoxiiis. Sanguinis eruptiones in naribus ex parte adversa creduntur malæ, velut in lienis tumore ex nare dextra, maxime si cum tenui circa frontem sudore. Hæmorrhagia præcavet quandoque parotides.

Sæpe nascitur ex medicatione nimis calida in acutis. Larga à magnis morbis liberat. *Hipp.* Succiplenis aliquando salutaris est; testantur præpostoræ suppressionis damna. Frequens nimis pueris præsagit in juventute hæmoptoën aliosque pectoris morbos in adultis mala hæmorrhoidalia, arthritica, nephritica. *Stahl.* Frigidis ilico capiti, nuchæ admotis, pluries apoplexia, spasmus, inducitur, vel sanguis ad pulmones infelici successu ruit. Enormis ac chronica tandem necat sub lipothymiis. Immodica semper non est vilipendenda. Solvit eandem aliquando hæmorrhoidum fluxio. Puerperis febre correptis acuta sanguinem naribus prodire, vel imminente morte, vel brevi post, non rarum est. Quisquis critice sudarit in horroribus, ast postridie denuo horreat, simul pervigil; ille cocta evacuabit cum hæmorrhagia. *Hipp.* Quæ menstruis non purgatur, si sanguinem ex naribus fundit, bono est. *Cels.* Moderata hæmorrhagia in juvenibus, plethoricis, febricitantibus, phreneticis, maniacis, inflammatione viscerum, suppressione hæmorrhoidum, mensium, lochio-rum affectis, & similibus, tutissima per & in se. Sanguis è naribus erumpens periculo est, si alvus arcte conclusa caprarum stercoribus similia excludit, maxime in acutis. *Hipp.* Malæ, ubi sanguis nimis tenuis, fluidus, nimis crassus, feculentus, cinereus, lividus pravique porro coloris excernitur. Largæ sanguinis è naribus eruptiones per vim suppressæ interdum convulsiones accersunt. In acutis, potissimum

malignis, sanguis magis vel minus dissolutus, naribus erumpens, prognosin format morbi ipsius genii. Pauca sanguinis excretio die indice in acutis rarissime bona, plerumque pessima, nisi urina cocta die critico copiosam prænunciet. Quibus in principiis febrium largius sanguinis profluvium, rigor fluxionem sistet, et si omne non secundo plurimum. Stillæ sanguinis in primis circa 4. diem in acutis, præcipue pneumonis & phreneticis, certissimam mortem præsa- giunt. Pessimæ cum surditate, exiguis sudori- bus, horroribus fugitivis, torpore, comate, vigiliis, delirio, nisi largiter vomant aut alvus fluat, contra, si secessus exigui, crebri, urinæ, vomitus parvi. *Hipp.* Sanguinis stillæ è naribus in febribus continuis nonnunquam vermium latentium signa sunt, maxime in infantibus. *Bagl.* Hæmorrhagiæ in intermittentibus, vermi- bus complicatis, haut infreuenter occurrunt. Quæ exanthematicis vel malignis cum summa virium prostratione accidere solet hæmorrhagia, ominis mali est. Quæ in chronicis morbis cum viscerum labe, cachexia, hydrope, ut plurimum funesta est, maxime si parva. *Hoffm.* Ex narium hæmorrhagiis in senibus, potissimum post sup- pressas hæmorrhoides, apoplexiæ metus est.

Hæmorrhoides.

HÆmorrhoidum & seminalis excretionis consensio arcana est. *Heurn.* *Werlhof.* Hæ- morrhoides in se morbosum involvunt statum. Prodromi sedis hæmorrhoidum sunt lumborum

dolor sine causa veniens, pruriginosi ardores in orificio intestini recti & sensus noduli aliquius inclusi in una alterave intestini parte. Hæmorrhoidariæ constitutionis homines infibres pectoris inflammatorias rheumatismosque proni sunt, & his sanguinis profluvius juvantur. Hæmorrhoidum molimina peccus versus facta saepe φθονη imponunt. Hæmorrhoides varie mentiuntur lumbrici, ascarides motus hæmorrhoidales, qui Medicum eo facilius quandoque fallunt, quum quovis mense recurrere aliquando solent. Junck. Hæmorrhoides sedis cruentæ & neonatis contingunt, quod vero perrarum. Hæmorrhoides in pueris & infantibus circa pubertatis annos letalem pluries fortiuntur eventum; ni prius necarint. Nec præmaturæ juniorum nec provectioni sub senio demum erumpentes, exoptatas ferunt prædictiones. Fluxus hæmorrhoidum facile adsuescit, & impeditus gravia post se trahit pericula. Hæmorrhoides, calculus, arthritici affectus affines sunt passiones atque inter se alternantes. Cruentæ nimiæ vel anomalæ cum cephalæa vel hemicrania plus saepe variant. Fluxus hæmorrhoidum internarum multis infimi ventris morbis succurrit, æque arthriticis, atra bile vexatis, nephreticis. Fluxus hæmorrhoidalis in labiosis plerumque est letalis. Junck. Ex hæmorrhoidibus sedis fluentibus cruentis fotu stiptico in puero sexenni suppressis notavimus umbilici hæmorrhagiam chronicam, contumacem, perpetuatam tandem silentem. Hæmorrhoides externe ani raro periodum servant in fluxu, enata

vero vesiculari protuberantia, promptiores ad recursum existunt; pluries magis perpetuo fluunt. Vices hæmorrhoidum quandoque supplet fonticuli, quem quis gerit in artibus, hæmorrhagia, vel quoque illa ex naso in juvenibus. Crisis in acutis per hæmorrhoides judicatur, si nulla aliis adsunt signa nuncia, & tractio, gravitas, tensio molesta, spasmatica per infimum dorsum ad os sacrum cum æstu eorundem supervenit circa diem criticam, 7. maxume, cum horripilatione extreborum moderata. Hæmorrhoides cruentæ nimia ducunt ad cachexiam, icterum, tabem, hydropem. Äque obstructæ. Ominantur visceris labem subesse. Interceptæ, suppressæ cruentæ creant inflammationes viscerum, asthma, tussim, icterum, hydropem, hernias, $\varphi\sigma\tau\tau$, colicam, cardialgiam, apoplexiam, arthritidem, paralysin, eundi impotentiam, vomitum cruentum, hæmoptisin, hypochondriacum, hystericum malum, pudendorum quosvis morbos Paturæ æmulos. Segner. Brendel. Ex ilibus (Beniv. Holler.) gingivis, malis, prævio tumore in his nodoso, itinere anomalo, saepe largo rivulo, fluunt hæmorrhoides, äque ex faucibus ac palato, hæmoptoën mentiendo. Hæmorrhoides vesicæ urinariæ plerumque cruentæ sunt, raro mucosæ; porro non ita typicæ & juvantes, ut illæ sedis. In nephritide, arthritide, ischiade auxilio sunt. Si sphincteris vasa sanguinea turgent vel crumi eidem inhærent, urinæ sequitur suppressio: In feminis rite menstruatis sunt mitiores quam in viris & non menstruatis.

Cruentas nosce ex sanguine coloris lateritii vel grumoso figura oblonga vermiculari prodeunte. Penis hæmorrhoides judica ex sanguine sincero, rubro, paucō, involuntarie citra mictionem, etiam in somno, stillante, dolore urethræ, Hæmorrhagia penis magnitudine differt fluxionis, facileque incidit ex alia fluxione suppressa, venere nimia, cantharidum incauto usu. Hæmorrhoides cæcæ ani inflamatæ, discussione non impetrata, ad furunculorum modum suppurauntur, & ex longa mora sæpenumero sunt fistulæ; quæ vel ad narium musculos excurrunt, vel ad vesicam urinariam vel ad vaginam uteri protruduntur, &c. Hæmorrhoides cæcæ uteri tantum vaginæ non semper in fistulosos abeunt affectus. Magis periculosæ sunt internæ cæcæ quam externæ; hæ ad pugni magnitudinem aliquando accretæ notantur. *Lindan. ad Hartm.* Ex dolore continuo cæcarum facile incidit æger in febrim, vel inflammatio ac suppuratio supervenit, unde abscessus & fistulæ ani, vel letalis spacelatio intestinum sub doloris tyrannide occupat, ubi excrementsa foetidissima prodeunt cum pulsu debili ac frequenti, summa virium prostratione, animi defectione, excipiente morte. Simul vicina, ut scrotum aggreditur sæpe sphacelus. Hæmorrhoides mucosæ sive albæ cruentarum vices sæpius supplent, suspecta tamen semper est illa evacuatio, nec certam salutem promittit; facile epatis ingignunt infarcum, vel jām subest idem; sæpe typum intermittentis assumunt febris sedis albæ hæmorrhoides. Vesicæ urinariæ albæ & hujus spasmus plus

Sæpe sese invicem excipiunt. Rhagades & condylomata hæmorrhoidalia vix occurrunt, nisi venerea lateant inquinamenta.

Hepatis Lienisque morbi alii.

IN chronicis morbis si facies naturalis sit ac boni coloris, nunquam crede adesse obstructiones aliaque vitia in visceribus. *Bagl.* In veris viscerum obstructionibus urinæ paucæ sunt & albæ. Hepatis vitia, nisi tollantur, transmigrant vel in tabem vel in hydropem. Induratio epatis in cholericis vel siccis hecticam, in humidioribus hydropeum inducit. Hepatitis vera in morbus est periculosissimus, & difficilis cognitionis; *Hoffm.* si in suppurationem abeat, vel indurescat inflammatio, vel gangræna sequatur pessimum semper. Solvitur hæmorrhagia, sudore, diarrhœa, fluxu hepatico. Si supervenerit singultus, ut plurimum letale. Facile ex ea fit paraphrenitis, omine ancipiti. Hepatis inflammatio quandoque ita parva est, ut respiratione magna tantum deprehendatur, talisque multis sæpe mensibus trahitur. Inflammatio in parte gibba periculosior est illa in summa; hæc sudoribus, cita alvo aut vomitu conquiescit; illa sudationibus, fusis urinis aut manante è naribus sanguine tollitur. Si inflammatio sit in parte gibba, urgent symptomata pleuritica, si in ejus cava, stomachica. *Bagl.* Si inflammatio, abscessus in epatis parte gibba, tumor in latere dextro tangitur, exasperatur hinc dolor, decubitus in hoc latus est difficilis, spiritus laboriosus multa-

que tussis: Si in sima tumor tangi nequit, decubitus in sinistrum latus difficultor est, sitis, singultus, nausea, dejectiones biliosæ urgent, stomachus patitur magis quam respiratio. Alvi profundum in quavis jecinoris inflammatione, morbo adhuc existente crudo, malum est. Mala corporis liquatio accedente vel raucitate vel multa tussi. *Hipp.* Mortiferum in his est inflammationibus spumantem sanguinem exscreari, vel sputum statim subputridum vel sincere biliosum esse. Hepaticis spuria nisi discutiatur, tabem facile inducit, muscularum abdominis, quin epatis saepe infert abscessum. In obstructis hepate ac liene alvus plerumque obstopata est. Epatis obstructio facile degenerat in quartanam, asthma pituitosum, cachexiam, hydropem. Tumor epatis obpresso spleni superveniens, bonum, & contra splenis epati. Quibus ad hypochondrium dolor est sine febre, iis eadem superveniens dolorem sedat. Tumente hepate vel liene si intumescunt pedes, hydrops in proxume est. *Hipp.* Increscit aliquando ex obstructione hepar, ut totum fere occupet abdomen. Epar ex aurigine durum, pernicioſimum est, & v. v. aurigo ex hepate duro. *Hipp.* Jecore affecto dolores ad jugulum & directo fiunt, tusses inanes spirandique difficultates. Quibus jecur aut lien ex scirrho vel alia de causa obstructum est, ii difficulter sudant in morbis. Qui sanguinem nigrum, foetidum, concretum evacuant per alvum, si dextrum hypochondrium fuerit durum, tumidum ac dolorosum, facies citrina, certo moriuntur. Si cibi adest fastidium,

dium, carnis maxume, frequens ac multa est
sitis, febris, virium dejectio, singultus, vomi-
tus seri vel flavæ bilis, corporis tabes, de hep-
atis meditare corruptione sphacelosa. Quibus
hepar dolet cum oris ventriculi dolore, sopore,
rigore, ii alvo exturbata cum corporis extenua-
tione, fastidio ciborum multis, tenuibus sudoribus
diffluunt; & purulenta per alvum infausto
dimitunt omne. Hepatis apostematibus &
ulceribus si accedit ascites mentiens tympani-
tidem, icterica tabes, fluor alvi colliquatus,
animi deliquium, pulsus omni modo malus,
perturbatio functionum omnium, brevi mors
erit. Hepatis abscessus frequenter superveniunt
capitis afflictionibus, laesionibus, præcipue suc-
cedente d. 3. febre, timendi. *Ballon.* Epatis
abscessus plerumque exitiales sunt, semper diu-
turni ac cancroſi facile. Epatis & mesenterii
abscessus fistulam umbilici aliquando gignere
vidi. Abscessus hepatis latentes denunciant
intolerabiles cruris aut suræ dolores, nullis
cedentes medicinis. *Hipp.* Tabes epatica non
tam cita est ut pulmonalis. Jecinoris parenchy-
ma, intacta & integra membrana, quandoque
in pus merum abit. Si epatis abscessus ad extra
vergat, ac pus effluat album & coctum, spes
est sanationis, sed in genere maximum est
periculum atque pauci evadunt. Perniciale
porro, si ex jecore pus cruentum, feculentum,
cœnosum, viscidum, fœtidum exeat. Sphace-
latio in epatis parte gibba lentius procedit ac
ullæ aliæ. Verum hepatis ulcus nunquam potest
senescere; corpus non alitur, sed fere tabescit,

putrida, saniosa & interdum cruenta est alvi dejectio, & saepe quasi ex cadavere facta colligatio. *Forst.* Ex scirro jecinoris icterus perpetuus. Ex epatis scirro pereunt quam plurimi in tempore longo; quidam etiam brevi, quando ventris profluvio laborant. Scirrus epatis, lienis, qui incipiens ac doloris cujusdam particeps, curationem recipit adhuc. Ex scirro enatus cancri notam dat dysenteria putridissima; ex ardente febre, hepatitide, male tractatis, haec sequuntur saepius. *Bærh.* Quamdiu calculi fellei quiete jacent, nullas creant molestias sensibiles, aequi si non grandes nec asperi. In feminis crebrius reperiuntur quam in viris. Non datur certius criterium fellei calculi, quam ejusdem per alvum secessus. *Hoffm.* Spasmi dolorosi ex calculo felleo pluries sunt periodici. Ira cum tristitia & metu, nempe ubi vindicandi se occasio aut facultas deest, calculis felleis quin & nephriticis praebet occasionem aliquando. *Pechlin.* Tartareae & calculosae bilis concretiones affectionesque in suis organis tympaniticæ sunt. *Bagl.* Spasmi dolorifici ex calculo felleo non sunt inferiores illis ex renali vel vesicali urinario. Liene inflammato spiratio intersecta est, quam pueris esse solet per iram ejulantibus. Rarissime obvenit, quæ non in scirrum abeat. Interdum sequitur vomitum cruentum, non nunquam in eundem erumpit. Vomitus niger circa diem criticum contingentes, aequi quando fluentes hemorrhoides, solvunt morbum splenis inflammatorium. Lienis palpitatio interdum satis vehemens est, ut ab adstantibus

audiri queat. *Tulp.* Lienis tumor longior, ast securior est illo hepatis; per intervalla quandoque magnitudine variat, quod securius, quam si assidue magnus manet. Non pauci cum duro liene sibi relicto vitam omnem sine incommodo exigunt. Lienis tumidus aliquando per urinas expurgatur, nigricantes quandoque, atramento simillimas, summa cum euphoria, aliquando multas, crassas, feculentas, quasi sanguineas cum sedimento multo; aliquando finitur tumoribus ad articulos; (*Holler.*) alia vice hæmorrhoidum internarum fluxu salutariter detumescit; vomitu cruento pariter minuitur, sed ut plurimum funesto cum exitu succurrunt itidem diarrhoeæ serofæ. Succedunt spleni magno vel sanguinis vomitio vel scorbutus vel ascites. *Dodon.* Lienes tumidi, si illis non veniant sanguinis eruptiones & oris graveolentia, desinunt in ulcera prava tibium & nigras cicatrices. *Hipp.* Jejuno ventriculo lien tumefactus supra mesenterium, intestina, ventriculi partem, ac in muliebribus supra uterus imminens tangitur. Initio hi umores non molesti sunt, dein vero gravavero & obtuso dolore somnum in latere dextro prohibent, accedit sudor nocturnos uberrimus. engravescente malo hæmorrhagia, oris fœtor, edum ulcera superveniunt.

Hernia.

HErniæ immobiles periculi plenæ sunt. In omni hernia periculum augetur, si prolapsa cum continentibus inter se glutinantur. Herniæ quæ sensim fiunt, ex dilatatione sunt peritonæi, quæ ex ruptura, subito contingunt, atque cum doloribus magnis. Pleraque fiunt ex dilatatione, paucæ ex ruptione, nisi violentia accesserit externa. Ramex ex ruptione ortus per initia non difficillime tollitur, maximeque in pueris: ubi inveteravit, vix unquam curari, nisi manu, potest. Ramex ex laxatione peritonæi ortus, vix unquam extra inguina procedit, ex ruptione autem prope semper in scrotum promovetur. Si post repositionem herniæ dolores, vomitus, non remittunt, putredinis signum habeto. Herniam ex terrore repente posse fieri, notavit *Ruyſchius*. Ab hernia singultus, pessimum. Herniam incompletam formant nonnunquam lumbrici effractores, cum vel sine abscessu. *Schulz*. Herniæ incarceralæ die fere tertio vel citius inflammatio supervenit. Si maculæ rubræ & nigræ in tumore apparent, sphacelum significant, magis si sensus perit, vomitus, febris, continuo ægrum exercent, cum pulsu debili ac oculis quasi corneis. Si venter distenditur atque umbilicus sursum attollitur, criterium est ad interiora transmissa grasse inflammationem, tumque nulla spes superest, etiam in cultro. Si omentum simul prolapsum, minus periculi, quam ubi solæ intestina, plerumque subest. Si propter herniam

incarceratam alvus aperta haut est , inclusa intestini portio, salutari sphacelo ex parte absorta , novam fecibus viam pandit , reliqua feliciter iterum coadunata , vel ad extus semper manente itinere. *Heister.* *Mauchart.* Εξομφαλος asciticis frequens est. *Platner.* Non sine periculo occurrit ; facile enim stercus prolabitur , flatus retinetur , ex quo , maxime accedente fascia incauta , inflammatio , febris , vomitus , gangrena , sphacelus insuperabilis , idque magis in adultis. Τλεομφαλος periculum hydropis fovet , ac plerumque fatalis est. Σαρκομφαλος valde durus cum malo ulcere magnoque dolore , ne irritetur , carcinomatis enim genium habet. Entereoschocele per επιγενεσιν alterius mali aliquando curatur , v. g. testiculi inflammatum tumorem , colicam spasmodicam. *A. N. C.* Sarcocele insignis pharmacis non curatur ; diutina facile in cancrum degenerat , cæteroquin etiam ob insignem molem & dolores molesta valde. Generationis negotium maxume si in utroque testiculo , laedit vehementer , immo tollit plane. Si tumor ad ventrem usque per inguen adscendit , etiam manus auxilium frustraneum est & mortem post se trahit. Hydrocele sine dolore & fere sine periculo per se est , sed non absque molestia. Ex mole increcente quandoque perrumpit. Fame , febricula; de die quoque , utcunque extenuatur , maxume in pueris , at nunquam ex toto tollitur. Insidiatur iis præprimis , qui in hydropem inclinant. Si in mali habitus corpore humor putris adest , fluit , ulcerum , si fistulæ-

que metum habeto ; ubi diutius retenta intus aqua vehementer computruuit , ipsum etiam subinde corrumpit testiculum , aut occalescit , atque vel scirrum vel sarcocelen vel cancrum affert. Hydrocele à causa interna , latente , testem sinistrum occupat magis. *Dodon.* Κισσοχελη ex hæmorrhoidibus interceptis atque inflammata veneris concupiscentia curationem si recens recipit facilem , contra , ubi ex corporis habitu cachectico-scorbutico , inveterato , & ubi venæ jam vetustate occalluerunt. Aliquando quid cancroſi occultum habet ; Hernia inguinis in feminis periculosior est quā in viris. In utrīque gravis magis cruralis ramex fīve μηροκηλη. Hernia dorsalis quasi monstruosa raritas est. Ventrales herniæ reliquis curatu difficiliores sunt , maxume , quæ in intersticiis musculorum rectorum ab umbilico ad pubem usque. Cave , ne pro abscessu musculorum abdominis habeas. Si abs vulnere abdominis vix unquam curatur. Cæteris herniis communiter minus periculi alunt , quoniam locus procidentiæ plerumque amplior est : Si vero graviter constringatur , ileus metuendus. In gravidis non ita timenda sunt , immo sæpe vanescunt posthæc. Hernia vesicæ urinariæ si à vitio primæ conformatiōnis , morbus est incurabilis ; recens & incompleta in inguine facta reponi potest , & illa quæ paulo magis inveterata. Si vesica lotio multum intenta , oriri potest hæc hernia. Quæ cohæret cum vicinis , aut ubi inflammatiō adeſt & strangulatio , auxilium poscit Chirurgi , sed non certum est idem : Completa malum est gravissi-

num in utroque sexu , & complicatum. Infantibus felicius succurrimus quam senibus , in quibus quoque periculosior : Quæ ex uterino prolapsu vel calculo , his curatis , sponte vel facile quoque tollitur. *Salzmann.*

Hydrops.

SCorbutus est via ad hydropem. Asthma cum tumore pedum plerumque hydropis prodromus est , maxime in ætate proiectiore. Dyspnœa nocturna in chronicō morbo hydropem minatur. *Plater.*

Gravis per se est omnis hydrops , curatuque admodum difficilis ; gravissimus , qui morbo alteri , potissimum quartanæ longinquæ , supervenit , atque qui ex acuto morbo cœpit ; inveteratus plerumque incurabilis. Hydrops curatus , non observata diæta , modo redit. Hydrops , licet morbus sit gravissimus , ægrotantibus tamen tolerantiam & patientiam affert.

Aret. Leucophlegmatia mitior est , difficilior anasarca , ascites certe periculosisima. Ascites tympanitide juncta , mali est ominis. *Aret.* Leucophlegmatia ab exanthematis non debite expulsis sanabilis est. Feminæ magis sunt obnoxiae quam viri , potissimum ubi parere desierint , aut in sterilitate vivant. Hydrops multoties sequitur hæmorrhagias nimias. Tussis inanis vehementissima jecur morbosum prædictit ; quam & reliquæ species vix aut raro comitem habent. Hydropici ad sudores sunt difficiles. Tutius laborant hi , quibus magni

modo fiunt tumores, modo rursus occuluntur; dein rursus assurgunt, præ deploratis; sed fere fiducia secundæ valetudinis opprimuntur. Hydropici de recuperanda pristina sanitate perclitantur. *Barbett.* Hydrops per se qui aggreditur periculosior est, quām qui febrim insequitur. Pessimus hydrops à ruptura vasorum lymphaticorum & ille pectoris; istam indigitat tumor brevi post eductionem aquarum recrudescens. Ubi sibi extravasatio in hydropticis non præsto est, ibi etiam spes salutis nondum evanuit. Ubi aquæ nondum computrueunt, nec peritonæum erosum, spes supereft, & contra; quod è vulnere promanantia significant. Hydrops febri inveteratae conjunctus aut illi superveniens, plerumque fatalis esse suevit. *Hipp.* Hydrops cum & ex quartana recenti in ἐνσπλαγχνοῖς curabilis est. Si cui multus sanguis supra infraque proruperit, prætereaque febris accesserit, & hydrops succedat, magnus metus est, brevissimi enim est temporis & insuperabilibus annumerandus. Gangræna hydropticis superveniens, in pedibus frequens, sœpeque per vesicatoria nata, pessima est & mortis nuncia. *Bærh.* Præcedunt maculæ lividæ partis. Anasarca periodica mitior stataria. Hydrops qui à graviditate, edito abit partu. Qui lumbricis debetur, medelæ cedit tempestivæ, debitæ. Hæmorrhoidum fluxus in malo incipiente quandoque sublevat, ubi autem viscera jamdudum sunt indurata, nunquam est salutaris. Sponte quandoque solvitur naturæ beneficio, exitu aquarum per umbilicum,

abdomen, pedes, scrotum, in dorso, (*Hildan.*) per muliebria, (*Fernel.*) diuresin spontaneam liberalem, per diarrhoeam fortem aquosam, (*Plater.*) haemorrhagiam largam, vomitum copiosum; in incipiente malo, ac ubi vires atque viscerum robur; ptyalismum itidem spontaneum, menstruam purgationem, arthritidem, &c. Periculum significatur si in calido corpore; ubi ex morbo acuto; post tumorem epatis vel lienis durum; si instant dyspnœa, tussis contumax, urina potulentorum ratione notabiliter pauca, viscera obstructa vel scirrhosa, sitis adaucta; si superiora gracilescunt & facies insimul flavescit; labia decolorata; appetitus cibi, vires dejectæ; erysipelas in cruribus; si male olet anima, sputum, sudor, totum corpus; ubi morbus sublatus saepius brevique revertit; oculorum aliarumque partium inflammatio; fluxio cruenta vel alia non levans ægrum; status febrilis; morbi comitialis accessiones. *Hipp.* Salutis spes est, si æger liberius spiret; non tussiat; extremis partibus non sit colliquefactus; urina non sit lixiviosa; si non sifiat; sine dolore sit; totum corpus æqualiter caleat; lingua & à somno non sit arida, alvus libertatem habeat; calor non p. n. sit; hypochondria mollia; vires bene constent; scirrhous viscerum absit; appetitus cibi non plane proftratus, eoque sumpto nulla homini molestia; si à vermibus; post febrem; à potus in febre ingurgitatione nimia; voracitate; asthmate; si à medicamento venter bene moveatur, urinaque protinus demutetur; si plenius corpus extenuet;

tur; ubi plus humoris excernatur quam adsumptum fuit. Si pauca ex his affuerint, parum relictum est spei, & contra, qui omnia haec habet, ex toto tutus est, qui plura in bona spe. *Hipp.*

Hydrops scorbuticus funestum dat augurium; tumor in eodem durior ac tensior est quam reliquis speciebus. *Eugal.*

Ad extrema ventum est in hydropicis, ubi sub infirmis viribus ac ingenti dyspnœa jungitur diarrœa; ubi mala magnaque ulcera in ore, gingivis, tibiisque subnata; ubi velut concretus sanguis dejicitur; ubi urina diversis matulæ regionibus diversos exhibit colores. Si diarrœa quæ accessit, non levat ægrum, manet dyspnœa, illaque in dysenteriam mutatur, intra triduum moritur miser. Si in hydropico gravitas corporis ac unguium digitorumque livor accedunt, mors ante ostia; minus pernicialis est horum pedumque nigror, si abscessus habeas significationes, quo denigratæ partes decidunt. *Hipp.* Mortis periculum denunciant testes & pudenda sursum contracta, vehementesque dolores simul incidentes. Cita mors excipit, ubi aquæ simul semelque omnes effunduntur aut manu emittuntur. Vix unicus moritur hydropicus, qui non habeat polypum vel scirrum nobilis visceris aliamve labem ejusdem. Omnes fere hydropici circa pleni, lumen pejus se habere solent, eoque tempore etiam prope semper, teste experientia, moriuntur. *Rofinc. Tych. Brah.* Ascitis imminentis certissimum & instar omnium prognosticon habe-

præsentem tumorem sive inflammatorium sive scirrhosum alterutrius lateris : hic enim ni mature curetur , funestum certe necessarioque infert ascitem. *Piso.* Nunciat quoque eandem angustia circa præcordia , respiratio difficilis, tumor in pedibus. Si in ascite à cataractico dato venter plus intumescit & velut tympaniticus evadit , morbi funestum expectato eventum , & contra , si cum *Ιφορια* copiosa aquarum educitur illivies. *Willis.* Inveteratus artis præsidia contemnit : Recurrens vix unquam curatur. Horrores febriles cum ardore interno in asciticis supervenientes , funestum plerumque prædicunt exitum. Asciti magis peculiaris est sitis , tympaniæ tussis arida. Asciticis frequens est omphalocele , cuius prædictio in morbo hæret principe ac hujus singulari conditione. Sudor in ascite plus nocet quām prodest. *Ettm.* Qui-cunque ascitico facies derepente plumbea evadit , mors ostia pulsat. *Bagl.* Hydrops peritonæi plus doloris habet , non vero ita malus corporis habitus est ac in ascite ; curabilis adhuc est , si recens , si vires constant , ubi pedes nondum tument , ubi facies cachectica exul , si spiratio libera , cibi cupedia felix , si excretiones cruentæ interceptæ revertunt. Malum è contra , si tumiditas in dies infausta capit augmenta , si fluctuatio aquarum abdomine percusso habetur , si dicta bonæ spei criteria absunt , ubi excretiones naturales intercipiuntur , si duritiæ insignes in abdomine tanguntur , si hæmorrhagia accedit , ulcera , hecticæ , lentæ junguntur ; ubi tandem agmen claudit inflammatio interna

funesta. Si concusso abdomine hydropico nullus aquæ fluctuantis suboriatur sonus, aderunt vel hydrops saccatus vel hydatides vel hydrops uteri; qui morbi etiam ex inæquali dijudicantur tumiditate. Tumores hydropici in feminis plus ex uteri quam epatis & viscerum cum illo nexorum vitio sunt. Feminis saepe intumescunt ovaria, cui vitio ascites supervenire solet. Tumores hydropici ex uteri vitio facilius abiguntur, quam illi ex hepatis culpa. *Hoffm.* Tumores hydropicorum sub vesperam augmentur, vestigiumque digitii impressi referunt; hysteriarum matutino tempore protuberantior est, nec digitii manet orbita; ex quibus præmonebis. *Sydenh.* In potu hydropicorum parcissimo magna salus est. *Beniv.* Si materia quæ in abdomine tumorem facit, nimis est viscida, purgantibus ac diureticis graviter lædes, ægrum. *Meibom.* Paracentesi peracta vomitus sequentes funestum præbent symptoma. Ex aquarum eductarum colore, qualitate, odore, tumoris imminutione præfigia tua porro sumes. Si citrini coloris, bona spes est; si purulenti, sanguinolenti, viridescentis, saniosi, odoris putridi, pessimum; si membranulæ simul exeunt & filamenta, hydropem cysticum denunciant. Si specillum in vulnus immisum in cavum non pertingit, irtpote non impedientibus visceribus tumidis; si injectio per vulnus facta statim iterum maximam partem redit, peritonæum solimmodo aquis obsessum judica; (*Alc. Sc. Reg. Paris.*) & contra in abdomen effusas nosces, potissimum si dyspnœa urget, & tumor facta

operatione non subsidet. Si aquis hydropicorum ex abdomine eductis dyspnœa peritat, pectoris hydropem metuas: Æque crede ex difficultate ac crebritate spiritûs, quæ de subito somni primo tempore invadit & quiete defraudat, sed tamen procedente die sensim lentescit: Aut si quis hora somni, vel post aliquot horas eidem jam impensas expurgiscatur, ingente correptus asthmate, cordis palpitatione, atque fenestras aperiat pro aëre attrahendo, certo habeto, illum hydrope pectoris laborare, multo magis, si pedes aut manus tumere coeperint, & præ ceteris, si accedat dolor, torpor, sive incipiens brachii paralysis, manuum exarescentia, pectoris tumor, sensus fluctuationis, ortopnœa, tussis siccâ, facillimeque extremis & sine causa frigeant, pulsus sit plerumque tardus, interdum inæqualis, sæpius intermittens. *Bagl. Hist. morb. Vratisl. River. Piso.* Est morbus chronicus & sæpe per annos plures ægros misere mulctat; vitam protrahunt spuriosi, quamdiu excretiones naturales serosæ non sufflaminantur; aliqui ex improviso quasi suffocati pereunt; nonnulli marasmo confecti exspirant; alii convulsi; alii sub vomitibus facta serosæ colluvie i metaftasi ad ventriculum. Hydropsi pectoris viam pandit œdema pulmonum, pleuræ, mediastini, hydrocele discussa & male sanata, tussis male tractata, &c. Hydrops pericardii vere, nec rarissime, observatur contra quorundam negationes. Hydrops articuli ni tempestive aperiatur, mora cariem inducit cum continuante ichoris fluxu, tabe tandem necante. *A. N. C.*

Hypochondriacum malum.

COnvenit cum hysterico malo, simul considerato eo, quod utero ejusque partibus specialissime contingit. Status bilis bene consideretur in hypochondriacis. Hypochondriaci sunt sputatores, voraces; flatulenti, imaginabundi, atque somniis mirum plurimum vexantur. Malum recens ac sibi relictum plus molestiarum quam repentini exitii habet. Recentior affec-tus & qui cum paucioribus ac minus gravibus symptomatis majorem spem relinquit; inveteratus vix tollitur, sed tantum levatur & ex levi causa iterum gravius recrudescit; facile sub malo regimine vel perversa medicatione abit in viscerum obstructions, scirrhos, cachexiam, hydropem, quartanam, hecticam, catarrhum suffocativum, asthma convulsivum, apoplexiam, vertiginem, arthritidem, melancholiā, maniam, &c. Hoffm. Hypochondriaci & hectici pessime quandoque confunduntur. Annosos rarius infestat quam juniores, illosque tunc gravius ac obstinatius tenet. Hypochondriaci vere & autumno pejus se habent. Rarissime morbis grassantibus adficiuntur, si vero adfliguntur, magis periclitantur. Pathemata hypochondriaca adstricta alvo semper pejora sunt. Hypochondriaci quum febriunt, vagas, erroneas potius experiri solent. Inveterato malo vomitus niger superveniens, funestum est signum. In inveteratis hypochondriacis non infrequens est paralysia spuria, prudente medicatione superabilis. Pulsus in hypochondriacis plane quandoque

subsistere videtur ex spasmo, sanguine crasso, formidine, nescio qua, animi infractione, demissione. Haut raro fiunt apoplectici, ictabiosi, quartanarii, iicterici. *Waldsch.* Non secundi ominis sunt excretiones sanguinis ex faucibus, vel larga & crebra hæmorrhagia. Hypochondriaci à brevi somno pejus habent. Somnus profundus communiter illis est, sed evigilantes ad palpitationes cordis, flatulentias, facile relabuntur. *Carl.* Quo magis pathemata, præcordia & lienem angunt, eo facilius vomitus cruentus erumpere contendit; quo magis vero circa inferiora adsunt, ibi hæmorrhoidum fluxus intenditur. Si symptomata magis cruciant in sinistro hypochondrio & diu manent, illud notabiliter indurescit, ægerque lurido, nigricante, tingitur colore; si in dextro magis, colica vexat & volaticus capitis ac faciei ardor. Malum hypochondriacum quo magis fixam in viscere obtinet sedem, eo minus læditur phantasia; & contra. Hypochondriaca sicca tussis frequenter recrudecens & detinens, merito suspicionem scirrhescientiæ internæ, v. g. epatis monet. Ex hypochondriacorum anxietatibus longis sæpe hepatis sequitur putredo atque dysenteria colliquativa tragœdiam claudens. Quibus ad hypochondria dolor sine inflammatione vel febre, iis febris superveniens solvit sedatque dolorem. *Hipp.* Contumax & diuturnum ex venereo miasmate combinato pluries scaturit. *Berl. Woch. Nachr.* Pleuritis notha & rheumaticus dolor varie in hypochondriacis sese excipiunt.

Cum arthriticis passionibus alternare in eosque periodice mutari solet, vel iisdem etiam solvi plane. Magnus mihi erit Apollo, ait *Brunnerus*, qui hypochondriacum, non sublato prius animi aculeo, ad sanitatem reduxerit. Solvitur accessio fletu sive lacrymis; sternutatione repetita spontanea; sudore; diarrhoea mucosa, biliosa, stercorosa; haemorrhoidum fluxu, varicibus; urina crassa, ponderosa; flatibus ceteratim explosis; sputis mucidis largis. Urina nigra declinante passione non terreat, cæteris bonis simul existentibus signis. Quod ab haemorrhoidibus, mensibus, interceptis, iisdem revertentibus tollitur sæpiissime funditus; vicissim contra aliquando nocet haemorrhoidum fluxio. Minus sane doloribus obnoxii videntur qui phantasie suæ potentes, quo volunt, eam convertunt; miseri vero sunt & corporis sui tributarii, qui ad minimos dolores statim satisficiunt, & dolendi causas imaginatione ipsi sua augent in majus. *Pechlin.*

Hystericum malum.

UTut valde terribilis hic videtur morbus, in se tamen non adeo periculosus est. *Hoffm.* Artuum convulsiones & epilepsia facile junguntur, ergo non ita terreant. Facile recidivat ac in consuetudinem promptum est. Complicatur sæpe cum malo hypochondriaco, conjugio pessimo, enque acerbiora per se plurimum habet symptomata. Frequens comes est febrium, colicæ, calculi, scorbuti. Conjungitur sæpe cum

cum nephriticis afflictionibus, præsertim hæmorrhoidibus externis molientibus. Abit in affectus arthriticos, quibus invalescentibus, hysterica mitescunt pathemata. Migrat, si turbetur, facile in vomitum cruentum ac hecticam. Transit non raro in apoplexiam, paralysin, syncopen. Hystericis sine febre, convulsiones faciles sunt. Periculosius adfliguntur gravidæ, puerperæ, cachecticæ. In hystericis semper quære de uteri procidentia atque fluore albo. Hystericæ passioni præ aliis patent puellæ calidæ atque humidæ, viduæque præter morem consuetudine viri diu carentes, & conjugatæ, iis prius, adhuc puellæ, tentatæ. Ad abortum, podagram proclives sunt hystericæ. In hystericis sensus prius sæpe abolentur, quam motus in toto depravantur. Sternutamentum superveniens, bonum. Ubi in junioribus hæc affectio accedit, cum mensium legitimo statu, bonæ spei plurimum relictum est; æque ubi in plethoricis hæmorrhoides cum euphoria erumpunt & continuant. In juvenibus plerumque cessat, quando maritatæ sunt aut parere incipiunt. Simul cum mensibus aliquando flet per ætatem emanentibus, aut tunc ingravescens interficit. Finis senium quandoque est mali hysterici. Hystericis ex spasmo vomitus eveniunt & diarrhoeæ virides, quales in infantilis. *Sydenh.* Solvitur per screatum aliquando & excretionem aquæ omnino spumescens, (*Piso*) catameniis, hæmorrhoidum fluxu salubri, fletu seu lacrymis, (*A. N. C.*) sudoribus, urinis, diarrhoea; fertili conjugio, &c. Ubi in accessione

hysterico-epileptica uterus laxatur, & humoris quidpiam emittit, remissio instat; tum simul obmurmurant intestina. Hysterica pathemata omnia fere viris cum muliebribus communia sunt. *Piso.* Pro mortuis habitæ ante d. 3. terræ non sunt mandandæ. Epilepsia hysterica ex vulvo suriali ac fervida sæpius exsurgit, atque verpa curatur. Suffocatio hysterica aliquando in ipsa invasione aut paucis post horis letalis est; cuius gravitas semper ex spiratione judicanda. Hystericæ in paroxysmis subinde mira loquuntur, ut pro obsessis à vulgo exclamentur,

Icterus.

Frequentissima ab ira morbi aurigo & erysipelas. Ut ut aliqui ingeniose celare studeant conceptum intus iræ fermentum, colore tamen in visum effuso facile se produnt. Icterus & hydrops cognitionem habent notam. *Pechlin.* Omnes calculosi, hypochondriaci, hystericae, colici, fiunt facile iæterici, & contra. *Bagl.* Quibus lumborum & lateris dolor sine causa manifesta, iæterici fiunt. *Hipp.* Ex siti magna & diutina oritur sæpius numero iæterus cum dolore lateralí, quem, si levis, diarrhoea solvit. Aliquando subito invadit aurigo, aliquando tacitis quasi successibus. Ad iliacas alvi obstrunctiones proni sunt iæterici. Quando cum magno impetu occupat ægrum, periculum subest febris acutæ vel lentæ hectice. *Jungk.* Quoties difficilem respirationem, pressionem circa præcordia, phlogoses, opple-

tionem pectoris quasi asthmaticam diu & per-
tinacius foveat, tum sive hectica sive ascites,
cum vel sine tumore pedum, succedit, &
emaciatio atrophica sequitur. Fit saepe, citra
epatis vitium, à nimia sanguinis resolutione, &
hepatis obstructiones non semper creant icte-
rum. *Ettm.* Alvus biliosa significat non ab
itineribus ad folliculum obstructis, sed, bile
intus cumulata, auriginem esse. *Lomm.* Arqua-
tus ex bilis abundantia non adeo periculosus,
ut ille, ex obstructione jecinoris vel corrup-
tione. Ictericci ex bilis copia non admodum
flatulenti sunt; contra, ubi ab obstructione
vel spasmo. *Hipp.* *Heurn.* Regius morbus in
senibus pinguibus raro aut nunquam curatur.
Immedicabilis est ex calculo felleo grandiori,
(ex quo tandem ascites) scirrho epatis,
carne vel verruca meatuum. Dantur icterici
chronici per plures annos colore nigro tincti,
& tamen valetudine fruuntur tolerabili. *Junhk.*
Post purpuram, imperfecta crisi, solutam notat.
Werlh. Popularem recenset. *Pechl.* In consue-
tudinem abiens icterus saepius redire solet,
& quidem quandoque certis diebus, tum-
que maxime calculus latet felleus. *Carl.* Sæpe
recrudescens notat enim calculos felleos, &
relinquit cachexiam, lentas, hecticas, ascitem,
&c. In morbo regio affectis nec admodum
sentientibus, quibus singultus adest, iis alvus
effunditur, forte vero etiam supprimitur, at-
que hi cum viore palescunt. In dispnoeicis
icterica detentis & febre acuta cum hypochon-
driis duris ac tumidis, si perficitio superveniat,

parotides forte expectato grandes. Ex icterio fatuitas aut stupiditas, malo est; hos αφωνιας aripit ac absque sensuum lœsione præfocantur, & alvus nonnunquam affatim prorumpit. *Hipp.* Icterus à veneno externo majus minatur periculum. Benignissimus est, qui ex ventriculo propullulat. Qui gravidis ultimis accidit membribus, emisso per venam crux, vel partu, tandem tollitur. A podagra veniens retrograda, hac revertente, abit. Hæmorrhoides fluentes ictericis salutares. *Hipp.* *Lomm.* Sputum cruentum quandoque sine omni jungitur damno. *Camer.* Malum, prostratum adpetitum esse, ægrum vigiliis molestari, delirare, sermonem cum labore formare, ventrem tumere nec medicinæ auscultare inflationem, salivam ferri flavam, eundem cum duris hypochondriis febrim sequi. Letale, si venter valde tumeat, si hæmorrhagia jungatur, maxime in nigro; si accedat aurigo phrenitidis incremento, & hanc sequatur lethargus. Satis est periculosus, si inflammationibus ventriculi, epatis, duodeni, &c. jungitur; si à spirituorum abusu provenir. Tumidior est, si sine febre, inflammatione, calculo, epatis duritie. Sudores coacti ictericos non juvant. Bonæ notæ sunt sudores illi largiores, qui flavedine sua indusia tingunt. Color flavus, si repente in album iterum transit, pessimum. *Jungk.* Solvit febres, si cum coctione post d. 7. supervenerit, ac ubi hypochondria mollia; & contra, si ante d. 7. malum. Ictericis factis d. 6. in febribus, sanguinis eruptio prodesse potest. Qui intervenit febribus corruptis

& arte in ordinem redactis , boni est ominis. Qai sub intermittentum paroxysmi initium , illo finito , etiam cessat ; & , ni labes visceris lateat , cum illa curatu facilis est. Morbus arquatus solvitur quandoque erysipelate vesiculari , pustulis flavis purpuræ , variolorum instar magnis , prurientibus multum , scabie , furunculis in corpore pluribus ; finitur transpiratione liberali , urinis , diarrhoea , hæmorrhagia larga , hæmorrhoidibus , &c.

Mala est alba & clara urina , minatur utplurimum hydropem , maxime in nigro atque longo. Urina crassa , turbida & nigerrima est signum solutionis morbi , ceteris bonis sub signis. Ex urina potissimum conspicitur , quid efficiant medicamenta. *Bærh.* Si ab intensa flavedine , ceteris cum bonis signis remittat , bonum. Spiritus salis , si instilletur urinæ icterici , sedimentum viride præcipitari solet. Mutatur icterus frequentissime in tympanitidem. Inveteratus transit in cachexiam , hecticam , φθορα , hydropem ; in hunc facile , si urinæ diu fuerint aquosæ. In auriginosis , si cancer hepatis subest , dysenteria diu noctuque vexante labrare incipiunt foetidissima. *Bærh.* Niger icterus fere est incurabilis , maxime post quartanam ; ante pubertatem tamen si eveniat , interdum curatur. Maxime in senibus occurrit , inque his eo difficilior est. Definit in marasimum , hæmorrhagias molestas , cachexiam , hydropem varium , erysipelas , malignum sphacelum. Tremor & debilitas in sermone cum vigiliis & tristitia , sunt signa letalia. Si color viridescit

& abs viriditate ad citrinum sensim mutatur; optimum hoc est signum speratae convalescentiae. Ictero nigro detenti intereunt hectici, raro autem cœdema pedum jungitur, nisi mox ab initio cum ictero complicatum fuerit idem. Icterum corporis exquisite dimidii meminit.

A. N. C.

Iliaca Passio.

Pueri facilius quam senes emergunt. Est morbus acutissimus, &, ni intra 7. d. resolvitur, occidit. Nullus ileus periculo vacat, sed semper ancipitis est eventus. Quibus ab inflammatione morbus natus, intra quatriduum necat, ni juvetur. Nec rarum aut inauditum est intestinorum crepaturum in hoc morbo factam esse. *A. N. C. Hoffm. Heer. Obs.* Ex dolorum vehementia atroci, strictura acerbiore, metue intestinorum convolutionem; vel introgessum. Ingressum intestinalem subsistentem suspicato, ubi quis post colicam graviorem vel iliacum morbum eò redigatur, ut, nisi alimenta humida perferre non possit, & corpus interea non satis nutriti, quin potius lente pedetentimque consumi videatur. Porro, ubi uno in abdominis loco fixam sedem redinet dolor ac perseverat sub aliis iliacæ passionis signis, & iis mitigatus quidem identidem mussitans & recrudescens perstat; nec hernia presente ubi insuper iliaci morbi facilis & frequens est relapsus. Ubi inferior intestini portio in superiore intrusa est, omnia difficiliora, pejora. *Schoder de intest.*

mut. ingress. Diff. Altdorf. Supereft salutis spes, si iliaca passio ab hernia, nempe in principio, non in progressu; si clysmata recipiuntur & redunduntur; si dolores locum mutant; si dolor ac vomitus non perpetuus est; sed per intervalla urgent; si malum à fecibus induratis; si laxans, hydrargyrum, operatur ore sumpnum; si inflammatio abest; si mutuus intestinorum ingressus simplex, ac superior inferiorem intravit; si à flatibus. Calamitatis notæ funto: alvus subito lubrica facta manente febre, vigiliis, lassitudine, vomitus foetidi, stercorei, assidui, spasmi, convulsiones, singultus, inflammatio præsens; accedens acuta febris, delirium, surditas, gangræna, tumor ventris sub copioso flatuum exitu, constrictio sphincteris ani arcta, urinæ suppressio, stranguria, dyspnœa, &c. Si, volvulo amoto, febris, ægrum corripiat, desperatus est affectus. Quibus à stranguria volvulus supervenerit, intra 7. d. moriuntur, ni, febre exorta, copiosa urina fluxerit. Hipp. Qui ab ulceribus, tumoribus duris, scirphis intestinalibus, vix quidem curabilis. Sphacelum indicant repentina & omnimoda dolorum absque causa cessatio, virium summa prostratio cum pulsu debili, gelidus, foetidus sudor, animi deliquium, extreborum frigus, foetor oris, singultus, delirium. Non simpliciter letale signum est vomitus stercoreus; loquuntur exempla. Ballon. In ileo omnis quandoque defit vomitus. A.N.C.

Impotentia virilis. Sterilitas.

Excruciatos longa gonorrhœa, emarcidos venere præmatura, ulceribus circa pudenda, recti, fœdis inquinatos judica impotentes. Pro insanabilibus habentur, quibus testiculi deficiunt; destructi corruptive queis sunt iidem, quibus mentula non in glande perforata; quorum uterque testiculus farcocele detinetur; ubi vitium ex hereditate. Quæ ex semine aquoso impotentia inemendabili, incurabilis quoque erit; quæ ex minus spirituoso in hypochondriacis, scorbuticis, adhuc medicabilis est. Anceps spes manet, si veretilum paralytodes tenet, ubi solitarium id vitium vel ex fœda lue. Observavimus impotentiam virilem plurium annorum ex moliminibus hæmorrhoidum vesicæ antehac suppressarum, revertente hoc fluxu cum laude depulsam. Qui penem habent bifurcatum coëundi magis quam generandi, impotentes sunt. Inexplicatum hactenus, intrinsecum quoddam tedium ac fastidium viri erga feminam sterilitatem aliquando gignentori, licet vegete, ex prolis cupidine, eandem ineat. Perinæi sudor largior & diutinus sæpe vim genitalem simul labescere facit, vel id indicit. *Pechl.* Feminæ præter naturam crassæ, nimis fervidæ itidem, pluries steriles sunt. *Hipp.* Si mulieri non gravidæ septimana 20. aut 40. graviditatis putatitiæ, dolores instar parturientium gremium versus pressorii accidunt, certum subsecuturæ sterilitatis erit signum. Fetuum adultiorum abortus præsagitt successuram sterili-

tatem. Steriles feminæ sunt libidinosiores & magis quoque valetudinariæ, hystericæ, clavis potissimum capitis infestatæ. Fœcunda mulier sanior est sterili, sed citius est anus, dum hæc diutius juventæ decorem obtinet. *Lomm.* Qui uterum scirrhosum reddere norit, sterilitatem inducere didicisset; scirrus enim in utero sterilitatem infert, isque, si attingi non potest; incurabilis est; quodsi mulier prægnans sit, partum impedit. *Hild.* Si sterilitas ex membrana pudendo opposita, ut concubitum idcirco admittere nequeat puella, manus superest auxilium, contra, si caro verendum replevit, maxime, protinus in utero. Sterilitas incurabilis est ex coalitione ductuum Fallopii, callo, scirrho maxime ad cervicem, claudente iter semini, cancro uteri, longinquo fluore albo, nimia obesitate, ex hæreditate, &c. Cercosis, uteri procidentia in juvencis, commenta de hermaphroditis adauxere.

Infantum & Puerorum morbi.

IN pueris ægrotantibus soepe notavi ultra ætatis sortem crescentis ingenii sermonisque & officiorum insolitam novitatem non defuturæ mortis certum fuisse indicium. *Pechl.* Infantum morbi, si non omnes, plurimi tamen ex ventre infimo, tanquam equo Trojano, prodeunt. Quibus, cum pueri saliva & mucus bene fluunt, commodius succrescente ætate, vivunt. Saliva nutricum ac muliercularum v. g. sub masticatione ac degustatione pulmen-

torum, panis saccharati, pravissimi nonnunquam communicantur morbi, scorbutus, lues venerea. Urina infantum sanitate recta gaudientium est crassissima, adeo ut ferè nulla inde exsurgat indicatio. *Harris.* Morbi infantum brevioris sunt periodi quàm adultiorum; sic & apud infantes primo septennario absolvitur, quod apud adultos secundo, immo tardius. *Carl.* Infantes obesi & pituitosi, verticis regionem mollem & apertam diutius retinentes rachitidi, tussi convulsivæ, ~~ædæcis~~, difficulter cedentibus, ac tandem scrofulis, máxume sunt expositi, macilenti & strigosi in febres inflammatorias sunt proni ut plurimum. *Harris.* Nutrix infantem suum nimis alendo sæpe interficit. *Kerkring spic. anat.* Infantes prognati matribus fluore albo, virulento præprimis, detentis ad magnos multosque proni sunt morbos, cæcitatem, convulsiones v. g. &c. Multa morbis infantilibus datur occasio calore hypocausti immodico, æstuoso. In infantulis de meconio cogitandum, dein, de lactis vitiis, posthæc, de detentione, porro, de morbilis, variolis, vermibus. *W. Wedel.* Atrophiam nuncia, si deprehendas in lactente inquietudines, anxieties præcordiales, excipiente secessu liquidi copiosi, viscidii, roscidi, subviridis, ex parte coagulati, stipata quidem abdominis tumore, duritia, febricula, paulatina membrorum absumptione, flaccescentia. Quæ 4. mense vel serius ingruit in lactentibus facilius curatur quàm ablactatis; glandulis autem mesenterii jam scirrhosis, omnis spes curæ decollat. *Macies.* ac

atropœciæ infantorum sœpius rationem habet in pultis spissæ nimis liberali exhibitione , infarciendo quasi eadem tenellos. *Atroœcia* ablactatorum tam parva sumit initia & sensim accrescens vix attenditur. Difficilis est *atroœcia* curationis, si à materie ulcerosa , ex anthematica ad interiora lapsa , eaque vitiante ; si à malis medicamentis, v. g. futurninis , largissimis absorbentibus ; ubi venerea vel scorbutica. Sæpè numero morbillorum ac variolorum soboles est. Spes vana est , si cum scirrho , ulceri visceris jamjam ; si urina meitur flammea cum phlogosibus post cibum , index quippe hecticæ , ubi ab hydrocephalo ; à nervo læso , præciso ; si juncta diarrhœa fœtida , cruento - purulenta cum insigni emaciatione & imbecillitate virium. Spes convalescentiæ in ea adfulget , si à vermibus ; voracitate ; si tantum ab obstructione tunicæ intestinorum villosæ ; ubi à diæta crassa ; transpiratione prohibita, diarrhœa , ubi ciborum concoctio emendatur ; appetitus constans & regularis redit , tumor abdominis decrescit , vires antea depresso cum animi vigore recolliguntur. *Hoffm.* Si malum nondum inveteratum nec infarctus viscerum notabilis febres intermittentes aliquando solvunt. *Atroœcia* diutius persistenti non raro succedit rhachitis , quæ illam quidem solvit , sed tristi spectaculo sœpe per omnem ætatem corpus deturpat. *Carl.* Aphtas prædic ex inquietudine , vigiliis, spirandi & deglutiendi laboribus , æstu pectoris reciprocante , notabili , suetū impedito , saliva spissa , levi linguæ intumescētia , oris calore mammis sensibili. Vix apparent

sine febre. Aliquando epidemicæ sunt valde periculosæ. Semper in aphthosis inter alia de diarrhoea male suppressa quærendum est. Infantes uberibus non nutriti quoque tamen aphthis laborant. Ut plurimum 9. d. durant. Frequentiores sunt æstate quam hieme. Cribrius infantes infestant quorum matres sub graviditate venæsectionem & laxantia neglexere. In *ατρητοις* nullo ani vestigio apparente, vel, si pone sphincterem caro solida concreta cavum recti replet, conclamata res est, & fatis cedunt. Interdum sterlus in puellis per vulvam, in pueris per vesicam habet vel invenit viam.

A. N. C. à Bergen. Aures ulceratæ & manantes quandoque post se relinquunt tabem vel cariem. Sæpius achores & favos critice præcavent. Humiditates puero per aures effluentes salutares magis sunt, & importune suppressæ, epilepsiam, auditūs vitia, aut aliū cerebri gravem morbum gignunt. *Hipp. River.* Si infantes *δυσηκόοι* sunt, attende an membrana meatui auditorio obducta nondum exaruerit, vel an idem imperforatus sit, vel à nativitate vel ulcerationne. *Schulz.* Asthmate convulsivo vel convulsi vel soporosi necantur. Pejus, si febris magna juncta; mortis tunc prodromus, sudor frigidus per totum corpus, i. 2. dies durans; contra, sudor calidus cum levamine solutionem indicit: Gravius, si cum anasarca & urinis pravis. Aliquot dies adfligens mox emaciāt infantes. Si tussis humida accedat cum sputis, bonum. Alvus obstructa & segnis successiones habet colicæ convulsivæ, motuum

convulsivorum, iliacæ, atrophixæ, &c. Infans ad minimum, ter vel quater in die, sive intra 24. horas exoneret alvum; si unica saltim vice fiat, indicat inclinationem ad morbum. Infantes voraces plurimum sunt alvi adstrictæ. Mirandam alvi constipationem in infante ex plumis, lapillis, filis, straminibus ab ipso deglutitis, ubi à matre incuriosa inter talia ponebatur, narrat *Hildanus*, nisi negligentia fuisset, curatam.

Achores retrogradi vel repulsi maxime ad pectus ruunt vel oculos vel aures. Solvuntur aliquando diarrhoea serosa, longa, acri. Infantes arthriticis prognati parentibus achoribus præ aliis adfliguntur, auribusque manantibus, Favus est morbus contagiosus. Tinea confirmata est rebellis, imprimis, si ad frontem ac faciem se extendit, plerumque capillorum defluvium post se dicit. Neglecta & perverse tractata in lepram abire potest. Diurnam cum cute arida, testacea, ad frictum non rubente, alopecia sequitur inemendabilis, & contra, ubi malum recens, cutis mollior, digitii impressi vestigium, notat ac post frictionem rubet. Tinea mitior, achores & crusta lactea saepius ad sequentem prosperam faciunt valetudinem. Sola interdum ætatis mutatione domatur, medicina irrita. Post tineam ex crescentia quandoque enascitur cranii fungosa. Tineam arte vel sponte siccata aliquando excipit surditas. In morbis infantum cutaneis rebellibus, chronicis de pollutione inquire verminosa. Infantes, quibus crustæ scabiosæ in capite superveniunt,

raro corripiuntur motibus epilepticis. *Bagl.* Exanthemata scabiosa capitis eveniunt, post variolos, morbillos, febres acutas quartanam contumacem, imperfecta crisi soluta. Si crustæ scabiosæ in capite recedunt vel nigricantem induunt colorem, res est periculosa. Inducunt asthma, maxime convulsivum, convulsiones, tussim ferinam, catarrhum suffocativum, epilepsiam, φωλικην, επιφοραν contumacem, glandularum colli & maxillarum tumores, φωρεθαλυταν, guttam serenam, aurum vitia, pectoris & mesenterii morbos, varjas febres, tabem, motus spasmodicos vagos. *Hoffm.* Solent multoties degenerare in scabiem malignam. Anasarca in infantibus ευσπλαγχνοις facile curatur; fiunt plus saepe hydropici propter αδιαργιαν vel vermes.

Cardiogmus sive pleuritis flatulenta aut rheumatica, diuturnior suspicionem injicit intumescentiae ac scirrhositatis mesenterii glandularum, quandoque epatis, ex quibus oedematosus & cachecticus status tandem enascitur. Si tussis sicca febrisque succedit, invicto adhuc malo, ad lentam it tabem. Cephalalgia idiopathica protracta convulsiones quin meningum inflammationem pluries accersit. Cœliaca ex scirrhositate glandularum mesenterii, pancreatis, intestinalium, vix curatur, quin abdominis sequitur tensio atque ατρεξια; si cachexia, anasarca supervenit, pessimum. Lienteria atrophica metum incutit, diutina. Cholera infantum non infrequens est, dicunt vulgo. *Darm-Gicht. Hoffm.* Ex comedonibus maciem acci-

piunt. Qui sunt materies sebaceæ in glandulis sebaceis cutaneis contentæ tantæ incrassationis, ut per poros cutis sub figura albi cylindri cum apice nigro promineant. Tale excrementum viscosum, lentum, in poris cutis tempore gestationis in utero, & quidem à prohibita transpiratione, congeritur, & postea in aëre libero condensatur, omnibus neonatis infantibus familiae; stagnatione sua ansam præbens, ut infans omni prope nutritione defraudetur. Ex hac materie in putredinem abeunte vermiculi generari queunt. Si in continua febre pueri venter nil reddit, mutaturque ei color, nec somnus accedit, ploratque is assidue, metuenda est convulsio. *Cels.* Stridor dentium ad convolutionem proclivitatem; bilis acidi, vermium præsentiam, significat, maxime horum in ventriculo. Convulsio vel spasmus inferioris maxillæ à causa interna, ut plurimum intra dies 14. lethiferus est: Spasmus hic quandoque transit in paralysin. *Heister. Werl.* Concussiones pectoris clangoræ in convulsis ac epilepticis evenientes, sunt convulsivi œsophagi motus, spemque eripiunt reconvalescentiæ. *Hoffm.* Convulsionem prodromi pavores quoque pluries sunt in somno, suspectum semper symptoma, pejus adhuc, ubi in vigilantibus. Motus convulsivos in infantibus generaliter nunciant pandiculatio, oscitatio, brachiorum tensiones, palpebrarum ac bulbi ocularis motus, sub somno pavores, tremores, vigiliæ nimiae, alvi excrements viridia, &c. Utile est observare, num semper eo tempore, quo infans corripitus

epilepsia, matri fluant menses, nec ne. *Bagt.* Infantes menstruis fluentibus concepti, facile sunt epileptici. *Hipp.* Prægnanti si accesserit epilepsia, solvit partu enixo, ac si fetus editus, mox multa vomit ejicitque aquosa, non manet ipsi morbus. *Hipp.* Fecum alvi dejectio in infantibus, quos prima vice torquet epilepsia, non est adeo sinistri ominis. Infantes epileptici intra 6. hebdomades adhuc constituti, raro evadunt. In convulsis neonatis visita, an cranii ossa sint intropressa. *Bærh.* Pueri facile incidunt in convulsiones epilepticas, si matres sunt hystericae, vel gravidæ ira excanduere, vel, si nutrices ira aut terrore percitae, statim infantulos uberibus admovent. *Guido Patinus.* Contendit infantes sub novilunio natos præ aliis pronos esse in epilepsiam. Convulsionem à vermibus nunciant certa convulsionis in maxillis species, intercurrentes in intestinis rosiones præter reliqua communia. Ex vermibus convulsi communiter nullam ante os protrudunt spumam. *Aurel.* Epilepsia infantum intestinalis in propinquo intelligitur ex flatibus cum murmure, subfluida alvo desitura. *Pechl.* Diarrhoea mucida solvit aliquoties convulsiones infantum. Post motus convulsivos ac epilepticos in infantibus noduli cutanei instar pisorum observantur sæpius; æque, habitus cutanei totius vel ex parte inflatio; anceps utrumque. Pueri fere omnes qui alvum habent adstrictam, obnoxii sunt convulsionibus. Si epilepticus paroxysmus unus alterum consequitur, & alvus antea fortiter clausa, sponte jam dimittit excrementa,

excrementa, valde foetida & nigra, vox clangosa & singultuosa fit, totumque corpus ardet, in propinquuo exitium est. Epilepsia infantum curata levi de causa recrudescit. Mortem praedicto in pueris, si convulsionibus gravibus durus intentusque venter superveniat. Cavendo à pulmentis ac cibis, uberibus nutritio infante ad biennium, dentitio fit facilior, & immunitas à vermibus impetratur. Ante & post dentitionem frequens est purpura quædam scorbutica, $\alpha\pi\gamma\eta\tauος$, à calidore regimine fere veniens, quæque intra d. 14. Iponte vanescere suevit. Dentitione diffcili decima pars infantum moritur. *Sydenh.* Consectaria difficultatis dentiendi sunt: gingivarum tumor inflammatorius, gangræna; asthma; tussis; vomitus; singultus; clamores; vigiliæ; febres intermittentes, acutæ; pavores; alvi fluor viridis, cruentus; ventre occlusus; inquietatio; salivatio; convulsio; epilepsia; ileus, &c. Convulsionem in detentione diffcili præsagiunt constitutio plethorica, succiplena; alvus obftipata; saliva non fluens; si somno immodico veluti marcent; hæque convulsiones magis dubii sunt eventūs, si à parentibus fuerint biliosis ac sensibilioribus. Ex dentitione diffcili & terminibus ventris, tussi porro convulsiva sæpius accidit intus susceptio intestinorum, hinc ileus. *Willis.* *Schulz.* Difficilius dentiunt qui alvo adstricta laborant, quam qui laxam habent. Qui cum detentione bene habito corpore permanent, gravi somno premuntur, periculum est, ne eos convulsio prehendat. Si gingivæ

ita crassæ, firmæ, ut dentes istas perforare non valeant, non raro moriuntur convulsionibus; quem casum plus sœpe turundarum istarum, quas *Schulzer* noncupant, creber usus inducit. *Lentil.* In infantibus si tussicula superveniat, tardius difficiliusque obsolvitur negotium dentitionis, præsertim si caninos edunt. *Hipp.* Cum evagia jungitur in dentientibus sanguine plenis salivæ fluxus; alvus lubrica, immixtis cruentis striis. Infantes atrophici & paralyticæ ad diarrhœas faciles sunt. In diarrhœis lactantium quære de nutricis irascentia. Dysenteriam lactentes commodius ferunt quam adulti. Pueri & infantes ex voracitate, chylo crudo, acidi primarum viarum exsuperantia, ad calculum, ischuriam proni sunt. In mictu cruento de vestibus investiga thoracibusque nimis arctis. Febres intermitentes, quotidianam, tertianam, quartanam citra adfectam matrem, vidimus in lactentibus. Intermitentes per annum sœpe infantes detinent, nec cum detimento, ut potius corpus confirment, modo congrua adhibeatur medicatio. Si in febribus infantum diuturnis abdominis regio, circa lineam præcipue albam, indurari atque tumefieri occipiat, morbum hunc brevi abiturum dixeris. Facile incidunt post intermitentes in lienis vel aliis visceribus obstructionem dicunt. *Fieber-Kuchen.* In infantibus 10. annis adhuc minoribus si post febres exanthematicas aut bene decurrentes, per aliquot dies urina vel vere nigra vel plumbei coloris mittatur, aut hydrops aut epilepsia succedit vel utrumque. Si febribus exanthema-

ticis vermes se immiscent, decursus earum valde plerumque turbatur; extrema frigent, pulsus fit inæqualis ac debilis, accedit animi deliquium, mors sœpe ipsa. Convulsio in febribus puerorum non ita letalis est, ut in adultorum. Coma non turbulentum, sed placidum, licet diu ebriorum instar duravit, non est malum, sed sedat & arcet in pueris febrem. *Duret. Stahl.* Gibberosi præ ceteris sunt ex imbecillis parentibus nati, teneri, graciles, molliter educati curatique. Gibbosus post pauciorum vel plurium annorum decursum asthmatici, phthisici, cordis palpitationi, hydropi pectoris, tussi violentæ, catarrhis suffocativis, &c. obnoxii sunt. Strictiora arctioraque infantulorum involucra gibbositatis plures culpa sunt. Facta μετασασι materiæ ex asthmate, tussi, pulmonum tuberculis, gibbosus sunt pueri. Memorabilis est casus gibbosæ puellæ post speratam febrim & plures purulentas dejectiones, ad 10. d. perdurantes, integritati restitutæ. *Ac. Reg. Sc. Paris.* Relinquentur gibbi ex aliis gravioribus morbis, phrenitide, angina, dysenteria, &c. *W. Wedel.* Infantes qui sub dentitione cruorem alvo mitunt, antis crescentibus ad hæmorrhoides disponuntur. Pueri ex hæreditate ad hæmorrhoides faciles de ventris tortuibus in pueritia plures queruntur. Hæmorrhagia frequens est verminosis. In pueris & alvi & renum cruentas fluxiones minus adhuc habere periculi ac impune ferri; trepidantibus ad cruoris præsentiam matribus, notat. *Pechlinus.* Laborioso exclusi partu infantes aliquando salutariter sanguinem vomunt

vel alvo excludunt vel per genitalia reddunt, mox parcus, nunc copiosus, visceribus, potissimum hepate, compressis; aliquando fatali cum eventu. *A. N. C. Comm. lit. Nor.* Hydrocephalum malitiosa quandoque arte excitant mendiculi scelesti pueris. *Hildan.* Hydrocephalus externus curari potest, internus saepe deleterium habet exitum & apoplexia aliquando necat, vel epilepsiam infert. Icterodes infantum d. 3. 4. a partu, est a meconio retento; in magis adultis ab ~~ασθνεα~~ vel vermis: Si pertinax; hectici tandem vel cachectici evadunt, lenteque exhausti exspirant. Incubus habitualis in epilepsiam, earum, apoplexiā degenerare potest vel catarrhum suffocativum; frequens est voracibus. Laete ex nimis pinguis matris vel nutriciais ominare oppletiones pectoris, asthmata, catarrhos suffocativos; ex acri & biliose tormina, diarrhoeam biliosam, choleroden; ex impuro, scorbutico, venereo, scabiem simplicem, scorbuticam, venereum, ulcerationes varias. *Barb.* Ex lactis defectu imple celato vidimus convulsiones graves in tenello, non letales, ubi tempestive, re detecta, ubera praebebantur lacte turgida nutricis conductae. Ex salacium nutricum laete aliquoties febrilia symptomata, imma purpuræ attendi exanthema. Laete solo enutritos nunquam notavi verminosos. Linguae frenulo resciutto facile sanguis in ventriculum defertur, qui in eo putrescens gravissima parit mala, febres accensas, convulsiones; ergo cautus est chirurgus. *Zech. consult.* Linguae frenulum incaute incisum artuum con-

tracturas creasse miras, manente *Qorixæ*, &c. tradit *Hildanus*. Linguæ tumor à nativitate, si à decubitu pituitoso paulatim minuitur & medicinæ cedit; si vero à carnasitate nimia, incorrigibilis erit. Tumiditas farosa in variolis, aphthis itidem accedens, curabilis est, si princeps morbus nempe quoque est superabilis; sanguinea in variolorum principio, hæmorrhagia tollitur; pituitosa extra febrim, quoque emendari potest. Narium obstructio quandoque maciem inducit ob suctionem ac deglutitionem præpeditam.

Zwing. In ophthalmiis infantum quære de achoribus, glandulis colli tumefactis. Prognosis ophthalmiæ infantilis dubia, incerta est; relinquit facile epiphoram, pannum, abscessum, ulcerum, scirrhosum tuberculum, fungum in oculi bulbo, quin cæcitatem adducit; (eo magis hæc cuncta si à variolis,) pendet à statu hæreditatis, regiminis, victus, humorum; facile revertit *φθαλμία* infantum. Oculorum pustulæ sive vesiculæ si negligantur, facile inducunt vel ulcerulum manens vel oculi humorum perturbationem, quin cæcitatem. Pannus acrioribus tractatus fungum cancerosum pluries factum, facilius in infantibus creat quām adultis. Mydriasis in pueris quandoque curatu facilior est quām in adultis. Ob animum immorigerum ex ægilope & anchylope non raro fistula subnascitur lacrymalis. Nyctalopie & encanthis rara in infantibus. Epiphora difficulter curatur sæpeque lippi manent, & qui impuri habitus (quod plus sæpe ex lacte siphylitico fit) cum aliquali hebetudine.

Madarosis plerumque insanabilis est. *Atergois* oculi non semper totalis seu plenaria est, sed s^epe ex parte tantum fit. Strabismus ex convulsione non crebra, vel sponte cedit vel arti. *Zwing.* Peregrinum cæcitatis genus in duobus pridem natis à me visum, ait *Pechlinus*; nimirum utrumque oculum spissa quædam tunica ex muco, sive in matris alvo, seu primo aëris adflatu concepto velabat, visumque omnem prohibebat. Reliqua vid. pagell. de oculorum morbis. In pedarthrocace, rhachitidis, luis venereæ, variolorum pluries sobole, si recens & mox debita fiat medicatio, s^epe timor discutitur; si vero jam suppuratio adest, difficulter admodum; nec antisiphyliticis atque antiscorbuticis cedit. Paralysi si infantes corripiuntur, circa pubertatis annos quandoque ab eadem vindicantur. Paronchia facile officulo cariem infert in infantibus. Parotides infantum difficile suppurant, facilius tamen ac in adultis; neglectæ, in falsas & acres abeunt ulcerationes. Pectoris oppletio cum rhoncho in neonatis facile transit in asthma vel catarrhum suffocativum. Rhoncho detentos si curas, inquire de paroticis tumoribus vel uceribus, an antehac adfuerint, quave methodo tractarint? *Thymosis* naturalis interdum & à nativitate pueris est, manui cedens. Priapismus infantum licet recurrat, sponte posthæc velent cessat nec metuendus: Est pluries à vesica lotio turgida rectoque stercoribus farto. Purpura scorbutica remanens creando ventris tormenta, virium languorem, appetitum dejectum, malum vultus aspectum, s^epen numero

vermes adesse mentitur. Post tormina ventris vexantia s^epe postulæ generis varii, in facie, abdomine, artibus infantum exoriuntur cum ~~eu~~^{eu}ropiæ Rubor & æstus per universam cutim aliquando contingit, ex quo, ni tollatur, in ardenter labuntur febrim, vel aliam gravem ægrimoniam. *Zwing.* Scrofulæ nonnunquam ex improviso & confestim cum ephemeta febre comparent, eadem cessante, iterum quoque disparentes. Sunt potissimum prodromi aurium manantium vel achorum, quibus advenientibus solvuntur. Absque significatione recedentes oculi aurisque noxas gignunt. Degenerant aliquando in ulcera depascentia, verminosa. Strumosi infantis pancreas, vel mesenterium vel intestinales glandulæ certe laborant vitio eodem. *Bærh.* Singultus ob lactis hausti copiam, ob corruptionem alimenti in ventre, vel ob partis frigiditatem mitis est, contra, qui ab inflammatione vel ex metastasi efflorescentiarum. Syncope à vermibus stomachi plerumque fatalis est; prodeunt brevi ante mortem per os. Scroti atque testiculorum inflammatio à causa externa cum extravasatione in abscessum & ulcus facile terminatur, maxume in cacoehymicis. Testium tumor, bubo circa pubertatis annos ex lymphæ bonique succi redundantia oriens, nil habet in recessu per se. Testium retractionem vel serotinum descensum cave ne pro ramice habeas inguinali, examina, curiosius ac certius eris; sic novi puellum, subligaculo strictiori superdato, atrophicum factum funesto cum eventu. Torminibus plerumque adfliguntur infantes ubi

clamant, maxime si concurrat abdominis inflatio. Ubi brachiis suis sursum deorsumque, ultiro citroque, immodeste infantes jactitant, quæ curam habent, ventris termina facile subnascuntur. Ex terminibus ventris eo plus periculi metuendum, quo teneriores sunt infantuli; quotidiana convulsiones plerumque prædicunt. Termina sustinent infantes cum flatus, materie mucida, quam tussi humida mucosa sursum propulsam iterum deglutiunt. Terminibus facile junguntur febres, paralyses, asthmata, convulsiones epilepticæ, ileus, &c. *Schulz.* Hystericis prognati matribus infantuli magis & acrius patent ventris tormentis. Tumores lumbaces feroci ex spina bifida plurimum, brevi sunt funesti, maxime si incidentur; crebrius sunt cum hydrocephalo atque invicem communicant. *Comm. lit. Nor. Salzm.* Tonsilarum, uvulæ, tumor ac inflammatio sæpe infantes in discrimen vitæ ponit, dum ex contumacia vel immorigero animo auxilia non admittunt, suffocantur hinc, aut gangræna, sphacelus, convulsio necant istos. Verticis tumor mollis in neonatis impudenter incisus aut emplasticis apertus, vel convulsione brevi necat, vel tardius paulo macie. Umbilici tumor prominens vel in herniam vel inflammationem aut abscessum transmeare potest, ni præcaveatur; aliquando, sed rarissime, sanguis profluit, facile cum totius corporis imbecillitate ac morte. *Hildan.* Ex umbilici abscissione subitus è vita excessus metuendus. Tussis infandum plerumque est stomachica vel intestinalis; docent

vomitus, diarrhoea critica, juvantia, nocentia; facile migrat in asthma stomachicum, quod respiratione stipatum est anhelosa. Tussis convulsiva epidemica infantum tempori potius quam medicinis cedit. Est indolis chronicæ. Infra trimestre constitutos excarnificans, ut plurimum funesta est. *Comm. lit. Nor.* Hæmorrhagia, abscessibus corporis solvitur. *Meibom.* Sub paroxysmo convolutionibus, epilepsia correpti raro eluctantur. *Lentil.* Macie plerumque necat vel suffocatione. Meminimus ex vehementia hujus in puella ossa frontis hiscentia reddita. Si infantulus sine causa manifesta continuo vagiat, corpore non nutriatur, dejectiones habeat veluti carneas, urina cum farinaceo sedimento sit, de verme inquire umbilicali, facque experimentum tinea, &c. *Eysel. Zwinger.* Ob continuam jactationem hinc fiunt pluries luxatio vertebrarum, herniæ ex clamoribus, quin epilepsia. Ex vigiliis nimiis metuas ~~ατροφιας~~, lentas, hecticam vel convolutionem, epilepsiam. Visceribus ex umbilico propendentibus vivi nati, non diu supervivunt. *A. N. C.* *Comm. lit. Nor.* Volaticæ infantum maculæ quando fauces, os, oculos, aures, scrotum, occupant, fatales esse solent. *Sennert.* Vomitus à copia lactis assumpti non est periculosus, si vero ex lacte corrupto ansam dat convolutioni, epilepsiae, consumptioni corporis. Si infans multum vomat & de nutricis cogita iracundiis. Morbi infantum quos effascinationibus imperitum muliercularum vulgus haut raro adscribit, sæpius strigmentis caseosis in ventriculo

ac intestinis hærentibus originem debent.
Loquuntur signa & remedia in testimonium
sententiae.

Inflammatio interna. Abscessus.

Gangræna. Sphacelus.

DE scirrho & cancro interno, de vomica
porro, sigillatum suo videbis loco.

Optime testatur lingua de inflammationibus
internis; ejusdem ariditas cum flavedine laten-
tes viscerum inflammationes præter alia signa
nunciat. *Bagl.* Corpora laxa, hinc feminæ
& pueri, facilius ferunt inflammationes quam
stricta, ut viri & senes. Periculosior semper
est in scorbuticis, venereis, atrabilariis, anno-
fis, laboribus fractis. Quo citius inflammatio
suas periodos absolvit, eo periculosior, & eo
certius gangræna incidit. *Bærh.* In omni in-
flammatione febris modica, proportionata,
necessaria est & præsidio. Si urget, gangræna
æger periclitatur; si nimium remittit ac sine
integritate, scirrho & ulcere; valde si tenua-
ta, non raro in lentam & hecticam degene-
rat. *Platn.* Si febris subito sine bonis signis
conquiescit, inflammatio in aliud morbum
mutatur.

Crisis fit multo plerumque sudore ac urina
crassa cum sedimento copioso. Pessimum, si
febris semper increscit, æger summe infirmus
fit, inquietus, vigil, delirus, soporosus; si
accedit spiritus difficilis, torpor, æstus inæqua-
lis per corpus sudor frigidus, urina cruda, fulva;

& tenuis ; alvus liquida , nigra multum
fœtens , nervorum distentio : Quæ ultima
mortis sunt nuncia. Inquies , jactatio , suspiria ,
anhelatio ; pervigilium , in inflammatoriis &
suppuratoriis mortis sunt prænuncia. *Bærh.*
Inflammatio vel resolvitur vel suppuratur , vel
degenerat in gangrenam , sphacelum , vel in
scirrum , cancrum ; ex suppuratione male
cedente in ulcus , fistulam. Spem vel periculum
inflammationis denunciant subiectum , pars
obsessa , magnitudo , indoles , causa. Per
~~μετασασιν~~ febris enata si non excludatur rite ,
metum incutit recidivæ. Inflammatoriæ febres
recidivantes sunt periculosæ ac plerumque
letales. In inflammationibus bonum est , si
æger bene sitiatis , largeque commodum hauriat
potum. Inflammatoriæ ab arthride retropulsa ,
periculosæ. Quo intensior dolor in inflamma-
tionibus , eo magis malum in tempus criticum
metuendum est. In inflammationibus sudore
~~κρισιμως~~ judicatis pluries & se addit hæmorrhagia.
Vomitus cruentus , porraceus , niger ,
excrementa diversorum colorum alvina , maxime
circa dies criticos , fatum sunt extremæ ac
desperatæ salutis , imprimis in ventris inflam-
mationibus. *Hipp.* In inflammatoriis discussio
per hæmorrhagiam tempestivam multum ante-
ponenda suppurationi , ex qua plus numero
hectica. Cum inflammationibus partium ab-
dominis , præcipue non valde exquisiti sensus ,
fere typus tertianarius complicatur. Inflam-
mationis in abscessum initia faciunt horrores sine
ordine invadentes : Ubi fieri incipit , febris &

dolor increscit, æger porro sine ordine inhorefcit, moxque æstuat; pure facto nec immittuntur hæc, æger vero longe infirmior fit ad animi deliquium usque cuncta ast sine exitii notis. Si febris non intermittens jam 20. d. superavit, simul pulsus bonus est viriumque robur non infirmum, vitæ pericula absunt, nulla evidens facta evacuatio, concoctiones cunctantur, licet expectare abscessum, maxime in junioribus. *Lomm.* Quibus ex morbo, potissimum febre, convalescentibus pars aliquam laborat, eo abscessus fiunt. Circa generationem puris febres & dolores magis eveniunt, quam illo perfecto. A tumoris intus ruptione fit exsolutio virium, vomitus & animi defectio. *Hipp.* Lipothymia talis aliquoties repetens, letalis est, nisi exitum pus invenerit, quod aliquando juvare potest. Abscessus in cava abdominis ruptus suum pus evomit; fit collectio ejus in abdomine sive hydropss purulentus; aggestio; ni extra corpus viam acceperit, putrefactio; ventris tumor; viscerum exesio; tabes miserrima; mors. *Bærh.* Pus quacunque parte erumpat, si est leve, non mali odoris, album & unius coloris, sine metu est, ac quo effuso febris protinus conquescit, & contra. Pus exit è corpore per pectus, abdomen, umbilicum, aures, nares, lumbos, urinam, vomitum, sputum, diarrhœam, sudorem male olentem, quandoque glutinosum instar puris. Pus cum urina exit integris vesicæ & renibus, v. g. ex pulmonibus veniens; *Holler.* & contra, integris pulmonibus, ex utero sup-

purato e. g. delatus, expectoratione effertur.
Hoffm.

Abscessus muscularum abdominis s^epe numero eveniunt ex ischiade diutina. Abscessus plures oriuntur post febres, potissimum post crises mancas. Abscessibus ansam creberime dat mensium hæmorrhoidumque negotium. Si morbus magno cum impetu feratur, superne fieri solent abscessus ad collum, axillas, &c. Si lente procedat, in partibus infernis expecta. *Hipp.* Non absolute propter cordis abscessum sequitur mors, nisi introrsum effundatur, quin minor puris copia transire ex corde in arterias sine vitæ periculo potest, quæ à visceribus per alvum, urinam, sputum, &c. expurgatur; *Hildanus* communicatam recenset observationem de corde adhuc vivente non exigua sua parte putredinem passo. De corde suppurato meminit. *A. N. C.* Abscessum cordis tunicatum ex vulnere olim accepto dicit *Pechlinus*. Abscessus εγκεφαλος à violentia externa subnatus non semper in læso sed opposito latere quærendum; in his penetrat quandoque materia purulenta per cranii poros ad exteriora; ceteroquin iidem felicius faciliusque solvuntur pér nares quam aures. *Meibom.* Viscerum sphacelatio absque prævia inflammatione plus læpe contingit, ex quiete ac stasi sanguinis in ramis majoribus.

Transitus inflammationis in gangrenam, dein spacelum, significatur, si internus quidam frigoris sensus percipitur, & dolor antea acutus & acerbus subito desinit; mens antehac delira ad se quodammodo redit, virium vero defectus

insignissimus sit; lipothymia incident; pulsus deficit, vel debilissimus, inæqualis tangitur atque intermittens; si alvus antea foribus clausa se aperit & præter voluntatem fluit; vultus fœrus, pallidus adparet; palpitationes cordis, anxietates obveniunt; extrema, tempora, cervix gelide sudant; murmura in ventre, sumpto potu, oriuntur. *Hoffm.*

Gangræna in internis semper est letalis, continuo enim in sphacelum mortemque tendit.

De viscerum aliorum abscessibus, gangræna, sphacelo suis in locis habes.

Linguæ ceteri morbi.

Quibus acute febrentibus omnia fœtent, aut etiam saporem fœtidum habere videntur, quæ tamen revera non sunt, & citra vitium antecedens narium & linguæ, malum est. *Hipp.* Olfactus & gustus vim tota sua vita aliquando amittunt, in occiput graviter lapsi. Linguæ inflammatio aliquando vel per se vel cum aliis morbis obvenit, in suppurationem abiens; talem notavi criticam in febre acuta maligna bibonis. Linguæ tumores, oedematosi, carnosí, scirrhosi, ut plurimum vitæ periculum non adferunt, nisi in tantum accreti, ut inde suffocatio metuenda sit, aut ex humore maligno ortum duxerint, unde sæpe carcinoma, hinc incurabile malum; maxime hoc quidem ex scirrho. Oedematosi, pituitosi remediis cedunt. *Bατραχος* sive ranula sub lingua, in

pueris crebior quām in adultis , per se periculo
vacat quidem , aliquando tamen præfocationis
periculum intentat ob vicinam asperam arteriam
atque laryngem , deglutitionem ac loqueland
impedit mirifice ; dolores concitat acutissimos.
Tulp. In adultis , si dolor & febris adsit ,
periculosa est , facileque in anginam migrat.
Quæ nigra , fusca , dura , cum tuberculis
carnosis , ad cancri naturam accedit. *Heister.*
Ni cystis quæ humorem continet , abluma-
tur , tumor iterum iterumque repleta vomica
resurgit : Contingit tamen etiam , ut effluen-
te puro cocto pellicula putrefascat , & totum
simul excernatur , quod morbum facit.
Βατράχος irritatus incongruis vel scirrum &
cancrum , vel gangrænam & sphacelum post
se traxisse , observatus est non semel. Plus
sæpe sequela est rudioris frenuli lacerationis
quām lactis nimis acris aut malæ conforma-
tionis vitium. à *Bergen.* Paralysis linguæ ex
apoplexia , aliis simul resolutis partibus , raro
curationem recipit , maxime in ætate pro-
vectioribus , & contra , si malum simplex &
solitarium sit , imprimis in ætate inflorente
constitutis. Conf. prædict. de paralysi infra
positæ. Balbutientes melius cantant quām
loquuntur.

Lipothymia. Syncope.

Qui s^epe & fortiter sine causa manifesta animo delinquunt, subito moriuntur. *Hipp.* Lipothymia facilis in scorbuticis est. *Eugal.* Idiopathica pessima est. Nullus proximior ad mortem gradus est syncope. Subitanus virium lapsus in ceterum bene valentibus evenit nonnunquam ex purpura scorbutica non rite egrediente vel insciè regressa. Pessima est cum secessu atrabilario, nigro, curabilis tamen, ni labes visceris subsit. Virium exsolutiones ex rigore periculosæ, maxime, si accedant urinæ cruentæ. Mala signa; sudor frigidus copiose manans; facies Hippocratica; si ad se reduci vix queunt multo labore; si licet levati, pulsus deest, vel perexiguum habent; si fani facies non redit; si faciei color mutetur in lividum & viridem. Si tremores ac convulsio superveniant, si calor non revocetur, mors in propinquo; in hysterics tamen mitius judicato. Exitiosa, quæ à corruptione visceris; à sphacelo; quæ extenuato spiritu & sanguine originem trahit; quæ post partum laboriosum; quæ post abscessum internum ruptum, nisi pus per alvum, urinam, vomitum, quod juvare aliquando potest, redditur; quæ in febribus malignis, exanthematicis, in principio & statu, vel easdem antecedit, vel ex situ erecto in illis contingit, quæ ex vermibus stomachi in pueris; quæ in variolis confluentibus ob intolerabilem ardorem ac dolorem, præcipue sub recto situ.

situ inducitur ; *Hoffm.* quæ ob tumorem. p. n. in vel ad cor & pericardium ; quæ cordis palpitationem longinquam pluries sequitur &c. Quæ à voracitate post superatum morbum ; à faburra stomachi ; à flatuentiis spasmodicis in hypochondriacis, hysterics ; à flatibus putridis ; ab hypocusto, balneo intensius calidis ; à sensibilitate individui ; ab animi pathematis &c. nil habet in recessu ac relinquit medicatione spatium. Syncopticæ hystericæ ne pro mortuis habeantur, sepeliantur, recte cavendum.

Mania. Melancholia.

Falsæ imaginationes superveniunt eis, quibus membrum aliquod abscissum est, facile. *Hild.* Mania raro est letalis, curatu tamen admodum difficilis, imprimis antiqua. Prænunciat eandem cephalalgia subito in hypochondriacis & melancholicis, prævio graviori animi affectu oborta, cum *αγρυπνία*, inappetentia, *δυσηλεια* vasorumque interna pulsatione. Quandoque desinit ad tempus in totum, vel stultitia remanente, terminatur, postque denuo recrudescit. Mutatur aliquando in hæmoptoën. *Dodon.* Bonum omen, ubi delirium somnus adhuc sedat, contra, ubi vigiliæ sunt pertinaces; bona spes, si periodica circa æquinoctia; solstitia; si habet remissiones; si ex passione hypochondriaca, hysterica, febribus intermittentibus perperam exceptis, evacuationibus sanguineis suppressis; si à summo narcoticō &c. Pessima, si post altum somnum jugiter delirant;

si validiora evacuantia intensiusque non sentiunt frigus. Si epilepsia, convulsio, sopor, superveniunt, mortale. Mania ex abscissa Plica polonica, eadem renascente, curatur. Maniaci raro aliis implicantur morbis & sæpenumero ætate grandes fiunt. Ex utero furentes si conceperint, sanæ fiunt. Evacuationes fortiores in febribus sæpe excipit mania; eadem & diuturnas intermitentes, quartanam præcipue, in stultitiam tandem degenerans, haut raro sequitur. Graviditatis ultimis mensibus silens, enixo partu quandoque revertit. Mira est in maniacis *αγρυπνία*, ut ultra annum extensam legas. *Bærh.* Melancholia sua natura non est letalis, sed sæpe quos semel invasit, ad mortem comitatür, maxime ubi hæreditas subest. Prognosis autem in genere incerta ratione exitus est; quidam brevi aliquando revalescunt, alii longo tempore, alii nunquam curantur. Numquam melancholico curando dicas, quod laboret melancholia. Malum hypochondricum quo magis fixam in viscere obtinet sedem, eo minus lædiur phantasia, & contra. Mania & melancholia aliquando inter se alternant. Melancholia deterior est feminis quam viris. Melancholici epilepsia sæpe solent corripi, & v. v. Mania & melancholia non omnino carent febre sed lenta stipantur, modo vaga, modo quotidianæ remittentis typum æmulante. Familiis connata vel hæreditaria pessima est mania & melancholia. Si morbis complicatis delirium conjunctum, ventriculum pro parte primaria affectum ostendit. Melancholicis

Iuridis & squalidis nonnunquam in partibus musculosis femorum, brachiorum eveniunt noduli subcutanei, non oculis sed tactui obvii.

Hist. morb. Vrat. Somnum profundissimum octiduanum notavi in melancholico, tandem duro labore exercefacto. Facilior morbus, si à causa physica, quam morali, pathetica. Fletus ac risus alternans, bonæ spei indicium.

Riedlin. Insania quæ cum risu fit, tutior est; quæ studio dato, pejor. *Hipp.* Varices scroti grandes observavi in ex amore vesano melancholico, crebro veneris exercitio inflamato, perfecte dein sanato. Solvunt morbum excretiones sanguinis criticæ mature supervenientes, imprimis fusi menses, hæmorrhoides largæ; varices; vulnera capitis; (*Gordon.*) atræ bilis per superiota & inferiora rejectio; diarrhœa; dysenteria; hydrops, ulcera; pustulæ; scabies fœda; abscessus; arthritis &c. Multi fatui & stulti à partu sunt, si obstetrices caput molle infantis nimis comprimunt, tales redditi. *Bærh.* Multo plures insaniunt quos ad immensas opes evexerat fortunæ favor, quam quos iniqua fors ad miseriam & pauperiem redegerat. *Mead.* in monit. ex ore *Hallej.*

Mensium vitia.

LUna vetus vetulas purgat, nova luna puellas.
L Lunæ solvere aliquando neonatas puellulas
 observatione & nostra, constat. *Comm. lit. Nor.*
 Tales vero non diu supervivunt. Menses prima
 vice erupturi, erraticam pluries simulant febrem.
 Quibus mature emicuere menses, his commu-
 niter quoque maturius desinunt. Puella ordinarie
 non concipit nisi menstruata. *Hipp.* Mulieres
 menstruantes circulum lividum sive plumbeum
 sub oculis habent. Fluxus menstruus in anno-
 fioribus per aliquot hebdomades, immo menses
 suppressus sive retentus, largissima sæpiissime
 compensatur evacuatione per dies 14. immo
 quandoque 21. durante, licet non absque in-
 commodis ejusmodi personarum. Quæ parce
 menstruantur, parca quoque experiuntur lochia.
 Dantur feminæ, quæ bis in mense lunæ benefi-
 cium habent; aliæ, quæ mensis medio uno de-
 positum lunæ experiuntur, altero hæmorrhoides
 fluxas; iterum aliæ, quæ nunquam menstruales
 nisi graviditatis tempore; *Comm. lit. Nor.* tandem
 aliæ, quæ nunquam tributum mensium sistentes,
 plures tamen peperere fetus vegetos; sic rusticam
 novi decem infantum, jam adultorum sanorum-
 que, felicem matrem. Perpetua mensium
 emansio non semper ergo morbosa dicenda;
 ut plurimum tamen stipata est sterilitate. *Hild.*
Vidi, ait *Bagl.* mulierem, cui durante menstrua
 purgatione tumescabant ossa clavicularum, eaque
 desinente, evanescebant. Cum mensibus labo-
 riosis advenientem pluries observavi *Anthonesarv*,

his autem belle profluentibus , solutam iterum.
Si menses in puellis primum erumpere nequeunt,
ob membranam verendo oppositam , in cultro
auxilium est facile , & contra s^epe nullum , si
caro locum replevit , maxime protinus in utero ,
atque perniciales exoriuntur morbi. Menstrua
humidioribus feminis diutius durant , citoque
hæ , ni illa ferantur , intumescunt. Quæ femina
non peperit , gravius & citius retentione laborat ,
quam ea quæ peperit. Quæ femina lac habet , si
neque peperit nuper , neque gravida est , ea à
menstruis defecta est ; ex quo acerbissimis capitis
doloribus exposita est , si ea diu sic manet ; cui
medetur hæmorrhagia. *Hipp.* Vetulæ quibus
revertuntur menstrua , non longe supervivunt ;
sed bene intellexeris oportet , non esse hæmor-
rhoidalem fluxum uteri vel urinalis vesicæ.
Remanentes , intercepti , suppressi exitum quæ-
runt per os , nares , aures , umbilicum , mam-
mas , genua , ilea , oculos , frontem , ulcera ,
fistulas corporis , sudorem , (pluries hæc quidem
cum eu^oropiæ) tubas Fallopii in abdominis cavita-
tem (letali hoc cum exitu .) Menses per in-
solitas vias proficiscentes communiter feminas
steriles faciunt. Suppressio quæ ab uteri cica-
trice post ulcera & vulnera incurabilis est. *Deck.*
Mensibus suppressis , succedere solent syncope ,
præfocatio , xydrops , asthmata , mania , melan-
cholia , paralysis , arthritis , cachexia , tabes ,
convulsio , epilepsia , spasmus , icterus , apoplexia
&c. Quibus largior fluor albus , eæ ex inter-
ceptis mensibus minus male tenentur. Urinæ
nigræ in menstruis suppressis non perpetuo malæ.

In mensibus suppressis & de conformatione scrutare partium & numne prolapsus adsit? Mensium suppressio à sanguinis defectu, difficilima. Mulieri deficientibus menstruis sanguinem è naribus fluere, bono est. *Cels.* Sanguis ubi retentus per vesicam urinariam iter quærit, facile inibi grumescit, graviaque excitat pathemata. Menses per ætatem cessantes salutariter excipiunt hæmorrhoides. Venereo orgasmo optime provocantur menses emanentes. *Pechlin.* Nimii, maxime continui, inducunt sæpe tabem; in senibus hydropem; cachexiam; fluorem album; sterilitatem. In senescente muliere incurabile, immo letale malum. *Deck.* Si criseos in acutis initia inciderint in periodum menstruæ purgationis, rigorque superveniat cum tussicula, aut carameniorum affatim fundendorum index erit, aut si pauca saltim adpareant, & mox supprimantur, pedissequam novam acutam ordietur. *de Bergen.*

Crisis significatur per menses futura in acutis, si nullo aliis judicationis præsente apparu, motus gravativi, tractorii circa lumbos ac pubem, in summis femoribus osseque sacro instant cum æstu eorundem, prope decretoriam diem, maxime 7., aliquando cum exteriorum horripilatione moderata.

Mesenterii reliqui morbi.

MEsenterium multorum gravium & chroni-
corum morborum sedes est, hydropis,
atrophiae infantilis, febris variæ, imprimis &
lentæ ac hecticæ, inflammationum, cholerae,
melancholiæ, diarrhoeæ, cachexiæ &c. *Hoffm.*
A plethora mesenterium gravissime laeditur. Hy-
pochondriaci & haemorrhoidarii in mesenterii
morbos, inflammations nempe, strumas, abs-
cessus, scirrhos &c. delabuntur facile. Obs-
tructio mesenterii ad colicam scorbuticam
disponit. *Draw.* Qui febricitant ex infarctu
mesenterii, majora mala in capite experiuntur
quam in mesenterio, in quo morbi sedes.
Pueri, qui strumas in collo gerunt, ut plurimum
tales quoque in mesenterio, pancreate, intesti-
norum glandulis habent. *Bærh.* Mesenterii
tumores facile in strumas seu scrofulas & scirrhos
degenerant. Scirrus glandularum mesenterii
in adultis ac annosioribus rarius cognoscitur,
antequam jam ascitos vel hecticos attraxerit
adfectus. Portio intestini à mesenterio quando-
que abrumpitur sine letali sanguinis profusione
subsequa; docent historiæ medicæ intestinis ex
abdominis ulcere mesenterio orbis propendenti-
bus, adficto bene servato. Mesenterii tumores
numero & magnitudine insignes aliquoties sunt.
Sic recordor in cadavere mulieris per octennium
pro gravidata habitæ talium tumorum variæ
naturæ seu indolis cumulum junctim 30. libras
Noricas habentium. Abscessus mesenterii ob
compagem partis pinguedinosam brevi tempore

late progrediuntur. Depurgantur iidem per screatum, alvum variam, urinas, salutariter. Pluries eveniunt ex hæmorrhoidali & menstruo negotio. Abscessus mesenterii, pancreatis, intestinoruam, omenti, cum labore distingues. Epatis & mesenterii abscessus fistulam umbilici parasse cultro deprehendi.

Mictus cruentus.

SAnguinis mictus tametsi non admodum cito enecet, tempore tamen procedente, infinitos jugulat. *Aret.* A gonorrhœa sanguinolenta facile discernitur. Sanguis è renibus profectus universa urina temperatus exit, minime concretus; ex vesica, contra. Sola sanguinis mictio è renibus, eorundem calculum sæpe patefacit, qui nec dolore neque alio significabatur ullo indicio, idque prægresso maxume forti corporis motu. Quoties mictui croris sensibilis dolor conjunctus est, de calculi præsentia & concursu justa est suspicio. Si à calculi violentia, tamdiu incurabilis manet, quamdiu ipse calculus removeri nequit, Qui à vermiculis vesicæ, iisdem exclusis sanatur. Minus periculosus est, qui ex urethra; qui ab amputatione membra alicujus; qui à violentia externa vel stricturis spasticis; ubi sine febre ac dolore, & contra, tumque facile præmonere licet puris mictionem. Magis periculosus est in senibus, spontaneus maxime, vixque diu superstites posthæc manent, quam in junioribus; atque si in illis accedant

lassitudo , alvus adstricta , anorexia , convulsiones , mortem indicunt. Periculosissimus est , si cum puris mictu ; si à vulnere cum effusione sanguinis & urinæ in cavum abdominis ; ubi febribus exanthematicis supervenit &c. Urethri grumus , ubi vesicæ aliquo inseritur itinere , si incarceretur , letalem inducit ischuriam. Sanguis intra vesicam concretus (quod pluries ex violento casu fit) gravissima parit symptomata , lipothymiam , exiguum spirationem , pulsum obscurum , nauseam , angores , extremorum frigus , cruciatus & ardores vehementes in ima pube , atque circa virgam. Mictio cruenta è vesica tardius curatur quam illa à superioribus locis profecta. Mictum sanguinis plus sæpe succedit ulceratio atque tabes. Violentus sive excessivus facile tabem infert. Sæpe criticus est sanguineus mictus facta palindrome hæmorrhoidum vel menstrui fluxûs adrenes vel vesicam urinariam.

De hæmorrhoidibus vesicæ urinalis , penis p. 125. diximus.

Mola Uteri.

Producit graviditatis omnia ~~cavum uteri~~ mola , & sæpius Medicis imponit exercitatis. Et honestissimæ virgines viduæ uteri gerunt molas. Molas vitales & *fratres Lombardorum* ad fabulares relego historias. Motus molæ ex uteri spasmo evenire solet. Molæ excretiones comitatur plurimum larga uteri hæmorrhagia. Molæ in gravidis & multo quidem cum cruento ,

sine fetus noxa , nonnunquam excluduntur. Si mola abortui embryonis juncta , pejor est status. Mola cum fetu simul gestata , partum difficultem reddit ac exitum semper intempestive maturat. Mola omnis , nisi inter initia curatur , ægerrime tolli potest. Junioribus plerumque exit facilis & ultra annum vix remanet , contra in annosioribus. Plerisque omnibus 3. vel 4. mense excluditur , spemque conceptam prægnationis ludit. Non raro molæ cum muliere senescunt & commoriuntur , quocirca quandoque osseæ fuere inventæ ; & non tantum morantur , quo minus iterum concipere possit conjux , sed & alia gravissimarum ægritudinum accersunt genera. Molæ testantur de utero affecto , humorumque sæpen numero per eundem turbato circulo , sonticosque & diutnrnos minantur morbos. Disponunt ad fluorem album. Molas nutritionis frequenter gestant scorbuticæ ac hypochondriacæ feminæ. Imprudens vehementiorum adstringentium usus pro abortu averruncando ad molarum gestationem perpetuam sæpius feminas damnat. *Hist. morb. Vrat.* Molæ vesiculares sanguineæ uteri hæmorrhagiæ male suppressæ plurimum debentur. *A. N. C.* Placentulæ embryonum primis mensibus extinxitorum vel abortu exclusorum remanentes formant molas , generationis quas appellant ; maturæ five adultæ putrescunt facile vel in hydatides mutantur , ex quibus sic dicti partus vesiculares. *Vater.* Molam gestantibus abdominis turgescentia planiore est ac versus hypochondria latior ; abdomen est aliœ tempore

plenum ac distentum , alio iterum flaccidum & quasi dimidia parte vacuum ; sentitur etiam plumbeum ordinarie pondus versus infimam abdominis regionem ; & quod peculiare , aliis simul sumptis , molæ signum , puncturæ in abdomen sentiuntur. *Crato.* Certiores autem sumus , si vel ultra justum tempus remoretur partus , vel hoc tempore computato dolores vel nulli incident plane vel vagi , inconstantes , vel plane evanescentes eveniant , abdomine in antiquo statu relicto. *Carl.*

Morbilli.

SIngulare profecto est , ubi de morbillis finistra parte , dextra variolis , diviso ad perpendiculum corpore , meminit *Pechlinus*. Sunt pueri , qui bis vel etiam ter morbillis corripiuntur. Rosalia *Ingrassiæ* sunt morbilli nothi sive spurii ; habent pustulas magis , urentes , rubentesque ac veri. Prænunciant morbillos , fere certo , palpebrarum intumescientia , lacrymarum in oculos effusio , sternutatio , urina lacteo-alba , turbida , grassante epidemia. *Sydenh.* Si morbilli cum magno ingruunt frigore , indicant morbum fore pessimum in sua specie. Per se minus periculi habent , si modo rite tractentur. Eruptione morbillorum non perinde deliniuntur symptomata atque variolorum. Solvitur febris exanthematis , liberali transpiratione , urinis , diarrhoea. Bono omine aliquando facies , vel aliæ quoque partes , maxime in augmento , in-

tumescunt. Suspectorum notæ sunt : capitis dolores per torum morbi decursum durantes ; ante eruptionem dolores artuum diu pertinacius infestantes ; magis adhuc , sanguis per quæconque loca largius fluens ; impensa virium prostratio ; inquietatio summa ; vomitus post eruptionem ; deglutitio difficilis ; delirium ; petechiæ , varioli , purpura ; cœcitas ante eruptionem ; tussis continua cum alvi prossuvio & inquietudine &c. Vidi tamen morbillos variolis sociatos non semper fatali cum exitu. Observavi vomitus post eruptionem largos sine damno , quin cum εὐφορίᾳ in hypochondriaco , bilioso Juvene , Genius ergo epidemiæ specialis & individua alterant , quod bene semper attendendum.

Livescentes vel nigrescentes plurimum sunt exitiales. Epilepsia in statu pessima. Diarrhoea , si fert genius epidemiæ , per omnem morbum innoxia est ; in retrocedentibus aliquando sine reditu exanthematum morbum solvit ; Morbo superato ad plures hebdomades excurrens , tabem infert. Tussis morbo absoluto diu durans cum raucitate , φθισιν vel hecticam minatur.

Pectori maxime infensum est morbillosum venenum. *Hoffm.* Urina sanguinea magnum portendit periculum , maxime post d. 5. 6. Haut rite expulsi asthma , contracturam , catarrhum suffocativum , φθισιν , tabem , œdema , relinquunt. Ex debito regimine neglecto superveniunt οφθαλμία , tumores glandularum

strumosi, œdema pedum, febris remittens &c. Ex medicatione regimineve calidiore, declinante morbo, plures lateris dolor, péripneumonia cum febri & dyspnœa remanent, quæ plures jugulant quam morbilli. *Sydenh.* Moriuntur d. 9. suffocatione, tardius tabe, hectica, lentis cum ~~ατροφιᾳ~~ & abdominis tumore. *Hoffm.*

Narium valetudines.

Olfactus amissus rarissime recuperatur, præcipue in senibus. *Ettm.* Olfactum meminimus per annos XV. abolitum; revocatum tandem sub febre tertiana intermittente biliosa. In occiput graviter lapsi, tota sua vita quandoque gustandi & odorandi amittunt virtutem. Odoratus læditur ozœna, polypo, sarcomate, coryza. Fœtor narium qui a polypo, ozoena, sarcomate, corruptione ossis vel humorum stagnantium, prædictionem in eorum malorum conditione habet. Quando acute febrentibus quædam fœtent, aut etiam saporem fœtidum habere videntur, quæ tamen revera non sunt. & citra vitium antecedens narium & linguæ, malum est. *Hipp.* Ulcera narium recentia & boni moris facile curantur, contra vetusta, fœrida & putrida, ozœnam dicunt, atque in cancrum plures degenerant insanabilem; ubi à venerea lue vel elephantiasi incipiente, medlam recipiunt. Naribus ulceratis plus sæpe supercrescit sarcoma, plerumque, si boni genii,

curabile. Polypus mollis, albus vel ruber; vel ex his compositi coloris facilius curatur quam durus, lividus, dolens, sicque cancri metum qui habet, maxime sub effero humorum motu & individui pravitate. Facilior qui in imo vel media narium parte residet, & contra, qui in summa haeret; pejor item, qui crassiorem habet radicem, quique insuper in scorbuticis & venereis, ob haemorrhagiam ex operatione metuendam; similiter, qui è spina ventosa productus est; porro, qui ad fauces usque increvit, ex quo loquela & deglutitio insigniter impediuntur, quin homo interdum suffocatur; tandem, si utramque narem polypus implet.

Heister.

Nephritis.

Vid. Renum & vesicæ urinariæ morbi reliqui.

Oculorum Affectus.

OCulo uno laborante vel læso, alter quoque de facili laborat. Si pituita copiosior, crassior, flavens, humori purulento fere similis, majori impetu sive effluxu ex oculi cantho, sine evidenti causa, erumpat, de gonorrhœa repente cohita cogitatio in suspectis. Citius sanescunt oculi adultorum & quibus bonus valet udnis status, quam senum atque infantum, itemque morbosorum. Dolor oculorum diu-

tūrnus valde malus est cum periculo suppuratio-
nis vel exulcerationis. Veneri strenue litantes,
oculos deportant hebetes. Morbi dentium in
morbos oculorum mutantur, & contra. *Rega.*
Visus debilitatem aliquoties attendimus senio
sublatam, mitigatam. Visus quandoque ante
obitum in cæcis revertit.

Ophthalmias præcedunt involuntariæ lacry-
mæ. In contusionibus cranii & læsionibus menin-
gum si 7. vel 11. d. gravis supervenit οφθαλμία,
signum est mortis imminentis. Post diurni-
tatem ophthalmiæ fluentis sub æstatem accidere
solet lienteria, tenesmus, diarrhœa varia. *Hipp.*
Copiosiores lacrymarum effusiones, utut mor-
daces, οφθαλμίαν non diutius duraturam spon-
dent. Cephalalgia firmiter fixa, quæ lipppitu-
dinem vel anteivit, vel consecuta est, periculum
cæcitatis adfert. *Duret.* Si οφθαλμία magnam
movet febrim, & eadem hac exasperatur, ma-
lum, atque cæcitatis metus aut mortis. Purgantia
fortia in ophthalmiis preniosa sunt & corneæ
exulcerationem mucosam de facili invehunt,
Si unus oculus inflammatus magis is dolet,
quam si ambo. In ophthalmiis puerorum
quære de achoribus, tumoribus glandularum
colli, aliis morbis cutaneis, prægressis, eorum-
que medicatione instituta. Οφθαλμία venerea
& scorbutica non sine summo periculo est,
imprimis ubi in orbita os quoddam vitiatum.
Οφθαλμία scorbuticam chronicam zona ardente
solutam vidimus. In contumaci oculorum
inflammatione de contagio inquire venerero.

Bona spes est in οφθαλμιᾳ humida, si crassa pituita mollisque fieri incipit, qua palpebræ coalescunt, atque ubi hæ intumescunt. Chronica si invaluit lippitudo, difficulter extirpatur. Inflammatio si in superficie palpebrarum interna facile in suppurationem abit cum ευθορεια. οφθαλμιᾳ quo magis assuevit & periodica evadit, sæpiusque recrudescit, eo obstinatior observatur. In ophthalmicis inflammationibus sciscitare, an antehac hæmorrhagiæ fuerint familiares? Criticam in pleuritide observavit *Yvesius*. Humidæ genus ρωάδη, quod incalcentibus palpebris, calente capite, cum febre esse solet multoque dolore, lacrymis primum multis, calidis, limpidis, vicina erodontibus, posthæc crassioribus, pinguibus, puris instar, crisis est febrium, nec turbanda. *Hipp. Plat.* Est aliquando cum visu duplicato. Quo magis crassa heic est pituita lacrymalis, eo plus detrahitur inflammationi; si turbatur salutaris hæc coctio, corneæ ulcera supercrescunt, acies obtunditur, quin lumen nonnunquam prorsus perit; vel in internam nobiliorem partem perniciose reprimitur materies morbosa. οφθαλμιᾳ sanguinea diu persistens hypopyum, pterygium; serosa contumax, lippitudines, immo cæcitatem inducere potest. Vehementissima sæpe in oculi abit suppurationem cum cæcitate, dicunt χημωσιν. Non raro post febres aliosque morbos oriri solet, si horum materia in oculum convertitur, & hanc periculosiorem gignit inflammationem.

Gra-

Gravior ὀφθαλμιὰ per menses quandoque durat, maculas in cornea relinquit, humores turbat, pustulas, ulcera circa corneam profert, quæ erupta evacuationem humoris aquei admittunt, quod visus quandoque abolitionem, corneæ subsidentiam, creat. Ad ophthalmiam & suffusionem proni creduntur præ aliis, oculis prominentibus gaudentes. Solutio fit ophthalmiæ dejectione alvi serosa, pituitosa, biliosa, cruenta; hæmorrhagia; febre; (hâc quidem magis serosa.)

Oculi vulnera ob vicinum cerebrum tuta haut sunt. Humores vulnere effusi protinus iterum renascuntur. Oculorum hæmorrhagia in adultis & infantibus rarer obvenit, nec letum infert. Ulcera oculorum curatu difficulta sunt & periculosa, magis tamen in cornea quam adnata, imprimis si è regione pupillæ ob remanentem cicatricem, quæ corneæ diaphaneitatem aufert, sicque visionem lædit. Cancer oculi semper incurabilis est, ni quandoque manu tempestiva extirpatus; ancipitis autem operatio est eventus, dum vel gangræna vel convulsiones vel repullulatio sublequi plerumque solent.

Amavrosis sive gutta Serena perfecta & inveterata nullum medelæ relinquit locum, metumque apoplexiæ, paralyseos, incutis. Recens & imperfecta curationem admittit maxime in junioribus; item, si ex malis ulceribus; ex nimia venere; morbo venereo; si periodica; ubi ex partu difficiili; ab humoribus collectis defluxione, nervos comprimentibus; contusione

gravi; i^{ctu} capitis; ab assumpto vomitorio
vehementi; ex graviditate; à colica cum perti-
naci alvi obſtipatione; ex insufficienti variolorum
aut morbillorum erupdone cum defluxionibus
catarrhosis; (hæc circa annos pubertatis maxi-
me magnam & plenariam recipit sanationem.)
Cæcitatem ex achoribus provenientem, bien-
nem, variolis abactam memini ſemel. Minus
pariter manet auxilii, ſi in paralyticis, ſi
humor vitreus turgeat & retinam premat; vel
tumores nervum ubi comprimant. Notavimus
cæcitatem cx podagra empastico opiatō à nebu-
lone agypta repressa, cantharidibus hac felici-
ter revocata, depulſam iterum.

Gutta Serena ſi ſuperveniat apoplexiæ vel
epileptiæ, plerumque ſignum mortis eſt vel
vehementiæ morbi insuperabilis. Qui ſubito à
cauſa interna occæcantur, infauſtum habent
præſagium, nominant *Augen-Schlag*. Cataraqtæ
ſive ſuffuſio ſpem bonam habet, ſi color albido-
cæruleus, vel parum flavescens; ſi oculus nec
durus eſt nec nimis mollis; ſi quid luminis
relictum, ita ut pupilla in tenebris aliquantum
contrahatur, in luce vero dilatetur; ſi ſimplex
& matura; ſi oculus nullam aliam habet noxam,
licet antiquiſſima ſit, v. g. XXV. annorum uti
notatur curata; *Maitre Jean*. contra vero, vix
ſanabilis eſt tremula & quæ huc illucque move-
tur; quæ colorem habet auro, æri vel ferro
polito ſimile; ſi ex phlegmone, i^{ctu} gravi,
longa atrocique ægrimonia; ſi antea fuere
acie hebetes oculi; ſi de figura naturali
reſidit oculus nec ſenſus fulguris relinquitur;

Si vitium in humidis ; si nil luminis distinguit æger , ea enim cum amourosi est hincque & operatio inanis ; si uvea vel ipsi cataractæ adhærescit , vel rigida est vel pupilla male viuata ; si capitis dolores vehementes adsunt ; debilis vel senex æger est. Cataracta lactea & purulenta haut ominò desperatum malum est Variegata nondum maturitatem habet. Cataracta quæ optima visa & providissimè tractata , quandoque artem eludit ; & contra. *Heister.* Incipiens , ubi per nebulam quasi conspicunt , in florente ætate medicamentis est superabilis. Cataracta post acutas malignas sternutationibus sponte subortis quandoque tollitur. *Hofstet.* Suffusio idiopathica viæ in utroque simul incipit oculo. Suffusio quæ intermittit ac remittit , ex stomacho est , eaque quoque ambos oculos eodem tempore adficit , nec quid concreti humoris in iisdem cernitur. De sene nonagenario vulnerè frontis à cæcitate liberato scribit *Alex. Benedictus.*

Epiphora est species catarrhi in glandulis oculorum. Epiphora à canthi majoris tumore , polypo narium , palpebrarum distorsione , vel fistula lacrymali , curatur , hilce sic latis causis ; æque , si puncta lacrymalia tensi cuticula obtexta sunt ; contra , si ab iisdem concretis , erosis , ablatis , caruncula lacrymali deficiente ; si morbus antiquus & à senecta , immo frequenter , tum in fistulam degenerat lacrymalem. Ubi infans uberibus adhuc nutritus epiphora laboret gravi , in nutricem inquire , an Patursæ veneno notata sit ?

Visus duplicatus recens, symptomaticus, à causa externa, spasmo, facile medicationem admittit; secus, inveteratus, in paralyssi obveniens; In fine febrium hecticarum mortem proxumam indicit (est & in aliis mortis vicini obvia;) *Vater.* In defluxionibus oculorum chronicis amblyopia in aut amavrosin nunciat. In arthritide scorbutica frequens est. *Drawiz-*
In ex morbis gravioribus convalescentibus quoque observatur.

Visus dimidiatus in scorbuticis ac hypochondriacis obveniens corrigi potest; contra si idiopathicus vix quidem. *Vater.*

Maculæ ante oculos volantes, variæ figuræ, difficillime tolluntur, præprimis si jam sunt antiquæ, & haut raro vel amavroseos vel cataractæ existunt prodromi; aliquando à varicibus retinæ producuntur. Σκληροφθαλμία sæpe oritur in ardentibus febribus; tendit in gangrænam, suffusionem, amavrosin, ac nonnunquam caliginem perpetuam, Corneæ ulcera oriri noscitur, si in ea aliquid de nigro albido factum est. Cicatrices hinc enatæ, minus altæ levesque, in infantibus pededentim, adolescente ætate sponte extenuantur, & contra in adultis, nec operosa arte. *Platter.* Corneæ ruptura & uveæ procidentia exigua, curationis spem habet. Pterygium, Pannus sive Unguis plerumque incipit à narium parte & caruncula lacrymali, rarius à parte temporum; curatu difficillimum malum est; recens & minus remidis nonnunquam auscultat, auctum vero & ad iridem se extendens, inveteratum, manui tantum cedit; unguis,

qui crassus, eversus, eminens, induratus, nigricans curari non potest, cancrosum enim naturam obtinet; si oculos in hoc affectu minor evadit, malum. Albugo difficillimæ curationis est affectio, corneæ enim substantiam lœdit; quæ à pituitoso fit humore ex ~~οὐδελπια~~ reliquo, curatur facile, imprimis si recens & in infantibus; quæ vero à cicatrice relicta, difficillime. Levcoma nunquam tolli potest; aliquando in pueris extenuatur. Staphyloma si non in ipso pupillæ loco atque inflammatio abest, non facile luminis acies corrumpitur; sœpe gravissimas inducit inflammations, cephalæas, vigilias, suppurationes, haut raro cancrum ipsum. Phlyctænae in adnata minus periculosæ sunt quam in cornea; superficiariæ pustulæ minus timendæ, profundiores contra, quum vel humoris aquei effluxus vel uveæ procidentia curas augeat. Ectropium pro causæ diversitate curabile est vel minus; Inverteratum manet inemendabile; item, quod à paralysi radicata; à cicatrice duriore ac grandiore. Trachoma, malum contumax, subinde prorsus insanabile. Hydatis palpebrarum cum inflammatione facile in abscessum & ulcus abit.
Αγκυλοβλεφαρον cornea coalita sine cæcitate vel saltim visus lœsione vix ac ne vix quidem curari potest; difficultas hæc suevit post ambustionem & variolos. Scleroticæ lœsiones summa sœpe solent inducere deliria ob nexum cum optico nervo. Choroïdeæ phlegmone sœpe oculi ~~προπτερος~~ movet; hypopyo quandoque finitur; & ne maturius opem feras, suppurat atque

rumpitur oculus; aliquando luminis cæcitatem inducit. In hypopyo pus quo copiosus, acrius & flavidioris est coloris, eo majorem incutit metum arrodendæ destruendæque non modo iridis, sed etiam corrumpendæ totius internæ oculi structuræ & suppurationis destructoriæ, quæ Sepedon nuncupatur. *Mouchart.* Strabismus ex corneæ ulceribus, cicatricibus, ex rhachitica ossis sphepoidei intumescientia, magna suppuratione, parum spei relinquunt. Qui à nativitate, ex obstetricis culpa oculo vexato; qui à parentibus hæreditate acceptus, nulla ope adjuvari potest. Nyctalopia plurimum prehendit pueros ac juvenes, iisque vel sponte evadunt d. 40. vel 7. mense, vel post annum denum, vel supervenientes abscessus præsidio sunt. Rite menstruatæ vix experuntur morbum. Αγχιλωτ & Αιχιλωτ difficulter sanationem recipiunt, facile enim in fistulas degenerant; imo αιχιλωτ in cacochymicis interdum quid cancroſi alit. Ulcera canthi oculi majoris facile abeunt in fistulas, in impuro corpore haut raro carcinomatofas. Fistula lacrymalis recens in corpore fano sine carie, callo, ductus nasalis obstructione &c. medellam facili recipit; perfecta, quæ cutim externam perrumpit, ſæpe calum, cariem habet comitem, non curatur, niſi his sublatis; recrudescit, niſi ductus lacrymalis apertus continetur.

Aphoriz oculi ratione causæ variam habet prædictionem. Quæ ex topicis narcoticis copioſe vel himis diu superdatis, à cephalæa chronica,

rebelli, à pravitate humorum superabili &c. melior est illâ, quæ à nativitate, violentia externa, cum totali corporis artrophiæ &c. *Mauchart.* Non semper totalis est, pluries ex parte tantum, v. g. retinæ, quæ crebra in iis, qui vel quæ fortius aciem luminis intendunt, acu pingendo, filiis maxime ex auro ducto; item in pupilla obvenit. Hydrops oculi rarissime sponte diminuitur, inveteratus medicinis difficulter dissipatur, & si decreverit, visus tamen plus minus labefactatur. Tenuis spes manet, si humor sit concretus, turbidus, quasi congelatus, cataractam mentiens, & contra; accedente inflammatione, facilis superaccedit suppuratio, corneæ exesio, crepatura, effluxus humorum, ni operatio juvet, quæ aliquoties aliquando repetenda venit, quaque hydrophthalmia pluries feliciter aufertur. *Mauchart.*

Odontalgia, aliique dentium & gingiværum morbi.

MAgnum est consensus aurium, dentium atque intestinorum. Morbi dentium in mōbos oculorum mutantur, & contra. *Rega.* Feminae præ viris adfliguntur odontalgia, hi autem plurimum acerbius. Spasmus odontalgicus cum fluxu hæmorrhoidali sèpius conspirat. Ex dentis evulsione cruoris fluxio nonnunquam exoritur vix compescibilis, quam sèpe letalis. *A. N. C.* Si odontalgia à nervo in dentis medullio hærente, læso, medicinis tolli nequit,

Ex atthritidis aberrationibus sæpius nascitur. Arthritis ac rheumaticis doloribus expositi raro laborant odontalgia. Facile revertit ut articulares morbi suevere. Recidiva odontalgiae idiopathicæ rationem habet in carie dentium, symptomaticæ in congestione consuetudinali. Sternutatio fortis, vomitus, solvit ferosam. Dentis tyderatio abscessum ad gingivas enatum solvit. Dolentibus dentibus maxillarum inflammatio bona. Tumor in genis, gingivis aut maxillis subortus, doloris solutionem communiter adfert; aquæ per os ejectio æque salubris est. Odontalgia nimia febrim, vigilias, delirium, convulsiones quandoque adducit in junioribus præsertim. Quæ à sero acri, tenui, falso, vehementior quidem est, sed citius desinit, & contra, si à pituita. Quæ in scorbuticis & venereis curatu difficillima est ac contumax, sæpiusque recurrat, donec scaturigo princeps sublata sit. Si pus ex parulide exitum non habet, epulides, tumores fungosi, ulcera, caries & fistulæ crebro nascuntur. Nonnunquam per dentium radices & maxillæ foramina, per quæ vasa in eas subeunt, sensim extra fluit sanies è dente corrupto, & tubercula in mala vel mento excitat, quæ nullo modo curantur, nisi dens extrahatur. *Sennert.* Gingivarum erosiones perseverantes quandoque vermium intestinalium præsentium criterium præbent, iisdem per alia non indicatis. *Hildan.* Hæmorrhagia gingivarum critica, licet rarius, obvenit interdum. Talem in ecchymatis laborante obviam, donec morbus superatus fuerit, non cessantem,

reprimentibus in mictum cruentum mutatam ,
& hoc cohibito arte , revertentem denuo tradit
Dodonæus ; pariter febrem ardentem sic solutam ,
ut sanguis instar rivuli profluens libras amplius
quinque excederet , scribit *Am. Lusitanus*.
Symptomatica in scorbuticis & hæmorrhoidariis
occurrit. Feminæ , quæ fucis ex mercurio
utuntur ; dentes nigros aut fœdo colore infectos
habere confuerunt ; æque qui hydrargyro fue-
re inuncti.

Oedema. Habitus cutanei subita inflatio.

OEdema promptius per hiemem crapulosis &
senibus accidit. Quidam corporis crassioris
& crapulosi cruribus œdematosis diutius vivunt.
Evenit œdema omnibus corporis partibus , in-
& externis. Qui diu pallidi faciem habent
tumidam , eos certum est aut capitis aut visce-
rum dolore laborare , aut sedem internam quo-
dammodo male affectam esse ; magna autem ex
parte non unum aliquod horum adest , sed
interdum multa , aut etiam omnia. *Cels.*
Oedemata ab internis causis deteriora sunt illis ,
quæ ab externa manifestius pendent. Perrupta
temporarium quidem levamen , sed funestum
tandem eventum adportant ; hinc & pluries ery-
sipelas malum. Oedema pulmonum , pleuræ ,
mediaстini &c. viam pandit pectoris hydropi.
Oedematosi tumores alternant cum asthmate.
Oedemata ad crura & pudenda solviunt asthma-
ta. *Bagl.* Tibiarum inflatio adparens vespere ac

mane discussa , cum bonis signis bona , cum malis mala est. Oedematosi pedum , crurum , tumores ex viscerum obstructione vel alio eorundem virtio laborantibus familiares sunt ; maximeque id ominandum , si sunt vel augentur post hæmorrhagiam *duxi av.* Artus oedematosos nec extra lectum perpetuo & insigniter frigere ; nec in lecto constanter ac notabiliter calere , bonum præbet indicium. Oedema per se sine malis causis natum sëpe & per se finitur. Quod sponte , nulla ex manifesta causa adparet , diuturnum esse ac magis rebella assolet. Oedematosi pedum tumores sub febre orti adeo periculosi non sunt , quam si post eam remanent. Oedema febribus alias superventurum averruncat ptyalismus sponte accedens. Sponte febres intermitentes oedematosis tumoribus solvi , salubre est admodum ; ast adstringentium usu suppressa febre , intumescere febres , quantum interest ? ut , nisi prior morbus revertatur , salus sëpe sperari nequeat. In acutis tumidas partes spectari , sub aliis signis bonis malum non est ; sëpius natura humores decretorie diebus judicatoriis , vel in declinatione , ad crura pedesque dimittere solet ; aliquando etiam facies tumet , aliquando totum corpus.

Quibus accedit oedema manus , brachii , pedis , unius vel alterius , signum impedimenti circa cordis ventriculum aut auriculam est , aderitque spiritus difficultas , ægrimonie ad intermissionem miferi properante. *Bagl.* Oedema

quod ex obstructione naturalis evacuationis solemnis, eadem restituta, juyatur Scorbaticum, mali somite exhausto, demum quoque cessat. Quod ex quartana male curata relictum, eadem revertente, abit; idem valet de scabie. Ex arthritide topicis excepta subnatum, nulla discutitur arte. Inveteratum ac hemale pessimum, emollium mala ulcera & gangrenam facile infert. Quod vetusto & gravi succedit morbo ac anticipati, difficiliter tollitur; & in morbis insanabilibus etiam nullam recipit curationem. Non adeo difficulter cedit œdema prægnantium robustiorum; ex gravi quadam sanguinis profusione, integris visceribus, convalescentium; ex fascia arctius ducta; post febres eodem solutas. Ast magis periculose, quod in infirmis obtingit gravidis & diutius post ipsum partum remanet, id quod haut raro asthma, suffocationem, hydropem inducit Si simplex est œdema, bene recedit, si autem ex depravato humorum statu, difficulter, & in scirrum quandoque degenerat; perraro etiam suppuratur, quod periculosem. Oedema sœpissime resolvitur, haut raro in nodos quosdam & excrescentia tubera migrat; si indurescat, in scirrum abire solet.

Schelhamm.

Subitanæ habitus cutanei inflationis gravitas judicanda est ex materie peccante & subjecto individuo. Quæ ex graviditate post illam quoque abit. Aufertur optume diapnoë liberali; sudoribus; purpura; aliquando urinis crassis, copiosis; diarrhœa; sputis. *Transact. Anglic.* narrant inflationem repentinam & ingentem

mammarum , quarum sinistra 35. libras habebat. Ex terrore per omne omnino corpus inflatum hominem dicit A. N. C.

Ossium Morbi.

Ossium jam perfectorum diminutio aut totalis absumptio est observata Ruyshio, Vatero. Peregrinum plane ac mirificum nuper tradunt hujus ~~vair~~ ~~per~~ exemplum , cunctis artuum exteriorum ossibus cum corporis diminutione fusis atque mollitis , Parisini in *Dario la Bigarrure* dicto , salva hisce miscellaneis fide posita. Propter os laborans caro livida , malum. Caries cum ulcere ac gangræna , exostosis maligna & pædarthrocace cum cancro occulto & carcinomatæ , exostosis benigna cum scirrho benigno comparari potest. *Platn.* Caries ossium venerea , periculosa. A causa quæ externa facile tollitur , & contra , si ex vitiato corporis habitu. Quæ in ossibus raris cavernosisque ; ad articulos , cartilagines , pessima. Ossa infantum carie ex vitio intus orto , ut pædarthrocace , inquinata , celerius corrumpuntur quam adultorum ; si vero extrinsecus illata injuria , sub sana medela nulla decidit squama , sed os iterum in his suo periostio protinus contegitur. Ubi dolor conquescit , exeso periostio , mala materies totum os voravit. *Platn.* Si ulceri vel fistulæ cum ossis vitio cicatrix inducitur mollis , rara , & quæ super cutim fere excrevit , eadem removentur. Cranii caries aliquando ad extus vergit cum exfoliatione ac consolidatione , naturæ

beneficio felici. Os specillo inæquale ac asperum detectum, curiosum est. In spina ventosa consummata & vera præter excisionem remedium superest nullum. Talem vidi totius ossis brachii, radii & ulnæ ex paronychia digiti, eodem cultro quotidiano à circumforaneo crudeliter in rustico firmo abscisso, ortam. Exostosis benigna frequentius in capite & tibia nascitur; maligna ex scorbuto, rhachitide, morbo venereo, pessima & incurabilis est, maxime si horum morborum conjunctio adhuc sit, uti haut rarum est. Memini spontaneam luxationem & repositionem claviculae in puella decenni, æque, ossis humeri in hebræo veterano epileptico, sæpenumero recrudescentes. Semiluxationem à terrore ingenti tradit *Pechlinus*.

In pueris rarer luxatio est, sæpe vero epiphyses prope articulos à reliquo esse didicuntur, unde sæpe aridura. Luxatio ligamentorum muscularumque vitio facta, nullam curationem recipit. Articuli, qui facile reponuntur, facile quoque iterum excidunt. Os humore confluentे sinu extrusum, vel quod ipsum id intumuit, vetusti sede adsuescere non potest. Luxatio causa interna eveniens ariduram partis post se relinquit communiter, maxime in junioribus. Os quod reponi non potuit, tandem cum sedibus, quibus residit, concrescit. Si reposito osse, vehemens dolor manet, vel convulsio succedit, in loco suo non est, & ab eo premitur ligamentum &c. Falsa est opinio, vertebras ex toto inter se diduci, & ex toto etiam restitui posse. *Plain.* Raro vertebræ excidunt. Verte-

brarum distortio plerumque frustra facta est ; vereque residet in capitibus muscularum abdominis , ubi sub costis spuriis cum musculi diaphragmatis orbicularis capitibus conjunguntur. *Schulz.* Costæ ac jugulum frequentius franguntur quam è sede sua promoventur. Os coccigis ubi excidit vel fractum est , inflammationem , abscessus , mala ulcera , fistulam recti creare valet. Humerus frequentissime in alam emovetur. Brachium flexum in posteriorem partem frequentius excidit , ubi hic artculus egreditur , ob valentiora ligamenta , axungiam , arterias , venas , nervos , quæ per cubitum feruntur , periculum habet æger. Manus raro ad minimum digitum , rarius ad pollicem , sede moveretur. Femur raro luxatur , saepius frangitur ; *Salzm.* sed prius quoque accidit aliquando , vix autem ex via lapiuva , nisi ligamento interno disrupto vel deficiente ; saepius ab humoris in acetabulum confluxu ligamenta laxantis , exedentis , distendentis , propellentis ; quandoque à coxae dolore longinquo. Frequentissimum est promoveri in interiore inferioremque partem. Repositum facillime iterum prolabitur & vix sine claudicatione restituitur. Patella luxatur , saepius , transversa imprimis , frangitur , quod imperitis opinionem ossis luxari facere potest , dum musculis sursum versus attrahitur ; ergo difficultem quoque curationem habet.

Talus si expellitur , magnum est periculum inflammationis hinc gangrænæ , vel abiceffuum ,

fistularum, ossium vitii, calli, αγκυλωσεος.
Sæpius denuo excidit ex illata ligamentis ατονια.
Platn.

Plantarum pedis ligamenta disrupta volunt aliquando amputationem. In magnis ossium comminutionibus atque contritionibus etiam post multos annos fragmenta ossium prorum-punt. Eveniunt ossium fracturæ ex humidorum vitio sine violenta causa externa contactu motuve. *Waldschm. Berl. woch. Med. und Chir. Nachr.* Fractura simplex & recens longe facilis curatur quam quæ cum vulnere, luxatione, magna contusione, sanguinis profusione, carie, atque inveterata. Aliquando luxatum os quoque fractum est. Os transversim fractum melius coit quam quod oblique cum acutiori imprimis capite, pungentibus aculeis, ex quo inflammationis, suppurationis, febris, gangrenæ, hæmorrhagiae, convulsionis &c. periculum. Difficilis glutinantur, quibus visceris vel humorum inest corruptio. Fractura, quæ non conferbuit, ex vetustate incurabilis fit, articulatione oborta analoga. *Salzm* Fissura metum facit ne medulla vitietur. Si os juxta articulum fractum, facile αγκυλωσις manet. Callus, quasi ossis cicatrix, exuberat facile, membro indecoro, ob fasciam maxime in junioribus laxiorem; vetustate confirmatus raro extenuatur. Malleolo fracto facile superincrevit callus, indecora parte. Narium ossa fracta crebrius gravem inducunt inflammationem, occasionem que faciunt suppurationibus, ulceribus, polypis, ossium vitiis, idque potius, si cum vulnere.

Maxillæ inferioris fractura cum ossium emotione periculi est asperi ob nervum quinti paris & arteriam quæ percurrent. In jugulo oblique fracto gravis metus est ob vasorum subclaviorum vulnerationem. Fracturæ scapulæ cum vulnera aliquando supervenit emphysema. Costæ fractæ ad interioraque inclinatae pleuram offendunt, ex quo gravis inflammatio, febris, spiritus difficilis, dolor, suppuration, sputum cruentum, emphysema, (maxime hoc quidem si cum vulnera) interdum intercostalium vasorum laesio, quæ res quandoque mortem maturat. Vertebra ubi excidit vel perfracta est, adeoque medulla violata, plerumque nulla est curatio; partes inferiores resolvuntur, alvus & urina supprimuntur, homo intra quosdam dies extinguitur. Idem fatum manes eos, quibus os sacrum transversum fractum est. Si ex sterni osse quid fractum sit, valde periculosum, præprimis, si id totum casus perrupit; Si os vitium contrahit, tumores supernascuntur cum suppuratione, mala ulceræ cum carie relinquens Medium femur, oblique maxime, fructum, brevius fit, validioribus ac plenioribus musculis dum adducitur. Os femoris fractum vix ante dies 50. vel 70. sanescit. Si patella à parte infima frangitur, velrupto ejus ligamento validissimo distrahitur, majus periculum est; si plura fragmenta sunt, callus nimius facile superincrescit, unde articuli contracti ac rigescens metus; si in longum finditur & frangitur, tolerabilius est. Suturæ percussæ, imprimis sagittalis, grave portendunt periculum.

Os

Os frontis super supercilia fissum vel fractum, pariter. Contrafissura cranii difficilius reperitur, non ita facile quoque sanatur. Quum homo, cui mens constat, in parte aliqua cranii dolorem percipit; quum aliis propter continentem somnum appellatus ignorat, vel qui inter verba desipit, manum alicui loco crebrius admovet, conjectura perducimur ad noxæ sedem.
Platner. Heister.

Paralysis.

EBrioni in paralysin labentes omnem simul memoriam & ingenium perdunt. Quandoque per se ingruit paralysis sine prævia apoplexia prægressis tantum torpore, gravitate, vertigine; facile tamen in eam migrat. Tremor, formicationis sensus, stupor in corpore sano est prodromus paralyseos, in paralytico sanitatis. Paralytici memoria fiunt debiles, obliviousi, ac tandem quasi pueriles, maxime linguae paralysi correpti; hi quidem si juniores, superstites diu esse possunt, si annosiores, facile recursum paralyticum, fatalem, sustinent. Paralysis vix unquam in alium morbum mutatur. *Piso.* In maniam tamen sive potius summum delirium versam notat à *Bergen*. Paralysis curatu, maxime & sensu deficiente, semper perquam est difficilis, maxime in senibus, & quæ inveterata. Infantes si corripit, circa pubertatis annos quandoque liberantur. Paralysis torquens facilis curationem recipit, quam ubi & omnis abolita sensatio. Mediocris paralysis vix sanatur,

O

vehemens sanari non potest. Quæ ex nervo
rupto aut inciso nata, non curatur. Æstate
ac vere facilius tollitur, quam autumno &
hieme. Pes paralyticus facilius restituitur
quam brachium. Sinistri lateris periculosior est
illa dextri. Intra annum sæpe fortior recrudi-
descit. *Stahl.* Raro tertius annotatur recursus.
Paralysis in acutis plane perniciosa; quamvis
vita redditur, id tamen membrum ferè debili-
tatur. Febris solvit paralysin à sero, viscido,
natam, imprimis si æger viribus constet, abs-
que dolore capitis & vertigine sit. Sponte sua
solvuntur paralyses aliquandò per fortes animi
commotiones, v. g. incendium, terrorem gra-
vem. *Pechl.* Bonæ notæ sunt: in recenti mor-
bo copiosa saliva; sensuum (plus, minus,) memoriæque integritas; urina crassa cum symp-
tomatum remissione; si vaga magis existit; si
quid caloris naturalis supereft; si reviviscit
dolor, tremor, formicatio membrorum, spinæ
dorsi, femorum, lumborum; si cœdema in
declinatione accedit pedum; aridura ubi vanef-
cit; motus ubi redit; membrum alitur; pul-
sus magis æqualis ac fortior sit; si excrementa
in scii prius emiserint, jam vero moneant,
quando demittere volunt, &c. Mala sunt in-
dicia; si feces & lotium involuntariè exeunt; si
ex paralysi in apoplexiā incident; si pa-
ralysis ab apoplexia; si plures occupat partes;
ubi *μαρασμος*, partis macies, sudor colliqua-
tivus superveniunt; si cum sæva convulsione
& magno calore partis oppositæ; ubi cum fri-
gore, insensibilitate, pallore, atrophia partis;

oculi affecti lateris , ubi cum extenuatione , &c. Si tumor membra paralytici chronicus sponte subsideat , brevi mors instabit. Obtingit nonnullis lateris correpti sphacelus , antequam moriantur. Obeunt tandem μαστιχα & colliquativo sudore ; vel apoplexia subito necat. Oris resolutio recens alvo cito finitur. Scorbatica paralyſis , radice sublatâ , tollitur. Abdominis & artuum inferiorum plerumque letalis est , & non raro gangrænam partium resolutarum habet comitem.

Paralyſis venerea bene cedit suis medicinis , ni admodum fixata & corrupta. Scorbatica facile in convulsionem abit ; doloribus arthriticis ſæpe succedit ; diarrhoea aliquando solvitur. *Eugel. Draw.* Solent qui per omnia membra resoluti sunt , celeriter rapi ; at si correpti non sunt , diutiū quidem vivunt , sed raro tamen ad sanitatem perveniunt , & plerumque miserum spiritum trahunt , memoria quoque amissa. *Cels.* Pareses ex intestinalibus morbis paulo difficultius quandoque curantur , si recentes , antiquiores facilius. Paraplegia valde periculosa , apoplexiæ prænuncia , hac nata , letalis. *Bærh.* Convulsio paraplegiæ superveniens quandoque solvit eam.

Hemiplexia sanguinea curatu quidem facilior est , ast facile revertit ac in ipsam cerebri hæmorrhagiam ſæpius terminatur. *Hoffm.* Serosa non subitam quidem infert mortem , ast difficultim curationem. Lingua paralitica citius officio deglutiendi cibos masticatos quam sermocinandi fungi suevit. *A. N. C.* Hemiplectici , quando linguam exerere conantur , trahunt

semper in latus sanum ; si vero valeant rursum
recto emittere itinere & paulo vibrare , spe^{ss}
est restitutionis. *Lege pagellas de Linguæ mor-
bis* , p. 174 Memoriæ debilitas à paralysi,
præcipuæ linguæ , apoplexia , deliriis , læsioni-
bus externis violentioribus , difficillima est.

Parotis.

QUod de parotidibus dicitur , valet etiam
de maxillaribus glandulis.

Parotides in morbis maxime acutis , prædi-
cunt horror ; capitis dolor ; bombilus aurium ;
coma ; surditas ; hypochondria dura , tensa , tumii-
da ; convulsivi motus cum alto stupore ; si venæ
micent in temporibus faciesque si turgidula
fuerit cum pallore , nisi in hoc casu urina vim-
dicet multa , crassa . Febres quibus junguntur
metastasi facta , parotides , semper quid maligni
habent . Omnes parotides ferè semper suspectæ
haberi solent propter loci angustiam & cerebri
viciniam . Parotides in augmento & statu fe-
brium malignarum & purpuratarum letale^s
Optume sunt declinante paulisper morbo acce-
dentes & suppurati . Bonæ extuberant sine dolco-
re , die critico , integris viribus , cum signis
coctionis , magnitudine moderatæ . Quæ curæ
doloribus in febribus exoriuntur , non residunt
neque suppurantur , has solvit larga hæmorrhæ-
gia , diarrhoea biliosa , copiosa , dysenteria , sedili-
mentum urinarum crassarum , abscessus ad articu-
culos . Parotis in ardente febre ad suppuratio-
nem non veniens , letalis . Parotis si symptomati-

exoriatur, i. e. si, eadem apparente, symptomata adhuc vigent & morbus ne minimum mitescit quin potius augetur, pessimum, omnes enim moriuntur; critice si veniat, bona. *River.* Si crudo adhuc morbo parotis exsurgat, nec ob urgentia gravia symptomata suppuration exspectari queat, dandente ferro statim urenda & ita procuranda suppuration. Sic enim recipit materiam morbificam & conferre potest. Recedentes sine ratione neque ad suppurationem progredientes vel interficiunt vel recidivam annunciant, prævio algore quodam. Purpura & parotides aliquando se invicem excipiunt. Per parotides in petechiis quoque sit salus, urina simul sudoreque bonis. Parotis inflammata ita premit venam jugularem quandoque, ut homo quasi suspensus vel strangulatus pereat. Parotis serosa non rite suppurrata nec resoluta anginam quandoque inducit malam. Parotides catarrhosæ sive hydroparotides, prodigiosæ quandoque molis, tussi atque sputis optimè solvuntur. *Piso.* Urina cum cruda, non cocta, atque fractis viribus iam quæ adveniunt parotides, mortiferæ sunt. Urinæ cum rigore suppressæ, malæ ac convulsoriæ tum alias, tum si cui antea sopor fuerit; spes autem his est abscessum pone aures. *Hipp.* Quibus profundè ac crebro respirantibus est icterus & febris acuta, si cum hypochondriis duris perfrigefacti fuerint, glandulæ juxta aures intumescunt; hique parotidum abscessus vindices sunt icteri & reliquiarum febris. Urina in abscessibus juxta aures celeriter & vix modice coctæ, malæ, & perfrigeri hoc modo, malum;

er enim indicat aut præsentes augeri aut novos accedere amplius. *Hipp.* In diuturnis morbis non suppurantia aurium tubercula mortem adferunt, iis autem alvi ferè dimittuntur.

Partūs labores. Parturientium & Puerarum ægrimonie.

Feminæ morbo attritæ sæpius pariunt feliciùs quam robustæ. Funis umbilicalis circumvoliones v. g. circa collum sunt à primis fetūs rudimentis, nec in partu demùm fiunt. *Pechlin.* Quò magis pariendi tempus menstruo temporis consueto se accommodat, eò facilior promittitur partus. Gibberosæ ut plurimum difficulter pariunt. Mirabiliter nati sunt fetus sub matris somno profundo, alii post mortem ejusdem. *Heister. Vater.* Quæ gestantes utero febribus corripiuntur aut vehementer sine evidente causa extenuantur, eæ difficulter & cum periculo pariunt, aut aborientes periclitantur. *Hipp.* Ad propinquantis ad pariendum dispositionis à pluribus diebus signum est, molis abdominis prægnanti plane sensibilis inclinatio ad hypogastrium deorsum. De fetūs emortui notis vid. p. 118. Fetus vivus adhuc, moriente matre, aut in matrice existens, aut ex utero in partu rupto in cavum abdominis delapsus, servari potest manu bene tempestiva, neglectus brevi post vita privatur; quo Lex regia *f. L. XI. tit. VIII.* sane collimat.

Partum difficilem prædicere licebit, ubi aquæ omnes ante partum effluunt; uteri fluxio cruenta

liberalis anteit; femina crebro inhorrescit; ubi dolor partus languidus ac per longa demum urget intervalla vel justo diutius emanet, aut nullus plane est; si dolores spurii ad præcordia procurrunt cum animi defectione atque angore; ubi convulsiones accedunt, utpote itinera præcludentes, &c. Rigores horroresque sub partu difficulti non semper testantur fetus mortem, sed plus sæpe initia febris inflammatoriæ ex utero.
de Berger. Vomitus nigrorum in partu difficulti, fœtoris intolerabilis, malum. Difficulter parturienti sternutamentum superveniens, bonum.
Hipp. Mortem in difficulter parientibus indicant lethargus, sudor frigidus syncopticus, dispnœa, delirium, convulsio, risus Sardonus, &c. Puerperæ sæpe inopinato moriuntur ex nimio partus labore, interno anevrysmate rupto. Partum difficultem sæpe sequuntur tabes (*Eysel.*) scrofulæ, melancholia, mania, apoplexia, &c. hæc quidem ultima diebus primis vel mox funesta vel in paralysin degenerans. Ventris dolor à partu cruentem, purulenta expurgat; in hisce doloribus peritonæum simul patitur, sæpe quoque sunt ab impuritatibus, cruditatibus, flatibus in coli flexu. Puerperæ tractari debent ut graviter vulneratæ. *Waldschm.* Purgantia in puerperis tanquam pestis fugienda. *Bagl.* Feminæ parcè menstruatæ; parca quoque experiuntur lochia. Lochia nimia sub syncope & convulsionibus sæpe interficiunt: Obstetricum violenta manus plurimum hic venit accusanda. Plura de his cap. de Uteri morbis ceteris, ubi de hæmorrhagia uteri post partum. Lochiorum

immoderata profusio repente cohibita, pestifera est; facile namque inflammationem, febrem acutam, gangrenam, &c movet: Signa in his venturæ mortis sunt veternis subanxius cum impotentiâ, sudatiuncula & fugaci extremitum frigore.

Lochia excedentia sibi relicta longe minora incommoda post se trahunt, quām incongrua arte citò cohibita. Lochiorum vices supplet diarrhœas, dysenteria, hæmorrhoidum fluxio, vomitus sanguineus, sudor largus; ergo diarrhœas, dysenterias, &c. puerarum non semper periculosas habeo. Lochiorum fluxio secunda & quasi critica solvit cacochymiam illam humorum sub prægnantia contractam. *Bærh.* Si cum febre acuta lochia fluunt dolorosa, ut plurimum uteri læsio à placenta vi evulsa subest, unde inflammatio, suppuratio, gangrena, &c. In lochiorum ataxia semper quære de secundarum extractione, statu. *Heister.* Lochia remanentia colicam, uteri inflammationem sphacelumque, febres acutas, inflammatoryas pluries inducunt. *Heister.* Lochia difficilius fluunt in feminis, quæ vasa habent exilia & habitum corporis spongiosum. Dolentibus mammis post partum, lactis culpa, lochia supprimuntur sæpiissime, remittente mammarum dolore, lochia libertati restituuntur. *Bagl.* Rigor à quo cessant lochia, purpuræ puerperis periculosæ nuncius habendus. Quæ in puerperio moriuntur ut plurimum ex retentis lochiis obeunt. Puerperæ si suppressis lochiis decedunt, sanguinis mole oppressæ pereunt, venæ sectione

neglecta. Si, retentis lochiis, accedunt summæ præcordiorum anxietates, animi defectiones, laboriosa & anxia spiratio, facile prædicas purpuram. Frequentius retinentur in illis, quæ difficillimè peperere. Puerperæ si propter partum laboriosum siti adfligantur, & adsumant potum frigidum, vel aëri frigido se exponant, statim lochia suppressuntur. In puerperis præstat primis diebus alvum esse siccum, obstructum, lochiis rite fluentibus, quam fluxam. *Waldschm.* Lochia retenta in utero aliquando suppurant & per hypogastrium demùm expurgantur, femina superstite. *A. N. C.* Omnis fere diarrhœa puerperis est infesta maxime in principio; sed quæ lochiorum vices gerit, non delassat, nec cum febre est, melioris est eventus; in puerperis respice transitum materiæ excrementitiæ ab utero ad intestina. Diarrhœa cholerodes in puerperis, quæ sub graviditate alvi erant obstipatae, facile evenit ex refrigeratione; libenter accedit uteri inflammatio, quin tenuum intestinalium, quod valde periculose; æstus si sub diarrhœa permaneat internus, malum est, & contra.

Parpurâ, licet optume succendentibus exanthematis, vix liberantur secure puerperæ; nisi indivulsus futuræ salutis comes adveniat genitalium rebellior catarrhus i. e. fluor quidam albus, lochia secundaria sive alba nuncupaveris, vel uberior colostrum per ubera effluxus. *Comm. lit.* *Nor.* Purpura plurimum difficilius extractam sequitur secundinam, vel lochia remanentia. *Werlh.* Situs erectus in purpura puerarum

periculosus, & quandoque inopinato subitoque moriuntur. Uteri læsio à partu quandoque post multos demū n se prodit annos. *Hoffm.* Placenta in utero relicta tempori quandoque commitenda, viribus recuperatis, obambulanti iterum, fine ullo incommodo excernitur. Placenta per annos in utero feminæ sine putrefactione hærere potest, modo aër haut accedat; æque tunc fetus mortuus ad notabile tempus; exsiccatæ nonnunquam tarde excernuntur. Secundæ remanentes putredinique corruptæ, salva femina, semel iterumque aliquando excluduntur. Restitantes significant uteri purgamenta cadaverosè fœtentia. *Comm. litt. Nor. Hild. Schacher.* Tremor qui supervenit mulieribus post partum ex retentis quibuscumque in utero est periculosus affectus, subinde enim epilepsias letales infert. Secundæ improvide ac violenter extractæ fluorem album plus sœpe inducunt. Febris lactaria maxime infestat quæ difficulter peperere, primiparas, cholericas; typum servat quotidianæ, tertianæ, intermittentis, vel in catarrhalem continuam transit cum vel sine purpurâ, fit aliquando erysipelatodea vel etiam inflammatoria; proniores tamen sunt in continuorum quam intermittentium typum. *à Bergen.* Lactis præsentia non supponit puerperium. *Hipp.* Lactis abundantia sœpe tollitur diarrhœa. Consensus magnus est inter mammas & uterum. Si mulier laborat scirrho, cancro mammatum, facile quoque talia gestat in matrice. *Bærh.* Mammæ extenuatæ non facile augmentantur. *Forest.* Mammæ inflamatæ facilius est &

felicior suppuratio quām resolutio. *Bærh.* Mammarum tumor & inflammatio maxime in iis evenit, quæ lac habent acescens. Mulieribus quæ denso sunt corpore tardiūs apparet gigniturque lac, iis vero quæ rarum corporis habitum habent, citiūs. Si puerpera recens de dorsi dolore queratur, quære an nutrientia nimis capiat, uberaque lacte turgeant, negligenterque depleantur suctu ab infante infirmo. Hemicrania quæ interdum puerperium excipit; s̄epius in cæcitatem terminatur. Singultus puerperarum multum alit periculi. Intumescētia abdominis post partum tandem in ascitem aliquando desciscit cum febre erratica necantem: Mesenterii glandularum tumor facile seſe associat. *Vrat. hist. morb.* Tumor abdominis, figura varius, farciminalis, &c. post partum, ubi inveteratus, est incurabilis. Recentem curatum vidi larga diarrhœa; altera vice, magna & longe pergente, hæmorrhagia. Tumor genitalium post partum sanguineus libenter fit habituallis in sequentibus, facileque in gangrænam abit; si cum rupto perinæo, pejor est. Paralytodes post partum medicationi plurimum asculat prudenti & tempestivæ. Uteri sphacelus est frequentissima mortis puerparum causa. Si quando ob nimiam sanguinis post partum & in puerperio profusionem latus cum pulsu frequenti & debili calor assidue urget, neque mane post somnum sedatur, & juncta inappetentia plenaria, virium dejectio, circa 6 septimanam, ni citius, syncope moriuntur. *Hoffm.* Puerperis febre acuta laborantibus vel imminentे morte

vel post illam brevi sanguinem è naribus pro-
dire, crebrò accidit. Puerperis acute febrenti-
bus, purpura potissimum, si sub exacerbationi-
bus cruor pro lacte mammis liberaliter fluat,
lacteus humor sub remissionibus finito morbo,
& alvus dilutule fluxa erit & genitalium rebel-
lior catarrhus adfliget. Puerperæ febricitantes
facile fiunt epilepticæ. Puerperis febre continua
correptis si superveniat dyspnœa, semper
periculosem, ac magna ex parte moriuntur.
Waldschmidt. Plurimæ ex puerperis integra
mente mori solent, quod multos fallit, sed
noscito ex pulsu. Urinæ incontinentia à partu
est malum molestissimum, & plerumque per
medicamenta curatu difficultimum, magis ad-
huc, si ex vesicæ in vaginam uteri perfora-
tione; ubi cum laceratione sphincteris vesicæ
excentriæ fungosæ facile accedunt. *A. N. C.*
Maniam, melancholiæ metuendam significant
lochia retenta, auditus gravis, non coercenda
dormiendi cupedo, somnia fatua, faciei rubor
immodicus cum garrulitate, anxietas, cordis
palpitatio maxime quidem ubi accedit hære-
ditaria dispositio. Tertianas remittentes pluries
simulant. Difficilia sunt, sed non citò per-
niciose. Abeunt facile in tabificas cum fatua
inertia ad mortem usque. Vaga melior stata.
Citissime, quæ assidua, tardius, quæ remittit,
mutatur, longissima est, quæ intervalla habet.
Excipere potest epilepsia. Quæ serius à partu
adoritur, diuturnior. Mammarum inflamma-
tio & abscessus auxilio esse queunt. Minuunt,
auferunt malum redeuntia lochia, repetentia

menstrua, hæmorrhoides, dysenteria modica, viri consuetudo fœcunda, quartana, tumor dolorque artuum cum febre ac urinis turbidis.
Jo. Just. de Berger Diff. Gætt. de Puerper. man. & melanch.

Pernio.

Si in pernione cutis finditur ac exasperatur mali moris ulcera fiunt. Si congelatio magna facta, subito admisso calore, regelatur membrum, sphacelus ex facili supervenit. Gangræna à frigore inducta tum imminere suevit, quando drepentè acutus dolor pungens & urens partem invadit; ruber, micans in lividum colorem abit, & postea torpor cum summo frigore observatur. Semper hæc periculosior, quàm quæ à causis calidis.

Petechiæ.

Genius hujus morbi, ut aliorum acutorum, non semper unus idemque est. Ex lingua & respiratione hoc in malo certissimæ sumuntur prognoses. Maculæ erumpunt 4. 7. die, durant 3. 4. 5. dies, & febris 7. 11. 12. remittit die. Duratio morbi omnis est ad dies 17 — 24. Febris petechialis quò magis symptomata dissimulat & insidiose procedit, eò gravius periculum minatur. Petechiæ contagiosæ sunt & epidemicæ, admodum periculosæ. Pluries moriuntur quàm evadunt. Quò tardius erumpunt (d. 7.) eò melius; quò citius, eò

magis vagæ & periculosæ ; nimis copiosæ , mortiferæ. *Stahl.* Si petechiæ post 7 d. sine levamine erumpunt , purpura alba subest , si hæc triduo post vel ferius apparet , iterum boni quid sperari potest. Hic posthæc diarrhœa utilis est. *Stahl.*

Exanthemata sunt simplex accidens & symptomata , nec critici quid , nec salutis spem faciunt. Purpura simul una cum petechiis efflorescens , non semper letum infert. Maculæ quo magis rubellæ , floridæ sunt , eo melioris notæ , & contra coloris lividi , plumbei , ex atro viridescentis , sphacelosam corruptionem arguunt. Ingens periculum , si recedant. Melius est , si in pedibus , cruribus , naribus & lumbis apparent ; pejus , si circa scapulas , dorsum , anteriorem pectoris & sterni partem , in facie. *Roboret. de febr. pedicular.* Illi ægri , qui notabilioribus capitis doloribus adficiuntur , communiter minus periculoſe decumbunt , quām isti in quibus nullus , imprimis in capite , sensus obvenit molestus. Qui bene constantes mente nil queruntur nisi lassitudinem , inappetentiam , somnum nullum aut levem , periculoſe ægrotant. *Carl.* Periculosa signa : Urina largior ; lethargus ; singultus ; si in facie apparent ; hæmorrhagia cum symptomatis gravibus , &c. Letalia sunt signa ; dejectio animi irrationalis & continuus mortis metus ; lypothymiæ frquentes à primo morbi insultu ; latgicus lotii profluvium ; dolor bulbi oculorum sine omni οφθαλμίᾳ ; singultus ab initio & circa statum ; coma cum frigore extremo-

rum & stertore, hiante ore; tumores capitis & artuum; urina atra in principio, licet mutata in declinatione in meliorem; sitis vel nulla vel non sedanda; $\alpha\phi\delta\alpha\iota$; angina; lingua nigricans, fissa; oppressio pectoris persistens; delirium post sudorem vel alvi fluxum ingravescens; convulsiones, cardialgia in statu; vomitus in fine morbi; livores in dorso circa statum & in principio ipso; sudores regimine coacti, vel in $\alpha\kappa\kappa\eta$ pertinaciter repressi; refrigeratio, ex qua facile $\alpha\phi\delta\alpha\iota$ periculose, &c. Circa fauces non tumentes irritationes dolorosæ phrenitidem significant letalem. Non facile his in morbis quispiam decedit, cui saliva & sputum liberius fertur. Lacrymæ, surditas non adeo stabile, ptyalismus infallibile sanitatis prognosticon. Crisis fit per sedes; sudores largos foetidos non coactos; salivæ viscidæ uberiorem rejectionem; tumores, parotides, simul urina sudoreque bonis; abscessus in partibus ignobilioribus; purpuram, urinas; icterum; sommolentiam unius vel plurium dierum; vermes multos exclusos; rarissime per hæmorrhagiam. Hoffm. Stahl. Hist. morb. Vratisl. A. N. C. Weitbrecht de febr. const. petech. Petrop. 1735. griff. Per abscessus quandoque evadunt ægrotantes, de acuto in chronicum mutato morbo. Ictero, sudoris ad instar, non pauci liberantur, post 7 diem apparente. Hæmorrhagia extra dies criticas cum incremento delirii; $\alpha\phi\delta\alpha\iota$, prædicit; quæ vero præposteram excipit venæfectionum aliquando liberat à malis per istam

inductis, ut delirio, soporosis affectibus, angina. Delirium maxime terreat post 7 d. antea non æque graviter. Diarrhoea in principio ambigi eventus est, in statu & declinatione salutaris, nec exanthematum retrocessio ex ea timenda. *Stahl*. Maxime facit circa vel in diebus criticis, à 7 ad 14. Alvus adstricta omni tempore nocet hincque faciles sunt hæmorrhagia delirium, $\alpha\phi\beta\alpha\iota$, angina, si que hæ binæ posteriores inolescant, funestum. Alvus involuntaria pluries plus terriculamenti adfert quàm terroris veri. *Weitbr*. Urinæ sedimentum hoc in morbo est lacteoroiseum, levi flavedine pallens, vitrumque, in quo est, alba cuticula imbuit. Ægri ex hoc morbo notabiliter contabescunt, superato autem isto brevi rursus carnes recipiunt.

Phlegmone. Abscessus. Gangræna.

Sphacelus.

IN Phlegmone sive inflammatione ista, quæ externas corporis sedes infestat, periculum majus est quàm in erysipelate atque abscessu. Cachecticis atque senibus ferè semper funesta evadit. Putredo aliquando sine inflammatione oritur. Inflammationi tumorum, vulnerum, ulcerum suppuratio præsidium est. Circa generationem puris dolores, & febres notabilius accidunt quàm isto absoluto. Abscessus de leyi in ulcus mutantur ob insanam medicationem. Abscessus glandularum facile in profundum

ten-

tendunt, atque ex perversa cura in mali moris
ulcera migrant. *Platner.* Abscessus musculo-
rum abdominis sæpenumero eveniunt ex ischia-
de diurna. Suppuratio superveniens sphacelo
optimum signum. Abscessus salutis & optimus
est, qui post signa coctionis; debitæ magnitu-
dinis; in loco idoneo, remoto, delivi ac
capici; non valde exquisiti sensus; qui citissime
ad suppurationem pervenit; qui maxime ad ex-
teriora egreditur, in acumen elevatur ægrum-
que sublevat, & contra, imprimis qui ad inte-
riora vergunt vel intro rumpuntur. Abscessus
in ulceris indolem verti noscas, si eorum super-
ficies pallescit, livescit, pruriginoso ardore
molestatur, saniem decolorem, tenuem exhibet.
Abscessus externi refractarii & rebelles de absces-
sibus internis, alicubi delitescentibus haut falias
sæpe præbent indicium; & hi illis emergentibus
sæpe solvuntur, v. g. lienis, illo inguinis, epa-
tis; illo crurum, &c. Magnæ & diurnæ sup-
purationes, æque, si pus non emittitur, vel sup-
puratio cohibetur, sæpe cacockymiam, *gesse,*
hecticam, relinquunt. A spinali medulla com-
pressa fit paralysis, gangræna. Quæ à causis
internis semper pertinacior est quam quæ ab
externis. In externis sedibus aliquando supera-
tur, in internis semper est letalis. Gangrænam
stare & pus inter id, quod vivum ac emortuum
est, moveri, nunciat crusta, quæ compressior
fit ac contractior, oræ autem ulceris circa crus-
tam, quæ intumescunt, rubent & pure madent,
dicunt. *Platner.* Si incisis pustulis humor effluit
in gangrænofo membro limpidus, pallidus;

spes manet; si vero is cruentus, flavescens, malus est; pessimus, si lividus, subniger, fœtidus notabiliter. Mortis indicium, ubi circa ulcus omnia arida fiunt ac nigra. Siphilitico veneno inquinatum corpus aggrediens gangræna, plurimum facilis est. Nulla gangræna leviter terrere debet, semper enim in sphacelum mortemque tendit. Curabilis, quæ modo orta est ac nondum plane tenet. Curationem non admittit, quæ integrum manum pedemve ad corpus usque occupat, quæ stipata febre acuta, vomitu, syncope, &c. Periculosisima est, quæ intus incipit; quæ ex humorem vitio, v. g. in ~~φθορῃ~~, hydropo, scotbuto, vel defecta virtute vitali oritur. Perniciosissima est ex morsu animalium, quæ vitus habent, potissimum cum nervo iecto; totum corpus in hoc casu fit icteritium, junguntur syncope, convulsio, spiritus angustia, &c. *Platn. Schelhamm.* Aliquamdiu aliquando gestantur gangræna correptæ partes impune, sine ullo motu & sensu existentes, citra corruptionem vicinæ; idque maxime quidem, si ex frigore, vel per metastasis inducta fuerit. Senes sæpe unica die pereunt interdum pluribus juvenes. *Hild.* Si in parte gangrænosa vehementius agitantur arteriæ, gravius habet periculum. Quamdiu in gangræna adhuc sensus ac rubor cum calore adest, tamdiu aliqua spes avertendi sphacelum supereft. Gangrænam artuum lentam in Galliis ex fecali cornuto anno 1710. popularem *Ac. Sc. Reg. Paris.* commentatur. Spacelus gravior restituī non potest, nilque aliud supereft, quam

miserum unicūmque auxilium , ut quo cetera pars corporis tuta sit , quod mortuum est , abscindatur. Si in sphacelo partis defectus sensus & motus prius se exserit quàm ejusdem actualis corruptio , curatione feliciter cedente , sensus illi ac motus quoque redibunt. *Carl.* Sphacelus à causa interna sponte emergit , familiaris cachecticis , senibus , scorbuticis , &c. Malum est chronicum magis , lentoque gradu interficit. Nascitur quoque in à nimia venete invalidis. Incipit plerumque ab extremi arrubus pedumque digitis. Nonnunquam superveniente febricula , celeius serpit , vel consistit moto pure inter illud quod vivum est & quod emortuum. *Platn.* Spacelus loca carnosa non alte occupans , v. g. nates , femora , &c. valentioribus remediis , adhuc aliquando cedit.

Phrenitis varia.

DElirium ex vulnere , dilaceratione , contusione , corruptione ossis , periostii , aponeuroseos , tendinis , &c. judicii rationem habet in natura læsionis & subjecti. Inflammatio meningum potest esse sine delirio. Ex deliriis ea minus mala censenda , quæ mitia leviaque sunt & non perpetuo ægrotos tenent , sed parvo tempore atque cum bonis signis vel saltim non letalibus perdurant.

Delirium leve ac facile transiens , instante crisi , & absentibus aliis signis suspectis nullum periculum habet , quoniam sublata causa , per crisi-

tollitur effectus. Delirium circa naturalia , sueta & necessaria , malum. Deliria , quæ circa initium morbi apparent , magis periculosa. In febre continua leniter delirantes , si profunde respirent , fiunt phrenitici. Surditas , non sequente narium hæmorrhagia , delirium portendit ; surditati vero succedens delirium , malum ; post delirium surditas , mali solutionem indicat. Desipientia levis paulisper ascendens , abit in furibudam phrenitidem. Desipientiæ cum vigiliis , sopore , convulsiones minantur. Deliratio quæ cum risu , gestu jucundo fit , tutior , præcipue si superveniat fluxus hæmorrhoidalis , quæ vero studio adhibito , periculosior. *Hipp.* In morbis complicatis delirium conjunctum ventriculum pro parte primaria affectum ostendit. *Bagl.* Ex insania in raucedinem cum tussi sit secessio. Insanientibus accedens convulsio oculorum aciem retundit. Vehementes mentis emotiones fientes absque quiete , spiritum efflarites , pernicioſæ ; diuturnæ fiunt partium resolutione , alvi perturbatio si his ingravescentibus adest , nigra ad iudicationem prodeunt. Desipientiæ cum voce stridula , tremula & linguae convulsione tremula , vehementiam morbi indigitant. Vehementi insania detenti , tremuli cum crebra sputatione , metus est , ne phrenitici evadant. Dementes obscure , ut vix desipere videantur , phrenitidis metum habent. *Hipp.* Desipientiæ , quæ jam admodum fractis & debilitatis viribus succedunt , pessima sunt. Facile phrenitici fiunt ad pneumonicas febres dispositi. Phrenitis vero raro d. 7. transgreditur.

Ni ante 4. d. stasis discutiatur, spacelus meningum facile succedit; si forte 7. d. transient, saepe migrat in affectus soporosos, maniam chronicam; mutatur aliquando in lentam, hecticam. Malum, si abit in lethargum, non ita, si lethargus in phrenitidem. *Bagl.* Aliquando phrenitidem sequitur tertiana intermittens soporosa. Phrenitidis metum notant bulbus oculorum immobilis & quasi faxeus; dolor in bulbis, maxime in principio febris mox; oculi fulgidi, ignei quasi; oculi audacia; ab homine sedato ferox responsum, a feroci sedatum; garrulitas in taciturno, silentium in garrulo; praeter consuetudinem facta & gesta; petitorum momentanea oblivio; lacrymarum fluxus largus in non suetis; vigiliæ continuæ; somni turbulenti cum aurium tinnitus vel sibilo; turgescentia vasorum faciei, temporalium pulsatio; exquisitior occipitis dolor imprimis cum excretionum naturalium dimissiones; vomitus æruginosus cum capitis doloribus assiduis ac surditate, stridor dentium; pulsus celer & durus, hypochondria suspensa; pulsus hypochondriatum cum frequenti oculorum obtutu & signis atiditatis in lingua; lingua densa, nigra, exusta sine siti, tremula; manus tremulæ, investigantium more palpantes, dolores ad sutas; urina prius tincta, simul & semel, subito prorsus ea facta; respiratio magna & raro; urina subjugalis cum vigiliis, capitis dolore, lingua arida, ardore viscerum; nubecula circuli modo evecta juxta lotii superficiem; surditas non sequente hæmorrhagia; si æger

quod non sivevit alias , in ventrem jacet , contractio frontis ; corporis jactationes & incontinentiae cum perfrictione ac superiorum partium tenui sudore. *Hippocr.* *Cels.* *Hoffm.* *Bærh.*
Bagl. *Stahl.*

Salutem promittunt , criticis diebus cum signis coctionis , eveniens narium hæmorrhagia larga , hæmorrhoidum fluxio , menstrua purgatio sufficiens , vesica ~~atque~~ ^{et} 82n ; urina sanguinolenta , cocta , cum multo sedimento ; alvus cruenta , fluxa , sudor largus cum somno ; dolor vehemens , assiduus extremorum ; parotides suppurantes ; pus vel sanguis per os & nares expurgata ; ubi delirium somnus sedat , &c.

Phreniticus si perfrigerescat simulque crebrius spuret , vomitus nigrorum consequetur , & interdum non sine magno levamine , si alia respondent . Intestinorum difficultas vel aqua inter cutem à furore , bonum . Quæ in phrenitide memorantur insomnia , bonum denunciant . Si post phrenitidem aut gravem alium capitum morbum surditas succedat , priori morbo cessante aut allevato , bonum . *Hipp.*

Mortem minantur urinæ aquosæ , vomitus æruginosus , malum semper accrescens , sublimis spiritus , singulus , stridor dentium , tremor manuum , linguæ , dein convulsio , albicans dejectio , tendinum subsultus cum sudore gelido , ~~et~~ ^{et} ~~ac~~ ^{ad} secum , secum & urinæ inscia dejectio ; coma , quo excitati , si linguam tremulam protendunt , syncope ; frigus frontis , maruum , pendum , alvo , lateribus simul valde calidis , dysfu-

ria, ischuria, in incremento icterus cum excipiente lethargo; rigor adjunctus maxime in azur, potissimum cum albis fecibus & sopore, facileque pneumonicam annunciat; si cum notabilis oblivione, ignavia & stupideitate, si cum silentio absque aphasie, cervicis dolor terrificus; ubi ab ileo, hæmorrhagia, peripneumonia, variolis; subitaneæ resipiscentiæ febre acuta perseverante & nulla crisi prægressa, facies cadaverosa, stillicidium narium, &c. Hipp. Bærh. Alpin. Hoffm. de Berger.

Paraphrenitis non tanti & tam præcipitis est periculi quam phrenitis. Vel discutitur criticis sudoribus v. g. vel per metastasis sunt parotides, surditas, arthritis, erysipelas; vel corruptione intra d. 7. & 14. necat. Hypochondriacos & melancholicos invadit facilis. Plures nascuntur ex hepatide. Delirium continuum, risus Sardonus, hyochondriorum intro-sursum revulsio, simul sumpta, pathognomonicum paraphrenitidis sunt signum. Dolores intolerabiles, perpetui, tendineam diaphragmatis partem affici significant, & si in horas increaserint, letale erit. Ascitem purulentum, empyema quandoque relinquit. Bærh. Schulz Juncker.

Phthisis.

Intr chronicos Φθισις duos fere trientes jugulat. Metum οδοντως junctim creant frequens destillatio in corpore tenui, longaque; horror subinde incidens cum dyspnœa; anxietas cordis & interdum cum palpitatione, tussis

sicca , appetitus dejectus , macredo imprimis in manuum capitis , febricula continua ; sputa globosa , rotunda , grandinum instar , diurna , licet sine febre ; (*Bagl.*) morbi prægressi , v. g. hæmoptoë ; jus hæreditatis , &c. Omnis φθισι præsupponit prægressam inflammationem pulmonis , sine hac enim non fit pus , ergo sæpe sequitur pneumonicas febres , imprimis ex neglecta V. S. Ab anno 18 plurimum , raro post 36. obvenit. *Hipp.* Juvenes qui in pectore pus colligunt , nisi multa admodum bona signa assecuti fuerint , minimi evadunt. Contagiosa est φθισι , atque circa æquinoctia exacerbatur ; autumnus maximopere exitio esse solet. In ad φθισι dispositis catarrhosæ defluxiones malæ. Dispositi sæpe liberantur fluxu sanguinis critico , v. g. è naribus , sedis vasis. Ne confundas tussim chronicam cum copiosa phlegmatis ejectione atque φθισι. Hæmorrhoidum molimina ad pectus contingens ; arthritica conamina , podagrifica potissimum , cum rejectione pituitæ viridescentis , puris instar , curiosis Clivicis non ignota ; purpura pariter scorbutica remanens incautis plus sæpe φθισι imponunt. Si feces albescunt , mesenterii glandulæ simul sunt infarctæ. Strigosi plures , etiam ad orci fauces propemodum redacti , appetitu laudabili multoque cibi ditantur. Rejectas vidi vesiculos pure plenas , brochia notat exscreata. *Forestus.* Sæpe dignitur à tuberculis pulmonum crudis , exque facili hoc . Terminatur pluries in empyema fatale. Urina phtisicorum , licet brun-

na & fusca, ad hydrometriam levior tamen semper est illis sanorum aut aliis morbis affectorum. *Comm. lit. Nor.* Phthisici diu supervivere possunt & non raro senescunt, si ulcus in pulmone habeant callosum sive fistulosum, quasi fonticulum, cum quotidianis sputis; bene tales comedunt & respirant ac medio corporis habitu persistant; contra, si ulcera sint serpentia, vel exspuitio haut bene procedat. *Willis.* Tamdiu phthisici vivunt, quamdiu extussire ac per sputa pulmonem expurgare possunt. Malum confirmatum nunquam curatur; qui id fecisse jactitant, hecicos tractarunt, vel catarrho rebelli detentus. Hereditaria omnium pessima, nec curanda nisi cum præcautione hæmoptoës. *Bærh.* Φθίσις ab hæmoptysi per vim externam inducta ceteris levior. Phthisis in qua subito rumpitur vomica cum sputis bonis, difficulter quidem, tamen sanari potest. Quæ ex interceptis hæmorrhoidibus ac menstruis, ubi nondum contracta labes in solidis notabilis, iisdem restitutis, bonam spem relinquit; sed iisdem fere, nisi redit sanguis, vomica erumpit, quæ, quo cruentior, eo melior est. Solvitur aliquando phthisis abscessis pectoris (*Vater.*) vel tumore in collo non multum à scrofulis abludent, exorte. *Sydenh.* Salutis spes est, si abest hæreditaria dispositio; calor fit mitior; appetitus ciborum salvus manet; respiratio liberta; sputum unius coloris; album, sine pituita, æquale, rejectu facile; si alvus compacta; viris constant; tussis rarior; sitis non urget; urina copiosa;

vox sonantior; somni longiores, reficientes; dolor ad scapulas transit. *Hoffm. Bærh.* Funesta prognosis: Calor hecticus magis magisque increscens cum pulsu etiam mane citato, corporis contabescientia viriumque lucta; si sputa in aqua salsa fundum petunt, summa spirationis cum metu suffocatus difficultas, capillorum defluvium, odor cadaverosus ex ore; vox rau- cida; dolor urens cervicis, interscapularis; sudores, diarrhoea colliquativae; oedematosus pedum tumor cum dolore quodam; anxietates acerbæ, fere cotinuae; animi deliquia; *αθετις*; brachii, manus, unius vel alterius, tumor oedematosus; sputum graveolens vel saporis aluminosi, vitriolici, instar piscium putridorum, carbonibus injectum tetre oleus; rubor fixus genarum; praecordia in tumorem sublata; rigores sub consummato malo repetentes; ex- pectoratio suppressa, mente dum sana ægri, tandem vitae finem facit, ubi maxime gangrena accedit, saepe in cocyge vel pedibus obveniens, ac pulmone ipso, unde sputum ichorosum.

Tria mortis certissima signa ponis *Hollerius*: sputum graviter olens, capillos defluentes, alvi profluvinum. Anceps satis fallaxque in hoc morbo novissimus vitae articulus est. *Lomm.* Phthisis plerumque est letalis, ubi pulmones pleuræ accreti. *Bennet. theatr. tabid.* Non omnes, qui phthisi pereunt, semper sanguinem exspuunt. Inducitur aliquando à vitio humorum universali. *Barthol.* Moriuntur senes tacite ex virium collapsu; juniores sub febrili motu

inflammatorio. Finitur s^epe phthisis apoplexia, cerebro ill^æso, ob fœtidissimam putridaginem, cerebro infensissimam. Qui pertinaci raucedine laborant, hectici moriuntur, anno vix elapso. *Bagl.* In phthisicis si dolor vehemens lateris derepente subveniat, brevi delirabunt, febris magna accendetur, & paucis post diebus moriuntur. *Bagl.* Talisque tabes oritur infallibiliter à connexione p. n. pulmonum cum costis. *Dodon.* Sputorum retentiones in tabidis mentem ad delira verba commovent. *Hipp.* Pulsus contractus, debilis, vermiculans; pustulæ rubræ in corpore, maxime circa collum in novissimis sunt. *Lomm.* *Bærh.* Tabidi ex apostemate vel ulcere interno post iter avide, viribus collectis omnibus, suscep^tum, pluries brevi post suffocati extinguntur.

Phthisis nervosa est morbus revera chronicus & nisi in ipso principio, curatu difficillimus; terminari solet in tumore hydropico incurabili. *Morton.*

Pleuritis. Peripneumonia.

SAnguis, serum, caco^{chylia}, flatus, bilis, vermes pleuritidem creant. Semper videndum, an febris sit essentialis, an secus? Corpora laxa facilius laborant quām rigida & exercitata. *Hipp.* Pleuritis & peripneumonia quotidiane remittentis genium imitari solet; aliquando tertianæ continuæ. *Aret.* Ardentius vini desiderium in multis pleuriticis observari solet, ex quo pleuriticos in antecessum suspi-

cantur. *Alpin.* De morbis pulmonum noli cum jaētantia differere vel facilem promittere curationem; & nulli pectoris morbi flocci habendi, quia multis ne opinantibus quidem, fiunt exitio. *Bagl.* Rigoriferæ sunt veiae inflammatoriæ pleuritides. Pulsus durities est signum fere infallibile omnium pleuritidum, etiam obscurarum sive latentium. *Bagl.* Sed quoque insuper habeto, quod in morbis pectoris nil citius à naturali recedat statu quam arteria seu pulsus. Ex respiratione certius præfagium quam ex pulsu est. Mollities pulsus alios comitatur pulmonum morbos; quod esto inter signa distinctiva morborum pectoris difficultime cognoscibilium. Inæqualis quoque familiaris est pulmonum morbis. Pleuritides crudas sive siccas significant rubores fugaces genarum, paucus dolor, jaētatio, ardor viscerum, ariditas linguæ, &c. Difficiles eadem sunt & perniciose. *Hippocr.* *Bagl.* Pleuritis in sinistro latere plus periculi habet quam in dextro, citius autem maturescit ac solvit. *Lomm.* In pneumonica febre saepius stomachus, (quare *Storch in med. Jahrg.* tumorem in cordis scorbutico pleuritidi pluries socium forte notavit) mediastinum, diaphragma simul inflammantur, suppurantur, unde quandoque vomitus purulentus salubres in hisce. Pleuritides ex dorso sunt pleuritides symptomaticæ rheumatismi acuti. Omnis dolor lateris cum feb̄e fugax, malignis est & erysipelatodes, & fere necat. *Ballon.* Quibus pulmo totus una cum corde inflammatur, ii toto corpore nervorum resolu-

tionem sentiunt, ac sine sensu jacet æger frigidus, secundo autem vel 3 die perit. Pleuritides facile recidivant, eæque fere semper sunt letales. *Hipp.* Interficiunt pleuritides pœfocatione, magnis symptomatis, accidente peripneumonia, phrenitide, tabe, syncope, &c. Solvitur morbus in principio resolutione benigna: Die 4. 7. 9. 11. 14. coctione ac excretione, uti spuitis; abscessibus pone aures, in umbilico, alis, ad crura; pustulis miliaribus, ictero, diarrhoea (maxime biliosa & ingluviosa,) menstruis, hæmorrhoidibus, hæmorrhagia, sudore, urinis, miętu cruento, οφθαλμia, &c. & quod semel novimus, catalepsi quoque. Salus optima pleuriticorum ceteroquin est, inflammatione non resoluta, in expectoratione, quæ primaria crisis est pectoris morborum. Dies 7. & 9. omnibus magis periculosi sunt. Omnes pleuritici, qui vomunt statim in principio morbi, evadunt. *River.* Alvus & visica αιμορραγia pleuriticis nonnullis, si alia respondent, secundi ominis esse potest Quibus in interiora auris dolor & hinc abscessus, parotides, fiunt, sanantur. *Hipp.* In pulmoniis vehementibus quicunque abscessus fiunt ad cura; brachia, optimi sunt, imprimis, quo facilior sit anhelitus. Optimi autem sunt illi ad crura abscessus, qui fiunt, sputo mutationem subeunte; quod si sputum neque recte excernatur, neque urina bonam subsidentiam habere videatur, periculum est, ne articulo claudicet æger, aut ei multum negotii exhibeat; si vero dispareant abscessus & intro recurrent, sputo non prodeunte,

ac detinente febre, gravis morbi periculum & delirii & mortis ægro imminet. Quibus post V. S. dolor laterum in claviculas, manus, omoplatas vel dorsum propagatur, rariissime vel nunquam hinc moriuntur. *Bærh.* Crusta alba in superficie sanguinis extracti bonum. *Bagl.* Si sanguis è secta vena non recto flumine versus horizontem profiliat, sed per cutim repens perpendiculariter dimanet, neque pleuritico-rum colore æmulantur idem, neque æger felix hinc capit commodum. *Sydenh.* Narum hæmorrhagia, hæmorrhoidum fluxus incident cum ~~εὐφορίᾳ~~ circa diem 4. 5. contra, si post-hæc crux ater manet vel è nare vel sedis venis. Sanguinis è naribus stillatio, mala. Alvi fluxus non nimius, d. 5. 7. 11. 12. salutaris est, ejicitur materies purulenta vel biliosa vel inglu-vies; licet petechiæ adsint. Alvi fluxus biliosus, flavus, copiosus ante 4 diem cum levamine accedens, securus. Ructus acidi supervenientes pleuritidi salutares. *Hipp.*

Strepitus ille infelix in pectori pleuriticorum vel index est sanguinis in arteria pulmonis sub-sidentis vel denunciat inflammationem in abscessum abiisse. Evenit frequentissime d. 8. 10. ambiguæ salutis fereque desperatae testis. Ex situ hi erecto subito præfocantur fereque apoplectici moriuntur. Urina bona, pulsus bonus, sputum malum, pessimum.

Perniciem minantur, si supervenit pleuritidi peripneumonia, æque si illa in σπασμῷ vel τεταρτῷ vertitur; ubi asthmaticis pleuritis vel peripneumonia accidat; si oculus auriginosus

& caliginosus fiat ; si jungatur ischuria dysuria ; si erectum velint situm cum mala respiratione , licet cum pulsu bono , si ex ulcere tibia siccato , ni recrudescat idem , sudor largus , crebrior alvi fluxus statim ab initio & extra dies criticos ; pulsus parvus , dolor & celer ; si phrenitis accedit ; si morbus dorso inhætescit ; si sputum nullum aut malæ notæ ; si tremor , dilirium , convulsio à copioso screatu , &c. *Hipp. Bagl. Bærh. Hoffm.*

Si pleuritici non repurgari incipient quarta die , sed febris augeatur cum aliis symptomatis , nec non magna spirandi difficultas cum stercore superveniat , 7. d. moriuntur ; in his pedes tumefieri solent ante mortem & oculi caligant. Perperam agitur cum iis pleuriticis & peripneumonicis , qui nihil expuunt , nisi copiosæ effluant urinæ. *Hipp.* In suppuratione pulmonis non expurgata hypochondrii tensio superveniens opinionem facit abscessus cruralis. Ex pneumonicis suppuratis fere seniores plus moriuntur , ex ceteris suppurationibus juniores potius. Qui pleuritide laborant , nisi intra d. 14. superne repurgentur , iis in suppurationem fit morbi translatio. Si pleuritidi succedit abscessus sive suppuratio , computandum ab illo tempore , quo primum quis riguit. *Hipp.* Suppurationem sive abscessum fieri scire licet , si intra 14. d. sputis morbus non depurgetur ; sputum non allevet dolorem , tussim , dyspnœam ; si febris dolorque manent ; si nulla alia incidit solutio per alvum , urinas , &c. si horrores intercurrunt ; si cum nova

insolitaque gravitate pectus oneratur, sitis crescit; si tussis vexat plurimum inanis, spiritus admodum difficilis est, & nullæ tamen exitii notæ sunt inter hæc. Malo forte in vetustatem incidente, oculi fiunt cavi, malæ rubent, manuum ungues adunci evadunt, dighiti vero incalescunt, pedes tument, cibi cumpedia perit, pustulæ toto suboriuntur corpore.

Hipp.

Abscessus solvitur per alvum, urinas, persputa vel screatum quandoque seimul & semel factum seu incidentem, vel successivum, rupto eodem ac effuso pure in trachæam. Et in tali casu apostema sanabile erit. Plura legas infra de Vomica. Ruptio vomicæ ex pneumonica febre fit plerumque intra 20. dies, aliquando citius, aliquando tardius ad 60. usque. Sputum bonum habe quod copiosum seu multum ac in die decretoria ejicitur; quod leve, æquale, facile eductu, album, flavum, cruentum, pallidum, permistum, idque non in statu sed augmento intra d. 3. & 4. minus turum tardius. Quæ intra 5. diem dum coctionem accipiunt, colorantur, meliora consentur.

Malum est sputum impense quod fœtidum quod fere nullum (nisi copiosæ effluant urinæ,) quod non juvat; quod candidum, glutinosum, viscidum imprimis cum raucedine, rotundum; ab initio valde cruentum; à primordio mox livescens; ultra d. 7. flavum, sincerum flavum albumve, ex virore pallescens, spumosum valde, fucum, biliosum, cœnosum, amurcosum, nigrum,

nigrum, non permistum, æruginosum &c. Quibus circa initia in totum purulentæ sunt spuitiones, ii die 3. vel 5. moriuntur, quod si superent, nec longe melius habuerint, 7. aut 8. aut 11. suppurati sunt. Si pleuritis vel peripneumonia cum febre vehementissima incipit, tertio die necat, pulmone facto, gangrenoso.

Bærh.

Symptomata vehementissima, dolor maxime, subito ubi sine causa cessant, manente febre, quin aucta, cum malo pulsu, respiratione celeri parvaque, frigido sudore, gangrena adeat, imprimis si simul lividus thoracis color. Sanata pleuritide, si remaneat tussicula quedam & circa vesperam calor blandus per totum excitetur, aut recidivam aut suppurationem presagias. *Aret.* Plurimum dyspnœa pleuritidem sequitur. Laterris dolor cum sputis biliosis si absque ratione evanuerit, oculi perturbantur, ægerque in furorem agitur. Si morbo declinante abdomen à flatibus nunc intumescit nunc detumescit, bonum; sanantur enim ut plurimum, idque circa diem 10. communiter observavimus, verba sunt *Baglivi*. Pleuritis biliosa per morbum regium intra dies 14. sanatur perfecte, æque diarrhoea biliosa. Eadem ingluviosa & ex apparatu pravorum humorum in primi viis tollitur.

De pleuritide praedicta plurimum valent & de peripneumonia. Peripneumonia est semper valde periculosa; plus periculi quam doloris habet. *Cels.* Ex angina si est, intra 7. d. occidit, aut transmigrat in tabem. Peripneumonie in

Q

sanitatem initio sperari non potest, nisi levis tantum ille morbus fuerit, i. e. inflammatio tantum in arteria bronchiali hæserit, vel in parva tantum parte arteriæ pulmonalis. In peripneumonia, si febris, tussis & reliqua symptomata d. 5. exacerbentur, septimo aderit mors; ubi ante 4. diem levamen symptomatum non percipitur, resolutio non speranda, sed suppuratio succedit.

Decubitus in insanam partem cum molestia, in sanam facilis, sensus punctionis doloris non cum pulsu sed cum respiratione incidens, dolor compressione ingravescens, invasio non cum rigore facta (*Hipp.*) declarant præter alia pleuritidem notham sive spuriam. Frequens est hypochondriacis, hysterics, hæmorrhoidariis, arthriticis, hæmicranicis &c. Sæpe degenerat in abscessus musculorum abdominis. Eidem facile succedunt nephritis, malum ischiaticum, podagra & ex incongrua medicatione seirrhæ viscerum, asthmata, pleuritis vera & hepatitis. Felicius per urinas solvitur quam sudorem. *Hist. morb. Vratisl.*

Pulmonum tubercula cruda.

DE morbis pulmonum noli cum jactantia differere, multis ne creditibus quidem fiunt exitio. *Bagl.* Ex dolore leni in alterutro pectori atque tussi sicca nosce incipiens tuberculum. Ex angina si peripneumonia intra 7. d. letale, vel minimum suppuratio aut tubercula pulmonum sequuntur. Cruda pulmonum tubercula de facili in *ędrię* abeunt. Latent inter

initia ita clanculum, ut vix ulla sui proferant indicia, sed tota eorum res in insidiis est. Tantum manifestantur demum vel post pleuritidem vel post anginam vel post febrem aliquam sanatam; igitur, si tunc superveniat dolor lateris, dorsi vel pectoris alias, accedente dyspnœa, ortopnœa, tuberculum ad inflammationem & suppurationem ire significatur.

Dodon.

Salus expectari potest, si pure exscreato universo, ulcus manet nullum. Sæpiissime derepente moriuntur. Suppurato tuberculo, erumpit pus in trachœam & suffocat; hinc quo magis sunt in pulmonis superficie, eo minus periclitantur de suffocatione subita.

Purpura varia.

PURPURA est omnium delicatissimus morbus. Aliquando ita inopinato jugulat, ut quem pro liberato jam censeas, accidentibus convulsione, delirio, furore, apoplexia, extinctum paucas post horas audias.

Purpura, maxime alba, cum rigore impedit; variolæ cum horrore potius incursant. *de Berger.* Notatur hæreditaria. Feminæ fluore albo detentæ ad purpuram pronæ sunt. Sudores nocturni ad purpuram dispositos sæpe numero mirum torquent. Purpura per externum calidius regimen ex despumatione sanguinis sæpe inducitur. *Comm. lit. Nor.* Horrores ex dorso & lumbis cum sudoribus intempestivis, dyspnœa, facie flammea, oculis subinflammatis & lacru-

mosis non nihil, maxime si circa febris vigorem, purpuram præsagiunt plus sæpe symptomati-*cam. de Berger.* Prænunciat junctim sumpta pur-
puram horrores; dyspnœa; sensus formicationis
in facie, palpebris; suspiria cum pectoris oppres-
sione; oculorum obfuscationes instar telarum
araneæ; virium defectus sine causa, pulsus
frequens & debilis; vigiliæ & spirituum com-
motio sub somnum; timor, mœstitia sine
ratione augentes; dolor femoris, capitis, in-
testinorum &c. notabilis; urina sanorum similis.
Hamilion. Nebel. Purpura quibusdam familiis
fatalis vere est circa destinatos quidem annos.
Pavor, metus, horror quidam vehemens ob &
erga purpuram in nonnullis observatur, oppido
ferialis, ubi eadem subest vel accedit. Suspecta
sunt signa; ubi nervo sensili doíatos, debiles,
impuros; puerperas ergo, corripit; ubi pulsus
persistit durus & auctus exanthematis expulsis;
si arteria præter modum debilis, intermittens
est; inquietudo mana; somnus nullus; respiratio
ubi permanet difficilis post efflorescentiam,
sudores semper effusi; urinæ aquosæ, pallidæ;
alvus torminosa, potissimum in puerperis; si
inter arescendum æger bene opertus auræ frigi-
dioris afflantis sæpe sensum habet &c. *Hoffm.*
Mala signa sunt: statio exanthematum incons-
tans, imprimis si ad corticem non revertunt,
vox faucibus hærens; linguæ tremor, angina,
æsæ; si horrores socii fuerint levium fuga-
ciumque sudorum; urina crassa subito pallida
facta; dysuria in incremento; cardialgia in statu;
si æstum præcordiorum summamque anxietatem

internus frigoris sensus cum debili , parvo , inæquali pulsu excipiat , si interiora ardeant atque extrema frigeant cum sudore largo , frigido , & contra si extrema æstuant , & in ventre frigoris intensi sensatio ; purpura vanescat ; animus linquat , mens turbetur ; dyspnœa urgeat ; convulsio incidat . Quæ citima exitii notas habent . Hoffm. Delirium , motus convulsivi , convulsio vel apoplexia , si symptomata conitantia & in principio accidunt , facilius Medici diligentiae praxique regulari obsecundant , & contra in progressu & declinatione , maxime cum exanthematum regressu . Jo. Georg. Gmelin . Diff. Tubing. nuper de febre miliar.

Purpura quæ in declinatione continuarum succedit in corpore impuro , cacochemico , viribus enervato , diebus licet criticis , plerumque funesta ; & contra aliquando tunc salutaris est . Aëgas indicunt nausea pectorisque calor . Augentur aëgas pustulis miliaribus arescentibus , & contra . Hamilton . Vomitus spontaneus neutquam fistendus sed leniter promovendus . Ventris tormenta sæpe à miasmate remanente suporiuntur . Ægri quo magis somnolenti sunt , eo facilius convalescunt , etiam ii , qui mitioris sunt indolis , facilius , quam qui feroce & iracundi liberantur . Hamilton . Capitis dolor sævus & purpura se invicem sæpius excipiunt . In arthritidem migratio purpuræ non infrequens est .

Declinante morbo , superiora manuum sudore frigido sæpe madent , volæ calent . Hamilton . Purpura acuta relinquit sæpe atque transit in

apoplexiam; paralysin; convulsiones; delirium; morbos chronicos v. g. hystericos, hypochondriacos; mammarum apostemata (maxime in puerperis hæc) vel alias partis; tumorem femorum, tibiarum pedumque non semper indolentem; depravatam memoriam; fluxum lochiorum & urinæ nimium; calorem internum cum debilitate, languore ac imminuto appetitu cibi coniunctum. *Hamilt.*

Ex remanente vel retrogressa generaliter fiunt asthma, tussis, febris, hydrops, oculi aurisque vitia, spasmi, convulsivi motus, epilepsia, arthritis, rheuma, paralysis, colica, cardialgia, *aQovia* (quæ egressis pustulis funditus pluries tolluntur,) leucophlegmatia, tumor œdematosus universalis vel partialis cum aut sine dolore, cui quoque medicina est &c. Restituti post tumorem talem leucophlegmaticum instar scleleti apparent emaciati. Situs erectus in exanthematicis periculofus est, maxime in purpura acuta, morte subito excipiente, præprimis in puerperis. Solvitur purpura critice urinis largis, sedimentosis; aucta transpiratione; diarrhœa; ptyalismo; pet lochia; dolore spastico ac tumore dolorosissimo artûs vel membri cujusdam; quin paralyssi spuria &c. Diebus criticis aliquando bubones exsurgunt, non semper critici. De purpuræ eruptione à sedibus nil metuendum. Diarrhœæ suppressio subitanea, sponanea, arte inducta, apoplexiæ metum injicit. Quandoque lochiorum fluxum quasi supplet diarrhœa & symptomata inde fiunt mitiora.

Purpuræ specis variè inter se alternant. Puerarum purpura multum habet nexus cum lochiorum & secundarum statu, consul. supra p. 217. Benigna purpura in malignam subito interdum mutatur, haut sine vitæ discrimine, plurimum ex incepto, damnabili regimine.

Rubra, quæ semel occupavit subiecta, ægre deserit. Rubra epidemica sæpe ita maligna est ut alba, immo hanc interdum superat. Rubra recedens specialiter gravia parit symptomata, anginam, aphthas, pleuritidem spuriam, hemicraniam &c, quæ, erumpente, iterum exanthemate prorsus fere evanescunt. Junck. Alba periculosior est rubrâ, maxime epidemica & puerperarum, hisque plerumque maligna suevit esse. Si nimis languide erumpit, ita ut post discessum priorum nova succrescant exanthemata, semper pejoris est indolis. Quæ cum petechiis simul, præcipue mature efflorescit, est periculosa, Junck. Retrogressa alba ubi revertit, symptomata autem mala, ut $\alpha\vartheta\alpha\iota$, anxietas, delirium manent, letalis est.

Purpura scorbutica renitens est malum & sævorum pathematum scenam largitur, ubi intus remeat nec excluditur. Calidis in acutam sæpe mutatur. Facile sequitur lenta, hectica. Libenter revertit. In feminis cum fluore albo, alias hemicraniâ, vesicæ spasmo &c. sæpenumero alternat. Remancens pluries $\varphi\vartheta\iota\sigma\tau\alpha$ mentitur.

Urticata & scarlatina circa d. 7. vel citius disparent iterum, sibique relictæ ac debite tractatæ, nil mali relinquunt, & contra, mala habent confectaria, imprimis ex regimine nimis calido. Quo citius scarlatina erumpit, eo citius absolvitur. Et adultos agreditur, licet rarius, & quandoque contagiosa est. *Comm. lit. Norimb.*

Mali moris esse indicant tonsillarum uvulæque tumor, convulsiones, coma &c. In febre scarlatina si pustulæ miliares, colore rubro extincto, superveniant, salutem promittunt. Si in scarlatina, urticata, miliaria urina parcus fecedit, non diu emanet tumor levophlegmaticus, qui præcavetur diureticis. *Comm. lit. Nor.* Multi inde moriuntur. Urina simul est fusca, turbida, nigro-ruffa, cum sedimento atro fusco, spadiceo. An similis in visceribus internis stasis, an potius non plena per pustulas crisis & resorpta materies acris, delata ad renes, stimulo suo clausit vascula urinaria? *de Haller.* Et contra, lotium copiosum convalescentiæ bonum signum. Hæmorrhagia sufficiens in scarlationæ principio plerumque prodest. *Storch. Tractat. peculiar.*

Raucedo.

RAUCITAS ab ulcere antiquo consolidato in junioribus ευτπλαγχιος ; à partu quæ difficulti , medicabis est. Quæ à cacockymia venerea , scorbutica ; à colica ; ab hysterica chronica affectione ; à vermibus vel aliis animalculis in primis viis ; in synocho putrida ; à catarrhis acribus &c. judicii rationem habet in morbo primario. Vocis raucedo quæ per annum duravit , non recipit curationem ; hec tici prope moriuntur. RAUCITAS in phthisicis mortem proxumam dicit. Ex infania in raudinam cum tussi fit secessio. *Hipp.* RAUCITATEM observavi gravem , chronicam in ad hæmorrhoidum fluxum prono , robusto viro ceterum , earumdem , fluxione adveniente , sublatam.

Rerum & Vesicæ urinariæ morbi reliqui.

MAGNA est consensio renum ac vesicæ cum ventriculo , intestinis & pectori. *Rega.*

Quamplures morbi diurni desinunt tandem in morbos pulmonum aut renum. *Bal.* Renum affectiones supra 50. annum non curantur. *Hipp.* Podagricus fomes vesicæ morbos varios producit , dysuriam , ischuriā , mictum sanguineum , pruritum scroti & similia. Rene uno affecto & alter faciliter patitur. *Forest.* Ren sinister præ dextro adficitur pathematis nephriticis. Sanguis intra vesicam concretus gravissima parit symptoma , lipothymiam , exiguam spirationem ,

250 *Renum & vesicæ urinariæ morbi reliqui.*

pulsum obscurum, nauseam, angores, extre-
rum frigus, cruciatus & ardores vehementes in
ima pube atque circa virgam.

Vertigo atque nephriticæ affectiones sæpe-
numero alternant. *Hoffm.* Qui gonorrhœa
virulenta laborarunt in juventute, persolent in
senecta diro urinæ ardore velischuria quoque
divexari. *Bagl.* Si æger dum in terram in-
curvatur & exinde erigitur, cum difficultate
erigatur, adeo ut per medium quasi scindi videa-
tur, pro certo dicas, dolorem illum non esse
nephriticum sed rheumaticum. *Bagl.*

Nephritis simplex recens curari potest, cal-
culosæ autem vix unquam. Urinam cruentam
si in illa mejant, timent quidem sibi & debili-
tantur sed levantur. Urina crassa æque melior
est tenui. Urinæ atræ nephriticorum, vel
succedente dolore, vel secus, pro cruentis à qui-
busdam minus attente habitæ, non sunt timendæ.
Hæreditaria vix curatur. Ruetus insipidus seu
motus quidam ventriculi convulsivus, singulti
propior, proprius quasi est nephritico dolori &
pro signo habendus pathognomonicus. *Piso.*
Renum inflammatio profundior ex gravitate
febri, doloris, aliorumque febrilium sympto-
matum &c. cognoscenda, facile in ulcus abit.
Brevior, diaria febris nephritica spasmodum renum
potius, non æque inflammationem significat.
Hoffm. In junioribus longe vehementius ne-
phritis exacerbatur & difficilis tollitur quam in
senioribus.

Quo frequentius & acrius recurrunt invasus nephritici, eo periculosiores, & eo gravius exulceratio prævalescit. Renibus inflammatis, facilior est docubitus in latus infirmum, supinis quam pronis ægris. Hæmorrhoides nephriticis accedentes, bono sunt. *Hipp.* Urinæ suppressio in nephritide mala. Alvo continentes ex nephritide facile abortum patiuntur. Nephritis spuria non raro in senibus *μαρτυρούσι* post se relinquunt. Calculosa plurimum sequitur inflammatoriam, purulentam, pituitosam. Periodica subinde est. *Ettm.* Nephritidem mentitur aliquando vermis renalis. *Pechlin.* Ubi renum inflammatio resolvitur, necessum est, finitis doloribus urina multa, crassa feratur cum sedimento copioso, albo, levi, non foetido, non purulento. Corruptionis vel gangrænæ signum sunt creber bili vomitus, delirium, frigus extremorum, doloris remissio sine causa, defectus virium subitus, urina ichorosa &c. Abscessus renum (quem fieri docet remissio doloris, ejus in pulsationem mutatio, horror sæpe recurrens, gravitas stuporque partis) si in pelvim erumpit, ex laudabilis puris per urinam excretione, bonam relinquit spem, contra, si in cavum abdominis effunditur, vel si pus malum; Subinde vomitu vel alvo sincerum redditur pus ex ventris lumborumque regione. Si nulla facta resolutio, nulla suppuration, febris dolorque cessant sine mortis signis, coxae stupor, marcor, impotentia accedunt, scirrum nuncia, qui incurabilis est, ac in hydropem facile funestum vertitur vel tabem. *Hipp.* *Lomm.*

Abscessus renum plurimum fiunt à calculis. Gangrænam renum, vesicæ indicat urina ichorosa. Ren sæpe ita perditur, ut pus, membrana ejus ambiente, tanquam marsupio, obvolvatur, quandoque & calculis inclusis Rarius renum vomica uno impetu erumpit. Ren purulentus quandoque totus excernitur, cujus loco post mortem tardius subsequam massam. quandam invenit pinguedinosam. *Jungken.* Pus urinæ non permistum significat venire ex vesica; inæqualiter premixtum è renibus; æqualiter pulmonum suppuratum denunciat; *Lomm.* æque ex gradu fœtoris præscies, unde sit; si ex vesica, notabilior ceteris erit. Pus in urina esse deprehenditur, si, vitro urinario aquæ tepidæ immesso, sedimentum non solvit, nec urina redditur clara, quod fieri solet, ubi pituita sola urinæ permista est. Quandoque pus cum urina exit integris renibus & vesica, veniens v. g. ex pulmonibus. *Holler.* Urina mucosa non semper est ab ulcere renum vel vesicæ; in memoriam & revoca hæmorrhoides albas seu mucosas, dolorque in lumbis vel vesicæ regione determinat, an ab his sit. In renum ulcere sæpius & copiosius cruor simul meitur, in vesicæ minus. Ulcera renum promptius quam vesicæ sanescunt. Renum & vesicæ ulcera curatu difficultima sunt, in senibus insanabilia; & ulcere curato, longe post tempore cum urina adhuc feruntur filamenta. Ulceratio renum urinam dat crassam, turbidam, fœtidam, sedimentum lacti non admodum dissimile.

Vesicæ inflammatio vix non semper in cervicis musculo sedet. Ubi non tempestive discutitur, vel citius necat sphacelo, vel tardius ulceratione & hectica. Familiaris est hæmorrhoidariis. Magis viris quam feminis accidere notatur. Si dolores in vesicæ inflammatione non solvuntur, neque vesica mollescit, periculum est, ægrum primis circuitibus, convulsum præ nimio dolore, moritum. Simul pauca spes est, ubi, sub permanente acuta febre, urina & alvi dejectio prorsus retinentur. Gangrænæ semper fatalis manet suspicio, ubi sub immorante febre dolores magis in dies ingravescunt, nulla adparente coctione in urina &c.

Vesicæ abscessus solvit per perinæum, urinæ itinera, intestinum rectum. Ulceratio vesicæ major & gravior ut plurimum est ab inflammata ejusdem cervice. Ulcus vesicæ quando à calculo fit, non curatur ni extracto calculo. Si quis sanguinem & pus & squamulas sive pelliculas mejat, & gravis odor adsit, vesicæ exulceratio significatur. *Hipp.* Si ulcus folidum in fistulam abit, crassamentum quoddam subsidet viscidum & cohærens, narium muco aut ovi candido persimile. Si, præsente vesicæ ulceratione, ingens ad matulam stimulus est, & post emictionem dolor gravis in pube ac perinæo, isque gravior corpus erigenti, eandem juxta urethram hærente pronunciabis. In ulceribus urethræ pus urinam præcedit, in illis vesicæ cum urina excernitur, illaque fœtet. Si in urina cum dolore ex

creta moleculæ furfuraceæ & exilia ac copiosæ filamenta adparent atque subsident, scabiem vesicæ significant. *Hipp.*

Spasmus vesicæ gravissimus est & sæpe funestus, transitque facile in sphacelum, si cum febre multa, vesicæ duritie juxta pubem, alvi ac urinæ suppressione. *Hoffm. Furstenau Dissert. pecul.* Erysipelite aliquando critice solvitur. Si in suppurationem abit ex inflammatione nata, urina multa, purulenta, salutem promittit. Spasmus vesicæ, ejusdem hæmorrhoides, mucosæ maxime, & purpura scorbutica pluries alternant. De vermiculis cogitasse ne negligas in vesicæ spasmo. Quorum plus quam mille, rarissimo plane exemplo, nuper notavi successive excretos cum vesicæ spasmo immanissimo, stipato vesicæ hæmorrhoidibus cruentis, albis pariter, largissimis, damnabili olei terebinthinæ usu ab agyrtis nebulonibus magis proritatis acriter, ægro adhuc superstite. Sed veri vermiculi bene noscantur ab iis, qui ex sanguine in vesica coacto laboriosisque nixibus excreto, figura tales saltim, excluduntur. Vesicæ spasmus ubi ad ~~ανυπν~~ pervenit, nullam fere admittit medelam. *Fursten.*

Paraly sis vesicæ sæpe inducitur ab urinæ excretione ex causa morali vel alia dilata diu ac protracta; æque à materia podagrifica regresa, habetque præ sagii rationem in morbo novo felicis, in isto adhuc quandoque quidem, in hoc plurimum.

De hernia vesicæ urinariæ evolvas pag. 134.
De hæmorrhoidibus ejusdem consul. pag. 125.
prolata.

Urinæ incontinentia sanationem admittit quæ à vermibus intestinorum plerumque colis dolore stipata; quæ ex consuetudine in infantibus; quæ ex fibrarum laxitate; quæ ex sphincteris vesicæ debilitate, recens adhuc. In pueris curatur, annis crescentibus ac fibra maturitatem acquirente; si annis crescentibus non cedat, malum incurabile prædicto. *Bagl.* Pessima, quæ à vulneribus læsionibusque aliis cranii; à luxatione vertebrarum dorsi. Pestifera, si per febres incidit acutas, viribus jam fractis. Insanabilis, quæ in senibus; quæ ex sphincteris læsione per lithotomiam Quæ vigilantibus contingit rarissime curatur, utpote ex paralysi vel læsione fiens. Quæ à laxitate duntaxat sphincteris ægrius curatur in feminino quam nobili sexu.

Ruptura vesicæ urinariæ à calculo pluries adhuc sanatur. In vesica mox polypi obveniuntur urinali, fatalis plerumque exitus.

Rhachitis.

Grávida si ventrem coarctet per thoraces strictos ad rhachitidem prædisponit infantulum. Feminæ albo fluore laborantes faciles ad rhachitidem procreant fetus.

Connata nunquam observatur. A septimo à nativitate mense pusillos ut plurimum corripit & vix ante finitum triennium relinquit. Quo longuis à partu affigit, eo melius. Morbus invalescens, si super annum ætatis quintum inhæret, difficulter curatur; &, ni in juventute mutationem recipiat, per omnem vitam corpus manet deforme. *Hoffm.* Hæreditaria ubi dispositio, & ubi à primis mox suborta est mensibus, difficilis est curatu. Quæ ex vitio victus, regiminis; quæ vermisbus, variolis, febribus, scabiei, crustæ, lacteæ, herpeti succedit, facilis adhuc mediam admittit; atque ubi revertunt efflorescentiæ, febris, bono est. In augusto spes est, ubi hydropicus tumor, asthma, *q̄uis*, diarrhoea, lenta, hectica, spina ventosa, dentium nigredo, caries, tumores ossium strumosi, rubera subcutanea, anhelitus, vasa colli infarta, varicosa &c. accedunt. Corpus summa macie extenuatum perimitur. Veræ rhachitides rarius tunc occurunt, ubi intermitentes autumnales prædominium habent. *Sydemh.* Inquinamentum venereum plus sæpe admistum est, morbumque reddit difficillimum. Diarrhoea si nullis cedat remediis, malum. Mala rhachitis aliquando ad oculos convertitur *œdema* cum tuberculis pronata, hacque victa, vim suam atque noxam denuò exserit. *Buchner.* Solvitur quandoque variolis; migrat in scabiem. *Ortlob. de rhachit.*

Cerebrum in rhachiticis defunctis admodum molle, mole magnum, multum habere suevit mucosi humoris.

Rhachitis more infantum in adultis observatur quoque sine causa manifesta eveniens.
Burggrau.

Scabies. Morbi cutanei alii.

Arcana pectoris intestinorumque cum cute consensio est. *Rega.* Scabiem praecedunt vesiculæ aqua plenæ. Scabies omnis aliis ex toto quidem definit, aliis certo anni tempore revertit. Ægerrime in senibus sanescit, ad Iustra aliquando extenditur. Per contagium communicata facilioris est curationis quam ceteræ. Levior humida est siccâ, sed hæc curatu facilior illa. Rebellis valde est scorbutica & ferina; huic facile succedit hydrops. Pessima est ea scabies quæ caput obsidet. Chronica difficilius sanatur quam periodica. Si simplex scabies protracta jam, relictis superioribus, ad pedes talofque demigrat, mox plane cessaturam significat. Ubi visceris alicujus labes concurrit, malum omen. Gravior est scabies quæ magis cutim exasperat, prurit magis, plures numero obsidet partes, somnumque potius aufert. Scabies negligenter habita non raro ipsam in elephantiasin transmigrat vel lepram. Solvit scabies arthritidem, deliria, epilepsiam, febres, &c. In juvenili ætate saepe ab aliis morbis præservat. Critica notatur in scorbuto, febribus acutis, intermittentibus. *Kramer.* Retropulsam sequunt-

R

tur status surdaster, effluxus seri ex aure, pectoris varii gravissimique morbi, apoplexia, convulsio, colica, cardialgia, febres intermitentes, acutæ, gutta ferena, spasmodus vesicæ, mictus cruentus, motus spasmodici vagi, palpitatio cordis, θυσις, ερχιτης, tussis ferina, cachexia, œdema, hydrops, singultus, sternutatio insolita, nimia, & reliq.

Scabies si sicca magis quam humida valde est; circa pudenda potius hæret cum crusta tenaci, corrosivo ardore, doloribus profunde infixis, nocturnis, sociis & aliquando bubonode inguinum tumore, coryza uteri vel colis, mali coloris, in infantibus circa anum verrucis, ulcerosis excoriationibus, manifesto venereum suspicator. Rarissime hæc totum corpus ita diffuse obsideat atque simplex. Suis antidotis citius & certius tollitur quam alia.

Venerea retrocedens vel repulsa insignissimam mox virium prostrationem infert, atque ad formandos tumores bubonodes tendit; rarius febris acuta succedit ac in simplici, saniosa. Scabiei & furunculorum non infrequens est vicissitudo & unum altero solvitur. Scabiei, tineæ, variis exulcerationum generibus, reprimentibus prohibitis, saepius numero succedunt tumores cystici, atheromata, &c. Parotides si scabiosos obsideant, de topicis quære usurpatis ex hydrargyro. Scabiei foedæ subjacent infantes sub mensium fluxu concepti. Climacterica chronicas & pro insuperabilibus habitas saeppe aufert ægrimonias. A. N. C.

Cutis vitia, quæ ex interna viscerum labe difficultius curantur, faciliter renovantur & nisi hæc sit superabilis, in hecticam & hydropem migrant. Rebelles sunt cutanei morbi post intermittentes, variolos, morbillos, luem venereum. Noduli subcutanei pejores sunt quam efflorescentiæ.

Gutta rosacea ex hæreditate, sine noxa non deletur. Vari & gutta rosacea arthriticis cum afflictionibus sæpe alternant; ad interiora in his, maxime spiritalia loca, versa, aliquando brevi fatalia fiunt. Gutta rosacea vel vari repulsi sæpe causa sunt tussis ferinæ, φθιστικæ, affectuum rheumatico - arthriticorum, catarrhi suffocativi, &c. Novi ex varis faciei repulsi tremorum artuum, dein amavrosin secutam, tandem purpuram albam funestam in Juvenca nullius regiminis & diætæ; cerussata enim cadenæ moro nigrior sibi placebat Lycoris. Varis & guttæ rosaceæ se impetigo sæpe jungit; contagiosam ergo dicunt illorum materiam. Junck. Sobriis nunquam accedunt. Varis ac gutta rosacea afflicti bene velere videntur, nisi quod anomaliis variis hæmorrhagicis, maxime feminæ menstruis ataxiis exerceantur. Epitius omnis minime omnium ulcerum, quæ depascendo serpunt, periculosa est, verum curationem difficilem & longam habet, maxime ea, quæ minus rotunda. Miliaris squamulis farinaceis discedit; mediocriter & in summa cute ambulat, cuius tumiditas ac rubor ejus adventum significant proximum; in orbem fere procedit, plerumque medio sanescente, extrema latius

vagantur. *Platn.* Capitis miliarem cum defluxionibus catarrhosis si excipiunt morbilli vel varioli, periculosum est; sphacelus partis quandoque accedit. *Hoffm.* *Etiopæcas* & miliaris est, contagiosa & senibus familiaris. *Etiopæcas* celerior & altior est atque ad ossa usque vorat cum effluxu humoris albidi, exulcerantis. Prurigine asperior, rubicundior ac pejor est Lichen, longe atrocior adhuc psora, pessimum genus Lepra. Facile lichen neglectus in psoram & hæc in lepram vertitur. Lichen manus potissimum obsidet, psora tempora & frontem. *Lomm.* Lepra vel psora quos semel inquinavit, hi facile tabent. Furfures lividi ac foetentes lepræ nuncii esse creduntur. Lepra apud nos in initio curabilis est, nec sic contagiosa, ut illa Græciæ describitur. *Willis.* Psora nostra medicinis superatur. Elephantiasis incipiens medicabilis est, adulta minus, maxime faciei. Alphus chronicus quandoque solvit diarrhoea longa. Curationem non difficillimam habet. Cutim vix unquam penetrat.

Leuce vix vixque remediis tollitur. Ad ossa usque adficit. Cruor post acus punctionem emanans spem facit sanationis, contra, tenuis subalbaque fanies. Inanis maxume medicina, si locus ex toto colorem amisit suum, nec rubor eidem frictu induci potest.

Combustio profunda in corpore caco-chymico facile degenerat in ulcus foetidissimum & malignum. Gravis brevi aliquando necat.

De aliis cutaneis vitiis sparsim alibi imprimis morbos infantum ac puerorum tradentes, monuimus.

Scirrhos. Struma sive Scrofula.

IN morbis chronicis ex decem ægris fere novem scirrhis laborant internis. *Bærh.* Si contusio, inflammatio, suppuratio in interioribus prægressa, non bene curata sit vel vi naturæ soluta, & maneat gravitatis pondus in parte, ac ~~avædysia~~, scirrum metue internum; & ex hoc prævio, accidente dolore, febre hectica, commissis erroribus disponentibus, &c. cancrum. *Scirrhos* internus epatis, lienis, pancreatis, &c. quandoque diu vel per omnem vitam, si sine acrimonia sit, si non concitetur, & per reliqua viscera id, quod hic deficit, resarciatur, sine ullo vitæ incommodo fere, durat. Sed in raris hoc est. Quod & valet de externo. *A. Wedel.* *Bærh.* Scirri viscerum, maxime profundius sitorum, difficilius cognoscuntur, ac nonnisi ex dolore obscuro & gravativo fixo, respiratione difficiili, tussi sicca dijudicantur; suspicio tamen eorum adest in morbis diuturnis ac rebellibus. *Vater.* Necat scirrhos cachexia, hydrope, iætero contumacissimo, corruptione viscerum, abscessu, cancro, sphacelo. *Scirrhos* per se est innocuus, evadit motu incitato malignus; qui sæpe vitari impos, æternum metum incutit.

In cachecticis, venereis facile in cancrum degenerat. Si inflammetur scirrhos, cancri

metus est. Scirrhos externus recens, non nimis magnus, nec scabet, mobilis, sine vasis tumidis, in corpore ceterum integro, aliquando medicamentis vincitur; æque si pressu sensum exhibet aliquem; contra, consummatus, sensu penitus carens. Scirrhos sanguineus majus periculum inducit, & contra exsanguis. Exquisitus scirrhos & lapidosus nulla curatione tollitur; non exquisitus, pituitosus curari quidem potest, non tamen facile. *A. Wedel.* Scirrhi incredibilis aliquando fiunt magnitudinis. *RuySch.* *Bærh.* Si scirrhos majores arterias premit, adfert ætrophiam; si venas, tumores œdematosos & inflammationem; si nervos, stuporem torporumque cum ætrophia. Scirrhi linguae labororumque majorem injiciunt cancri præ ceteris metum, quia hæ partes & multo humore redundant & assiduis fere motibus agitantur. *Platn.*

Strumæ vitium sunt scirrho finitimum. Externæ infensæ maxime sunt collo, dein glandulis ad alas, mammae, inguina, &c. Mitiores sunt quæ recentes, æquales, mobiles, rotundæ, coloris cum cute ejusdem, circumscriptæ, non maxime duræ, doloris, inflammationis expertes; & contra facilem in magnum, erodens, serpens demigrant ulcus, prope carcinomatousum cum venis eminentibus, dolore pulsante. Manu sublatæ facile circa cicatrices resurgunt, nisi radicitus extirpentur. Pueris frequentiores sunt minusque noxiæ, adultioribus rariores & difficillime. *Lomm.* Hæreditarium vitium insanabile. Si tumores strumosi occupent loca juguli circa vasorum, facile homo per

apoplexiā mori potest, vel nascitur hydrocephalus internus.

Strumæ ulceratæ, antiquæ promptissime in genium abeunt cancrosum. Strumosi asthmate scirrhofo vel pituitoso communiter quoque laborant, & v. v. Si in exterioribus tumores strumosi per se orti sunt, tunc etiam in mesenterio, pancreate, intestinis vel utero quoque apparent tales, priora potissimum in infantibus, pueris. Ægri hi ut plurimum contabescunt. *Bærh.*

Scorbutus.

SCorbutus non ita frequens est morbus ac vulgo putatur. Varie Medicos fallaci morborum specie ludic. Sanguis plumbeus ac viridis ex vena secta scorbuti index. *Eugal.* Unus scorbuticus magis fœteret quam decem venerei. *Kramer.* Pecantium humorum in scorbuto major est habenda ratio quam partium læsarum.

Denuncia scorbutum adesse ex gingivarum fugillatione; facile livida plumbea; languore absque ratione; oris siccitate perseverante; pulsu debili & inæquali; urina alba, crassa, cum sedimento albo, crasso, furfuraceo, arenoso, fractæ polentæ non dissimili, citra febrim notabilem, &c. *Eugal.* Prædic propinquius alcalicum sive calidum ex calore p. n. rubore faciei, oris ac labrorum horumque siccitate; siti magna; urinæ fœtore alcalino, eadem saturata, fabulosa. Acidum seu frigidum mone

ex sapore, sudore, ructibus acidis; corporis inertia, sitis defectu, urina pallida, labris ac oris parte interna pallidis, albis & cæruleescens tibus; pallore ac frigore corporis, &c. Salsum nosce ex falso semper in ore sapore. *Bærh.* Scorbustici ad venerem multos habent stimulos. Aliis morbis in primordio, incremento, statu, declinatione varie sese immiscet. Senibus ac puerberis gravior est. Inveteratus, hæreditarius, febribus diuturnis aliisque morbis chronicis male curatis superveniens difficillime curatur. *Willis.* Scorbustus difficillimæ est curationis, maxime calidus, qui juvenibus & cholericis frequentior; curatur tamen in dies, maxime recens. Exactissima diæta medicinis præstat, sine qua sensim fit incurabilis. Facile recrudescit, imprimis ubi hæreditatia dispositio. Fixam habens sedem raro curatur, nisi quandoque palliativa. Contagiosus est & hæreditarius, totas familias inficiens. Juvenes scorbustici facile pulmonum erosionibus patent & vix senescunt. Hypochondriaci, hystericae, cachectici, gonorrhœici, difficilius laborant, sed non pro desperatis sunt habendi, imprimis absente viscerum vitio. Scorbuti ac arthritidis vicissitudo alternans nota est. *Drawiz.* Singulare scorbuto est accidens sensus quasi infixi gulæ paliatque ad lipothymias facilitas summa. Non raro scorbustus prius occidit hominem quam notis illis signis in gingivis & cruribus efflorescentibus se prodat. Pejor, qui citra contagium subnascitur ex humorum domestica, propria, inquilina pravitate. Urina laudabilis cum

morbi incremento & perseverantia, certum signum est medicamina esse mitiora, quam pro morbi causa conveniat. Urina cruenta in scorbuticis multis multo cum levamine meitur, limites modo haut transgredietur.

Eugal. Scorbutici ad συσκοτιαν, οφθαλμιαν, catarrhos, ulcera, cordis palpitationem, sphacelum, &c. proni sunt. Inveteratus viam sternit ad gravia mala, tubera subcutanea, hydropem, melancholiā, delirium, maniam, tympanitem, ατροφιαν, paralyсин, stuporem, dyspnœam, οζησιν, convulsiones, epilepsiam, dysenteriam, affectus soporosos, apoplexiā, sphacelum extremerum, utpote tandem mortis nuncium. Spes curationis reliqua est si malum recens; ætas juvenilis; si non hæreditarius; si à contagio, aëris insalubritate, navigatione, vita sedentaria; si non cum viscerum corruptela; si ejus fomes per hæmorrhoides, menses vel diarrhœam criticam, scabiem criticam, scorbuticam dictam, subtrahatur, &c. *Hoffm.*

Solvitur aliquando per alvum; per hæmorrhoides tempestivas & sufficienes (fluxiones sanguineæ tardæ & parcæ nil juvant;) per urinas, etiam cruentas interdum. Tubera scorbutica cum vel sine exulceratione pro depositione critica habenda sunt. *Eugal.* *Barbett.* Scorbutici & venerei morbi multiplex est convenientia; hujus inter hæc potior in Therapia habenda est ratio. Fatum grave est gonorrhœa scorbutica, quandoque plures per annos, quin ad vitæ fine misere adfligit. *Eugal.* Aliquando in ca-cochylicam, penis exulcerationem desciscit.

Feminis scorbuticis facile menses deficiuntur aut in fluorem album mutantur; nonnunquam copiosiores fluunt, aut paralysis excipit, saepe citra appetitus imminutionem, aut *atropia* inginitur, si oris siccitas in languore scorbutico diutius perseveret; modica humidi refectione tunc juvat, largior offendit. *Eugal.*

Paralysis scorbutica facile in contracturam nervi in parte, convulsionem abit. Doloribus arthriticis saepe succedit. Anteit eandem stupor crurum, tumor in partibus extremis subito exortus ac brevi disparens. *Barbette.* Crepitus ossium medelam vix admittit, *Willis.* magis adhuc, si & venereum sublateat inquinamentum. In atrocissimis artuum doloribus scorbuticis, si lethargus subito supervenit, tum in aliud statum fit mutatio. Pulsus in scorbuticis intermittens, adeo parvus ac debilis aliquando est, ut omni momento moriturum credas ægrum, quod vero absentibus aliis perniciosis signis, haut terreat. Pulsus in deliquio scorbutico major est quam extra illud. *Eugal.* Interdum scorbutici subito moriuntur. Tormina ventris continuæque contorsiones circa umbilicum, vel sphacelum intestinorum & subitam mortem in senibus, vel tympanitem post se trahunt. Qui mesenterium obstructum habent, faciles sunt in colicam scorbuticam. *Draw.* Colica scorbutica pluries emigrat in arthritidem vagam scorbuticam, ariduram, lumbaginem contumacissimam, abscessus internos.

Maculæ ceteris paribus bonum significant,

sunt bonum indicium malæ causæ, nempe materiæ mali & per cutis poros expulsæ, quo rubicundiores, quo majores, eo meliores; quo magis ad colorem nigrum vergunt, eo pejoris sunt maturæ; abeunt in ulcera fœtida, cacoëthea, grave malum & calamitatis plenum, quin sphacelationes: In cholericis communiter roseæ magis sunt, in melancholicis lividæ aut fuscæ; morientibus nonnullis evanescunt, aliis erumpunt tunc demum. Malo ingrauecente sæpe maculæ scorbuticæ in totas tibias ita diffunduntur, quasi unica esset macula nigra, tetra & aspectu horrenda cum tumore ad elephantiasin accedente. Stigmata cruenta & tumores duri lividi diu sine spontanea disruptione perstare solent.

Ulcera scorbutica tota plerumque livent, ichorosa sunt; venerea in ambitu rubra nosces, colorem ex albo cinereum in ima cavitate referentia. Ulcera linguæ scorbutica nulla ferunt mercurialia in & externa. Exulcerationes oris scorbuticæ primum gingivas, dein fauces & tonsillas, lento quidem gressu, inficiunt; venereæ primo fauces & dein demum gingivas.

Gingivis laborantibus minus afficiuntur tibiæ, & contra; sæpe tamen utraque. Qui stomachace laborant, jejuni sputatores sunt; pueris hæc frequentius obvenit. Accedit vera gangræna vel cancer quandoquo gingivarum; in liquamen putridum conversæ, instar muci deterse gingivæ abeunt. *Bærh.* Livor faucium in scrubito pro letali habetur signo. Gangræna

Scorbuticis pessima & communiter mortis nuncia ; per maculas fuscas quæ degenerant in escharam sicciam cum membra torpore , fæse prodere solet ; ab extremis plerumque incipit , nec multum habet fœtorem , plus ast periculi. Scorbuto motus febriles , ubi junguntur, irregulares sunt ; convulsione ac caro facile stipantur. Frequentes haut ita sunt scorbuticæ febres , uti vulgo opinio circumfertur. Typo , periodo irregulari , vago , maculis scorbuticis , crebra vicissitudine (quæ notabilior ubi paucæ maculæ) euphoricæ statusque pejoris , intimius noscuntur. Et antecedunt & consequuntur scorbutum aliquando febres ; quandoque antegrediuntur ardentes , malignæ , duplices tertianæ , ac quartanæ ; consequuntur febres quartanæ ; sic ut febres quartanæ terminentur in scorbutum & vicissim scorbuto superveniant aut complicentur febres. *Balthas. Brunner Tr. de Scorbuto.*

Respiratio difficilis & pectoris angustia circa diaphragma , periculosest malum ; quæ si negligantur , sæpe ægri syncope præter expectationem intereunt , aut si longinquus trahantur , hydropici fiunt , imprimis ii , qui purgantibus fortioribus subinde uti suevere : Aliquando peripneumonia succedit. Male aliquoties scorbuto junguntur vomitus & dejectiones cholerae instar. Diarrhoea , lienteria , symptomatica , pessima est ac difficillimæ curationis : Temporis tractu necant hydrope vel tabe. Sudores copiosi *ατροφιας* , nervorum contractionis pluries prodromi sunt.

Sputa livida, cruenta, biliosa in scorbuticis, imprimis à stomachace, citra insigne vitæ periculum sunt.

Serum adeo corrosivum ex naribus scorbuticorum quandoque effluit, ut hinc intincta eroferit *Deckero* teste. Hydrops scorbuticum vesicalis medelam recipit. *Eugal.* Scorbustici sunt trementes & convulsionibus ex facili corripiuntur. Scorbustici ex purgantibus, salivantibus, sudoriferis valentioribus pessime se habent. Ex purgantibus facilis est hydropis successus.

Singultus.

Fere in illa œsophagi parte singultus sedem habere videtur, ubi ingreditur diaphragma. *Bærh.* Si chronicus, observa curatius, an partium thoracis conformatio mala adsit *Barthol.*

Compresso utrinque ad latera medio dígito dextro, rei tristis narratione aut insolitæ timore, cedit singultus. *Holler.* Singultus contumax, chronicus, aliquando vomitu vel diarrhoea solvitur; tollitur aliquoties sternutamentis maxime si ex repletione. Non omnino immedicabilis est qui crustis aphthosis in ventriculo suppurantibus aliquando supervenit. *Bærh.* Non æque periculosus est, qui in hypochondriacis, hysterics vel ex primarum viarum eruditatibus, acrimonia. In acutis, præsertim malignis, exanthematicis, inflammationibus viscerum, funestus sæpiissime esse solet sine signis

coctionis, sequente delirio, convulsione per totum ac morte; si vero circa dies evenit criticas, reliquis signis, maxime ex urina bonis, nil mali portendit, sed criticum vomitum vel diarrhoeam prænunciat, & his excipientibus cessat sponte. *Holler. Hoffm.* Senibus hic magis accidit post copiosissimas evacuationes.

Periculosus est singultus si ab ileo; hernia; cum *αφωνίᾳ*; à vomitu cum oculorum rubore; si cum languore & stupore; si delirium aut convulsio intervenit; si vulneribus internarum partium, hernio- & lithotomiæ accedit; si à musculis & ossibus temporum læsis; (*Holler.*) si ex inanitione, qualiscunque ea fuerit; si ab excretionibus criticis cutaneis, evacuationibus paribus suppressis, morbis retrogradis; ubi, idque cum febre interdum, in senibus herniosis; (*Holler.*) si leniter concutiens; si in senibus ex colica vel *μηρασυῳ* decumbentibus; ubi à læso diaphragmate cerebro, ventriculo; ubi tenesmo detento supervenit; ubi propter visceris fit inflammationem; si puerperas tenet; si colicæ præter consuetudinem accedit.

Qui costis fractis, distortis, luxatis accedit, imminentem, inflammationem prædictit.

Sitis.

SItis passio est longe dirissima & cruciatus, qui omnes alios, & ipsos, unde proficiuntur, dolores vincit. Ex illo Medicorum illorum ratio semper barbara, qui miseros à potu toties tamque enixe flagitato abstinent. *Pechlin.* In ardentibus & inflammatoriis bonum est, si æger bene sitiat largeque commodum hauriat potum. Sitis inexhausta maximum significat morbum in acutis; sed exitialis, quæ comitatur vel sequitur signa pessima; æque perniciale, siti omnino carare, vel antea urgentem sine causa omnino tolli, maxime si lingua simul nigra & squalida. *Hipp. Alpin.* Sitis depravata admodum circa potus minime idoneos, mala. Sitis abolita in chronicis morbi pertinaciam ac diuturnitatem arguit. Sitis à nimio potu exorta, cachexiam & hydroponem minatur. Sitis immo-
dicæ, quotidiana ad 40. libr. aquæ usquæ, in scorbuticis quandoque obvenit, largissima hac dilutione tandem bene superabilis, si in solis adhuc succis noxa. Sitim immodicam sine omni febre, nilominus cum tertianæ typo, aquæ puræ copioso potu extinctam, notavi.

Quibus noctu bibendi est aviditas, iis admodum sitientibus obdormiscere bonum est. *Hipp.* In vomitu eum, qui siti prematur sitis exper-tem esse, malum est.

Situs.

A Gaugræna , sphacele , carcinomate bene distingues situm partium corporis humani viventis. Si idem à causis internis , rarissime , si ab externis , facilius admittit curationem.
Detharding.

Somnus. Soporosi affectus.
Torpor.

SOmrus nimius & profundus minus habet periculi , si in pueros incidat primamque ætatem ; sin corpora invadat exsoleta , vetusta & leucophlegmatica , jam & strigosa , plus adfert discriminis & lethargici quid subesse significat. *Pechlin.* Somnus crisin excipiens , eandem perfectam esse significat. Profundi somni neque turbulenti judicii firmitatem denunciant , & contra. Somnus moderatus quietus , delirio & convulsionibus superveniens , eadem solvit. Somnus profundus , non turbulentus , sed placidus , licet duraverit diu ebriorum instar , non est malus , sed sedat & arcet majora mala , delirium scilicet , dolores capitis & in pueris febrem. *Duret.* *Stahl.* In quo morbo somnus laborem facit , letale , contra , si juvat. Somnus & vigiliæ si modum excessarint , malum. *Hipp.* Somnum profundissimum octiduanum in melancholico notanimus ; posthæc diu adhuc superstite. Somni quales sopore oppressis

&

& totius corporis perfrictiones, perniciem ostendunt. Si in dormientibus de oculi albo, non exacte commissis palpebris, adpareat, modo non ex alvi sit profluvio vel consuetudine, existiosum. Pessimum est, si somnus neque noctu neque interdiu accedit, id enim ob dolorem laboremque evenit, vel delirium fore significat. *Hipp.*

Affectus soporosos in acutis prænunciat urinæ subjugalis, si æger & tum ad somnum inclinet. Cum epilepsia facile commutantur soporosi affectus. Epidemici observantur morbi soporosi. *Bærh.* Affectus soporosus e crapula, capitis ictu, contusione &c. mitior illo ab interna causa, & 7. d. superato eventum minus funestum arguit. Affectus soporosi post 3 d., ceu dimidium septenarii, motu critico plerumque mutantur, vel in melius vel in pejus. *Hoffm.* In pueris soporofis de vermis sciscitare.

Sopore, lassitudine ac surditate detentus alvus erumpens & ad iudicationem rubra demittens, juvat. Sopore alto, stupido correptis si venter in tumorem p. n. sublatus est cum cibi fastidio ac alvi interceptione, hos juvare potest vel alvus fluxa vel urina laudabilis. Si in acutis soporibus spumantes prodeunt dejectiones, febris ingravescit. Soporosi cum inquietatione, præcordiorum angore, parva vomitione ac frequenti, ad aures tubercula accipiunt, vel forsitan convulsiones quoque; urinæ si tenues, claræ, malum in his. *Hipp.* Pulmonum morbi desinunt in fine in soporosos affectus, vertigines, oculorum caligines. *Bal.* *Aphoria*, pectoris strepitus,

difficilis poculorum deglutio, pituita tenuis ē naribus stillatis, urinæ alvique retentio, prompta resupinatio, periculum comatis exitiosum denunciant. *Hipp.* Delirium superveniens comati, convulsionem significat. Comatosis succedentes convulsiones, malæ. Coma vigil phrenitidem & convulsiones funestas persæpe prænuncit, & in malignis non raro in emortualem transit soporem; Terminari quandoque solet surditate ac abscessu post aures. Coma somnolentum ab ischuria, ulceribus suppressis, maxime aurium, his revertentibus quoque abit. Carus si tepente hominem corripit, nil est, nisi levior apoplexia, ex quo prædictio formanda, in senibus, impuris corporibus, e nervibus, est periculosus valde, pluriesque in lethiferum migrat lethargum. Si dolores caro juncti, convulsionem significant. Carus eo gravior judicandus, quo gravior febris combinata, & quo magis cruda urina. Solvitur diarrhœa serosa. Perniciosissimus est si in declinatione febrium continuarum supervenit vel febri non judicatæ, item cephalalgiæ, epilepsia, cum vocis, motûs & sensûs privatione.

Rigori aut horrori die critico si coma superveniat, mors expectanda. Carus frequentissime transit in apoplexiæ letalem.

Difserit lethargus à comatibus, quod hæc præcipue febrem comitantur & non conjuncta his sit oblivio sed levius delirium. Obrepentis lethargi indicium dicunt, primaria inter, ad segmentum musculi palpebrarum orbicularis inferius tumorem. *Brendel.* Bona spes si sensus

& memoriæ primo lethargi insultu non penitus tollitur; si prius sano & robusto accidit; si æger respondet ad quæsita; anhelitus ei liberior est; excretiones naturales bene succedunt. Satius est lethargo supervenire phrenitidem quam phrenitidi lethargum. *Hipp Bagl.* Lethargus nunquam periculo vacat, & iste periculosissimus, quem artuum tremor, singultus, respiratio tarda cum rhonchis magnis, sudor gelidus faciei; urinis sponte effluentibus, maxime subjugali, comitantur. Intra 7. d. moriuntur lethargici, nisi febris supervenerit, aut pus ex faucibus, naribus vel auribus succedat; vel sternutatio frequens cum narium vel oculorum stillicidiis eveniat; aut abscessus post aures fiant. Solvit quoque aliquando pedum tumore, furunculis, abscessibus, erysipelate, vel junctim vel seorsim incidentibus. Quum multum liquidum per alvum dejicit lethargicus, pusilla vitæ spes est. *Holler.*

Si lethargici evadunt, pectore suppurantur, (*Hipp.*) sed hæc suppuratio non ita tuta. Lethargus in hystericis, hypochondriacis apoplexiā annunciat. Si in lethargicis ex pulsū parvo sensim magnus fit & sic increscit, citius intereunt ægri. *Rhod.*

Torpores & sensus privationes præter consuetudinem ortæ futuras apopelxias annunciant. In continuis malus, pluries letalis, maxime mentis, quem ignaviam dicunt, in phreniticis exitialis est torpor, damnabilis, qui cum surditate, à qua prodeunt stillæ sanguinis è naribus; In inflammationibus internis pernicialis. Ex

angina citra crisi hypochondriorum dolor cum torpore, insidiose occidit, etiam si valde modeste habere videantur. *Hipp.*

Torpor partialis in critice aliquando apparet, morboque concocto, semper malus. Torpor in contraria celeriter permutatus, perniciem nunciat. Ubi rigori torpor succedit, mentis alienatio indicatur. *Alpin.*

Sternutatio.

Angulo oculi majore compresso, impeditur sternutatio. *Jonston.* Ex sternutatione multa nervorum opticorum obstructionem & ex hac cæcitatem consecutam scribit *Hildanus.*

Sternutatio in apoplexiis provocata sternutatoriis bona, & contra, signum letale.

Evenit cum ~~euo-eta~~ bonoque est in hypochondriacis & hysterics frequens ac pluries repetita; in singultientibus; in lethargicis cum stillicidiis oculorum aut aurium; sub finem catarrhorum; in menstruis parcis; in odontalgia; secundis retentis; difficulter pariente; in reconvalescentibus &c. & contra, in senibus; vertiginosis; epilepticis; herniosis; comatosis &c. Sternutatio & catarrhus ferinus sive antecedat sive subsequatur pulmonis mala cum febre acuta, discrimin vitæ adfert; In aliis maxime letalibus morbis sternutamenta spem solutionis volunt, utilitateque haut carent; maximeque salutare, si hæmorrhagia critica interveniat. In febribus præcipue malignis,

etiam rebus omnibus desperatis, salutem promittit sternutatio, modo non sint affecti pulmones. *River.* Vidi aliquando sternutationem in hysterica, sanguinea, libidinosa, fertili frequentem, tandem semper in intumescentiam artuum dolorosam, vagam terminatam.

Sudores.

SUdorum indices sunt rigores. In acutis non infirme sudoris prædictio est, si nulla alia crisi significata, sub pulsu undoso ac molli, 4. die, ut indice, urina est cocta; corporis cortex calida, laxa, madida, vaporem emittit quemdam calidum, qui antea non fuit; levis incidit horripilatio, denudato copore, cum alvo occlusa, urina pauca; Sic fiet d. 7., decretorio, crisis per sudorem. Per sudores in febribus acutis ac inflammatoriis optima fit crisis. Optimi sunt in acutis sudores qui coctione prægressa, diebus decretoriis cum rigore contingunt, penitusque morbo vel plurimum liberant; qui toto corpore oriuntur calidi, copiosi, non nimii æque interrupti; qui ægri temperamento respondent. Particulares hic minime sunt utiles; si frigidi pessimi.

Mali sunt in acutis sudores assidui, sive modici illi sunt sive copiosi; non juvantes; in initiis mox stillantes &c. Perniciem minantur in acuta copiosus cum repentina virium prostratione.

sudatiuncula ac rigoris crebra vicissitudo ; fœtidus nimis.

Sudores in acutis , diebus intermediis sive non critici contingentes , laborem , morbi longitudinem aut recidivam significant. Quibus circa initia acutarum tenues suboriuntur sudores & urinæ coctæ emittuntur cum magna totius exæstuatione , si præter rationem perfrigescunt & rursus celeriter peruruntur , & torpore , sopore aut convulsione tenentur ; ii perniciose affecti sunt.

Sudor fœtidus nimis extra febrim , si non juvet , funestus est. Frigidi sudores cum febre acuta mortem : cum mitiore , diurnitatem declarant. *Hipp.* Febres sudatoriæ veterum inconstantis sunt typi.

Sudor Anglicus morbus est acutissimus , contagiosus , epidemicus , malignus , horarum 5. 10. 12. aliquando , interdum 24. 48. terminatus fatali eventu. Sudor manans vehementissimus est , teterimus , graveolens ,olidus. Finitur ut plurimum letali peripnevmonia *Forest Sennert.* Nuperis hisce annis huic par sæviit in Piccardiæ terris , la Suete à gente dictus Gallica , mitior tamen , uti litteræ testabantur publice , isto.

Sudor unius , hujus vel alterius lateris , chronicus , connatus quasi , plurimum hydropem post se trahit. *Petr. Imman. Hartmann. Comm. de febr. quibusd. sudator.* Nulla excretio plus debilitat quam sudor effusus. Sudor nimius sibi relictus , licet vires aliquo modo exhaustat , ante tamen non est periculi , quam si vere cohibeatur. Sudor multus per somnum citra

causam manifestam factus , copiosiore alimento corpus uti significat ; quodsi cibum non adsumenti hoc accidat , vacuatione indigere significat. *Hipp.* Sudores nocturni saepe mirifice torrent in purpuram proclives. *Hoffm.* Sudores consuetudinales , universales , particulares , haut sine noxa turbantur ; graves inducunt morbos , quandoque quin letum inferunt repressi. *Bern.* *Nebel.* *Diff. pec.* Sudores particulares singulares plane plus saepe observantur in gravidis. Ex sudore manuum valetudinis conditionem dignoscunt causarii , stomachique offensi minas ex siccitate , reconciliari gratiam ex rivo isto aucupantur. Perinæi sudor protractus , largior , saepe vim genitalem simul labescere facit , vel id indicit. *Pechlin.* Sudor pedum cum fluore albo interdum alternat. *A. N. C.* Vidi ego fœtidissimum pedum cum diarrhœa fœtidissima alternantem ; alia vice notavi tam totius corticis , fluorem album solventem. Sudor sanguineus post graves convulsivus & spasmodicus affectus erumpens , feliciter subinde tollitur , contra , in febribus cum humorum dissolutione maligna rariſſime.

Tenesmus. Prolapsus recti.

DE tenesmo dysenterico habes in locis de dysenteria.

Idiopathicus majus habet periculum , præcipue si cum singulu colludit ; Qui symptomatice dysenteriæ , diarrhœæ , vomitibus jungitur , non æque. Per plures menses continuo

durans, & cum modica, saepius tamen repetita excretione mucida, per alvum junctus, plerumque signum est laesorum viscerum. Vetus in colicam & volvulum interdum transit. Tenesmus gravis in hysterics cum laboribus quasi partus laboriosissimis pluries ex spasmo obvenit, isque, recens maxime, bene medicabilis est. Mulieri uterum gerenti ubi tenesmus supervenit ex morbo gravi, eandem plerumque abortire facit. *Hipp.* Qui alvo continentibus ex pondere uteri, absit ipsius enixo fetu. Singultus tenesmo laboranti superveniens, periculosus est. Qui cum concurrente causa paralytica spincteris vesicæ habet difficultatis. Qui ab ulcere cancroso uteri, recti, bonæ spei parum relinquit. Ubi à tumore vasorum seminalium, quandoque cedit, ast cognitu perdifficilis est. *A. Wedel.* Qui ab ulcere vesicæ urinalis par habet judicium uti ulcus ipsum. Ad urinam suppressam si tenesmus accedit, intra 7. d. occidit, ni febris intervenerit urinæ iter expediens. *Hipp.* Sæpe ex neglecto tenesmo ulcus relinqui solet sordidum ac purulentum, idque in fistulam verti, quæ remediis ægerrime tollitur. In longis morbis letalibus dolor ani tenesmodes vel dysentericus mortiferus. *Hipp.*

Tenesmum saepè excipit ani prolapsus, hunc justo diuturniorem, cum refrigeratione imprimis, inflammatio, & hanc perperam curatam sphacelus. In recto prolapo sphacelæo aliquando tunica interior sphacelata sponte decedit, & reliqua intestini substantia iterum in naturalem figuram revertit, excipiente perfecta sanitate. *Hist. morb. Vratisti.*

Tremor.

TRemor in corpore sano est prodromus paralyseos, in paralytico sanitatis. *W. Wedel.* Scorbutici tremoribus patent. In febribus acutis tremor artuum, linguæ, letalis est, maxime in morbi progesu. *Alpin.* Ex tremoribus convulsiones, letalissime. *Hipp.* In senibus tremor est incurabilis. Qui supervenit mulieribus post partum ex retentis quibuscumque in utero, est periculosus affectus, subinde enim epilepsias letales infert. Si tremor à nervorum obstructione, pejor est, quam si à plethora vel humorum defecta. *Bærh.* Capitis tremor sive titubatio vacillans sæpe remanet à caro soluto. *Bærh.* Sæpe tandem tremor transit in cachexiam ac hydropem, maxime in bibonibus. Demigrat facile in apoplexiā, paralysin, lethargum, spasmum. Tremor manuum varis ac gutta rosacea pluries solvit in bibonibus. Novimus cephalæam diurnam tremore brachii ac manus protracto solutam. Tremore solvuntur *αφεντιαι* ex rigore factæ. Quibus capitis ac cervicis dolor ac totius corporis impotentia cum tremore adest, ab iis sanguinis eruptio liberat. *Bærh.* Tremor à verminibus, suis cedit antidotis. Tremor epidemicus contumax febre ac languore subdalo stipatus traditur ab *A. N. C.* qui solvebatur per tussim violentam cum sputis foetidis; coryza larga & diurna; sudore; diarrhoea.

Tumor varius.

OMnis tumor p. n. vel sponte evanescit vel per insensibilem transpirationem dispellitur vel suppuratur, vel in putredinem vergit membrumque corruptum, vel in scirrum induratur, hinc pluries cancrescit, vel permanet etiam dum vivitur. *Schetham.* Si tumores subcutanei mobiles, plurimum cystici sunt, & contra, fixi ubi isti ac adhaerentes.

Tumores cystici non adeo magni nec nimis duri si periculo à nonnullis ad extremum halitum circumgestantur; si nimis grandes & dolore incipiunt, metus est tabis vel cancri. *Heister.* Tumores serius aperti graves inferre queunt noxas, mortem. Memiit *Hildanus* abscessus circa humerum sero aperti, quæsita deorsum via, genitalibus gangrænam succendentis. Novimus tumorem mammæ carnosum in puella ceterum sana, vere 25. libr. Noricas habentem &c.

De aliis tumorum generibus sigillatim.

Tussis.

TUSSIS formaliter omni hecticæ non competit Tusses pectorales potius sunt humidæ, hepaticæ magis siccæ. Tussis nunquam fere omnino tuta est, instar enim occultæ foveæ se habet, in quam plures securi non raro impingunt. Tusses pectorales à purgantibus exacerbantur. Tussis capiti & oculis infesta est. Vernalis mitior est autumnali & curatu facilior. Sicca juvenum diurna suspecta est ob hæmoptysin & ~~q̄d̄. 15. 11.~~.

Periodica emanens sine alia evacuatione critica migrat in appetitus vitia, catarrhos suffocativos, paralyticos affectus. *Juncker.* Senes etsi cum tussi aliquando inducias, nunquam tamen firmam pacem, inire queunt. Ferina facillime herniam, abortum, scrofulas &c. causari potis est. Sympathica præsagium habet in morbo principe. Tussis epidemica convulsiva infantum infra trimestre constitutos torquens, ut plurimum funesta est; solvitur aliquando brevi abscessibus corporis. *Meibom.* Si tussis cum febri pertinaciter afficit, maxime noctu, & nullis cedat remediis, in tabem migrat, etiamsi sanguis non spuatur. Quibus in febribus accidit tussis illa non liberantur perfecte, si tussis adhuc perseveret. Tussis humida si subito in sicciam desinat cum pectoris gravitate, vel hepticam vel pulmonum exulcerationem minatur. Qui gibbosí fiunt ex asthmate vel tussi, ante pubertatem moriuntur. *Hipp.*

Quæ ex viscerum scirrhis tussis est , plerūmque manet immedicabilis. Asthma & tussis à pulmonum calculis (*Pechl.*) vermibus (*Beniven.*) eorundem rejectione tollitur. A dolore fortis, tumore , inflammatione , ad testes irruente , tussis sicca , solvitur ; Magna enim & intima est consensio à pectore ad pudenda. *Bagl. Rega.* Tussis asthmatis superveniens sæpe solvit idem.

Tussis in nonnullis arthriticis accessionis prænuncium symptoma est , d. 4. vel 5. antecedens ægrumque exagitans ; eadem materia arthritica pulmonibus insidens saluberrime pluries eliminatur. Cui falsuginosa sputa unaque tussis quiescunt , iis totum corpus veluti exanthematis obsitum rubet ac tandem asperitate fit rigidum , jamjam futura morte. *Hipp.*

Tympanites. Flatulentia.

Quibus tensiones ac supra & circa umbilicum dolores laboresque fortes sunt , ut & in lumbis , qui nec remediis nec tempori cedunt , neque ullo alio modo solvuntur , in hydropem siccum desinunt. *Hipp.* Tympanites simplex ac incipiens , pæsertim à causa externa , potu nimio aut frigido , glaciato exortus , aut febribus intermittentibus succedens præcipue in robustis ac vegeta ætate , facilius tollitur. Radicatus vix unquam curatur. *Puerar. ad Barn.* Tympaniæ magis peculiaris est arida tussis , asciti sitis. Morbis infimi ventris spasmodicis

diu divexati demum tympanitidis metum habent. *Willis.*

Tympanites feminis est familiarior quam viris, maxime post crebriorem abortum. Frequens ejus est successio in ascitem. Tympanites tandem migrat in acutam erraticam cum stranguria, sphacelo pedum oedematosorum, dyspnœa, hæmorrhagia, tussi, acerba quandoque, quin convulsiva; Quæ mors proxime excipit. Gravior est tympania, si hydropi supervenit. *Schrader.*

Non juvant hæmorrhoidales varices, non ali-
vus fluxa nec flatuum explosio *Brendel.* Vigilæ,
sitis, febricula, inappetentia, alvi siccitas, ma-
la. Pessima, hec̄tica, alvi & urinæ suppressio.
Tympaniti si accedat umbilici inflammatio vel
alius ventris musculi, tunc mors est in propin-
quo. *Dolæus.* Ex usu purgantium, diureticorum
crescit magis pedum ventrisque tumor, veni-
que hydrops humidus.

Flatus sive vaporosus aër & in sanguinem se
proripiunt, unde hypochondriacorum mira
aliquando pathemata; Sic & tympanitem cor-
dis & vasorum insignem ~~avtoritati~~ notarunt
Pechlin. & *Hoffmann.* Ructus testantur de
contentis primarum viarum, dein & viscerum
statu.

Si venter intumescit ac persistit in morbis,
præsertim acutis, pessimum, si cum aliis pravis
signis, mortale. *Hipp.* Flatulentia spasmodica
ex calculo urinali, felleo, hæmorrhoidibus,
menstruo negotio, difficilis est curationis.
Quo manifestius in flatulentia commotiones

sanguinis concurrut, eo magis pressiones in sinistro latere & ventriculo adsunt. Quo magis assuescit flatulentia, tanto torminosior fit, impribus sub alvo sicca. Matrix flatulentiarum ac fomes sæpe sunt vermes, cruditas, spasmus, naturalis angustia locorum &c.

Fallaciæ flatuum magnæ sunt mentiunturque varias tragœdias, morbos gravissimos repræsentant, asthma, aurium, oculorum vitia, lipothyam, nephritidem, pleuritidem, cordis palpitationem, anguorem, lienis infarctum vel tumorem, graviditatem pluries referunt &c. Nil dicam de ventriloquis aut *γαστριμυδοῖς*.

Illi qui dysenteria laborarunt gravi, maxime alieni sunt à flatibus. Voluntaria flatuum cohíbitio præcipue in sanguineis, facile spasmos, tormina, colicam flatulentam, imo convulsiones progignere valet. Suppressio habitualium flatuum tumores, indurations abdominis tympanitem, hecticam inducit. *Stahl.* Ex flatuentiis incarcерatis ac urgentibus pluries numero accidunt intus susceptiones intestinorum. Perforatio abdominis in simplice tympanite nil facit; ubi vero flatus in sola ventris cavitate, vel ubi simul ascites, proficua. *Dan. Nebel.*

Varioli.

ADmiratione dignum, abditum & texturæ sanguinis infixum variolam fermentum nullis vel vehementissimis intestinisque fluidi conquassationibus ante destinatum tempus evocari posse, & solum esse aëris contagium certamque ~~κατασάσιν~~, quæ sopitum latitansque à multo retro tempore virus sanguinis textura evolvat, neque facile reperiri quemquam, qui ab hoc tributi genere sit immunis. *Pechl.* Febris variolosa obvenit alquando, variolis non emergentibus ipsis. *Bærh.* Sunt qui variolis bis, ter fuere correpti, ipsissimi nempe veis. Regulares circa æquinoctium vernum maxime ingrediuntur. *Sydenh.* Prognosis est dubia sanationis, quia nondum methodus certa est detecta. Horrores qui incidunt quum emergere incipiunt, hæmorrhagiam narium nunciant. Si variolæ cum magno incidunt frigore, indicant morbum fore pessimum in sua specie. *Bærh.* Nonnullis familiis varioli singulariter fatales observantur; suberitne siphyliticum seminium? Sub menstruo fluxu concepti infantes pessime laborant variolis, æque à parentibus siphyliticis pronati, matre pariter fluore albo maligno, non quidem venereo, orti. Periculosius detinentur obesi, adulti, senes, gravidæ. In variolorum primordio si adsit febris intensissima, non fiet suppuratio, sed ichorescentia, nascentur confluentes malignæ, totumque corpus fiet nigrum; in his liquor clarus, subrubellus, instar loturæ carnis.

Sydenh. Bærh. Cum vitæ discriminè laborant, qui diu contractam in visceribus alunt venereum labem, magisque si incondite mercurialia sumperint; hique largo admodum insuper torquentur ptyalismo. Diarrhoea gravissima, quartana, scabies, achores, favus, lactumina, abscessus aliaque ulcera non vindicant, defendunt aut liberant à variolis tum temporis epidemicis. *Pechlin.* Quidam nondum variolos vel morbillos experti, jam immunes manentes, facile achoribus, tinea &c. vexantur. Dolor ingens v. g. lumborum, lateris &c. differt variolarum eruptionem, tuncque prædicas confluentes & periculo non vacantes. Si in superficie sanguinis vena emissi crusta magna, alba crassaque variolos fore copiosos valdeque periculosos edicito. Quod diutius natura expulsionem molitur, modo non torpeat, eo certior atque universalior hæc erit. Nil æque attente observari atque vox & respiratio debet. His enim integris magna spes est, violatis dubio. *Lomm. Bagliv.* Optimum quoque præsagium sume ex intumescientia faciei ab 8. ad. 11. d., & ab hoc manuum usque ad pustularum in iis maturationem. Convulsio, epilepsia ante eruptionem, plerumque, sed non semper (*Comm. lit. Nor.*) nil mali habet, hæque rarissime confluunt; pessima in statu vel declinatione eveniens; ista accidentia prædicito in infantibus sanguineis, vivacibus, & qui vino assueuti quotidie, facile adventura. Alvus adstricta pustularum eruptionem, seram licet, cer-

certam tamen fore spondet. Hæmorrhagiæ in initio, modicæ, bonæ sunt, & adultiorum præoccupant deliria.

Diarrhœa in primordio non mala.

Phrenitis inter principia sæpe observatur omni vacans periculo. Nullum sputatorem in variolis vidi mortuum, ait *Waldsch.* Cruenta hic phlegmata non semper sunt letalia. In variolis vespertina notatur exacerbatio. Morbi magnitudo, malignitas & periculum ex numero faciem obſidentium jūdicatur. Salutis spes in paucitate exanthematum, discriumen in multitudine, maxime faciei. *Sydenh.*

Dies octavus est magis fatalis in discretis, undecimus in confluentibus. *Waldsch.* Oculi quos variolæ infestant, optime custodiuntur palpebris inter se glutinatis.

Quandoque morbi malignitas maxime in oculos & artus sævit. Vidi oculum, qui totus gangrænosus excidit. Artuum ulcera rebellia, sinuosa, quin caries ossium, hinc nata nota sunt.

Discretæ plurimum d. 4., rarius ante illum, apparent. Quo spatium inter pustulas magis rubet, tumet, calet, tenditur circa tempus abscessus, eo melior spes; contra angina sequitur letalis, nisi salivatio liquida vel tumor manuum pedumque ingens accesserit. Si in spatiis istis purpura, petechiæ, letalis gangræna designatur. In discretarum maturatione felici faciei pustulæ asperiores quotidie ac magis flavæ conspiciuntur, contra manuum & reliqui corporis minus asperæ, albæque magis. Distinctæ

T

faciei ac reliqui corporis desquamatione ; diruptione illæ manuum abeunt. Quanto mitior est morbi species , tanto citius pustulæ ad maturitatem atque morbus ad finem perducitur. Post distinctas æger alvum habet constipatam vel tardam. Confluxura prænunciant coma ; intensior febris ; vertigo ; vomitus enormis ; artuum , dorsi dolor rheumaticus &c. ut plurimum hæ d. 3. adparent. Ex qua maturiore eruptione aliquatenus quoque easdem præsagire licet. Nunquam confluæ vacant periculo. *Sydenh.* Horror aut rigor modicus in suppuratione vigente confluentium quid monstri alit , metum enim addit pneumonicæ febris vel phreneticæ , maxime si jam ante delirii gliscentis indicia sint , & primam febrem secunda protinus excipiat sine remissione facta. Algor in confluentium resiccatione & ruptione criseos simulacrum habet , ac sudori analogum quid nunciat , magis cum urina cocta & bono somno. *de Berger.* Confluentes sæpius sequuntur ~~epis~~^{epis} , lenta , hectica. In confluentibus diarrhoea tam est necessaria quam sunt vel pustulæ vel faciei & manuum intumescentia. *Sydenh.*

Loco secundariæ febris miliares albæ innoxie quandoque erumpunt. *de Haller.* in *Comm. lit. Nor.* Secundæ febris initium facit vespertinus algor vel quandoque modicus rigor. Quo diutius tumor faciei & manuum persistit , eo melius ; sin tumor ille una cum salivatione evanescat , prodromus est mortis.

Mictus cruentus, hæmoptoë & maculæ purpureæ eruptionem prævenientes mortem accersunt præmaturam. Pariter quævis fluxio sanguinis sub incremento statu ac declinatione variolorum suspecta esto. Æque urinæ suppressio.

Crurum tumor post confluentes saepè relictus, fetus ac intolerabilis fere, rheumatici æmulus, si recens adhuc prudenti cedit medicationi, ast perverse exceptus vel neglectus haut raro suppurratur & in sinuola abit ulcera. *Sydenh.* Dolor lateris post variolos, morbillos, solvitur aliquando in dispositis sedis hæmorrhoidibus cruentis. Phrenitidi variolæ plerumque peripneumonia comes est. Phrenitide si æger d. 9. 11. corrigitur, corpus jactat, urinam parce reddit ac frequenter, paucissimarum horarum spatio ad plures migrat maxime in confluentibus. *Sydenh.*

Si finito variolorum decursu algor rigore incurret, abscessus fiunt vel intrinsecus varii, vel ad viscera, maxime in pulmonibus potissimum in à natalibus opportunis, comite febre lenta. Succedunt isti quoque pleuritides, intermittentes tertianæ præprimis. *de Berger.*

Absoluta exsiccatione in vado prorsus constitutis macula erysipelacea, livido nigricans aliquando subnascitur ex improviso, plerumque in pede, & moriuntur. *Hoffmann.* Vidi ex agglutinato supercilio distractione violenta multum lacerato in puerο convulsionem, ~~αισθαντιαν~~, mortem. Pustulæ coloris peregrini in medio foveola nigricante conspicuæ, non

semper letale præbent indicium, aliis nempe symptomatis benignis concurrentibus. *Avicenn. River. Hoffm. de Haller. in Comm. lit. Nor.*

Color variolis legitimis maturientibus proprius est flavus & favorum similis. *Sydenh.* Ubi maturientibus novæ adhuc succretunt aliæ, facile retrocedunt, & ægri convulsi plus sæpe intereunt.

Adulti satis promte sudoribus diffluent exitu fatali, d. 8. ut plurimum, & post mortem adhuc rubentibus ac elevatis pustulis. *Sydenh.* Sudor in variolis impedit pustularum elevationem atque intumescentiam faciei. Ptyalismus mox à primo morbi primordio instans, malus. Si cum eruptione incipiat, bene se habet, d. 11. minuatur, post diem autem adhuc unum vel alterum omnino desinat; si citius penitus cesset; res ægri in lubrico sunt. *Sydenh.* Abortus & mensium fluxus copiosus incidens, periculosus est, non vero letalis, maxime si d. XI. & post illum contingat. *Detharding.* Frequenter post variolos tussis remanet vel etiam alvi fluxus, unde facillime in ~~Q³1014~~ incidunt. In numerum & locum suppurandorum variolorum aliquando exsurgunt numero plures furunculi.

Vomitus in principio accedens cessat facta eruptione. In infantibus diarrhoea confluentum, licet non ita certo, comes est, in adultis ptyalismus. *Sydenham.* Alvi fluxus non semper pertimescendus, si genius morbi epidemicus sic ferat, æstas diu sicca & arida sit, si variol multum inflammatorii malique moris. *Hoffm.*

Qui cum confluentibus diarrhoeam non habebant, fere peribant. *Bagl.* Visæ sunt diarrhoeæ, quibus retrogressarum variolarum materia purulenta fuit evacuata cum utilitate. *Meibom.* Diarrhoea circa declinationem saepius supervenire solet non letalis. *Waldschm.* Quasi purulenta tempore maturationis non mali est ominis. Diarrhoea, durante decursu, serofibrosa haut exitiosa semper, nec junctæ petechiæ, purpura rubra & æsari. *Comm. lit. Nor.* Quandoque vermes presupponit eadem. *ibid.* Regimine justo calidore provocatæ viam sibi nonnunquam per dysenteriam faciant. *Sydenh.* In memoriam recurrit cæcitas biennis ex achoribus inducta pueri, variolis superata; alio tempore testiculi sinistri tumorve grandis, durus, frigidus in pueri ex conquassatione, discussus iisdem; Sic quandoque auxilio sunt varioli.

Variolis, saepius numero succedunt tussis, *θειτις*, asthma, *ατροφια*, abscessus, visus auditusque vitia varia, ulcera multiplicia, tabifica, caries, gangræna, sphacelus, paralytodes, clauditas, febres variæ, tabidæ maxime, œdemata, hydrocele, glandularum tumores, raucedo, catarrhus suffocativus, *ἀφωνία*, &c.

Suspectos nosces variolos per dolores pertinaces in artubus, spina, lumbis; si exanthemata stationem non servant; si facies 3. vel 4. d. non intumescit, vel mox detumescit iterum nec manibus intumescentibus; si ptyalismus ex saliva viscidiore cessat circa d. XI. cum tumore faciei imminuto nec manibus intumescentibus

vel diarrhoea urinæve copioso instantे profluvio; si ante eruptionem grave delirium & anginodes; si in suppuratione convulsio, sopor & post hunc alienatio mentis & incongrutus sermo; si novæ semper succrescunt; nimia ubi est salivatio; si vel nimis cito vel nimis tarde prodeunt; si manent depresso ac suppurationem renuunt; si coloris non genuini variolosi; si pulsus non defervet; ubi animo linquunt; si diarrhoea cruenta, mictus cruentus, sputum cruentum, hæmorrhagia superveniunt, maxime post absolutam eruptionem & in statu; si petechiæ vel purpura accedunt; si respiratio difficilis cum voce rauca; ubi sudores instant frigidi vel colliquativi; ubi mox apparent asperæ instar purpurae; si ardentissimus ex exulceratione circa d. 9. dolor manuum est; ubi cardialgia, tormina, nausea, dolor pectoris, respiratio peripneumonica, anxia inquietus, jactatio, dysuria, ischuria, tenesmus, pervigilium, &c. Ex quibus plurima funesta esse sueverunt, epidemiacæ ast specialis genii habita ratione semper & ubique.

Moriuntur plures ex sudore coacto, calidiore regimine, medicatione, quam à suscepto frigore; & rarius quidam moritur ex eo, quod variolæ primis diebus non eruperint, sed quod vel nimium eruperint vel præmature detinuerint. Obeunt diebus criticis, ut plurimum 9. 11. 14. pustularum ad ore exquisitissimo; convulsionibus; catarrho suffocativo fere tanquam ex angina præfocati; pustulis disparentibus; macula livida vel nigricante maligna

post exsiccationem quandoque; alii apoplexia, præprimis sanguinei & durante morbo mente emoti.

Varix.

VArrix minor & simplex nil habet mali, contra grandis multum atque inflammationi, ulceri socia. Ex magnitudine quandoque rumpuntur cum vitæ periculo ob sanguinis profusionem. *Fallop de tumor. & ulcerib. Fab. Hildan.* recenset varicem in tibia, crassitie brachium ad carpum adæquantem & spitham fere longum. Internæ pessimæ sunt.

Venereus morbus.

Conf. loci de fluore albo venereo.

CAtarrhus uteri venereus frequentior ac contumacior est illo penis. Malum aphtodismum effreni hominum libidini atque corruptelæ meretriciæ coævum est. *Harris.* An non pestis bubonacea est velox Siphylis & contra? *Schreiber cog. de Peste.* In virorum & mulierum morbis arduis ac pertinacibus periodumque sibi propriam non servantibus de lue foeda suspicandum. Lues venerea semel recepta in corpus, difficulter postea deletur, mitescit sed non extinguitur. Dolor fixus in medio pectoris diu perseverans ac moleste, sine tussi, signum est mali siphylitici latentis, multis ante annis ab ægris suscepti; arcana enim est

conspiratio pectoris cum verendis, *Bagl.* æque pudendorum cum faucibus, teste nostro morbo.

Morbos occultorum locorum aphrodisiacos mentiuntur hæmorrhoides (*Brendel.*) ac arthritides anomolæ; curiose ergo distingue, nec cujusdam, vel & magis tuam lædas famam, Celticæ Luis caracter ad XXX. & plures pluries annos sanguini inhæret absque ulla molestia fere & incommoda patientis valetudine, recrudescit tamen tandem derepente tanta symptomatum vehementia, ac si tunc primo supervenisset. *Bagl.* In regionibus frigidioribus, porro autumno ac hyeme, multo difficultius curatur quam in æstate ac calidiore in climate. Lues, prævia gonorrhœa subnata, mitior est, & omnia sine hac insurgens. Si vitium adhuc in succitantum, felicior est status ac curatio facilior. Exigua spes superest, cui ossa erosa, exesa, comminuta, gummatibus tentata, viscera læsa, corrupta, &c. Qui semel sanati fuere & iterum corripiuntur, saepius Medici eludunt operam. Si $\kappa\alpha\rho\eta\zeta\cdot\mu\alpha$ non cedat mercurio, subest crani caries. Leguntur epileptici facti, quod in curando morbo ex unguentis mercurialibus non nil in aurem ac cerebrum penetrasset. *Fernel.* Malum venereum, struma, & elephas aliquid habent cognatum. *Bagl.* Contagiosa est Paturfa generatione; lactatione; contrectatione (unde & saepius per obstetrices propagatur); saliva; sudore; liquido genitali; exhalatione; Et qua parte contrahitur, primo se manifestare solet, *Bærh.*

Levius tolerant morbum juvenes & sanguinei ; diutius atque gravius vekantur pituitosi, phlegmatici, hypochondriaci, melancholici, catarrhosí, scorbutici, senes, cholericí. Feminæ quamdiu lunæ solvunt, cum lue facilius colluctantur quam viri. *Hoffm.* Corpora rigida cum difficultate liberantur; succulenta, perspirabilia minore periculo & molestia curam mercurialem tolerant quam sicca, tenera, densiora. Qui ægre purgantur, ægre etiam ad ptyalismum perducuntur. Ubi in ægre salivandis importunius salivationem urges, nil loco ejusdem quam dejectiones dysentericas & stomachi ventrisque tormenta obtinebit, quandoque, nisi desinas, mortem. A febre hectica malum non est liberum hocce. Nunquam deferendi sunt venerei, sed à mitioribus ad fortiora progrediendum est. Gangræna accedens pessima. Multi ex mali reliquiis spretis contabescunt, pulmonibus fere intactis. Urina venereorum est crassa, subturbida cum sedimento tenaci, submucido, quasi grandinoso odoris, fœti, putridi, nauseosi.

'Αγκυλωσίς sæpe fit exostosibus venereis ad juncturas brachii, pedis. *Bærh.* Tophi gummata si recrudescunt, fons non est sublatus veneni; maximopere circa autumnum sœviunt hæ protuberantiae; nec raro ossium corruptio iisdem supercrescit; Obveniunt tamen quoque absque venerea causa. *Heister.* Morbus Neapolitanus tandem necat effectibus hecticis, phlegmatis, hydrope, carie, cancro, sphacelis.

celo , paralysi , intolerabili dolorum cruciatu ;
cadavere & vermibus mephite ingratissimo.

Haris. Sydenh.

Quo magis crustulæ , porrigines , ulcera , scabies diffunduntur per varia corporis spatia , eo minus æger tortura discruciatu nocturna. Venereas crustulas & porrigines internoscas à ceteris , quod favi instar flavescent. Verpi non glandis ulcere , solo gonorrhœa tentantur. *Sydenh.* Gonorrhœa cum lue ipsa concurrans salivatione neutiquam sanatur. Est peculiare gonorrhœæ genus , si vitiatus humor in rara & spongiosa glande exsudat Littrii glandulis. *Ac. Reg. Sc. Paris. Sydenh. Bærh. Astruc. de morb. vener.*

Gonorrhœa non omnis venerea est , & mercurialibus perperam tractatur ; non venerea sive benigna scorbuticis , arthriticis , nephriticis est familiaris , præcipue his passionibus non rite tractatis. *Comm. lit. Nor.*

Præpostere ac præpropere exceptam frequenter succedit arthritis. *Musgr.* Chorda gonorrhœæ venereæ antesignanus est , maxime sub initium & finem mictionis excrucians , maneque potissimum , ubi urina saturata. Virulenta periculosior si cum tumore penis , exulceratione ac carunculis in urethra. Ulcera urethræ ex gonorrhœa facile ingignunt cicatrices , quas vulgo carunculas nuncupant. Colis interioris ulcus venereum quandoque cutim emergit.

Benigna inveterata utplurimum difficilius quam maligna recens curationem admittit , imprimis quæ verulentam excipit. Pejus laborant

phlegmatici, catarrhoſi, & qui in pueritia diarrhoeis patuere. Benigna inoleſcens gignit impotentiam, cachexiam, tabem, quam dorsalem dixerunt; periculum minatur, si accedit asthma, hydrops, alvi profluviū putridum & faniōsum. Virulenta per se non facile in Iuueniem transit ipsam, niſi intempeſtive, incongrue cohibita. Quicunque recidivam patiuntur, admodum diſſiculter curantur. Quo facilius succedit fluxus, eo mitiora ſunt ſymptomata; poffimum, ſi parce nimis exſtillat, & urina foetida ſumma, flavescentia, viridis mingitur. Deplorata eft, quæ digito in anum immiſſo renitentiam habet ad ſenſum, aut ſi catheter argenteus intruſus lividus extrahitur. *Lentil. ex Welschio.* In melius verſæ ſigna ſunt, ſi dolorifica membra erecti conſtrictio & exquitiſſimi in urethra ſub miſtione ardoris ſenſus minuitur, vigor redit corpori, facies vividior redditur. *Hoffm.* Curatæ indicium eft, ſi liquoris limpidi ac tenuis albumen ovi referentis una altera-ve guttula compreſſione penis evocatur. *Idem.* Bulla crystallina ſive præputii œdema ad gangrænam tendit, ni proxuma feratur cura. *Platn.* Inflammatio colis ingens brevi & facile in gangrænam exin sphacelum, abit; *Bærh.* qui ſi non undiquaque, ſed glande magis tenus infidet, auxilium aliquoties habet in abſciſſione tempeſtiva, uti pariter balani cancer vetus; ſed cavendum hæmorrhagiæ. Verrucæ veretri venereæ digitiformes, unguibus munitæ, leguntur in *Satyr. Med. Siles.* Ulcera ani venerea poffima omnium & curatu diſſicillima. Testi-

culorum inflammatio propter doloris tyrannidem partisque naturam non sine periculo est; testiculus pericitatur scirrho, scroti cellulosa substantia gangræna; facile abit in abscessum aut sphacelum, hominemque modo vita modo virilitate privat, vel transit in scirrum atque cancrum, ut plurimum lethiferum, vel denique farcoelen aut hydrocelen, affectus graves; suppuratio misera est; si scirrhescunt, cancer facilis est, satiusque exscinditur, ubi hic incidit metus. *Barb.* Tumorem testium venereum chronicum novi febre resolutum plenarie, antehac Panaceis mercurialibus perperam à Medico exceptum. Bubones venerei, qui minus dolent tardius suppurantur; glandula etiam nunquam citius scirrhescit quam sub Lue foeda. *Bærh.* Bubones suppurati qui nimis cito clauduntur, facile scirrhescunt & dein sèpius cancrescunt. Bubones non raro intumescunt si gonorrhœa male curata fuit, & virulentus humor celerius suppressus. Si extra hunc casum bubo accedit gonorrhœæ, malum exasperatur, periculosiusque exin evadit. Ulcerascentes insignes corruptiones sinuosas, fistulosas, erosiones, sibi relieti formant. *Carl.*

Si diuturni jam facti introrsum discutientibus pelluntur, ni gonorrhœa libere prorumpat, luem ipsam inducere valent.

Ventriculi, æsophagi & intestinorum
ægritudines reliquæ.

CUm ventriculo & intestinis privatus capit
cutisque est consensus.

Sanguis in ventriculo putrescens, febres
gravissimas, pericula à sumto veneno majora,
creat. Zech. consult. Carl. In ventriculum &
partes vicinas, maxime si cibi ingeruntur fer-
mentescibiles potissimum, gravis est iracundia
tyrannus. In morbis complicatis delirium con-
junctum ventriculum pro parte primaria affec-
tum ostendit. Bagl. Qui male digerunt, male
transpirant. In ventriculi morbis chronicis,
licet cetera signa bona sint, nunquam tamen
certa est salus, nisi lingua bona sit. Qui
quotidie sordidos viscidosque dentes habent, li-
cet eos quotidie abstergant, plurimum sunt
stomacho debiles, male digerunt, ore foetent,
sunt somnolenti, mœsti, post prandium capite
dolent.

Ventriculi inflammatio magis familiaris est
feminino sexui quam nobili. Si sub febrili
statu præsente rerum nimium calidarum ore
sumtarum nulla in stomacho percipiatur calidi-
tas, bene cogita ejusdem adesse inflammatio-
nem. Bagl. Par indicium in continuis præbet seri
in fauibus confluviu. Non totus semper in-
flammatur, sed tantum pars, pessimum, ubi
pylorus. Levior aliquando evenit in variolis,
morbillis, diarrhoea, dysenteria, cholera icte-
ro nigro, &c. Mitior est, quæ à potu frigido

extuanti corpori ingesto, vel ex bile; gravior, quæ à venenis, emeticis, purgantibus drasticis; pessima, quæ in senibus, cacochymicis, sub acutarum itidem finem. Vel lentius vel celerius progreditur. Post venenum & in sensibiliorebus citissime fit ac decurrit. In phlegmaticis, senibus; si ex iracundia, refrigeratione, lentius serpit, necatque d. 7. 10. & tardius quoque. Succedentem sphacelum indicant: frigoris in præcordiis sensus; summa debilitas; pulsus languidus, intermittens; singultus; vomitus; regurgitatio potus; crebra seri ex ore cum impetu quodam effusio; facies Hippocratica; animi deliquium, emotio ejusdem; artuum convulsio. An abscessus in ventriculo, omento, intestinis, mesenterio, pancreate, dictu arduum, anceps. Post assumptum purgans vomicæ saepè rumpuntur, & forte certior dein fies, ubi sit sedes. Apostema ventriculi quandoque curatur excreta purulenta materie per vomitum, diarrhoeam, quandoque per umbilicum dato exitu. *Meibom.* Ventriculi vomicæ inter medias ejus tunicas aliquoties latent, & diu quidem, donec lento fato conficientes, demum cognoscantur. *Piso.* Si summa anxietas & vomitus cibum excipiat, idque medicamento acri salino vel spirituoso exasperetur, tabescat corpus, celer semper sic arteria, extrema rigeant & quandoque horreant, somnus parvus ac laboriosus fiat, de ventriculo cogita exulcerato; hi 3. vel 4. mense demum moriuntur. Hydrops ventriculi tempestive ruptus, aquis evacuatis feliciter,

aliquando curabilis est, illæsis ceterum visceribus. In ventriculi scirrho animi deliquia frequentia sunt. *Ruyſch.*

Inflammatio muscularum pharyngis peracutum est malum, laryngem enim in συμπαθειᾳ trahit, œsophagum totum, ventriculum; si per μετασασιν malignis, petechialibus, dysenteriæ in αὐμη jungatur, necat plerumque.

Oesophagi spasmus in acutis & chronicis sæpius obvenit ægrimoniis. Frequentius accidit in hypochondriacis & hysterics, incautis anginam plus sæpe imponens. In acutis gravis est momenti, in diuturnis mitioris plerumque. Idiopathicus in habitualem facile degenerat. Qui ab acrioribus metum incutit inflammationis. In hysterics frequens annunciat apoplexiam. In vulneribus malus. Si ex iracundia inter epulas, viam sternit febribus biliosis & cholerae. Si ex dyscrasia succorum, chronicum est malum, tandemque tabes succedit. *Hoffm.* Oesophagi paralytica ἀτονία & resolutio quæ in acutis & malignis circa d. 7. 9. incidit, extreme periculosa est, facileque sic & ventriculum & intestina adficit, unde & illa fluctuatio ac murmura à sumto potu. Quæ ex decubitu seri ætate in decrepita, accedente animi affectu ex facili letum infert. Gulæ paralysis est malum periculosum & raro curabile. Struma œsophagi ex inedia tandem interficit; extenditur ordinario ad sesquiennium; aliquando citius terminatur; sic pereuentes aliquot diebus ante αφανισι flunt. *Mauchart.* Abruptio œsophagi, ruptura ven-

triculi, letales sunt; illius momentosum describit exemplum speciali tractatu. *Bærhaavius*. Ex ulcere œsophagi in dies marcescit corpus; facilius solida quām liquida deglutiunt ægri, facilius circa principia pastus quām in fine. *Brunner*.

Oesophagi compressio à tumoribus coalescentia, necat inedia. Spina pīcis gutturi infixæ, triennio post excitato abscessu in externa collis parte extracta legitur apud *Hildanum*.

Intestinorum inflammationes senibus sunt frequentiores quām meringum. Sæpe imponunt doloris iliaci nomine. Solvit diarrhoea subcruenta, biliosa. Abit in diarrhoeam purulentam, gangrenam, scirrum, ulcus cancrosum, dysenteriam acerrimam. Abscessus intestinorum quandoque creantur per virulentam gonorrhœam & lumbricos effractores.

A muco stomachali, intestinali durato, pure, bile generantur, exoriuntur molæ, calculi, polypi, vaginæ, &c. ventriculi ac intestinorum; ex quo fabula de ovis ab hominibus exclusis. *Comm. lit. Norimb.* Molæ hæ vermis aliquando prægnantes sunt.

Intestinorum susceptiones non semper graves letalesque illico adferunt læsiones, sed par modo ut in herniis diu tolerari possunt abique præsentaneo damno, etsi non sine periculo in horas imminente; quod tamen potissimum de illa valet; ubi portio intestini superior inferiorem subintravit, & contra. Intestinorum mutuos ingressus subsistentes suspicator, ubi quis post colicam graviorem vel iliacum affectum eo redigatur, ut nisi alimenta humida perferre non

non possit, & corpus interea non satis nutriti, quin potius lente pedetentimque consumi videatur; ubi porro in loco uno abdominalis fixam sedem retinet dolor ac perseverat, sub aliis iliacæ passionis signis, & is mitigatus quidem identidem musicans & recrudescens perstat, nec hernia præsente, iliacæ passionis frequens & facilis est relapsus. Schoder de intest. mut. ingress. Diss. Altdorf.

Vermes ventriculi & intestinorum.

LUmbricos non modo latos sed & rotundos in pueris, dum adhuc in utero sunt, nasci, quia aliquando cum recens natorum excrementis visi sunt excreti, testatur magnus Hippocrates. Vermes non semper noxii sed interdum utilis ac necessarii sunt, in infantibus potissimum αδανοχοις. Cleric. hist. lumbr. Nullum tam peregrinum est symptoma tamque συνορικον quod vermes excitari non possint. Pechlin. Vermes varie mentiuntur hæmorrhoides & dysenteriam, ascarides motus hæmorrhoidales, saepius quovis mense, luna decrescente, revertentes. Juncker. Lumbrici communiter in ventriculo & tenuibus hospitantur. Suspicio eorum est, si puer frequenter manu ventrem contractet; urina sit lactescens, fœtida; in somno saepe expavescat & dentibus stridat; pane delectetur; anima ipsi male oleat; irregulari febriat tempore; os sic format quasi mammæ teneat papillam vel devorare quid videatur, jejuna urgeat siticulositas.

palleat ; nutritio sit vitiata ; alvus sit varia ; colis dolor , urinæ incontinentia , appetitus cibi magnus ; si circa vesperam imprimis ægrius habeat ; gingivarum erosiones diu perseverantes ; (*Hild.*) ubi præter rationem Sopor sive Subeth ; gradiendi impotentia , titubatio , temerarius quidam impetus & inordinatus motus , *αφωνία* incidat , &c. Ex morum subito & improviso mutatorum scena facilis est de vermibus conjectura. *Pechl.* Certissimum autem habe signum , ubi corpus delicti adest. *W. Wedel.* In febribus de lumbricis cogitandum est , quoties illæ quoad alia signa satis mites videntur , nilominus tamen extremitates adparent frigidæ ; diarrhœa non nimia sed intempestiva excitatur ; sanguis è naribus stillat ; *εφιδρώσις* corpus madet , & signa quasi pugnantia occurrunt. In morbis gravioribus , acutis in principio , *ακυή* vermes prodire , tam vivos quam mortuos , potissimum si soli exeunt , & *κατω* sine stercore , malum , atque sub aliis malis signis , morituros indicant ægros , maxime si frequens ac frigidus adsit anhelitus ; in declinatione morbi cum exrementis exeuntes & jam coctione apparente , bonum. Solvuntur omnis generis quandoque febres , pluribus expulsis vermibus. Si per vomitum in acutis rejiciantur , aliquid mali ut plurimum promittunt ; mortui si exeant sine datis anthelminticis , periculum portendunt. In exanthematicis febribus si se vermes immiscant , multum morbi turbatur decursus , quin in pueris animi deliquia , mors ipsa , accersuntur. *Hoffm.* Vermes rubri per suctionem san-

guine repleti febres facile lentes indicunt.
Junck. Lumbrici variegati coloris sunt pejoris notæ. Sæpe consequitur vermes ~~φθονοις~~. Perforant aliquando intestina, ventrem, (herniam producendo incompletam) umbilicum, vel per se vel cum abscessu juncto prius.
Schulze. Syncope à vermibus ventriculi pueris frequens est ac fatalis plerumque; prodeunt brevi ante mortem in his per os. Apoplexia pluries corripiuntur infantes verminosa, fatali pluries. Tæniæ nondum cognitæ adhuc quandoque vita privant. Curatu sunt difficillimæ. Minus in longis periculi quam in latis. Prægrandes hi interdum sunt (tænias sive πλακτον quoque dicunt;) Spithamas 120. habentem meminit *Hildanus.*

Solitarius lumbricus, dicunt solium seu rectius spolium (solitaire,) verus est, sed bene rarus. Ascarides gens pusilla quidem, sed expugnatu difficillima est. Renascuntur modo. Puncturæ & dolores cordis sub respiratione, conjuncta simul convulsione, de verme ad suspicionem movent. Variolosi vermes à variolosis excreti notantur. *A. N. C.*

Vertigo.

Vertigo sæpius est prodromus apoplexiæ insene, in juvene epilepsia. Vertiginosi affectus frequenter præcedunt vel sequuntur colicam spasmodicam. *Hist. morb. Vratisl.* Idiopathica gravior est sympathica metumque habet apoplexiæ, soporosorum affectuum, guttæ serenæ. Quæ à remanente purpura; à vermibus; primarum viarum cruditatibus, acrimoniiis, flatulentiis; quæ in hypochondriacis, hysterics, scorbuticis; jejunio stomacho obvenit, sympathica est, remediisque cedit, ast facile recurrat. Caduca est gravissima, & levioris apoplexiæ species *Hoffmann*. Quæ in gravidis, debetur alvo obstructæ vel plethora, bene ergo corrigibilis.

Vertiginosi non raro sponte vomunt cum ~~emesis~~ & optime per emeticum curantur. *Willis*. Cum vertigine sæpe arthritici nephriticique affectus sunt complicati & alternant. *Hoffm.* Qui semel correptus apoplexia, sit post hæc denuo vertiginosus, novos expectet insultus. *Waldschm.* Vertigo non raro in apoplexiā, (maxime ex arthritide, podagra regressa) vel paralysin, aut in morbum convulsivum, epilepsiam transit. *Willis*. Solvitur sæpe hæmorrhoidali fluxu; (si ex hoc suppresso apoplexiæ metus est) hæmorrhagia; capitis dolore (*Læl. à Fonte*;) auribus manantibus; vulnere capitis; (*A. N. C.*) vomi-
tu; diarrhoea, &c.

Vigiliæ nimiæ.

Vigiliæ in assuetis minus periculi habent. Sæpe eveniunt in hypochondriacis & hysterics, sanguine per spasmos ad caput cumulato. Quæ ex quisquiliis in primo latitibus canali, fomitem habent corrigibilem. Vigiliis in acutis si delirium vel convulsio superveniant, malum. Pervigilium febrile summum fere semper sequitur coma, hoc apoplexia. Vigiliæ in morbi augmento vel statu cum signis coctionis adparentes bonæ; facta crisi, tranquillitas sequitur. Pessimum est, si somnus neque interdiu accedit, vel delirium fore significatur. Somnus & vigiliæ si modum exceferint, malum. *Hipp.* Immoderatæ vigiliæ in juvenibus magis periculosæ, somni in senibus. Maniaci & melancholici longissimas vigilias continuantes sine insigni virium debilitate perferunt, ut ultra annum extensas legas. *Bærh.* Plurimis unæ sunt ac perpetuæ toto morbo vigiliæ, v. g. podagricis arthriticisque, nec nisi cum morbo mutandæ, adeo harum ingenio vehementiam aut lenitatem æstimare solemus. Et incredibilia sunt vigiliarum exempla. *Pechlin.*

Ulcus. Fistula. Furunculus.

Ulcus sanari nequit, nisi prius naturam vulneris acceperit. Abscessus in ulceris indolem verti noscas, si eorum superficies pallescit, livescit, pruriginoso ardore molestatur, saniem decolorem, tenuem exhibit. Malum ulcus est in quo varices, cui dura & decolora labra; cui tumores renitentes & duri; in quo à forti pulsu sanguinis profusio; quod morbis succedit; quod chronicum; in ambitu glabrum; quod cum pravo corporis habitu vel viscerum labe; quod cum multa vigilia, dyspnœa, siti, inappetentia, febri, pure malo, nigro, feculento, foetido; pessimum, quod cum animi defectione. Ulcera longius serpentia partesque vicinas exedentia (talia saepe fiunt ex mordacibus medicinis imprudenter vulneribus superdatis) plus alunt periculi quam simplicia. *Hoffm. Platner.*

Difficillime sanantur inveterata, putrida, rheumatica, fistulosa, callosa, cariosa, canctosha; porro, quæ in articulis, malleolis, tibiis, partibus tendinosis, membranosis, nervosis fistulosa vel cariosa; æque ulcera linguæ, aurium, narium, faucium, parotidum, glandularum maxillarium inveterata; quæ cum cachexia, scorbuto, malo venereo; quæ à variolis relictæ, facileque hæc ipsa cacoëthea fiunt, quin cum ossium carie insurgunt. Chronica, cum consuetudine inveterata, non absque periculo persanantur, dum fonticuli gerunt naturam, maxime in senibus, ulcera facile

creant interna, potissimum in pulmonibus, vel invehunt periculum apoplexiæ, asthmatis, catarrhi suffocativi, viscerum inflammationis, tabis, hydropis, &c. Ex ulceribus crurum antiquis consolidatis attendi hæmoptoën, alia vice hæmorrhoides symptomaticas, iterum uteri hæmorrhagiam, porro hemiplegiam & ~~αφωνίαν~~; cuncta percurata. Quicquid in corpore commotionem subit ad locum ulcerosum affatim & quasi peculiariter statim dirigitur, confluit, ruit; quin in posterum consolidato licet ulcere talis locus rheumatibus, congestionibus, quin ipsa redeunte ulceratione illico occupatur.

Ulcera à causa interna v. g. hydrope, scorbuto, cachexia, senio, difficillima. Feminae si menstruæ remanent, aliquando ex ulcere quod habet, maxime femoris vel pedis, tanquam è fonticulo emanat salutariter cruor, mutato itinere.

Intolerabilis odoris foeditas os vitiatum indigitat, imprimis indice & specillo. Ubi os subtus corruptum est, ulcera facile rursus disrumpuntur, cicatrice inflammatione lacesita, & talia ad fistulam inclinant. Ulcus cum putrefactione quandoque in sphacelum vertitur emortualem. Tumor ulceris subito occultatus febrem, pleuritidem, insaniam, convulsionem ingnere potest. Juvat cita huic alvus.

Ulceribus foedis si supervenit cardialgia, letale. Lividitas, nigredo, pallor, ariditas, siccitas in ulceribus, maxime antiquis, gangrenam, sphacelum, mortem adesse nunciant.

Ulcera glandularum sunt rebellia , & licet consolidata , ex levissima iterum causa facile dilacerantur. **Ulcera faciei** , uteri , ani facile degenerant in fistulas. **Urethræ** ex gonorrhœa ulcera libenter ingignunt cicatrices , carunculas nominant vulgo. Pus fertur ex ulcere quod proxime coit , sanies ex incipiente atque crudo , ichor ex maligno. Sanies utilis quæ non multa , modice crassa , subricunda aut subalbida , & contra pessimus ulceris humor est , qui nimium tenuis , rodens vel crassus , glutinosus , lividus , niger & qui male fœtet. **Platner. Schelhamm.** Nimia ulcerum suppuration vel sanies facile invehit tabem , æque nimis cito persanata ulcera , fistulæ.

Si in ulcere fistuloso caro sola erosa est , pus bonum copiose fertur ; si locus nervosus , pus laudabile tenuius & minus : si à vagina nervorum , pingue cum dolore manat : si vena affecta , crux subinde miscetur puri : si os læsum , tenuis inde liquor. Omnis fistula difficultime sanescit , præcipue vetus , quæque profunda & multum sinuosa. Pertinax & periculosa est adiutor ; ad interiora pertingens ; quæ ad musculorum tendines , nervos , arterias , venas , cartilaginiæ , membranas , ossa , articulos ; quæ in scorbuticis , senibus , cachecticis ; quæ ad pulmonem , vulvam , pectus , ad oculi canthum , vas a magna , intestina , vesicam , urethram , & quæ post lithotomiam in perineo ; quæ angusto foramine prædita. Spes irrita simplicis sanationis , si os cariosum vel callus remanet. Majorem spem relinquit nec

ita periculosa, quæ extrinsecus spectat; simplex, recens ac quæ intra carnem; quæ in juvene ac robusto corpore; quæ ampliori foramine prædicta. Si ex ulcere fistuloſo plus materiæ fertur, quam quod ei convenit, scire licet plures intus ſinus eſſe. *Platner.* Longæve ſunt ſi lapides ex iis excernuntur, vel vermes iſtis innidulantur; ſi hæmorrhoides per fistulam recti, ſi catame-nia per uteri excernuntur. *Hoffmann.*

Ulcus fistulosum in parte glandulosa ſemel invento exitu incoercibile fere manet. Fistulæ thoracis facile coſtarum cariem adferunt. Lum- borum ad renes penetrantes quandoque, ut vidi, ad multum tempus, mediocriter valente ægro, perdurant. Ventriculi & intestinales ad extra, quandoque ad longos circumferuntur annos. (*Vid. Wencker. Diff. Argent. de virgine ventricu- lum per 23. annos perforatum alente. Schenck. obs. med. rar. Vater.*) Umbilici & epatis & mesen- terii abſceſſus gignere fistulam illuſtri notavi caſu, tandem funeſto. In fistulis ani altioribus inciſis, periculum eſt ingentiſ profusionis ſanguiniſ. Quæ poſt male ſuppreſſam gonorrhœam in perinæo naſcitur, plerumque ad proſtratas, penis cavernosa corpora, urethram ipsam tendit, ſanatu diſſicillimum malum. Niſi digitus in anum depreſſus fistulæ os attingere valet, manum de opere; tēque ſi rectum valde tenue deprehen- datur. Quæ in venereo morbo, ægris non tollitur, niſi lue foeda ſublata priu. *Heiſter.* Furunculus ſuperficialis eſt, anthrax profundius intrufum hæret. Furunculorum & ſcabiei crebra eſt viciſſitudo, quin unum altero ſolvitur. Si

furunculus major tardius maturetur, oritur diffusior corruptio in albam & tenacem materiam. Si locus furunculi mundificationi sit minus aptus & diu persistat antequam vel suppuretur vel pus suum emittat, subsequitur aliquoties fistula v. g. ani hæmorrhoidalis. Ubi suppuratio non rite succedit, in sphacelum proclivis est vel ad fœtidam suppurationis depravationem. *Carl.*

Vomica.

Conf. loci de Pleuritide & Peripneumonia,
de Inflammatione interna, abscessu, &c.

Vomicæ per plures quandoque annos, etiam prægrandes, sine reliqui corporis noxa durant. In vomica reparatio est facilior, quam in alio ulcere segniore falso - seroso. Vomicæ omnes cognoscuntur per rigores & febres de novo supervenientes; pulmonum clanculum quandoque supervenit, ut ab initio vix ulla sui proferat indicia. *Bagl.* A tumoris (vomicæ) intus ruptione fit exsolutio virium vomitus, & animi defectio. *Hipp.*

Vomica epatis, pectoris, mesenterii per diarrhœam subortam, urinas, aliquando curatur. Si in jecinore vomica est, exque ea fertur pus purum & album, v. g. per alvum, salus ei fieri potest, & contra. Rarius renum vomica uno impetu erumpit. Vomica pulmonis interdum in renum vomicam mutatur. Interdum pus è pulmonibus in epiploon de-

ponitur. Febris pneumonica circa dies $\pi\gamma\sigma\tau\mu\kappa$ non soluta, vomicam pectoris notat futuram. Nasci solet eo loco pectoris vomica, qui ab initio affectus fuit acuto vehementique dolore. In suppuratione pulmonis non expurgata hypochondrii tensio superveniens opinionem facit abscessus curalis. *Hippocr.* Tabidos quoque maxime & hæmoptyicos exercet vomica. Si quis tussiendo alba quædam granula veluti exscreaverit, & granula illa digitis compressa summopere fœteant, vomicam pectoris latenter certo denunciant, præsertim si alia quoque aderint signa; hi rupta vomica ut plurimum derepente moriuntur. *Bagl.* Si ne rupta quidem vomica vel pure extrinsecus emissio, febris quievit, aut quamvis dimiserit, tamen repetit; si sitis, cibi fastidium, venter liquidus; si pus est lividum & pallidum, aut si nil æger exscreat quam pituitam spumantem, periculum certum est. Vomica diu in pectore sine ruptione persistens cum sudore frigido, frigore extre- morum ac lipothymiis conjuncta, letalis est. *Juncker.* Spiritus multo ante quam rumpitur vomica, male olet. Ruptio vomicæ ex pneumonica febre sit plerumque intra XX. dies, aliquando citius, aliquando tardius ad 60. usque diem, si non omnis exscreationibus tollitur, tabes accedit vel præfocatur; ubi rumpitur, horror fit ac vehementior febris, offenditur inspiratio, hominis robur quasi labi videtur. Servatur crisi homo, si materies per urinas, alvum, sputa exturbatur; metastasi, si scirrhi

vel tubercula pulmonum succedunt, quod sit, ubi multa pituita juncta. *Lomm.* Abscessus ad aures & pedes æque juvant. *Hippocr.* Vomica ubi cito disrupta & in cordis arcem lapsa, celere ac inopinatum adfert exitium.

Vomitus multiplex.

CRISIS per vomitum in acutis significatur, si toto capite gravi ac vertiginoso oculisque caligantibus, angustis præcordiis, adficitur doloris morsu stomachus & crebro nauseat, idque cum ore fere amarescente & multæ tenuisque salivæ sputo ac labri inferioris tremore; indicatur porro per rigorem extreborum remissum sive algorem, urinam crudam, limpidam, alvum sicciorum. *Lomm.* Vomitum si levetur vel sedetur anxietas febrilis, bonum; si augeatur, malignum. Anxietas vomitum criticum vel aliam crisin sæpe antecedit. *Alpin.* Hypochondriacis accedentes vomitus, tam cruenti quam non cruenti, sæpe salutares existunt: modo non sint nimii nec diutini. *Commodus* & utilis est vomitus, ubi pituitæ bilis permixta est flava exquisite, isque nec valde crassus est nec admodum copiosus. Evomitiones spontaneæ ac faciles, ex quibus juvamen atque levamen, semper salutares. Vomitus diarrhoeam fistit longam. Solvit diarrhoea & sudore vomitus. Æruginosus tollit quandoque mentis errorem. Impedit summopere transpirationem vomitus.

Malæ sunt vomitiones in colica, iliaca, nephritide, imprimisque nimiæ nec causam mali tollunt, in herniosis, hæmoptycis, phthifícis; quæ ab inflammatione partium vicinorum, venenis, excoriatione, ulcere; si situs expers is sit, qui eadem necessario prematur; parvæ & frequenter repetentes; biliosæ sinceræ in copiosa ventris subductione & intenso lumborum dolore, aut si per vigilio premuntur ægri & nasus sanguinem stillat, &c.

Perniciosi sunt vomitus putridi, fœtidi, æruginosi, lividi, sanguinolenti, purulentii, nisi in tempore ac confertim cum sublevatione ægri contingent in acutis atque longinquis morbis: qui vulneribus capitis superveniunt nimii & biliosi præprimis; omnis vehementior (quiexcitare quoque valet ramicess, abortum, rupturam visceris;) qui à vermis ventriculi, maxime si, ejecto uno vel altero mortuo, gravissima symptomata mox simul & semel silent; qui assumpta cuncta illico excipit in acutis; qui cum incontinentे corporis jactatione; si sincera vel etiam omnes colores vomant, maxime parva quantitate; si ex delirio; si supercedat singultus ac oculorum rubor. In febris, acutis maxime, fatum est extremæ ac desperatæ salutis vomitus cruentus, niger, lividus, æruginosus, porraceus, graveolens, cum vermis, cum singultu, lipothymia, convulsivis motibus, &c. Si in febre acuta, æger perpetuo vomat, ut nec à V. S. nec à clysmate nec opio cedat, semper causa erit intestini intorsio. *Ruyſch.* Quoties ex vomitu anxietudo occupat, vox stridula est,

oculi pulverulenti, insania portenditur, talesque facti ~~ad oras~~ intereunt. *Hipp.* Vomitus æruginosus, viridis phrenesin prænunciat in capitibus doloribus cum-surditate ac insomniis; vel præter hæc aliam inflammationem. *Largus*, bruneus in lentis accidit ex duodeno atonico, faburræ sede commoda. Qui macilentos sæpe post pastum adfligit, facile ad hecticam deducit.

Chronicus quotidianus cum lento æstu ac tabescentia ulcus ventriculi arguit; aliquando epatis. Quo graviores intermittentum sunt rigores, eo vehementius adfligunt vomitus juncti. Vomitus matutini ad terotinas compotantibus horas non infrequentes sunt. *Hoffm.* Vomitus à nimia cartilaginis xyphoideæ laxitate medelam habet. *Decker in Barb.* Vomitus nigrorum qui post chronica mala hypochondriaca spem adhuc relinquit; qui in acutis funestus; qui in partu diffcili cum fœtore intolerabili, periculosus. Vomitus cruentus raro per se est letalis. *Buchn.* Qui à violentia externa, pejor. In feminis menstrua tempora & in viris æquinoctia ut plurimum servat. Apud feminas sponte crebro cessat, non item apud viros, ergo in illis quoque non tantum periculum timendum. Abit facile in consuetudinem, & tunc in viris tabem, in feminis cachexiam communiter infert. *Carl.* In feminis facilis periodis, maxime ille mensium vicarius, adsuescit quam in viris, & vago minus periculosus est. Horrores erratici in vomitu (cruento cruentum lente colligi testantur. Quicunque evomunt sanguinem, si sine febre quidem, salutare, si vero cum febre,

malum, imprimis si cum dolore ad pectus, dorsum. Si sanguis graveolens, ater, socia febre, prodit; si lien vel epar induratum; si animi jungitur deliquium, delirium, vocis interceptio, mortiferum. *Hippocr.* Longe autem certius est periculum, si secessus niger junctus. *Hoffm.* Frequens est cruoris vomitio hypochondriacis, male menstruatis, ex hæmorrhoidibus anomalis, interceptis, post intermittentes maligne curatas. Ex hoc facile incidunt in febres lentas, hepticas, cachepticas, φθονον, hydroponem, &c. Vomitus cruentus ex liene natus faciliter recurreret & ad hydroponem ducit. Qui à jecore, sic nimius aliquando est, ut in ipso vomitu æger moriatur. *River.* Mulieri sanguinem evomenti menstruis erumpentibus, solutio fit. *Hippocr.* Idem valet de hæmorrhoidibus. In viris ex hæmorrhoidibus interceptis hypochondriacis redditis notavimus indemnes cruentos vomitus periodicos & vertiginem junctam gravem, stomachicam dixero, sic simul depulsam. Ex lochiis retentis vel dyenteria repellenda qui est anceps, habendus. Cohibitus disponit ad lienis inflammationem, vomitum nigrum, cachexiam, œdemata, hydroponem, hepticam, affectum hypochondriacum, hystericum, melancholiam, colicam, icterum, scirrhos internos, &c.

Sanguis in ventriculo in putrefactionem abiens febres acutissimas, pericula à sumpto veneno majora creat. *Zech. consult. Carl.*

Urinæ incontinentia.

Traditur suprà, page 255.

Uteri morbi ceteri.

Est magna societas mammarum, vocis & genitalium. Mira est uteri cum artibus familiaritas.

Ubi cum statu febrili acuto abdomen dolet, ipsumque uteri os, admodum dígo, durum occurrit, fervidum atque præclusum uteri cervicem inflammationem sustinere, bene judicabis. Hic casus aliquam curandi viam reperire potest; contra nulla est, ubi totum occupat uterum. *Lomn.* Uteri inflammatio multum habet periculi, tum autem maxime, cum mulieri primis à diffílici partu diebus accidit. Frequens est puerperis sensibilibus, teneris, biliosis, potissimum ex lochiis remanentibus vel secundis, his quoque vi evulsis. *Hoffm.* Si lochia remaneant ac mulier queratur incendium ab inferioribus locis ad cordis usque regionem vergens, uteri adest inflammatio. Si magna vero anxietas, virium prostratio, inquietudo & omnis appetitus dejectio jungitur, accedit insuper internus sensus frigoris cum horrore, pulsus frequens, parvus ac debilis, visus incipit obscurari, sphacelus adest brevique mors. In puerperio inflammatio uteri facile in sphacelum transit & frequentissima mortis puerarum causa est; extra idem

in

in suppurationem ac ulcus migrat, maxime, si
fluor albus sanguinolentus fuit antea cohibitus.
In his inflammatio in collo ac orificio interno
plurimum oritur. *Hoffm.* Si abscessus uteri
rumpitur inter spatia recti ac vesicæ, tumor
circa inguina aut in perinæo extuberat. In
abscessis uteri, mammæ plerumque simul sunt
affectæ, sinciputque extraordinarie dolet. Pus
ex utero suppurato quin per screatum aliquando
educitur. *Hoffm.* Uteri ulcus quandoque solvit
diarrhoea purulenta. Abscessus uterini fistulosi
libenter ob laxum fiunt contextum, quin can-
crosi; curationis sunt difficilis, tabeque necant
plurimum. Ex abscessu uteri facile fit ulcus, id-
que in sordidum, foetidum, rebelle pluries
migrare solet. Ubi id quod manat graveolentissi-
mum, tenue, nigrum, fulvum est, de cancro
cogita exulcerato, quo casu, ac si in cervice
uteri noxa, labra ulceris prætumida tanguntur.

Ex ulceroso uteri statu scaturiunt mensium
~~επαξιατ~~, abortus, sterilitas, hectica, mors.
Uteri ulcera interdum ad rectum, interdum
ad vesicam penetrant.

Fetus mortui, secundarum violenta extrac-
tio, puerperium infelix, frequentissimam ulce-
ris uterini causam constituunt. Facile fiunt
fistulosa.

Uteri scirrum pluries indicunt varices extra
gravitatem. Si inflammatio in scirrum abit,

quod in externa parte facile, in cancrum, insanabile malum, migrat libenter, maxime ubi menses per ætatem cessant. Uteri cancro affectis faciei color à naturali non recedit, sed genas perpetuo roseas habent; facile uteri profluvio cruento vel hectica extinguntur.

Furor uterinus optimum juvamen solamenque habet in cohabitione strenua & fœcunda.

Uteri hæmorrhagia est maxime periculosa in cacochymicis, scorbuticis, venereis, visceribus obstructis, parturientibus, abortientibus, funiculo abrupto, secundis vi evulsis, æque ex parte tenaciter remanentibus, ex molis, &c. Hæmorrhagia uteri post partum securior est quàm post abortum. Diuturnæ pertinacis causa quandoque est prolapsus uterinus junctus. Si rupta aut patefacta intus grandior vena est, crux profuse effluit, si minor, paulatim nec multus fertur, si crosa, paulatim & cum dolore manat. *Lomm.* Largæ polypos uteri facile relinquunt; qui sæpe quid maligni, cancroſi in recessu habent. Tympanites uteri viduas ut plurimum exercet, aliasque quæ ætate jam provectiores nuperant, item puerperas, hasque non nisi magno periculi metu.

Uteri hydropem quibusdam singulo mense, nullo vitæ incommodo, esse expurgatum confirmat. *Lommius.* In uteri ascite aquæ in gravidis potius ac extra imprægnationem iter inveniunt. Uteri hydrope post conceptionem correptis fetus

inter aliquot menses abortu ejicitur. Quandoque etiam cum gravidatione vera conjunctus est. Ovaria occupans hydrops vix cognoscitur, curatur nunquam; transit saepe in ascitem; ut plurimum steriles ac annosas obsidet.

Uteri prolapsio, inversio completa, (quod tamen rarius incidit) cui non mox lata auxilia, vix non semper funesta esse suevit. *Comm. lit. Nor.* Contra, uteri procidentia ex ligamentorum culpa, incompleta, vaginalis tunicæ relaxatio, recens & in junioribus eveniens, spem felicis promittit curationis, non item, si inveterata; pariter si in adultis, cacoehymicis; ubi scirrhous jamdum vel ulcerosus vel cancrosus uterus vel vagina. Vaginæ uteri tunicæ relaxatio, prolapsus, ultimis graviditatis mensibus aliquando plurimum sponte restringitur à fetus augmento in altum & latum. *Pechlin.* Singulare observatum est de uteri prolapsu cum ejusdem inversione extra puerperium per terrorem orto. *Heister.* Uteri prolapsi quin inversi exsectio non semper letalis est. *A. N. C.*

Sarcomata uteri propendentia pluries feliciter excinduntur, contra polypi. *Vater.*

Naturæ in sanandis vulneribus incredibilis est potentia, & fingi nil tam peregrinum potest, quod non aliquando, ipsa procurante, fuerit sanatum. *Pechlin.*

Vulnera cordis penetrantia , auricularum
ejus , majorum arteriarum vel venarum ; si tra-
chea abscissa ; vulnera cerebri ac cerebelli ad
medullam usque profunda ; partis tendineæ
diaphragmatis ; tuncorum majorum nervorum ;
medullæ spinalis penetrantia ; arteriæ vel venæ
ob situm inaccessa ; thoracis lata & ampla ;
magna pulmonis , hepatis , lienis , renum ; me-
senterii ad arterias & plexum nervosum ; stoma-
chi maxime ad pylorum , intestinorum ad nervos
& vasa majora ; uteri in gravidis ; pericardii ;
paris vagi & intercostalis ; vesicæ urinalis circa
arterias maiores ; vesiculæ felleæ , thoracici duc-
tus ; abscissio , ruptura œsophagi , &c. pro ab-
solute letalibus nec arte sanabilibus denuncia.
Pro ex accidenti vero letalibus edicto vulnera
τερέβησθαι terebra levanda ; vulnera arteriæ venæ-
ve majoris , viscerum , ad quæ manus Chirurgi
& remedia cum effectu sanationis pertingere
queunt ; ubi porro extravasata è cavo educi
possunt sine vitæ discrimine , alias mortem infe-
rentia , v. g. thoracis , abdominis , vesicæ uri-
nariæ , &c. vulnerationes quædam. *Bærh.* Acci-
denta hæc fluunt ex neglectis vel vulnerati vel
curantis vel adsistentis officiis , tandem indivi-
dui corporis pravitate. To utplurimum letale
nullitatem habet.

Temporis longior aut brevior decursus à vul-
neratione ad mortem usque pro determinanda
letalitate nil quidquam facit. Tutissimum vulnus
est quod rectum , quod in carne , discissum , non

collisum. Malum, ex quo quid exscissum, aut alia parte abscissum, alia dependet; rotundum pessimum. *Lomm.* Vulnus citissime sanescit vere, tardius æstate atque hieme, tardissime autumno. Gravis febris, dolor acerbior, convulsio, singultus, mens turbata, paralytodes, vomitus, dejectiones cum inquiete, sudores frigidi, mala.

Nimis inrumescere vulnus, periculosem; nil intumescere periculosissimum. *Cels.* Febris perniciosa est, quæ vel levi vulneri supervenit, vel ultra tempus inflammationis durat, vel delirium movet, vel si nervorum rigorem aut distensionem, quæ ex vulnera orta est, ea non finit. Ex statu vulneris judicatur febrem esse letalem, si nempe istud valde est exsiccatum, partes flacent, color est lividus. In vulneratis fibrarum muscularium leviculæ palpitationes cum spasmo sæpe confunduntur. *Pechl.* Alvus compressa vulneratis nocet.

Cruor ex vulnera fertur vel jam sanescere vel crudo; optimus idem, si non tenax, sed modice crassus, calidus, rubens.

Si homini qui gravi sanguinis profusione exhaustus & diu quasi intermortuus jacuit, intra 24 horas calor & pulsus redit, ei salus contingere potest. Qui ex vulnera subinde rigentes sanguinem profundunt, ii maligne habent, ac inter loquendum derepente moriuntur. *Hipp.* Ædema si vulneribus accedit, pus prohibetur. *Platner.* In

vulneribus nuper illatis ubi quædam partes resolvuntur, aut procul abesse exitium edicas.

Pus in vulnere bonum est, si crassum, albidum, læve, æquale & modo vulneris & temporis conveniens, nilque olet; malum, quod tenue, serosum, magisque si ab initio pallidum, lividum, fœtidum.

Meliceria improbatur multa ac præcraffa, & contra. Si in vulnere paucus & tenuis humor, ariditas, malus color, simul febris ingravescit cum vigilia, cephalalgia, deliriis, sermonibus, alvus si est sine causa crebra & liquida, urina cruda & frequens, pus resorptum significatur; ex quo vel cito mors vel lenta tabesica.

Plus inest periculi plagiis minoribus quam grandioribus si in cavitatem eant. Omnis in sanandis glutinandisque vulneribus opera inanis est, quamdiu abditur intus peregrinum irritans.

Capitis vulnera mira sunt, nunquam tuta, & in nullo alio genere vulnerum signa futuræ salutis vel mortis adeo incerta ac in iis, quæ in capite sunt. Is, ubi omnis spes tollitur, conservatur, & contra alter perit, qui ab omni periculo abesse videtur. *Plaut.* Vide vulnera cerebri cum deperditione substantiæ larga, non letalia. Plagæ quæ occipiti inferuntur, quidem periculosiores sunt, haut tamen semper ex iis mors sequitur; & cerebelli corticis particula notabilis ablata, su-

perstite ægro, notatur. *Platnero.* In vulneribus capitis pessima convulsio, $\alpha\phi\omega\nu\alpha$, stupor, cranii nigrities, lingua pustulis nigris obsita, (*Bohn. de renunc. vuln.*) dysenteria, diarrhoea, urina subjugalis, inquinamentum venereum. Vulneratis quoad cerebrum, $\epsilon\gamma\kappa\epsilon\phi\alpha\lambda\sigma\tau$, nervos, maxime pestifera est venus. *Hildan.* Et nuperrime bene consolidata capitis vulnera consequuntur gravia saepius numero pathemata, quin mors ipsa, affectibus animi excitatis. *Hildan.* Mala indicia quæ protinus capitis vulnera insequuntur, à cerebri commotione fiunt; quæ brevi spatio interposito eveniunt, ab extravasatis sunt. Ubi vehementius concutitur & commovetur $\epsilon\gamma\kappa\epsilon\phi\alpha\lambda\sigma\tau$, subita quandoque excipit mors, extus nullo praesente læsionis signo. Cerebro concusso succedunt vomitus biliosi, $\alpha\phi\omega\nu\alpha$, febris, sine sensu quasi dormiens jacet æger. Si concusso capite aurium sonitus intensus perstat, vel hæmorrhagia incidit vel parotides excitantur vel ad spinam ardore consequente, expectanda diarrhoea vel in fæminis menstrua. Capitis vulneribus, læsionibus facile superveniunt epatis abscessus. *Ballon.*

Capitis vulnera periculosa magis sunt in plenilunio quam in novilunio. *Bagl.* Quibus tempora vulnerantur, secantur; quod semper periculosum, iis ex adversa parte convulsio fit. Oculi vulnera ob vicinum cerebrum tuta non sunt. Palpebrarum vulnera, collisa maxime, non secura habe; post aliquot horas letale me-

minit. *Bonnet. sep. anat.* Superciliorum, cæcitatem interdum adferunt. Melius est, si nervus, tendo, arteria tota præcisa, quàm aliqua parte. Nervorum vulnera sunt periculosissima: Punctura tamen periculosior sectione. Tendinum vulnera non adeo sunt periculosa. Risus in nervorum vulneribus periculosus. Convulsio ut plurimum signum in his letale. Nervo recurrente dissesto vuinere, homo quidem verba ore explicare valet, ast subsurda & suppressa voce. Nervus major præcisus membrum motu sensuque priyat, idque vel gangræna vel ~~ατροφία~~ periclitatur, vel relicta summa debilitate. *Platn.* Vulnus ex morsu hominis ira æstuosi æque aliquando virulentem est ac viperæ. *Hildan.* Quod quoque interdum sine noxa. (Evolve locos de hydrophobia Cap. de Angina comprehensos.) Vulnera, ulcera, aliæ læsiones genuum periculosæ, dubiæ, difficiles sunt.

Glandularum vulnera magnam habent inflammationem ac dolorem, facileque in ulcus abeunt. Articulorum vulnera magnam habent inflammationem, dolorem & ob ~~μελικηράν~~ rebellia sunt; pessima, quæ ligamentum capsulare penetrarunt. Diu dum ~~μελικηράν~~ fertur, ulcus fit antiquum, callus inducitur, unde fistula. Ubi articuli vulnus sanari potuit, plerumque tamen manet ~~αγχυλωσίς~~ partis, aridura. *Platn.* Periculum ea imprimis habent abdominis vulnera, quæ albam penetrant lineam. Ex vulnera in suprema ventriculi parte servant

quandoque possunt exemplo cultrivorum⁹, contra si icta fuit ima & ad pylorum, nulla spes manet, aut si duo tergora vulnerata sunt. *Platn.* Intestinorum vulnera etiam yehem nittiora curationem recipiunt quandoque, præcipue si ad peritonæum commode glutinantur; docet inter alia hernia incarcerata, suppurata, sphacelata, vita superstite. Intestinorum, ventriculi aliorumque receptaculorum vulnera si sanescunt, non ita glutinantur atque alia vulnera. Namque nec oræ ita agglutinantur, ut se contingent & inter se coeant, neque vulnera superincrecente carne implentur, sed pars vulnerata jungitur aliis quæ prope sunt, cum quibus media cicatrice concrescit. *Ac. Reg. Sc. Paris.* *Platn.* Facilius sanescit crassum, quam tenuer.

Nonnunquam homines à natura servati sunt, quibus totum intestinum discissum fuit. *Trans. Anglic. Vater.* Omne vulnus quod in pectus penetravit timendum, maxime sclopetarium, magnum & altum, ni enim cruoris profusio vel inflammatio necet, tabes strangulat succedens. Ubi pulmones exspirant, quandoque sine læsione illorum accidere possunt. Sanabiliora sunt quæ infimo pectori supra diaphragma illata sunt, quam quæ in elatiore. Si telum per utrumque pectus perrupit, valis majoribus percussis, mors in propinquuo est. *Platn.* Turundæ ex vulnere thoracis in civitatem delapsæ tussi, exemplo mirando, ejectæ

scribuntur ab *Hildano*. In pulmonum vulnere non semper ore sanguis tussiendo prorumpit.
Ballon.

Phthisis ex pulmone vulnerato facilis est, maxime si plagæ arctiores sint oræ vel vulnus properato occludatur. Cordis vulnera non profunda, aliquando aliquandiu trahuntur.
Bonet. Pechl.

Sclopetorum vulnera multum habent tumorem & *εκχυμωσιν*, eaque propter gangrænæ timor major est. Non raro in his post aliquot demum dies periculosissima oritur sanguinis fluxio, quod incuriosi teneant. Si post 4. d. ex improviso & sine causa nova ac ingens accedit inflammatio, vel quid in vulnera relictum est, vel nervus aut tendo lœsus.
Platner.

Τῷ Βασιλεῖ τῶν οἰωνῶν, ἀφΘαρτῷ, αορατῷ, μονῷ
Λορδῷ Θεῷ τίμῃ καὶ δόξᾳ εἰς τὰς οἰωνὰς
τῶν οἰωνῶν. Αμην.



P R A E C I P U A A U C T O R U M
*atque Scriptorum in hocce opusculo
 vocatorum nomina.*

ACad. Natur. Curios. Imperial.
 Acad. Reg. Sc. Londinensis.
 Acad. Reg. Sc. Parisina.
 Alpin. de præfag. vit. & mort. ægr.
 Aretæi Libri.
 Aurel. de morb. acut. & chron.

BAgl. opera.
 Ballon in Hipp.
 Barbett. Prax. c. not. Decker.
 Bartholin Scripta.
 Beniven. de abdit. & mirand. morb. & curat. causis.
 à Bergen Diff. acad.
 de Berger (Christ. Guil.) de præfag. ex algore in
 acut. Comm. med.
 Bœrh. aph. de cog. & cur. morb. atque Prax. med.
 Brendel (J. Gotfr.) Diff. acad.
 à Brunn al. Brunner. (Jo. Conr.) Scripta.
 Buchner. (Andr. El.) Diff. acad.
 Burggray. de aëre, aqua & loc. Francof.

CAmerarior. Disp. Acad. (Eliæ) Systema cautel.
 med.
 Carl. historia Medicinæ.
 Cels. Lib. de Medicina.
 Comm. lit. Norimb.
 Craton. Consil. & apist.

DE Thardingior. Diff. academ.
Dodon. med. obs. & adnot. in Bieniv.
Drawiz Bericht vom Scharbock.
Duret. in Hipp.

ELler Med. und Chir. Anmerck.
Ettmull. opéra.
Eugal de Scorb.

FErnel. opera.
Forest. observ.

GAlen. opera.

de **H**aller scripta.
Harris de morb. infant. & de lue venerea.
Hamilt. de febre miliari.
Heister Inst. chir., Compend. med. pract., Diff.
academ.
Heurn. in aph. Hipp.
Hildan. obs. & curat.
Hippocrat. Opera.
Hoffmann. (Frid.) Opera.
Holler. de morb. intern.

JUnck. Consp. Therap. Spec. & Diff. acad.
Jungk. Piax. med.

KRamer. med. castr. & de Scorb.

LEntil. scripta.
Lomm. obs. medicinal.
Lusitan. (Zacut. & Amat.) obs.

MAuchart. Diff. acad.
Meibom. (Henr.) de abscessu int. nat. & const.
Morton. de febb. & phthisiolog.
Musgr. de arthrit.

NEbelior. Diff. acad.

PEchlin. obs. phys. med.
Piso de morb. à serof. colluv.
Plater. Prax. & obs.
Platn. Inst. chir. rat. Diff. & Progr. acad.

REga de Sympath. part. C. H.
Rhod. obſerv.
River. opera.
Ruyſch. scripta.

SAlzmann. (Joh.) Diff. acad.
Schelhamm. ογκος αγκα parva.
Schulze (Jo. Henr.) scripta.
Segner (Jo. Andr.) Diff. Göttert. de morb. ex interc.
hæmorrh potiss. rariorib.
Sennert. Prax. med.
Stahl. (Ernest.) scripta.
Sydenham. opera.

TUlp. obs.

VAteror. Disp. & Progr. acad.

WAldschmid. Prax. med.
Wedelior. scripta.
Werlh. scripta.
Willis. opera.
Wratislav. hist. morb.

Zwinger. Pædaj. med.

F I N I S.

